

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ
НИЗОМИЙ НОМИДАГИ ТОШКЕНТ ДАВЛАТ УНИВЕРСИТЕТИ

Ҳакимжон КАРИМОВ

**ИСТИҚЛОЛ ДАВРИ
АДАБИЁТИ**

Дарслик

“YANGI NASHR” нашриёти
Тошкент – 2010

83.3(5Ў)6

K25

*Отам МАВЛОН ўғли КАРИМнинг, онам ЁҚУБМИРЗА қизи
ҲАБИБАНИНГ порлоқ хотирасига бағишлайман.*

Муаллиф

Ўзбекистон Республикаси Олий ва ўрта маҳсус таълим вазирлигининг 2010 йил 17 июнданги 234-сонли буйругига асосан ушбу китоб магистратуранинг ўзбек адабиёти мутахассислиги (5 А 141102) талабалари учун дарслик сифатида нашр этишга руҳсат этилган.

Такризчилар:

Бахтиёр Назаров -- академик, филология фанлари доктори, профессор.
Қозоқбай Йўлдошев – педагогика фанлари докто-ри, профессор;
Нурбой Жабборов филология фанлари доктори, профессор;
Мамасоли Жумабоев – филология фанлари номзоди, ТДПУ профессори.

Каримов, Ҳакимжон.

Истиклол – бахтим, саодатим...: дарслик / Ҳ. Каримов; ЎзР олий ва ўрта маҳсус таълим вазирлиги, Низомий номидаги Тошк. давлат педагогика ун-ти. – Т.: Yangi nashr, 2010. – 364 б.

ББК 83.3(5Ў)6

Филология фанлари доктори, Низомий номидаги Тошкент давлат педагогика университетининг профессори Ҳакимжон Каримовининг ушбу дарслиги “Истиклол даври адабиёти” курси учун тузилган намунавий дастур асосида ёзилган. Унда истиклол даврида юзага келган шеърият, хикоя, кисса, роман ва драмалар, улар замирида ётган масала, муаммолар: истиклол моҳияти, миллӣ гоя ва миллӣ мағкура, модерн йўналишидаги лирика ва достонларнинг ўзига хос хусусиятлари, шунингдек, миллӣлик ифодаси, миллӣ характер, фожийлик моҳияти, инсон табиати, маънавияти, руҳияти, янги тамойиллар, тарих ҳамда тарихий шахсларга муносабат юзасидан тадқиқ қилинган ва модерн руҳидаги насрый асарларнинг ўзига хослиги очиб берилган.

Дарслик олий ўқув юртларининг филолог талабалари – бакалавр, магистрлари, адабиёт ўқитувчилари ва адабиёт масалалари билан қизинкувчилар учун мўлжалланган.

ISBN-978-9943-330-66-5

© Ҳакимжон Каримов

© “YANGI NASHR” нашриёти, 2010 йил

Кириш

Ҳаёт ва жамиятдаги барча ўзгаришларнинг асоси инсон тафаккуридири. Тафаккурда ўзгариш бўлмас экан, ижтимоий ҳаётда ҳам ўзгариш бўлиши душвор. Истиқлол даврининг юзага келиши ҳам шунинг маҳсулни. Маълумки, ўз навбатида ҳар бир жамият ўз муаммосини юзага келтиради, шунга мувофиқ инсониятнинг ҳаётга қарааш тарзини ҳам ўзгартиради. Бу руҳият билан боғлиқ масаладир. 70 йил давомида маънавият, миллий ахлоқ асоси бўлган динидан, ўтмишда ўзини ким бўлганлигини намоён қилиш қудратига эга бўлган тарихи, миллий қадриятларидан маҳрум бўлган халқ истиқлолдан кейин бунга мұяссар бўлгач, унда ўзидан, ўз миллатидан ғуурланиш түйгуси юзага келди. Чунки у руҳсизликдан кутулди, руҳи озод, хур бўлди. Руҳи хур одамнинг юраги ботир бўлади. У ҳамма нарсани ёрқин кўради, моҳиятини тўғри англайди. Бу борада Президентимиз И. А. Каримов шундай дейди: “Одамларда ўзлигини англаш, миллий ғуур, орият, ўтмишдан фахрланиш, порлоқ келажакни ўз қўлимизга олганимиздан ғуурланиш каби туйгулар камол топяпти, уларнинг бугунги ва эртанги кунига ишончи ортиб боряпти”¹. Бу фикр бугунги кун адабиётiga ҳам тегишлидир.

Маълумки, ҳаётда, жамиятда рўй берган ўзгариш, албатта, адабиётда ўз аксини топади. Бу нарса, айниқса, шеъриятда ёрқинроқ ифодаланади. Бугунги шеърият кечаги шеъриятдан тубдан фарқ қиласди. Кечаги шеърият кўпроқ ижтимоийлашган, воқеалар замирида кўпроқ ҳаёт зиддиятларини кўрсатган бўлса, бугунги шеърият эса ўз нигоҳини инсоннинг ботиний дунёсига қаратди, унинг руҳий оламини, туйгуларини очиб бериш борасида кишини ўзини ўзинга танитди. Бунда у ўзига хос яратилган поэтик образлардан, рамзий кўчимлардан фойдаланди, уларга алоҳида эътибор берди. Бунинг асосий сабаби инсон руҳининг мураккаб табиатини теран ва тўлароқ очиш, шунингдек, таъсирлироқ ифодалаш билан белгиланади. Чунки бунга бугунда ҳар қачонгидан ҳам кўра эҳтиёж сезиляпти.

¹ Каримов И. А. Биздан озод ва обод ватан колсии. –Т.: Ўзбекистон, 1996. 226-б.

Ҳаёт ҳақиқатидан маълумки, шоирнинг фалсафий тафаккури, ҳаётий мушоҳадаси лирик қаҳрамон, поэтик образлар, рамзлар воситасида берилса, давр руҳининг, ҳалқнинг орзуистакларининг, инсон кечинмаларининг таъсирчан ва юқимли бўлишига имкон яратилади. Бугунги шеъриятда шундай қилингапти. Шунингдек, бугунги шеъриятда азалий анъаналарга бўйсунмайдиган янги йўналиш, янгича усул юзага келди. Бу модерн шеъриятидир. Ушбу дарсликда шу билдирилган фикрлар истиқлолдан кейин яратилган шеърлар таҳлилида асосла-нади.

Ҳаётдаги, инсоният руҳиятидаги ўзгаришларни бугунги ўзбек насли қаҳрамонлари фаолиятида бадиий акс эттириши ни ўз олдига вазифа қилиб қўйган ва ёритяпти. Шунингдек, у имон ва эътиқод, ахлок, маънавиятга, миллийликка катта эътибор беряпти.

Бугунги кун адабиёти кечаги адабиётдан бир қанча хусусияти билан фарқ қиласи. Яъни одамнинг қалб изтироблари, қувончларининг бетакрор таҳлили ва руҳиятининг турфа қўринишлари инкишофи ҳамда воқеа-ҳодисалар тасвирининг батафсиллиги, уларнинг ҳар бири мақсад сари йўналтирилганлиги, қаҳрамонларнинг ўта миллий ва индивидуаллашганлиги, бозор иқтисодининг моҳиятини очиб бериси илиа ўзига хосликка эга. Агар умумлаштириб айтсан, воқеа-ҳодисадан кўра, инсоннинг, унинг қалби таҳлили биринчи ўринга чиққанлиги билан ажралиб туради.

Инсониятнинг ўзи ҳали тўла маънода мукаммал эмас. Шундан комил инсонни юзага келтириш санъат ва адабиётнинг азалий мавзусидир. Бугунги драматургияда ҳам шу мавзу етакчилик қилияпти.

Мазкур дарсликка ушбу билдирилган фикрлар истиқлолдан кейин юзага келган лирика, достон, ҳикоя, қисса, роман, драма, комедиялар таҳлилида очиб берилган ва аниқ мисолларда асосланган. У олти боб, қатор қисмлардан иборат. Ҳар қисм бугунги адабиётнинг долзарб назарий масалаларига бағишиланган ва аниқ асарлар мисолида назарий ҳамда эстетик йўналишдаги таҳлилда инкишоф қилинган.

I БОБ. ИСТИҚЛОЛ ДАВРИ ШЕЪРИЯТИ

1.1. Истиқлол моҳияти акс этган шеърият

Режа:

1. Бугунги шеърият ўзгаришида роль ўйнаган омиллар.
2. Адабий жараёнга муносабат.
3. Бугунги кун шеъриятининг ўзига хос хусусияти.
4. Шеъриятда фалсафий ғоя ифодаси.

Адабиёт:

У. Норматов. Тафаккур ёғдуси. – Т., 2005.

Ш. Турдимов. Лирик кечинма ва образлилик. Ўзбек тили ва адабиёти, 2000 йил, 5 – 6-сонлар.

Н. Шаропова. Ҳозирги ўзбек шеъриятида жанрий изланишлар тамойили. Ўзбек тили ва адабиёти, 1996 йил, 5-сон.

У. Ҳамдамов. Бадиий тафаккур тадрижи. – Т.: Янги аср авлоди, 2002.

Истиқлол туфайли маънавий қадриятларга, маданиятга, жумладан, сўз санъатига нисбатан муносабат тубдан ўзгарди. Янги давр нафақат адабиётимиз тарихига, балки замонавий адабий-бадиий жараёнга ҳам янгича гоявий-эстетик мезон билан ёндашишни тақозо қилди.

Ҳозирги ўзбек шеъриятининг маънавий миқёси, бадиий салоҳияти сезиларли даражада ўсади. Шу маънода ҳозирги ўзбек адабиётида лирика алоҳида ўринга эга. Унда замондошимиз қалбида кечаётган ҳис-туйгуларни акс эттириш баробарида, шеърият жамиятимизнинг ҳар бир аъзосида мустақилликка шукроналик, порлоқ келажакка бўлган ишончни мустаҳкамлашга хизмат қилмоқда.

Бугунги кун шеъриятининг табиати ва унинг замиридаги фалсафий гояни очиб бериш, унинг етакчи гоявий-бадиий тамойилларини аниқлаш ўзбек шеъриятининг истиқболдаги тараққиётини ҳам олдиндан белгилашга имкон беради.

Маълумки, ижтимоий ҳаётда кечәётган эврилишлар биринчи навбатда лирикада акс-садо беради. Бу нарса унинг тамойилларини ҳам белгилайди. Бугунги шеъриятда тўрт тамойил етакчилик қиласди. Биринчи навбатда, Ўзбекистоннинг мустақил давлат мақомига эга бўлиши билан миллий уйгониш гоялари балқиб турган шеърларга алоҳида эътибор бериш лозим. Бу ҳолни барча шоирларнинг ижодида кузатиш мумкин. Лекин масаланинг моҳиятини англатишда устоз шоирлар етакчиидир.

Бўлиб ўтган, эришилган воқеа-ҳодисани қофияли тилда қайд қилиш бу ҳали шеърият эмас, унинг моҳиятини чукур фалсафий мушоҳадалилик билан инкишоф қилиш шеъриятдир. Самарқанднинг машҳур қозиси Абу Тоҳир Умар Ҳайёмга: “Айт-чи, сен одамлар таърифлагандек даҳриймисан?” – деганда, у шундай жавоб берган: “Мен Аллоҳ томонидан инсонга ато қилинган соғлом фикрни таъқиб қилувчи тақводорлардан эмасман. Улар дин ва иймонни фақат яратганга ибодат қилиш деб тушунадилар. Мен яратганга қандай иймон келтираман, биласизми? Масалан, мен атиргулга ёки юлдузларга қараб завқланаман. Ягона Аллоҳнинг яратувчанилигига мафтун бўламан, у бунёд қилган дунёнинг мукаммаллигидан, унинг энг гўзал муждаси – одамлардан, уларнинг билимга чанқоқ мияси борлигидан, муҳаббатга чанқоқ қалблари, интилувчан ёки қанотли хиссиётлари борлигидан завқланиб, яратганга иймон келтираман”¹. Бу ибодатнинг моҳиятидир. Мустақилликнинг ҳам мана шундай моҳияти очилганда, маълум мақсадга эришилади, яъни шуурида уни англаш хисси, қалбида эса ғуурланиш туйгуси туғилади. Оқибатда ботинида мустақилликни абадий саклаб қолиш каби инсоний бурч масъулияти уйғонади. Унинг самараси эса каттадир. Ўзбекистон қаҳрамони Эркин Воҳидовнинг шеърлари ана шундай қудратга эга. Шоир бугунги кунда ўзбек ҳалқига берган имкониятини тарихий ҳақиқатнинг изтиробли тасвиридан бошлайди. Бунда сўзмоналик қилмайди, тарихнинг умумлашган манзарасини чизмайди. Ўзининг кечаги кунда ким бўлганини ва қандай ҳолатда яшаганини лўнда ва аниқ баён қиласди. “Ватан умиди” шеърида шундай ёзади:

¹ Амин Маалиф. Самарқанд. Роман. Жаҳон адабиёти. 2003 йил, 6-сон, 11-бет.

Гарчи исмим Эркин,
эрки йўқ, банди кишан бўлдим,
Кўзим боғлиқ, дилим доғлиқ,
Тилим йўқ, бесухан бўлдим.

Буни ўқиган киши кўз олдига халқнинг кечаги кунини келтираср экан, истиқлолнинг берган имкониятидан шукур қиласди. Нима учун шоир ўзининг аҳволини баён қилса-да, киши бутун халқининг исканжা ҳаётини кўз олдига қелтиради? Чунки шоир ҳақиқатни тасвирлайпти. Ҳақиқатда эса ҳамиша тарих ва умумлашма мужассамдир. Кейинги мисрада тасвир янада аниқлик тус олади ва изтироб туйғуси кучаяди:

Кўриб ҳайратга тушди
Бу жаҳон ҳоли паришоним,
Бамисли анкубут сўрган –
Чибин, пажмурда тан бўлдим.

Шоир оҳисталик билан ортиқча ҳиссиётларсиз кечаги кун ҳаёт саҳифаларини варақлай бошлайди. “Муаззам Сайхуну, Жайхун лабида ташна лаб қолдим. Кийинтиридим жаҳонни жисми урён, бекафган бўлдим”, – деб кечаги кун қай тарзда эканлигини ўқинчли ёритади. Бир чимдим ўтмиш тарихига тўхтаб, эрксизлик, хуқуқизлик фожиасига ургу беради:

Чекибдур Бобур Фурқат
Ватан ҳажрида афғонлар,
Мен эрсам, вах, не гурбатким,
Ватанда беватан бўлдим.

Кўриб ўтганимиздек, эрксиз киши, халқ қанчалик афгор бўлишини инкор қилиб бўлмайдиган ҳақиқат билан асослагач, мустақиллиқдан мамнун, шукронлигини қуидагича изҳор қиласди:

Шукрким, келди истиқлол,
Умидим рост қил, Оллоҳким,
Ки шояд беқафас булбул
Каби соҳиб чаман бўлдим.

Шеърни ўқиган ҳар бир киши мустақилликни қадрлашга, унинг абадийлигини таъминлашга интилади, чунки у истиқлол ўзига ва халқига нима берганлигини, яъни моҳиятини англайди.

“Ўзбекистон боғларига қайтиб келди булбуллар” шеъри “Ватан умиди” шеърининг мантиқий давомидир. Унда ҳам истиқлол куйланади. Шеърда аксар шоирлар каби истиқлолга куруқ маҳду санолар айтмайди, унда моҳият очилади. Шоир шеърни тўгри моҳиятдан бошлайди.

Бугун саҳар булбулларнинг чаҳ-чаҳидан уйғондим.

Шоҳимардон тогларида бир яйрадим, кувондим.

Бир-бирига навбат бермай кўшиқ айтди булбуллар,
Шукур бўлсин, боғларимга яна қайтди булбуллар.

Шоир неча замонлардан бери ўлкаси булбуллардан айру ҳоллигини ёзар экан, кейинги мисраларда унинг сабабини очиб беради.

Томигача пахта эккан элда нетар булбуллар,
Осмонидан заҳар ёқкан юртда нетар булбуллар!
Чаманзорлар шудгор бўлса, булбул қандоқ яйрасин,
Эрк қушчаси эрк йўқ жойда қандоқ қилиб сайрасин, –

дейди куйиниб.

Булбул тимсолида истиқлол амалга ошганини чиройли ифодалайди:

Мана бу кун боғларимга қайтиб келди булбуллар,
Хур Ватанга ҳур кўшиқ айтиб келди булбуллар.

Бу ерда булбул образи ўз табиий маъносидан ташқари, рамзий маънога ҳам эга. Мазкур шеърда булбул – истиқлол, эзгулик, гўзаллиқдир. Демак, истиқлол юртга эркинлик, эзгулик, гўзаллик олиб келди. Шундан шоир:

Мен ҳам энди қаламимни шеърлар учун чархлайнин,
Бу сехрли таронани газалларда шархлайнин... –

дайди. Ва булбулнинг завққа тўлиб сайрашини (демак, истиқ-лолнинг мустаҳкам бўлишини истайди. Чунки мустаҳкам оёққа турган одамнинг қулочи кенг, парвози юксак бўлади), унинг юртига қайтмас бўлиб келганлигини чин бўлишини орзу қиласди:

Чаманзорда шўх сайрасин, завққа тўлсин булбуллар,
Қайтмас бўлиб ватанимга келган бўлсин булбуллар.

Улуғ истеъдоднинг воқеа-ҳодисани идрок этиши, моҳиятни бера билиши ҳам юксак бўлади. Абдулла Орипов – шундай ижодкор. У истиқлолдан кейин турли мавзуларда қатор шеърлар ёзди. Уларнинг аксариятининг замирида мустақиллик берган имкон, унинг қадрига этишга даъват жуда усталик билан сингдирилган. Маълумки, А. Орипов – файласуф шоир. Унинг ҳар мисраси файласуфона мушоҳада асосига қурилади. У ҳақиқатга асосланган эпик кўламда фикрлайди. Шундан ҳар бир шеърий мисраси доно отанинг насиҳатидек кишига тўгри йўл кўрсатади, ҳаётдаги ўрнини белгилайди.

Эмикдошим, ай, қардошим, қулоқ тут менга,
Ушбу кўхна, қаҳкашонда магрур тутган бош.
Сен заминга лойикдирсан, замин ҳам сенга,
Сеникидир энди бу ер, сеники қуёш.
Кўлингда эрк, бошда ялов, тилингда суруд,
Ватанинг бор, бола-боғчанг, ор-номусинг бор.
Ўзбекистон деб аталган муқаддас худуд,
Ўз Давлатинг, мамлакатинг, ўз Қомусинг бор.

(“Ўзбек қомуси”).

Кўриб турибмизки, бу ерда бир оғиз мустақиллик, истиқлол дес-ган сўз йўқ. Лекин бундай имкониятни истиқлол берганлигини, ундан олдин кишига гуур багишлайдиган, қаддини тик қиласдиган – шоир санаб ўтган нарсаларнинг бирортасига эга эмаслигимиз тагматиндан англашилади. Бундан кўринадики, истиқлолнинг моҳиятини англаш учун сўзга такрор-такрор мурожаат қилиш шарт эмас. “Туркистон болалариға” шеърини ўқир экансиз, киши бир фалсафий ҳақиқатга имон келтиради. Бу ҳам бўлса, катта истеъдодларнинг фикрлашлари-

да уйғунлик борлигини. Истиқлолдан аввалида ўзбек қандай қисматга дучорлиги ҳақида А. Орипов шундай ёзади:

Ўт кетсин у қора кунга – бирорларга қул бўлдингиз,
Шарқу Farbnинг ўртасида оёқ ости – йўл бўлдингиз.

Шунга ҳамоҳанг фикрни биз Эркин Воҳидов шеърларида ҳам учратамиз. Бу ерда социалистик дунё ҳақида, унинг халққа келтирган жафолари ҳақида ҳақ гапни айтишнинг ўзи ҳам мустақилликнинг шарофатидир. Маълумки, истиқлолдан олдин тузумнинг халқ бошига солган кулфатини эмас, уни олиб келган “баҳт”ини куйлаб, шоирлар ўзи ёзганидан ўzlари хижолатда эдилар. Истиқлолдан шукронга айтишда икки қаҳрамон шоирларда ҳамоҳанглик бор.

Минг-минг шукур, замон келиб истиқболга эришдингиз,
Хароб бўлган хонадонни бутламоққа киришдингиз.

Шундай бўлишига қарамай, улар бир-биридан кескин фарқ қиласди. А. Ориповда киноя оҳанги кучли. Масаланинг ҳар доим икки томонига қарайди. Қараганда ҳам, ҳақиқат кўзи билан боқади. Онгни эса моҳиятга йўналтиради. Шундан шеърлари доимо мулоҳаза юритишга даъват этади.

Туркистоннинг боғларида булбуллари бор, ҳолбуки,
Хор бўлса ҳам, тоғдай баланд кўнгиллари бор, ҳолбуки.

Агар мушоҳада қилинса, “Ҳолбуки” зиммасига юкланган шоир ғоясини англаш олиш қийин кечмайди.

Инсоний дард билан йўғрилган шеърият юқимли ва таъсирчан бўлади. Чунки инсоннинг қалби кулгидан эмас, дард ва изтиробдан покланади. А. Ориповнинг шеъри шундай. Шеърнинг қаҳрамони мен бўладими ёки учинчи шахсми, унинг дард ва армонлари ҳамиша умумийлик касб этади, яъни халқнинг дард ва армонларини ифодалайди. “Шароф Рашидов хотирасига” шеъри бунга яққол мисол бўлади. Сиртдан қараганда, шеър бир кишининг хотирасининг, яъни бошидан ўтганларининг қайдидек туюлади. Лекин онг мушоҳадага йўллантирилса, бу хотира заминида бутун халқнинг босиб ўтган йўли, дард ва фожиаси ўз мужассамини топганлиги англашилади. Шоир ёзади:

Ўйчан кўзингизда не ғам бор эди,
Келажакмиди ё мозийнинг шони?
Ўзбек-ку бир эркка интизор эди,
Сизни адо қилиди минг бир армони.
Эркесвар элларнинг орзусин ёқлаб,
Хаёл денгизида тунлар сузгансиз.
Истиқлол сўзини юракда сақлаб,
Сиз қафас ичида гуллар тузгансиз.

Ҳа, шоир айтгандек, социалистик дунё қафас ичидағи ҳаёт эди. Эркин сўзлаб, дилидагини эркин изҳор қилиб бўлмасди. Бу ерда “қафас ичида” ташбеҳи икки маънони англатади. Ижтимоий маънода социалистик тузум, фалсафий маънода фикр эрксизлигини ифодалайди. Яъни эрк, истиқлол ҳақида фикр айтиш, уни орзу қилиш дилдагина бўлиши мумкин. Дил эса фикр, сўз қафасидир. Истиқлол кишини ундан озод қилди. Шоир шу имкониятга куллук қиласар экан, бутун халқига куллукни назарда тутади. Чунки Шароф Рашидов халқининг отаси эди.

Куллук, Шароф ота, минг бора қуллук,
Боқий Ўзбекистон сизга ҳам ёдгор.
Бугун у истиқлол шавқига тўлик,
Хизматингиз эслар такрор ва такрор.
Бу бани ҳақиқатдир.

Рауф Парфи ўзига хос шоир. Унинг шеърларида реал воқеа-ходисалар эмас, туйгулар етакчилик қиласди. Бу туйгулар ёлғондан ҳоли. Рауф Парфи 60-йилнинг ўрталарида кечаги тузумнинг қандайлигини, унинг моҳиятини англаған ва истиқлолни орзугина қилмасдан, унга қаттиқ ишонган. Бундай ишончга тарих асос берган. Чунки тарихда мустақил бўлган давлат, албатта, мустақил бўлади, бўлиши муқаррар!

Сўнмас руҳимизда матонат асло,
Аждодлар шарафи абадий яшар.
Мукаррам зиёси, эй, Туркий Дунё,
Қўллагил, Аллоҳим, қўллагим Башар, –

деб аждодлар аъмолини ёдга солади. Куръонда “Бирор қавм ўз аҳволини (яхши томонга) ўзгартиргунча, Худо ҳам ўз неъматини ўзгартирмай беради” дейилади. Маълумки, аждодларимиз бу муқаддас оятга амал қилишиб, доимо ўз аҳволларини ўзгартиришга интилишган ва ўзгартиришган. Яхши аъмоллар ҳамиша эзгулик асосига курилади. Эзгулик замирида эса зиё нури ётади. Қадимда Туркистоннинг мукаррам зиёлиги – шундан.

Истиқлолга эришиш халқни истиқболга мусассар қилишдир. Яъни олдинги ҳаётидан руҳий эркин, фаровон ҳаётга эриширишдир. Бундай ҳаётга эса истиқлолсиз эришиш душвор. Шундан шоир истиқлолга чанқоқлик билан интилади ва бунга Аллоҳ ҳам чорлашини таъкидлайди. Чунки пайғамбаримиз ҳадисларида “Қашшоқлик куфрга яқиндир... Худодан қашшоқлик ва муҳтожликка тушмаслик учун паноҳ тиланг” дейилади. Истиқлол замирида эркин ҳаракат ҳам ётади. Эркин ҳаракатсиз эса киши ҳеч нарсага эриша олмайди. Шоирнинг истиқлолга ружу қўйиши, чорлаши шундан:

Ёлғиз Аллоҳимиз, чорлар Истиқлол,
Муборак сиймолар, ботирлар чорлар,
Ёлғиз паноҳимиз, чорлар истиқлол,
Жаҳонга, Инсонга муҳаббат порлар,
Ёлғиз Аллоҳимиз, чорлар Истиқлол.

Ҳаётий ҳодисалар моҳиятини ҳар бир ижодкор ҳар хил тушунади ва ифодалайди. Истиқлол нафақат ҳаётий, ижтимоий ҳодиса ҳам. Чунки қалби уйгоқ, фикри тиник, ўзлигини англаган, ҳаётдаги ўрнини билган шахслар фаолиятининг натижасидир. Қутлибека – шуларнинг бири. У истиқлолнинг самарасини одамлар қиёфасида кўради, яъни сифат ўзгаришида. Шоира “Мен сиздан” деб номлаган шеърида кечаги одамларга мурожаат қиласди. “Кул эдик” биз деса, маъқуллаб бош силкишади. “Озодмиз” деса ҳам, шундай қилишади. “Бунёдмиз”, “тахтлимиз”, “баҳтлимиз”, “жасорат”, “матонат”, “хиёнат” каби бир-бирига тескари сўзлар билан мурожаат қилса ҳам, бирдай жисмида ҳеч бир ўзгаришсиз, худи “темир одам”дай бош силкишади. Шоира бу ҳолдан лол қолганлигини шундай изҳор қиласди:

Истиқлол даври адабиёти кечаги адабиётдан ижодкор мазала моҳиятини, мақсадини, илгари сурмоқчи бўлган фикрини зоҳиран эмас, ботинан ёритиши билан ажраб туради. Улар сўзамонлик қилмайди, тамок йирттар даражада қичқирмай (социализмнинг энг оташин, жасоратли, шиддаткор шоирлари каби), сокинлик билан ниҳоятда самимий ҳолда ифодалашади. Хуршид Даврон “Сен умримнинг тонгисан” деган шеърида мустақил ватанин шундай куйлади:

Мен кўксингга бошим кўйдим:
Сен чекан ғам, ҳасратда куйдим,
Сўйдим сенинг Оқдарёғингни ҳам,
Ҳамда Қорадарёғингни сўйдим,
Эй, қалбимнинг онаси, Ватан!

Бу ерда Ватан сўзи мавхумлик кўриннишидан кўра конкретлашган, инсонийлашган. Сўздаги ифода шундай дейишга изин беради. Маълумки, ҳаётда онанинг кўксига, отанинг елкасига бош кўйилади. Демак, Ватан она қиёфасида келяпти. Биламизки, отадан кўра, она кўпроқ ғам чекади ва ҳасрат тортади. Шоирнинг Ватанинг ғамидан куйинганига киши ишонади. Чунки Ватанинг бошига кўп савдолар тушга-ни – бор ҳақиқат. Шеърда Оқдарё ва Қорадарё ифодаси ҳам ўз табиий маъносидан кўра, салмоқли фалсафий маънога эга. Шоир Оқдарё деганда Ватанинг ёруг, нурафшон кунларини назарда тутса, Қорадарёда эса бошига гушган қора кунларига ишора қиласи. Шоир Ватанин яхши- ёмонлик кунлари билан баробар севади. Чунки у – она. Ҳар қандай фарзанд онага бирдай азиз. Шоир учун Ватан шундай азиздир. Нимага шундайлигига кейинги мисралар кишини ишонтиради.

Усмон Азим Ватанинг бутун фазилатини, инсон ҳаётида ўйнаган, ўйнаяжак ролини ватан сўзининг ўзида, унинг ботинидаги мазмунда кўради. “Ватанингни ўстир...” шеърида ёзади:

Бир сўз бор – юксак түғ – ифтихоримда,
Тиригимда – номус, ўлганимда – шаън.
Бир сўз бор – жон унинг ихтиёрида,
Худодай улуғ бир сўз бордир – Ватан, –

Баъзида бошингни ушлагим келар,
Бўйнинг бўғизлаб ташлагим келар.
Қадоқ қўлларингта термулсам лекин,
Қаро кўзларингга термулсам лекин,
Ўзимни ҳаётга бошлагим келар... –

дейди.

Сўнг хулоса ясайди. “Мен Сиздан нима деб гина қилайин?”
Шоиранинг ватанга меҳри ниҳоятда улкан. Ватаннинг дарди ўзининг дардидай, унинг шикастлигини ўзининг жароҳати каби оғриқ ҳис қиласи. Ватан бут бўлса, миллат бут бўлади деб тўғри фикрлайди. Иккала тушунча бир-бирига чамбарчас боғлиқ. Миллатнинг бутунлиги ватаннинг ҳам бутунлигидир. Аслида, миллат бут бўлмаса, ватан ҳам бут бўлмайди. Шоира ёзади:

Мен учун “у томон” ҳам “бу томон” йўқ,
Ватан ҳам бутундир, бутундир миллат.
Жоногир жойимга санчиб турар ўқ,
Ундаги ҳар яра, жароҳат, иллат.

Шоира ҳамма нарсанинг бутунлиги, яъни мукаммал бўлишини истайди. Чунки мукаммаликда ҳамма эзгу омиллар мұжассамдир:

Итин ҳам бирорвага хўрлатгим келмас,
Ажратиб севмайман “йириқ, майдага”, –

дейди. Миллатни бўлакларга бўлиш бир-бирига ёвлаштиради. Ёвлашган миллатнинг таназзулга учраши муқаррар-дир. Тарихда бунга мисоллар кўп. Энг, ҳали оҳори тўқилмаган мисол социалистик тузумнинг таназзулидир. Кутлибека буни жуда ёрқин ифодалайди, биз юқорида таҳлил торган “Ватан ҳам бутун, бутундир миллат” деган шеърида. Шоира ёзади:

Ўнг кўзни чап кўзга ёвлатиб хатлаш –
Кеча дор, сургунлар тукқан бу усул.
Миллатни бир этмоқ – доим баландлаш,
Ажратиб юрмоқлик – доим таназзул.

деб, уни тангирига менгазайди. Чунки Ватани бор одамнинг таянчи бўлади, қудрати бўлади. Шундан уни қадрлашга даъват этар экан, сўз қудрати ила ватан туйгусини экади:

Ўстир Ватанингни боғ каби туйғун,
Ишонгин-у уни шу азиз ерга –
Хушёр бўл, беэга қолдирма бир зум –
Фарзандингдан бошқа ҳеч кимга берма.

Мумтоз адабиётда кўплаб қасидалар ёзилгани билан, ҳақиқий қасида сифатида Саккокийнинг Улуғбекка бағишилаб ёзган қасидасигина тан олинади ва ўзбек қасидачилигининг асосчилардан ҳисобланади. Бунинг сабаби воқеликка ва Улуғбекнинг инсоний фазилатларига тўғри ёндашганлиги ҳамда ҳақиқий эканлигига нисбат берганлигидир. Бугуни ги адабиёт худ-ди шу фазилатга эга. Бу ҳол барча масалага бағишиланган шеърларда кўринади. Айниқса, ватан мавзусида ги шеърларда ёрқинроқ бўлади. Сирожиддин Сайид ўзининг “Бағишлов” шеърида ёзди:

Куёшу ой кеча-кундуз
Азал посбони бўлган юрт,
Гўзал Чўлпонларию ҳам
Гўзал осмони бўлган юрт,
Сен, эй, шаъни баланду ҳам
Баланд айвони бўлган юрт,
Тикилсам гар, севингчдандир,
Кўзимдан кетмагай намлар.

Таърифнинг айни ҳақиқат эканлигига, шоир туйгуларининг самимилигига ҳеч қандай шубҳа йўқ.

Шайхзода ўзининг “Тошкентнома” достонида

Шаҳарлар боқийдир, умр ўткинчи,
Дарёлар событдир, сувлар кўчкинчи

каби пурҳикмат, афоризмга айланиб кетган, фалсафий ҳақиқатни ифодалаган эди. Сирожиддин Сайид ҳам Ватанинни бўстон деб тўғри ташбех ишлатади. Чунки ҳар комил инсон “ўзликни жамлаб”, Ватан биносига бир гишт (F. Ғулом) кўяди. Демак, янгиланишига, яшнашига ҳисса қўшади. Шун-

дай бўлгач, Ватаннинг мангулиги табиийдир. Шоир “Ватан, сен мангу бўстонсан, баётим – шабнамлар. Саломат бўл, чекан жабру ғаму оғриқларинг еткай”, – дея юртига эзгу тилак билдиради.

Текшириш учун саволлар:

1. Ижтимоий ҳаётда кечётган эврилишлар биринчи нимада аксадо беради?
2. Мустақилликнинг моҳияти нима?
3. Шоир ўз аҳволида нимани акс эттиради?
4. Булбул образи ниманинг ифодаси?
5. А. Орипов, Э. Воҳидов қандай ижодкор?
6. Оқдарё, Қорадарё дейилганда нима назарда тутилади?
7. Шоирлар Ватани нималарга менгазди?

Таянч тушунчалар

Методология – муайян ҳодисаларни ўрганишининг энг мақбул ва кўпчилик мақбул кўрган ҳамда кўпчилик тадқиқотчилар томонидан тан олинган етакчи тамоилилар тизими.

Маънавият – миллатнинг асрлар давомида шаклланган, илдизлари унинг тарихий тажрибалари ва ижтимоий-маданий ривожланиши билан боғлиқ бўлган ички (ақлий) интеллектуал ва событ ҳиссий (эмоционал) дунёси; инсон қалбida, кўнгил кўзгусида акс этган ҳақиқат нури.

Моҳият – шеър замиридаги туб, энг муҳим маъно, ички мазмун, магиз.

Туйғу – ташки таъсирни сезиш, ҳис этиш, қабул қилиб олиш қобилияти; сезги; руҳий ёки жисмоний кечинмалар, ҳис-туйғулар мажмуи, ҳиссиёт.

1.2. Миллий ғоя ва миллий мафкура ифодаси

Режа:

1. Миллий ғоя ва миллий мафкура ҳақида тушунча.
2. Ватан равнақи, ҳалқ фаровонлигига, комил инсоннинг шаклланишида миллий ғоя ва миллий мафкуранинг роли.
3. Бугунги лирика хусусияти.
4. Лирика замирида ётган ғоялар.
5. Шеър сарлавҳаси ва мавзу уйғунлиги.

6. Э. Вохидов, А. Орипов шеърлари замирида ётган гоя.
7. Миллийлик билан сугорилган шеърларнинг аҳамияти.
8. О.Хожиева, Ҳ. Худойбердиева шеърларининг хусусияти.

Адабиёт:

И. А. Каримов. Ўзбекистон: миллий истиқлол, иқтисод, мафкура. 1-жилд. – Т.: Ўзбекистон, 1996.

И. А. Каримов. Янгича фикрлаш ва ишилаш – давр талаби. 5-жилд. – Т.: Ўзбекистон, 1996.

Миллий истиқлол гояси: асосий тушунча ва тамойиллар. – Т.: Ўзбекистон, 2000.

Улугбек Ҳамдамов. Бадиий тафаккур тадрижи. – Т.: Янги аср авлоди, 2002.

Оруэлл Д., Эссе, статьи, рецензии. 2 том. Пермь: Капик. 1992.

Хотам Умурев. Адабиёт назарияси. – Т.: Шарқ, 2002.

Ватан равнақи, халқ фаровонлигига, юрт тинчлиги, фикр онги эзгу мақсад сари йўналишида, комил инсоннинг шаклланишида миллий гоя ва миллий мафкуранинг роли катта. Уни одамлар қалби ва онгига сингдиришда бир қанча омиллар қаторида адабиёт алоҳида роль ўйнайди. Маълумки, миллий гоя ва миллий мафкура кенг тушунча ва таркибига маънавий, сиёсий, иқтисодий, диний масалаларни қамраб олади. Миллий гоя инсон ва жамият ҳаётига жуда катта маъно ва мазмун касб этадиган фалсафий фикр ҳамда дунёқараш олиб киради. Бу фикрлар инсонийлик билан йўғрилгани учун уни эзгу мақсадлар сари етаклаши табиий ҳолдир. Мафкура эса ана шу эзгу мақсадларни амалга ошириш гоясини ишлаб чиқади. Бироқ плюрализм тамойилига эга бўлган мафкурагина истиқболли ва ҳаётбахш бўлади. Чунки бундай мафкура эркин фикрга тўсқинлик қилмайди.

Маълумки, истеъоддли шоир илгари сурмоқчи бўлган гоясини шеър сарлавҳаси замирига сингдиради. Сарлавҳа эса мавзудан келиб чиқиб белгиланади. Номланишда ярим мазмун ўз ифодасини топса, мавзу билан уйгунликда эса ўз мантиқий асоси ва моҳиятига эга бўлади. Бу ҳол, айниқса, устоз шоирлар ижодида ёрқин ўз ифодасини топган.

Ҳаёт ҳақиқатидан маълумки, ҳар ким ўз қўлидан келган иш билан машғул бўлсагина, ўзига ҳам, ~~жончиятга, ҳам самара~~

беради. Бугунги кунда Президентимизнинг шиори ва қатъий талабларидан бири шудир. Яъни ҳар ким ўрнида вижданан ишласин ва ўз соҳасини ривожлантирсин. Бу фикрнинг замира ҳам миллий ғоя ётади. Чунки унга риоя қилинса, ватан тараққиёти жадаллашади. Эркин Воҳидовнинг “Бизга сўз тегди кеча” шеърининг замира ҳади шу фикр илгари сурилган. Бир киши минбарларда нутқ ирод этиб, олқишиларга кўмилганларга ҳавас қилиб, у ҳам бўшаган минбарга чиқиб сўз айтади. Лекин рост сўзини қабул қилишмайди. Натижада ўзгаларга мақтов баҳмали ёпишса, унга “...сарпойи сазо – қарғишили бўз” тегади. Шоир бу ҳодисадан шундай ҳисса чиқаради:

Яхшидир ҳар кимса гар
Ҳар ерда қилса ўз ишин,
Мисли деворзан ишига
Кавшдўз тегди кеча.

Кишига ҳаёт ва инсонийликнинг моҳиятини англатиш қалбига эзгулик уругини экиш демакдир. Кимнинг қалбида эзгулик уруғи кўкарап экан, ҳар бир аъмоли ҳалқи ва ватани равнақига йўналтирилган бўлади. Рухи шундай фазилат билан йўғрилган шахслар ҳаётда ўтишган ва ҳаётда мавжуд. Шундайларни хотирлаш, уларнинг фидойилигини ҳалққа етказиш истиклол қадрига етишга жуда катта дастуриламал-дир. Абдулла Ориповнинг “Темур” номли шеъри шундай қудратга эга. Шеърнинг ҳар сатрида нақшланган Темурнинг жасорати, чўнг ватанпарварлиги, эркесварлигини ўқиган китобхоннинг қалбида ўз аждодидан гуурланиш туйғуси юзага келади. Маълумки, бу туйғу мақсад сари парвозга ундейди, ўз-ўзидан қониқмаслик ҳиссини юзага келтиради. Шоир “...ёлғиз бир Занжир Саройнинг учини ўрдадан ола билган зот”га, яъни миллатнинг жўмард инсонига кечаги тузумнинг муносабатини (“Турон деб аталмиш каттакон жойининг Бағрига шунча сифмабди, наҳот?!”) кўрсатиши билан жамиятдаги адолатсизликни очиб беради. Кўп йиллардан бери Темурга нисбатан фотих сўзининг салбий оттенкаси, яъни забт этувчи мъяноси кўллаб келинган. Шоир унга аниқлик киритади:

Жаҳонни мўғиллар исканжасидан
Кутқариб қололган барлосий ботир

Қочолмай тақдирнинг тақозосидан,
Фотиҳ деб ном олмиш ўзи ҳам охир.

Буюклар халқнинг кўзини очади, даҳолар уларни бирлашириади. Сўзсиз, Темур ҳам шунга мансуб шахсdir. Шоир унинг бу хусусиятини усталик билан очади: “Ҳукми олий билан этмиш намоён “Куч – бу адолатда”, деган сўзларни”, яъни Соҳибқирон томонидан айтилган, бугунги кунда шиорга айланниб кетган пурҳикмат сўзларни мисралар замирига сингдириб юборади. Умуман, ҳар бир мисраси ижтимоий мазмун касб этадиган маъно ташийди:

Қон тўкмиш жаҳонгир гоҳо беомон,
Ёвларни тикмасдан қонли кўзларин.

Демак, душман бош кўтармасдан аввал уни даф қилиш керак. Амир Темур шундай қилган, у яхши самара берган. Халқни фалокатдан сақлаб қолган. Бу фикр бугунги кундаги халқлар ўртасида тугдирадиган, ёвуз ниятли гуруҳларга – бальзи бир диний уюшмаларга, террористларга нисбатан муносабатда амал қиласа фойдадан ҳоли бўлмайди. Чунки юртнинг тинчлиги сақланади. Шеър замиридаги ғоя шуниси билан аҳамиятлидир.

Миллийлик билан йўғрилган шеърларнинг аҳамияти шундаки, у юртга, ватанга, халқقا, одамларга нисбатан киши қалбида катта меҳр уйготади, халқнинг қадимги қадриятлари – урф-одат, удумлари, жўмард ва тантлилиги, меҳнаткашлиги нақадар фусункорлиги инкишоф бўлади, энг муҳими, гўзал инсоний туйгуларни тарбиялайди. Бу борада Ойдин Ҳожиева ва Ҳалима Худойбердиева шеърияти ажраб туради.

Зарангларда тўргайга
Айланган чанқовузим.
Кўксида кийик ухлар
Қишлоқдаги ҳовузим, –

деб ёзади Ойдин Ҳожиева ўзининг “Таваллуд таронаси” туркумига кирган шеърида. Соф миллийлик билан сугорилган ташбеҳлардан кишининг кўнгли яйраб кетади. Чанқовуз – соф миллий чолғу. Ниҳоятда ёқимли куй таратади. Ўз куйи

қадимда йигитлар қалбидә шијоаткорлик, жўмардлик куртагини ундирган бўлса, қизлар қалбидә сабр-тоқат, меҳршафқат, садоқат майсалари ўстирган. Шундан унинг куйига нисбат бериб, тўргайга менгзайди, заранг тўргай дейди.

Маълумки, кийик ниҳоятда хуркак, зийрак, чиройли ва по-киза ҳайвон ҳисобланади. Шундай фазилатга эга бўлган кийик қишлоқ ҳовузининг кўксидаги ухлайди. Бу ерда ҳовуз кўчма маънода. У – қишлоқ аёлларининг рамзи. Демак, қишлоқ ўзбек аёллари кийикдай хуркак, бегонадан бегонасирайди. Зийрак ва гўзал. Покизалиги икки бор таъкидланади. Биринчиси, кийикининг покизалигига қиёс қилинса, иккинчиси ҳовузга. Биламизки, сув – тоза, поклювчи табиат маҳсулни. Ҳовуз тоза тутилмаса, ифлосланади, ўз жозибаси, тароватини, кераклик хусусиятини йўқотади, хунуклашади. Шундай аёлларни уларга қиёс қилганда, катта фалсафий маъно ёғади.

Шеърининг кейинги мисраларида фақат ўзбекларга хос миллий хусусиятлар ўз ифодасини тоғган:

Момолар чеккаснда
Атир сочган жамбишилар.
Қизларининг елкасида
Кокил бўлган толгулилар.

Оламининг гўзалиги – ёргуларда, нурда. Ёргуларда кини ёмон ин қилинидан ўзини тияди, журъат эта олмайди. Тун барча ёмонликларининг макони. Ёргулар – нур тунга ҳам чирой баҳшида этади. Тунда осмонни юлдузсиз тасаввур қилини! Инесонининг ҳар лаҳзаси, қадами кўрқув, вахимага айланади. Шоир тунни ёқтиримайди (“Тунининг тасвирига юрагим энесиз”). Усмон Азим наздида тун фақат ёмонликлар макони эмас, катта ижтимоий мазмунга эга.

Қарайман... Тирашлар манглайимга тун,
Шундоқ ажиншариниши кирар қатига!
Бир кудрат – бениафқат, хаиженарсўз зутум
Қисматимни кўшиб тунга чатиган, –

деб ёзди шоир “Тунининг тасвирига юрагим энесиз” мисраси билан бошланадиган шеърида. Ҳақиқатан ҳам, тўгри сўз учун халиқимиз қисмати тунга кўшиб чатилиган. Тундай зулматта айлантиришган. Шундан шоир илтижо қиласди:

Эй, умид! Руҳимға бағишила қанот!
Бир тизим нур, ана, кўнгилнинг роҳи...

Ҳа, нур ёргулик йўлидир. У кўнгилга ҳам тўғри йўл кўрсатади. Аксинча, “Зулматнинг қаърида чексизлар ўсар”. Ҳаётда риё авж олади. Риё урчиган ерда киши руҳсизланади. Руҳсизлик кишини журъатсиз ва муте қилади, Тани илдизидан узилади. Шундан шоир фуссага тўлади, изтироб чекади, безовта бўлади. Шоир ёзади:

О! Замин юзидан чекингин, риё!
Ахир, узилмоқда илдизим тандан! –
Ахир, қандай ухлай? –
Кўз юмсан, гўё
Ҳамма юлдуз учиб кетадигандай...

Маълумки, мудраган кўздан ёргулиқ, нур чекинади. Кўз аста юмилиб, зимиштон – тун қаърига юмалайди. Киши харакатсизликка айланади. Ҳаракатсиз одам юрт, жамият ривожига, равнақига заррача ҳисса қўшмайди, қўша олмайди. Ҳаётнинг умумий оқимига қўшила олмайди. Ортта қолади, кейинчалик унинг мавжудлиги ҳам бутунлай уптилади. Оқим – келажак ўз багридан ситиб чиқаради. Бундан кўринадики, шеърдаги кўз юмини табиий ухлаш маъносида эмас, балки юртнинг келажаги учун қайғурмаслик маъносида, ҳаёт ҳодисаларида огоҳ бўлмаслик, сергак турмаслик маъносида. Шоир эса ҳаминча уйғоқ, сергак. Сал мудраса, келажакка бошловчи тўғри йўл – нурдан маҳрум бўлининдан (ҳамма юлдуз учиб кетганда) кўрқади. Шоир ўзгалаарни ўзи каби қалби уйғоқ, руҳи нурли бўлиншга даъват этади. Шеърининг миённий гоя мафкурага эгалиги шундадир.

Усмон Азимининг “Кўниққа кўчмаган одам одаммас”, “Майдада русумлардан тамом кечасан”, “Мангур арчазорининг шундок четигида” мисралари билан бошланадиган шеърларида ҳам миллий гоя ва миллий мафкуравни лирик қаҳрамонининг руҳиятига сингдириб юбориш орқали очиб берини билан аҳамиятги.

Ўзбекистон халқ шоири Ҳалима Худойбердиева миллий гоя ва миллий мафкуравни ўзгача идрок этади ва кўради. Унинг моҳиятини аёллар сиймоси ҳамда хатти-харакатида инкишиоф қилади. Шоира ёзади:

Бундан агар эл учун
Келар бўлса қилча наф.
Қилдай тилини топиб,
Тиллашавер мор билан.

Лекин шоира масалага кенг қарайди. Истиқлол туфайли юртда ҳар жиҳатдан тикланиш жараёни бошланганлигини эътироф этар экан, унда аёллар ўрни бекиёс эканлигини таъкидлайди. “Чунки аёлда яратувчанлик мавжуд. Жамият минбарига чиқиш – оила остонасидан узоклашиш дегани эмас. Тўмарис момомизни эҳтимол қасос ўти хукмдор этгандир. Но-дирабегимни балки қаро қисмат сиёсий майдонга тортгандир. Бибихонимни, эҳтимол, ҳалқига, ёрига бўлган меҳри салтанат томон чорлагандир. Ҳар не бўлганда ҳам, улар ҳеч бир вазијатда муқаддаслиги тушунчасини ва яна муборак даргоҳлари – оилани зинҳор унутмаганилар. Биз ана шу муслималик, хокисорлик тийнатида ҳалққа бош бўлган аёлларнинг авлодимиз”¹.

Шоира бу фикрларини шеърда акс эттиради ва аёлнинг бадиий сиймосини тарихий асос ҳамда илдизлардан узмаган ҳолда чизади. У аёлни беҳад эъзозлайди, унга катта ишонч билдиради:

Аёл – олов, аёл – гул
Сочлар – арслоний ёллар,
Ишқда ёнмай бўлса қул,
Ҳайф-эй, олов аёллар!
Дунёсига ўт кетсин,
Дунёсига эртак ҳайф
Ул кўнгил аёлсиз
Кетаётган эркак ҳайф! (“Ҳайф”)

Аввало, шеърдаги ҳалқона оҳанг миллий жозибадорликни юзага келтирса, замиридаги фикр миллий мағкуруни таъминлайди. Бу ерда ишқ полифоник тушунчага эга. Яъни ҳаётий ва мажозий ишқ уйғунлигини ташкил этиш билан бирга, юртига, ҳалқига бўлган ишқни ҳам қамраб олади.

Оддий нарсаларда катта фалсафий фикр келтириб чиқариш ижодкорнинг чукур мушоҳадакорлигидан далолатdir. Нарсаларни эъзозлаш, уни қадрлаш, унинг моҳиятини ва, ўз нав-

¹ Ёзувчи, №11 – 12, 1999 йил, 30 июн.

батида, ўзининг кимлигини англатиш демакдир. Уларга беписандлик билан қарап ўзини унудишидан, ўринсиз хатти-ҳаракат қилишдан далолатдир. Ҳалима Худойбердиеванинг “Еринг бу...” шеърини ўқиган киши бу фикрнинг ҳақиқат эканлигига ишонч ҳосил қиласиди. Шоира ёзади:

Ер айтармиш “кўзинг ерга олма”, – деб,
Тагин “ерга беписанд кўз солма”, – деб.
Туриб тур деб, юриб тур деб, ўлма деб,
Товонинг ўпадиган еринг бу!

Кейинги мисраларда унинг фалсафий моҳияти янада ёрқинроқ очиласиди. Яъни инсоннинг бутун ҳаёти, хатти-ҳаракати, фаолияти ёдда қоларли тасвиirlарда акс эттирилар экан, ундан шундай хулоса ясади:

Аслида, шу ердан бошқа нима нақд,
Омонат-ку қолган барчаси бешак.
Тик чоғларинг бериб дармон, бериб шаҳд,
Йиқилганда ётадиган еринг бу!

Маълумки, инсоннинг ҳаётда тирик юришига, яшашига имкон берадиган тўрт унсурдан бири ерdir. Шундан китобларда, хусусан, “Авесто”да ерни, тупрокни тоза тутиш ҳақида кўп улуғ гаплар айтилган. Лекин XX аср одамлари бунга амал қилишмади. Айниқса, советлар даврида ерга ниҳоятда беписандлик қилинди. Унинг оқибати бугунги кунда маълум. Тўрт унсурнинг бири ер (тупрок) – кенг тушунча. Ҳалима Худойбердиева бунга шарқона ёндашади. Яъни ер – ўз юрти. Бу ер уни дунёга келтирган, бағрида яшайди ва қайта бағрига олади. Демак, уни эъзозлашга ҳар кимса бурчдор. Умуман олганда, инсонга бўлган меҳр яратганга бўлган меҳрдан бошланади. Биламизки, инсон тупроқдан яралган. (Бу гипотезада жон борлигини япон олимлари исботлади. Тупроқ таркибидаги элементларнинг барчаси, инсон танасида ҳам мавжуд экан). Демак, ерга – юртга қанча меҳр қўйилса, унинг соғлиги, равнақи учун шунча қайгуради. Чунки ер унга шундай рух беради. Шеър замиридаги foя – шу.

Қутлибека Раҳимбоева шеърлари ўзига хос, ўзгани такрорламаслиги билан ажралиб туради.

Тоғнинг сабри тугаса, вулқон бўлиб отилади. Ижодкор эса юрак зардобларини мисраларга тўкади. Қутлибека шундай қилган. Мустақилликдан аввал ёзган “Раддия” номли шеърида шундай дейди:

Тарвақайлаб ётар дилимда
Улар эккан хўрлик янтоғи...

Нима учун бошқа ўсимлик эмас, янтоқ? Чунки янтоқнинг илдизи ниҳоятда узун, чидамли ва бақувват бўлади. Демак, эрксизликнинг ўтказган тазиёки, аламлари, қалб изтироблари илдизи фоят чукур. Шоир шунга ишора қиляпти.

“Биз” деган шеърида алам ва изтиробларга аниқлик киритади:

Ҳар бир сўзимнинг илдизи
Хув “муҳтарам” зотнинг бўғизида.
Лабимизга оламиз тизиб,
Униб чиқсан лаҳза оғзидан.

Бу мисраларни ўқиган ҳар қандай одам мустақилликнинг моҳиятини англаб егмоги табиийдир.

Мутелик ўзини унутиш, жасорат ўзини танитмоқлийдир. Қутлибека жасоратлийдир. Шуниси билан ўзининг кимлигини намоён қиласди:

...Жоним унга Ватанмас, айтинг,
Айтинг, кетсин муз жойларга... –

дейди. Шоира шахсияти, фазилатларнинг барчаси шеъриятга кўчган:

Эркнинг жон сувидан ҳовучлаб олиб,
Ҳар битта ўзбекка сепгим келади.
Ўзбеклигим учун ўзгалар қолиб,
Ҳатто ўзимни ҳам ўпгим келади. (“Озод Ўзбекистон”)

Нақадар самимийлик, ўз миллатидан ғурурланиш ва ҳеч ким айтмаган фикрни айтишилик. Буни ўқиган одамнинг қалби яйраб кетади. Чунки ҳеч ким Қутлибекадай ўз миллатини бу қадар юксакликка кўтартмаган. Бу мадхия эмас. Ҳақиқатни

эътироф этиш. Негаки ўзимиздан ҳар қанча гуурлансак арзийдиган халқмиз! Шоира халқини юрагига яқин олади, унга ишонади ва шундай эъзозлайди:

Мен Сизни Хумодан тушган патим, дей,
Нозларим кўтаргич заранг қатим, дей,
Дил дардимни тиккан тилло қатим, дей,
Келинг, жон, бир тоза сухбат қуроли.

Шеърдаги ташбеҳлар ҳам ниҳоятда оҳорли ва қўпмазмунли. “Дил дардимни тиккан тилло қатим” – қанчалик ёрқин ифода ва чуқур фалсафий мушоҳада. Дил дарди шунчалик ярага айланганки, оддий ип унга малҳам бўла олмайди, биттириш ўрнига, янада дардини кучайтиради. Чунки оддий ип микроблардан – иллатлардан ҳоли бўлмайди. Тилла тоза, зарарли элементлардан ҳоли, малҳамли хусусияти бор. Тилла – бу омма эмас, халқ. У ўзининг танти қизига малҳам бўлади, эркалигини, нозини (Нозларим кўтаргич заранг қатим) кўтаради. Демак, лирик қаҳрамон халқи билан чамбарчас боғлик.

Кутлибека ўзида бутун бир халқнинг хусусиятини акс эттиради:

Сўз айтсан, пиҷирлаб айтмасман,
Дўст тугул, ёвимни сотмасман,
Тиф отсан, елкадан отмайман.
Ўзинг мард яратдинг,
Худойим, минг шукур. (“Сен баланд яратдинг”)

Озодлик – шоирнинг бутун вужуди, ҳаётнинг зарурати.

Озодлик деган шу, жон каби сўзни
Девордан беозор кўчириб олиб
Яширгим келади юрак тубига.

Бу фикр сохталиқдан ҳоли, бутун вужуддан самимий айтилгани учун киши ишонади. Озодлик ғояси Кутлибека ижодининг бош дастури десак, янгилишмаймиз.

Тўгри фикрни айтиш, ҳаётий ҳодисаларга ҳаққоний нигоҳ билан қараб, бор борлиги билан ёритиш, моҳиятни теран идрок этиш учун ижодкор заковатли ва жасоратли, бургут кўз, бур-

гут нигоҳ бўлмоғи лозим. Шавкат Раҳмон шундай шоир эди. Унинг ўзи: “Шоирлик” “жасорат” сўзининг таржимасидир”, – дерди. Шоир ҳақида қалам тебратган шоир Зебо Мирзаева у ҳақида шундай дейди: “Унинг ёввойи шамоллардай туғилган эркин Руҳи, Руҳининг ҳурлиги бошдан-оёқ умрининг мазмунини белгилайди”¹. Шавкат Раҳмоннинг шеърларини кўздан кечирган киши Зебо шоир ижодининг йўналишини тўғри белгиланганлигига ишонч ҳосил қиласди. Ҳақиқатан ҳам, шеъриятнинг ички руҳини, асосини эркин руҳ, руҳ ҳурлиги, табиат гўзаллигидан завқланиш, эзгулиқдан яйраш, юрга бўлган чўнг муҳаббат ташкил қиласди. Бунинг барчасини сўз заммасига юклайди, бу сўзлар шундай фикрларни ташкил қиласди, улар кишининг шуурига шуур қўшади, мулоҳазакор қиласди. Оқибатда ўзини ўзи таний бошлайди. Ўзини ва ўзгаларни кашф қилиш иқтидори юзага келади. Маълумки, киши ўзини билмай туриб, ўзгаларни билмайди. Шоир шеърларига шўнғиган китобхон яна бир нарсани ҳис қила бошлайди. Яъни шоирнинг қалбида мисли күёш уфуриб туришини. Бизга аёнки, бундай одам ҳеч қачон бирорга муте, иллатлар уммонига гарқ бўлмай, тўғри йўлдан адашмайди. Шеърда ўз мужассамини топган шоирнинг шахсияти шеърхонга ҳам ўтади. У масаланинг ўзини эмас, моҳиятини акс эттиради. “Озодлик” номли шеъри шундай номланади:

Қорли уваларда қора қўтослар,
Темир ҳалқалар бор бурунларида.
Бир жойда айланар буюк чўлларнинг
Дарага қамалган қуюнларидай
Қамчинлар тарсиллар.

Бундай қамчинлар таъсирида ўжар қўтослар гулдирап, гўё “жон кириб кутурган тогларга ўхшаб”. Қўтослар қадами тезлашар, лекин қамчи қўтарганлар истаги сари эмас, балки...

Энди бирин-кетин кенглиkkа эмас,
Қорли чўққиларга ўрлар қўтослар.
Бу йўл сўнгти йўлдир,
Ягона йўлдир.
Уларни на шамол,
На қорлар тўсар.

¹ Ёзувчи, 1998 йил, 26 август.

Кўтослар ўрлайди тик чўққиларға
Поёнсиз борлиқда чўққилар ўсар...

Демак, қўтослар тутқунликдан, бошида қамчи ўйнашидан кўра, ўлимни афзал кўради. Бу ўлим шунчаки ўлим эмас, мақсад йўлидаги ўлим. Бу ерда табиат ҳодисаси билан жамият ҳодисаси уйғунлашган. Яъни қўтослар инсонийлашган. Ҳақиқатан ҳам, жамиятда эрк, озодлик йўлида миллатнинг қанча сара, жўмард фарзандлари ҳалок бўлишган. Улардаги эркка интилиш, исёнкорлик туйғуси ноҳақлик кўзига тик қарашга, жасоратга ундейди. Бу соғ миллий гоя ва озодлик шунчаки кўлга кирмасликнинг моҳиятини англашибди.

Кечаги кун келажакнинг кўзгусидир. Унга қараб келажак ўзини созлайди, пардозлайди, яъни эзгу аъмоллардан ўзига андоза олса, иллатлардан хулоса чиқаради. Кечаги социалистик-тоталитар тузум қиёфасини кўп ижодкорлар яратишган. Лекин, назаримда, уларнинг ичидаги Шавкат Раҳмоннинг “Хонадон” шеъри алоҳида ажралиб туради. Чунки унда ҳамма сезмаган, сеза олмайдиган хусусияти – ички “машинаси” ўз ифодасини топган. Шоир ёзади:

Бунда ҳамма ўзини севар,
Тағин севар нозик гулларни...
Чакмоқ кўзли болалар эмас,
Ўстиришар фақат қулларни.

Бу ерда нозик гуллар ўз инжалиги, гўзаллиги билан киши қалбida эзгу туйғулар уйғотувчи табиий гуллар эмас, балки “хонадон” дагиларнинг ахлоқсизликлariiga ишора. Яъни чиройли қизларни яхши кўради, демокчи шоир. Чунки ахлоқсизлик хукм сурған ерда “ғараз, фосиқ ниятлар” урчиди. Яхшиларни ҳалок қиласди, кассобларга кенг йўл очилади. Бундай мухитда руҳ ўлади, руҳ йўқ жойда орзу-хаёллар, туйғулар қотиб қолади. Ҳаракатсизлик ўлишdir, чиришdir.

Нафас олмай ўтаман ҳар гал,
Уф-ф, нақадар ўткир анқийди.
Ириб кетган орзу-ҳаёллар,
Чириб ётган туйғулар хиди.

Шавкат Раҳмон шеърларида нарса ва ҳодисаларга катта маъноюн кўйлаиди, ҳодисалардан фалсафий умумлашмалар ясайди. Натижада улар жонсизликдан жонлиликка айланади, инсонийлашади. Тут дараҳтини ҳамма билади, унинг бошига тушадиган савдодан (йилига каллакланиши) ҳам барча хабардор. Лекин ўзбек ҳалқи ҳаётига жуда яқин шу воқеликдан кишига ўз ўтмиши хусусида чуқур мушоҳада юритишга ва истиқоломоҳиятини англашга берадиган ижтимоий хулосани кўпчилик ўйлаб кўрмаган. “Тутзор хотиралари” шеъри шундай бошлигади:

Тутзор –
Каллакланган биродарларим,
Осмонга бош тираб турибсиз ҳамон,
Майишган тимсоҳдай баданларингиз,
Даҳшатли қудрат-ла эзгандай осмон.

Тасвирнинг ҳаққонийлиги, типиқлиги шоирнинг бадний тасаввуридаги мантиқни кучайтирган. Бу ерда барча от, феъл ва сифатлар рамзийлашган. Тутзор – ўз фикрига эга бўлғанилар, эркинликка интилғанилар. Лекин уларнинг нияти амалга ошинаслиги каллакланган – йўқ қилинганилиги. Улар ўлдирилган бўлса-да, рухлари тирик. Ҳамон исён қилишади. Қабрдан чиқмоқчи бўлишади (Осмон – қабр гумбазига бош тираб). Бундай интилиш узоқ йиллардан бери давом этади. Узоқ йиллигини тимсоҳ мисолида беради. Чунки тимсоҳ узоқ яшайди. Осмон иккинчи қудратли куч матъносига ҳам эга.

Кейинги мисраларда тутларнинг туришини (ҳабаший қуллардай маҳзун) дейди-да, даров инкор қиласади, туркий шевали паҳлавонига ўхнатади. Бу ерда сўз ўйини бор. Аслида, иккала ўхнатиш ҳам ҳақиқат. Бу паҳлавонлар боболардан қолган дарзни – ерини, яъни она юргини балолардан сақлашиади.

Шоир кечаги тутларни – эл, юрт мустақиллиги учун қурашганиларнинг фазилатларини санар экан, бугунги кунда ўзи ҳам тут бўлгиси келади. Чунки боболари ер тагида ҳам эр, илдизларига кувват беради. Бирок шоҳлари ўсганда ҳамон кесиншади. Лекин у ҳам исёнкорлигини қўймайди. Шоир ёзади:

Кессалар кессиншар,
Чапдоң ўсамиз,

Эркимиз борлигини кўриб қўйсинлар.
Ҳар баҳор чоғида чандон жўшармиз,
Золимлар зулмга қараб тўйсинлар.
Ўсмасак,
келипти балогат гали,
тиғ каби илдизлар ердан узилар,
бу ғариф масканда асқотар ҳали,
деворак ботирлар учун гурзилар.

Демак, одамлар шундай яшаса, ўзлигини топади.

Шоир қатор шеърларида шундай ҳаётининг реал тасвирида ўзимизнинг қиёфамизни ўзимизга рўпара қиласди. Ҳаётда рўй берган адолатсизликдан зада бўлган қалбнинг зиддиятларини мисраларга тўқади. “Оқ девор тагидаги сухбат” шеърида мозий ҳақида гапириб бўлмайди, бузгупчи, қўпорувчи деб ёқаигдан оловчни гумроҳ бор, дейди-да, “Яхшиси, мозийни тошбўрон қилиб, фарзанд ўстирган қавмига эргаш”, – деб қиноя қиласди. Бу билан бугунги кундаги баъзи масалаларга бир томонлама қарашга, яъни қораланими қоралашиб деб, кечаги кун жараённинг ёнасига ишкор қилининишига ишора қиласди.

Шавкат Раҳмон қалб кўзи очиқлигидан ҳамма нарсанни ёрқин кўради, заковати кучлилигидан барча нарсаннинг моҳиятини чуқур идрок этади, рух тетиклигидан келажакка исекбии боқади ва шеърида намоён қилини билан кини қалбига жасорат ҳамда гурур чирогини ёқади:

Наноҳ сўрадимми боримни ечиб,
Ўзимни урдимми ё бирон энинкка?
Қалтис наҳзаларда оримдан кечиб,
Кирдимми сичқонлар кирган тенинкка? (“Бўсага”)

“Бу шоир – вазият эмас, қилематнинг шоирни. Унга давр эмас, у даврга мавзу беради: у даврини эмас, уни давр тингланини иштарди. Охир-окибатда у ўз тениги билан биргаликда замондошлиарининг дикқат-эътиборини жалб этди, тоши қотган қалбларда ҳис-туйгу, фикр чечакларини ўстирди.

Шавкат Раҳмон шеърияти жувонмардлик руҳи билан суюғирилган. У миллатининг забуни ҳолидан, шўровийларининг остида тоғталиган Ваганининг нажмурда жилемидан ўринатади” (Раҳмон Кўчкор, Набижон Бокий).

Соддалик, оддийлик буюклиқдир. Чунки унда самимият, қалб яқинлиги, инсонийлик, мухими фалсафа мужассам. Мұхаммад Юсуфнинг шеърлари шундай. Ўзбекистон ҳахраномони, катта адабиётшунос олим Озод Шарафуддинов у ҳақида шундай ёзади: “Мұхаммаднинг шеърлари бир қарашида жуда содда, жүн ёзиладиганга ўхшаб тутолади. Аммо унга ўхшатиб ёзіб кўринг-чи? Кўлингиздан келмайди! Унинг осон ёзиладиганга ўхшаб кўринган мисралари мухлисларини йиглатди, кулдирди, ўз оғушига тортиб олди”. Бу айни ҳақиқатдир. Шунингдек, Мұхаммад Юсуфнинг шеърлари соф миллийлиги, миллий рухнинг мужассамлиги билан ажралиб туради. У чираниб ёзмайди, сўзларнинг ўзи гўё табиий равишда қуюлиб келади. У мияни чатнатиб масала, гоя қидирмайди. Шоир уларни кашф қиласи, тасвиirlарга кўмилган фикрлардан келтириб чиқаради. Шундан унинг шеърлари мафтункор ва жозибали. Унинг шеърларининг мазмунини оғзаки гапириб, баён қилиб бўлмайди. Чунки уларнинг асосини воқелик эмас, туйғулар, дардлар ташкил қиласи. Туйғу ва дардларни эса гапириб бўлмайди. У ҳис қилинади. Мұхаммад Юсуфнинг шеърлари ҳам ана шундай, уни ҳис қилиш лозим. Ҳис қилинган нарса юракка бориб тегади. Юракка теккан нарсанинг таъсири катта бўлади, бир ҳолатдан иккинчи ҳолатга солади. Шоирнинг деярли барча шеъри шу хусусиятга эга. Унинг элга машҳурлигининг сири ҳам шундадир.

Оналар ҳақида юзлаб шеър ёзилган. Улар бундан ҳам кўп шеър ёзилишига арзиди. Яна ёзилиши керак. Лекин бу шеърларда уларнинг фазилатлари, инсоний хусусиятлари ҳақида сўз кетгани таъкидлагани, мадҳ қилингани учун бир-бирини такрорлаш ҳоллари кўп. Такрорнинг таъсири кам бўлади. Бу шеърлар асосини мадҳ сўзлар эгаллагани учун туйғу, дардан ҳоли бўлиб қолган. Туйғусиз, дардсиз инсон эса мисли жонсиз сурат, ҳайкалдир. Мұхаммад Юсуфнинг “Бешинчи ўғил” шеърида ҳам она ҳақида гап кетади. У шундай бошланади:

Етмиш юлдуз ёғилиб,
Ярим ойча тўлолмас,
Етти янга йифилиб,
Битта она бўлолмас.
Она тирик – эшикка
Гурбат яқин йўлолмас,

Менинг эса бағрим қон,
Вайронаман, онажон...

Мана, кўриб турибмизки, бу ерда онанинг фазилати, унинг хусусияти ҳақида бир оғиз сўз йўқ, мадҳия ҳам қилинмаган. Лекин ҳолат, дард мавжуд. Мухими онани йўқотиш оила ва фарзандлар учун қанчалик фожиа бўлиши ёрқин ифодаланган. Маълумки, инсоннинг кўнгли хурсандликдан эмас, изтироб ва фожиадан покланади.

Шеърнинг кейинги мисраларида она мавжуд пайтидаги ҳолатлар ниҳоятда ҳаётий тасвирланади. “Сиз бор – биз ҳам зўр эдик, бир майизни беш ўғил тенг бўлишиб ер эдик”, – дейди. Она тирик бўлганда, фарзанднинг кучи тоққа етиши, энди эса жиндек алам ҳам тоғдек бўлиб кетишини, фариштасини йўқотгани учун ҳаловат йўқолганини, у мисоли ойсиз тунга айланганлигини ички бир дард билан дил изҳор қиларкан, онасиз ўзининг қай аҳволга дучор бўлганлигини алам билан ёзади:

Ўзинг учун ўл етим!
Ўрда ҳам мен, қирда ҳам.
Кўйлагимда тугма йўқ,
Тугма бўлса, кир – ёқам.
Тўрт янгамга кўшилиб,
Турткилайди тўрт оғам,
Ўз уйимда жонажон
Бегонаман, онажон! –

дейди. Онасини йўқотган деярли барча одам шундай туйгуни бошидан кечиради, агар ёшроқ бўлса, бундан баттар ҳолатни бошидан кечириши мумкин. Бу дард, изтироб, армон киши қалбини юмшатиб, уни инсонийлик туйғуларини жунбушга келтириш билан бирга онанинг ҳаётда ўринини белгилайди. Бу оналарнинг ҳақиқий қиёфасини белгилашдир. Бу миллий хусусият ва туйгу тасвирнинг қудратидир.

Муҳаммаднинг шеърияти – армонли шеърият. Сиртдан қараганда, армон фақат шоирга тегинлидек туюлади. Лекин мисрадан мисрага ўтган сари унинг уфқи кенгайиб, кўз ўнгимизда босиб ўтган йўлимиз, ҳаётимиз ўта бошлайди, астасекин унинг замиридаги моҳият бўй кўрсатади. Оқибатда бу

армон барчамизники эканлигига ишонч ҳосил қиласиз. Бунинг айни ҳақиқат эканлигини битта шеър мисолида исботлайди. (Аслида, бу типдаги шеърлари кўп). “Дарёдек чайқалиб, дарёдек тошиб” деб аталган шеърида шоир ёзади:

...Иzzat илинжида мансаб талашиб,
Одамдек яшамай умр ўтказдик.

...Онаизоримиз қабрига гоҳи
Битта гул тӯшамай умр ўтказдик.

...Дўст ҳолин сўрмоққа фурсат бўлмади,
Йўқладик-йўқламай умр ўтказдик, –

деб ўзимизни ўзимизга рўпара қилар экан, бу ҳолат янада ку чаяди:

Иблисни иним деб қучдик гоҳида,
Аршда аргимчоқлар учдик гоҳида.
Шайтон билан шароб ичдик гоҳида,
Faflatдан бўшамай умр ўтказдик...

Бундай йўл тутишлиқ гуноҳи азим эканлигини шоир яхши тушунади, оқибати аянчли бўлишини ҳам тўғри англайди. Шундан ўзининг армонли ва огоҳли сўзини айтади:

Ўздан ўтганидан ўзимиз огоҳ,
Икки елка тўла бир дунё огоҳ.
Насиб этгайми энди одамдек ўлмоқ?...
Одамдек яшамай умр ўтказдик.

Муҳаммад Юсуфнинг қатор шеърлари ҳаётий шахслар номи билан аталгани учун уларнинг номига қараб, киши бир мадҳиядир-да, деб ўйлаши мумкин. Лекин бир-икки мисра ўқиши билан бу фикрдан қайтади. Чунки уларда ҳаётий фожиа, инсоний драма мужассам. “Хурсаной опа” номли шеърида куйидаги қалбни зирқиратадиган мисраларни ўқиш мумкин:

Кеча нодончалар қилишиб ҳузур,
Ҳайкалин тиклашиб, ҳайкалин бузиб,

Бугун бари келса сўрашиб узр,
Хурсанд яшаш қиин, Хурсаной опа.
Ана, фариштангиз турди ҳам гўрдан,
Жойи тўрда эди – беришди тўрдан.
Сизда ҳам бор экан манглайдаги шўрдан,
Хурсанд яшаш қиин, Хурсаной опа

ва ҳоказо. “Сайд Аҳмад”, “Мўминжон”, “Маъруф Жалил”
номли шеърлар шулар жумласидандир.

Кўриб ўтганимиздек, Муҳаммад Ўсуфнинг шеърлари
садда ёзилган. Унда жимжимадор сўзлар, бурама, айланма,
мавхум фикрлар йўқ. Лекин юракка яқин, киши туйғусига таъ-
сир қиласиди, бир ҳолатдан иккинчи ҳолатга солади. Ҳа, бекорга
садаликда улуғлик мужассам дейилмаган.

Текшириши учун саволлар:

1. Миллий гоя нима?
2. Миллий мафкура нима?
3. Ватан равнақи, халқ фаровонлигига, комил инсоннинг шакл-
ланишида миллий гоя ва миллий мафкура қандай роль ўйнайди?
4. Бугунги лирика қандай хусусиятга эга?
5. Миллийлик билан сугорилган шеърият қандай аҳамият касб
этади?
6. Шарқ маданияти ва ахлоқининг негизи нимада?

Таянич тушунчалар

Миллийлик – адабиётнинг миллий хусусиятини ва ўзи мансуб
бўлган миллатнинг руҳини ифодалаш.

Миллий гоя – инсон ва жамият ҳаётига маъно-мазмун баҳш этадиган, уни эзгу мақсад сари етаклайдиган фикрлар мажмун.

Миллий мафкура – муайян ижтимоий гурӯҳ, ижтимоий қатлам,
миллат, давлат, халқ ва жамиятнинг эҳтиёжлари, мақсад-муддаолари,
манбаатлари, орзу-интилишлари ҳамда уларни амалга ошириш та-
мойилларини ўзида мужассам этадиган гоялар тизими.

Кечинма – кишининг руҳий ҳолатига таъсир қиласидиган ҳис-туй-
гулар, ўй-хаёллар.

1. 3. Ислом асотирлари ва гояларининг бадиий талқини

Режа:

1. Тоталитар тузум мафкураси.
2. Ислом асотирлари ва гояларининг моҳияти.
3. Диний-маърифий гояларининг илдизи.
4. Бугунги лирик қаҳрамоннинг аввалги лирик қаҳрамондан фарқи.
5. “Ҳаж дафтари”га кирган шеърларнинг маърифий хусусияти.
6. “Дуо”, “Фийбат” каби шеърларнинг гояси.
7. А. Кутбиддиннинг исломий йўлида ёзган шеърларининг ўзига хослиги.

Адабиёт:

- “Куръони карим”. “Чўлпон” нашриёти, 1992.
Муҳаммад Содик Муҳаммад Юсуф. Имон. –Т.: “Камалак”
нашриёти, 1991.
Нажмиддин Комилов. Тасаввуф. 1-китоб. – Т.: Ёзувчи,
1991.
Нажмиддин Комилов. Тасаввуф. 2-китоб. – Т.: Ўзбекистон,
1999.
Иброҳим Ҳақкул. Тасаввуф ва шеърият. – Т., 1991.

Тоталитар тузум ва унинг мафкураси миллий республикалар халқларининг тарихидан, маданияти илдизларидан маҳрум этибгина қолмай, диний анъаналари ва урфодатларини ҳам пайҳон қилиб ташлади. Диний маданият ўрнига бу халқларга берилган марксча-ленинча таълимот эса улар имонини саломат олиб қололмади. Сўнгги йилларда динга эркинлик берилиши ислом таълимотига оид илмий-оммабоп асарларнинг пайдо бўлиши ва бошқа тадбирлар натижасида ўзбек шеъриятида ислом асотирлари ва гоялари билан суғорилган шеърлар пайдо бўлди. Бу шеърлар Қуръон сурасидаги оятларда ва ҳадислардаги кишини тўғри йўлга солишга иршод қилинган фикрлар асосида ёзилгани учун киши имонини мустаҳкамлашга жуда қўл келяпти. Чунки имони мустаҳкам одам ҳар қандай ёмонликдан ва инсоний иллатлардан сақланади, ҳеч кимга зулм қилмайди. Қуръонда шундай

ёзилган: “Сенинг парвардигоринг ҳеч кимга зулм қилмайди” (“Кахф” сураси, 49-оят); “Аллоҳ оламда ҳеч қандай зулмнинг бўлишини ҳоҳламайди” (“Оли Имрон” сураси, 108-оят); “Албатта Аллоҳ бир зарра миқдори ҳам зулм қилмайди” (“Нисо” сураси, 40-оят).

Куръон ва ҳадислардаги мусулмончилик қоидаларини шеър орқали шарҳлаш, уларнинг моҳиятини кишига сингдириш, тарғибот этиш тажрибаси қадимдан мавжуд. Бунга Абдураҳмон Жомий, Алишер Навоий, Имом Яхё бин шараф ан-Нававийларнинг “Арбаин ҳадис”лари мисол бўлади. Мазкур “Арбаин” (арабча “қирқ” чилла дегани) номи билан машҳур бўлган асарлар шакл ва мазмун жиҳатдан бир-биридан фарқ қилган, ажраб турган. Бу ҳақида Аҳмад Қобил, Маҳмуд Оллоберди каби тадқиқотчилар қуйидаги фикрни билдирадилар: “Баъзи “Арбаин” асарлари “Усул уд-дин (Ислом динининг асослари ва туб қоидалари), “Жиҳод” (Ислом ёхуд Аллоҳ йўлидаги муқаддас кураш), тоат-ибодат ёки одоб-ахлоқ асосларини қамраб олади ва тарғиб қилади” (Алишер Навоийнинг “Арбаин ҳадис” китобига муқаддима, – Т.: Ёзувчи, 1991).

Шарқ шеъриятида яратилган “Арбаин”ларда аввал ҳадиснинг арабча, форсча ёхуд туркий таржимаси келтириладида, кейин (насрый) шарҳ берилади. Абдулла Ориповда эса ҳадиснинг асл шакли келтирилмай, ўзи берилаверади. Лекин шунга қарамай, шоир мақсадга эришган. Чунки гап шаклда эмас, мазмун ва моҳиятидадир. Лекин бугунги шеъриятга Абдулла Орипов “Ҳаж дафтари” ва “Ҳикмат садолари” туркуми билан ҳозирги ўзбек шеъриятига диний-маърифий ғояларни биринчи бўлиб олиб кирди. Рабғузийнинг “Қиссаи Рабғузий” асари ва Имом Бухорийнинг “Ҳадис”ларини ўрганиш, Куръони каримни ўқиш асосида уларда баён қилинган диний-маърифий ғоялар бугунги ёш авлодни юксак инсоний маданият, имон ва эътиқод руҳида тарбиялаш мумкинлигини зукколик билан сезди.

Шоир эллик шеърий ҳадисни ўз ичига олган “Ҳикмат садолари” туркумида диний манбалардан ўрин олган сюжетлар, ҳикматлар ва орзуладардан самарали истифода қилган ҳолда кишиларни покликка даъват этувчи, улар қалбига эзгулик уруғларини сепувчи ва хидоят йўлига етакловчи лирик қаҳрамон XX аср ўзбек шеъриятининг етакчи қаҳрамонларидан шу билан фарқланадики, у, аввало, Тангри тао-

лонинг мавжудлигига ишонади, ишонибгина қолмай, бу дунёдаги барча воқеалар унинг амри билан юз берәётганига қаноат қиласи ва ҳар бир одам орттирган гуноҳлари, содир этган жиноятлари учун охиратда жазоланишига шубҳа қилмайди. У ўзидағи ана шу ишончни бошқалар қалбига ҳам сингдириши ни ўзининг мурод-мақсади деб билади:

У сенга кўрсатди ҳидоят йўлин,
Юргил ё юрмассан ўзинг бил, инсон.
Балки сен тутгайсен Иблиснинг қўлин,
Яратган Холиққа барчаси аён.

Маълумки, Ҳадисларнинг асоси ҳам Қуръони карим. Чунки бу муқаддас китобда инсонни тўғри йўлга солувчи, ёмонликдан қайтарувчи, ҳатто унинг ҳақ-хукуқини белги-ловчи барча қонун-қоидалар, яъни тариқат ва шариат асослари ҳар томонлама илмий-маърифий жиҳатдан шарҳланган. А. Ориповнинг “Ҳаж дафтари”га кирган шеърларини кўздан кечирганда у кўп нақлий билимлар қаторида, кўпроқ Қуръонга суюнганлиги сезилади.

Қуръонда тавба-тазарруга катта аҳамият берилиб, кўпгина оятларда таъкидланади:

“Ким зулм қилгандан кейин тавба қилиб, яхши ишларга тутина, албатта, Аллоҳ унинг тавбасини қабул қиласи. Албатта, Аллоҳ гуноҳларини кечувчи ва раҳмдилдир” (“Моида” сураси, 39-оят);

“Билмасдан ёмонликка йўл кўйиб, дарҳол тавбага ўтгандарнинг тавбасини Аллоҳ қабул қиласи. Аллоҳ ҳамма нарсани билувчи ва ҳакимдир” (“Нисо” сураси, 17-оят).

А. Орипов ўзининг “Тавба” шеърида шу фикрни сал бошқачароқ, яъни бадиий санъатлардан бири тазод усулини кўллаб, таъсирчанроқ чиқаради. Шайтон макрига учиб, руҳи ва танида тинчи бузилганини, нажот истаб, қўлида бор имконини ишга солганини, лекин чораси йўқлигини “Гуноҳкор кимсанинг қошида, наҳот, Қопқалар ёпилгай, остоналар берк”, – гуноҳкорни чўчитгач, шундай дейди:

Йўқ, ҳали оламда мавжуддир шафқат,
Йўқ, ҳали тебранур меҳр бешиги.
Тавба қил, тавба қил, тавба қил фақат,
Сенга очиқ фақат тавба эшиги.

Ибодат турларидан бири дуо саналади. Инсон ҳаётдаги ҳодисалар қаршисида ожиз қолганда ўзига дуодан бошқа суюнчиқ топа олмайди. Шундан дуо исломда инсон билан Аллоҳнинг орасини боғловчи ҳисобланади. Куръонда Аллоҳ таоло мусулмонларни дуо қилишга буоргани қайд қилинади. “Бақара” сурасининг 186-оятида шундай дейилади: “Агар бандаларим сендан (пайғамбардан) мени сўрасалар, мен яқиндадурман, дуо қилувчининг дуосига жавоб бераман. Бандаларим ҳам менинг чақиригимга жавоб берсинглар, менга имон келтирсинглар. Шундагина улар тўғри йўлда юрган бўладилар”.

Ҳаётда дуодан мадад топганлик ҳақида мисол кўп. Шулардан бирини Муҳаммад Содик Муҳаммад Юсуф ўзининг “Имон” номли китобида келтиради: Аласланберг исмли самолёт командири билан 9 киши океанга ҳалокат туфайли тушиб кетишган, ҳамма уларни ҳалок бўлди, деб ўйлаган. Бу ҳақда командир қуидагича ҳикоя килади: “Бир амаллаб иккита кутқарув резина баллонига жойлашиб олдик. Бизда бир култум сув ҳам, бир тишилам ион ҳам йўқ эди. Ҳаммамиз даҳшатда эдик. Факат орқа пулемётчимиз Алберт Гранандез даҳшатга тушмади, балки ихлос билан ёлвориб, дуо қила бошлади. Бизни тинчлантириб: “Мен биламан, Аллоҳ менинг дуоимни қабул қиласди, бизга тезда ёрдам беради”, – деди. Аёвсиз қуёш иссиғи остида қолдик. Лабларимиз ёрилиб, тилларимиз шишиб кетди. Гранандезга қўшилиб дуо ҳам қила олмай қолдик. Шундай бўлса-да, ичимизда Аллоҳга ёлвориб дуо қилар эдик, Шу ҳолда З кун ўтиб, оқшом пайти кичкина оролчага қўзимиз тушди. Шу пайт ҳеч кутилмаган воқеа содир бўлди – бизга қараб учта қайиқ сузиб кела бошлади. Ичиди ялангоч кишилар бор эди. Кейин билсак, бизнинг халоскоримиз австралийлик туб аҳолилардан бўлиб, қора танли ялангоч кишилар экан. Улар ўз юртларидан юзлаб мил масофани ўтиб, шу ерга келибдилар. Ўзларининг айтишларича, улар кеча ўлжаларини олиб, юртларига қайтишмоқчи экан, лекин қандайдир сирли бир туртки уларни ўз қайиқларини мана шу ҳамманинг эсидан чиқиб кетган, ҳеч кимга фойдасиз тарафга буришни раво кўрибди” (бу воқеа 1944 йил октябрь ойида содир бўлган).¹

Бу мисолдан дуонинг фойдаси қай даражада эканлигини билиб олса бўлади. Шоир “Дуо” номли шеърида унинг

¹ Имон. – Т.: Камалак. 1991 йил, 97 – 98-бетлар.

моҳиятини Муҳаммад пайғамбар номидан англатади. Расул бир умматини алқаб, унинг шаънига дуо айтади. У бунга эътиroz билдирганда, Расулуллоҳ шундай дейди:

Расулуллоҳ деди: – Тингла, эй, уммат,
Ёнган чирогингта дуо пиликдир.
Қўлинг баланд бўлса, билки, бу – неъмат,
Қўлнинг паст тушмоги тиланчиликдир.

Маълумки, инсонни ёмон иллатлардан фориғ бўлишига даъват этиш инсоний йўлга йўллашдир. Инсоний иллатлардан бири гийбатдир. Ислом гийбатни қоралайди, унга нафрат билан қарайди. Нафрат шу даражадаки, гийбатчини ўлган мусулмон биродарининг гўштини еган кишига тенглаштиради:

“Бир-бирингизни гийбат қилманг, Сизлардан ким ўзининг ўлган биродарининг гўштини ейишни ҳохлайди, албатта, буни ёмон кўрасиз. Аллоҳга тақво қилинг, Аллоҳ тавбаларини қабул қилувчи ва раҳмдиллар” (“ХужЗарот” сураси, 12-оят).

Абдулла Орипов худди шу ҳолатни “Фийбат” шеърида воқеа фонида акс эттиради. Бу ҳол шеърга ҳаққонийлик ва ишонч бағишилаган:

Йўлнинг канорида – шундок сарҳадда
Ўлимтик ер эди аллақандай зот.
Ногоҳ Расулуллоҳ боқиб ҳайратда,
Жаброилга деди: – Бу кимдир, ҳайҳот!
Жаброил айтдиким: – Бунда ҳар кимса
Жазосин олгайдир қилмишига хос.
Ўлимтик егувчи бул банда эса
Умрини гийбат билан ўтказган, холос.

Абдулла Ориповнинг тўпламдан жой олган бошқа шеърлари ҳам шундай хусусиятга эгалиги билан янги тамойил касб этади.

Абдували Кутбиддин ҳам исломий йўлида талай шеър ёзган. Унинг шеърларини маҳсус тайёргарликсиз мағизини чакиши қийин. Бунинг учун маълум даражада исломий билимга эга бўлмоғи даркор. Масалан, Куръонда охират ҳаёти – бу дунё ҳаётидан яхшироқ дейилади. Лекин унга бу дунёда яхши ишлар билан тайёргарлик кўрмаса, етишиб бўлмайди. “Бу

дунё ҳаётидан афзал охират ҳаёти борлигига ишониш дунёда мусибат етган, азобда қолган кишилар учун кўнгулни тинчлантиради.

Шунингдек, бу эътиқод мўминлар ҳаётида ноумидлик, муваффакиятсизлик содир бўлган дамларда уларни янги руҳий қувватлантириб, бу мусибатларга нисбатан бардошли бўлишга чорлайди”¹.

Куръоннинг “Нахл” сурасининг 30-оятида эса шундай дейилади: “Тақводорларга парвардигорингиз нима туширди, деб айтилса, яхшилик туширди, дейдилар. Бу дунёда яхшилик қилганлар яхшиликка эришадилар ва, албатта, охиратда бундан ҳам яхшироқ бўладилар, тақводорларнинг охиратдаги жойлари жуда ҳам яхшидир”.

Абдували Кутбиддиннинг “Балиқнинг тиши-ла тилимни тилдим” мисраси билан бошланадиган шеърнинг моҳиятини шу фикр ташкил қиласиди:

Балиқнинг тиши-ла тилимни тилдим,
Юрагимни урчуқдай уч айлантирдим,
Кўзимни қийнадим,
Қийногим қизиқ...
Яйрадим

Бу мисрани ўқиган шеърхонда “Киши қийноқданам яйраши мумкинми?” – деган фикр тугилиши муқаррап. Бу ерда қийноқ жисмоний азобланиш маъносида эмас, балки покланиш йўлидаги руҳий азобланиш, руҳий қийноқдир. Киши кўп гуноҳни тили орқали содир қиласиди. Шунинг учун балиқ тиши билан тилади. Маълумки, балиқ ҳар жиҳатдан пок ва бегуноҳ. Шоир гуноҳларга йўл қўйган ўз аъзоларини жазолаш орқали покланади, тавба қилиш билан гуноҳларидан фориг бўлади. Шундан кейин пок бўлган руҳига эргашади. Ундан кейинги ишлари эзгуликдир. Оқибатда охирати ҳаётга, яъни жаннатга (Мажнунтол дарчасин очди, киритди) муюссар бўлади. Охирати ҳаётни шундай тасвирлайди:

Мажнунтол дарчасин очди, киритди,
Юз битта қизидан бирин гапладим.
Хивич қасрларда
Баргландим бирам...

¹ Мухаммад Содик Муҳаммад Юсуф. Имон. – Т.: Камалак. 1991 йил, 80-бет.

Яйрадим.

Дунёни тарқ этдим, хур сафар этдим,
Ёрим-ла туйгуси бехабар этдим.

Үн беш кун тўй бердим

Дорулбакода...

Яйрадим,

Яйрадим,

Яйрадим... аaaa!

Имон эътиқод қилинган нарсани сўзсиз адо этмоқлиқдир. Инсоннинг имони қай даражада эканлиги бажарган, бажа-раётган иши билан белгиланади. Имони суст киши айтга-нини бажармай, эътиқодига событ турмайди. Демак, айтган сўзига ўзининг имони бўлмаган бўлади. Бундай одам Аллоҳ марҳаматига доил бўла олмайди. Имонли одам дунёнинг икки баҳтига сазовор бўлади. А. Кутбиддиннинг “Имон” шеърида бу фалсафий ҳақиқат воқеалар оламида ишонарли очиб берилган:

Туш кўрдим, зулмат ўрмонини қахри,
Бойўғли қизлари терурлар чаноқ.
Йўлбарсдай сочади теграга қахрин,
Умр манзил кўриб бебош, беадоқ.

Туш кўрдим, уфқнинг аёллари ўйнар,
Шамол сийнасида энтикар хаёл.
Ялпиз бешикларида тонгни тебратар
Бўйрада ялпизлар ундирган аёл...

Биринчи тўртлиқда имонсизлар дунёси, уларнинг қисмати ёритилган. Бу ҳолат кечаги ҳаётга, яъни тоталитар жамиятга ҳам ишорадир. Ҳақиқатан, кечаги тузумда имонсизлик авж олган эди. Имонсизлик эса жазога мустаҳикдир.

Иккинчи тўртлиқда имонийлар дунёси ўз ифодасини топган. Уларнинг келажаги, яъни жаннат кўқатидан тўқилган бешикда (ялпиз бешикларида) инсон, дунё келажаги (тонгни тебратар) вояга етади, кўкат ўсмайдиган, яъни ёмонлик дунёсида (бўйрада) ҳам эзгулик, жаннатий (ялпизлар) кўкатларни ундиради. Демак, ўзини икки дунё саодатига сазовор қилишга интилади.

Кўриб ўтганимиздек, Абдували Кутбиддин ўз ғоясини гайритабий гаройиб манзаралар, тасвирлар замирига сингди ради. Сиртдан қараганда унинг ташбеҳларига юклangan фикр, туйгулар кўнгил кўзида акс этган мутлақо нореал, тушдаги каби тартибсизликдай қўринади. Лекин чукурроқ мушоҳада қилинса, унинг моҳияти англашилади. Чунки диний қараш бўйича фалсафий обьекти реал ҳаёт эмас, инсон руҳияти, руҳий ҳаёт, боқий дунёдир. Зероки шундай экан, тасвирнинг гайритабийи бўлиши ҳайрон қоларли ҳол эмас. Негаки гап тасвир ва ташбеҳларнинг реалигига эмас, унинг замирида ётган фикр ҳамда унинг моҳи ёти муҳимдир.

Сирожиддин Сайиддинг аксар шеърияти ҳам ислом асотир ва ғоялари руҳида ёзилган. У “Дунё масали” номли шеърида шундай ёзади:

Ранжу ғам азалдан баробар келур,
Алар бир-бирига биродар келур.
Нечун севинчларинг бир хил, аё, Дунё,
Нечун армонларинг бунчалар рангин? –

деган савол қўяр экан, инсонларнинг тутган ишидан ҳайрон бўлади. Яъни хору забунликда қолган инсонларга кўмакка ўз жинси эмас, сут эмизган жайронлар келганидан, инсонларнинг бадбинлигидан куйинади. Шоир бунинг сабабини, албатта, ўзи билади. Шеърхоннинг эса маълум исломий билимга эга бўлмасдан англаши душвор.

Маълумки, Куръонда бу дунё ҳаёти кишиларнинг имти-ҳон жойи, деб таърифланади. Яъни бу дунё ҳаёти охират саодатига эришиш учун воситадир. Ҳаётнинг барча соҳаси, жараёни кишиларнинг имтиҳон жойларидир. Ҳақиқий му-сулмон бўлиш учун имон келтиришнинг ўзи кифоя эмас, балки кенгчилик ва қийинчилик пайтларида, дақиқаларида, ҳам ислом таълимотига бир хил амал қилган кишиларгина ҳақиқий мусулмон саналади. Дунёдаги яхшилик ҳам, ёмонлик ҳам, аслида, имтиҳон учундир. “Анбиё” сурасининг 36-оятида шундай дейилади: “Имтиҳон учун сизларни яхшилик ва ёмонлик билан синаб кўрамиз ва охирида ҳаммангиз бизга қайтасиз”.

Демак, ранжу ғам, севинч бир хил-у, лекин уларнинг синовидан инсон қандай ўтади? Шундан уларнинг армонлари ҳар хил.

Хурсандчилик, дабдабабозлик, ҳашаматчилик инсон иродасини заифлаштириб, доимий лаззатга мойил қиласи, қийинчилик, ғам, азоб-уқубат иродани чиниқтиради, мустаҳкамлайди. Шоир шеърининг сўнгги мисраси шундай:

Бир акам бор эди бегоналардан,
Уни ҳам ўткардинг ўтхоналардан,
Нечун гирёnlаринг кулар, ай, Дунё,
Нечун баъзи шодлар учрайди ғамгин.

Демак, гирён қилганлар, қалби покланганидан хурсанд, шодлар эса синовдан ўтган ўтмаганини ўйлаб ғамгин.

Ота-онани ҳурмату иззат қилиш, уларнинг айтганини бажо келтириш, ранжитадиган ишлар қилмаслик, ҳеч нарсага муҳтоҷ этмаслик фарзандлик бурчи саналишини уқтириш ислом ахлоқида бор. Ҳақиқатан ҳам, насроний ҳалқларида бундай ақида йўқ. Бу Шарқ ҳалқининг юксак ахлоқидан далолатдир. Шоирнинг “Ҳикмат” номли шеъри заминида шу foss ётади.

Шоир ҳикматни на боғу бўстон, на маликанинг чорбогида, на Дунё, на чинорнинг япроғида эмас, балки

Ҳикмат – бу дунёдан интизор ўтган
Отанг мозорининг тупроғидадир, –

дейди. У ҳикматни шунда кўради. Демак, ота ўлимидан олдин, фарзандига кўп кўз тиккан. Бунга мажбур қилган фарзанд бугун армонда. Ҳар ўйлаганда кўнгли ўртанади. Ўртанган сари инсонийлик сари қадам ташлайди, тўғри йўл сари йўналади. Чунки у руҳан покланади.

Армон чекан одам ҳам ақлан, ҳам маънан етук шахс ҳисобланади. Негаки ўз қилмишларини торозига солиб, мушоҳада қиладиган, баъзи ишларидан надомат чекадиган киши армон чекади. Сирожиддин Саййиднинг лирик қаҳрамони, яъни “мен” шундай шахс:

Ёшлиқ эди, бир ўзимни ўйлаб юрдим,
Ўз онамнинг соchlарини оқартирдим.
Деворларни тирнаганда барги хазон,
Нечун жисмим зирқрайди ўша замон? –

дейди. “Умр аста айланаркан азиятга” деб бошланадиган шеърида. Ўз қилмишини ўйлашлиқ, ўз онасига озор берганидан пушаймонлик, ундан руҳий эзилишлик ҳам Шарқ ҳалқларига хосдир. Чунки бундай қилмишлар гуноҳ саналади. Баргнинг хазон бўлиши умрнинг тугашидир. Унинг узилганда деворларни тирнаши шоир қалбининг тирналишидир. Бу ерда барг қисмати – инсон ҳаётига ишора. Инсоннинг ҳаётдан кетиши шоирнинг қалбини зирқиратади.

Кўнгил, кўнгил, қай йўлларда тўкилдим мен?
Сени охир ўз майлимга қул қилдим мен.

Демак, кўнгилни ҳавои-нафс ўз тўрига туширган. Бу ҳол инсонни табиий интизомдан чиқаради, истаклар орасидаги тенглик бузилади. Ҳавои-нафс устун чиқиб, бошқаларни четга суради. Иродаси заиф, билими оз одам ҳавои-нафсга берилади. Қуръоннинг “Анъом” сурасининг 119-оятида шундай дейилади: “Албатта, кўп одамлар илмсизлиги учун ҳавои-нафсга берилиб, йўлдан адашадилар”.

Кўнгилни майлларга бўйсундирган шоир ўзининг қай аҳволга тушганини шундай ёзади:

Тутган янглиғ хору хаснинг уволлари
Жой сўрайди мендан қузак шамоллари.
Лек мен ўзим қай ҳолда ва қайдадирман?
Адирларда қолиб кетган чайладирман.

Бундан тегишли хulosи чиқариш инсоннинг маънавий дунё-сини бойитади, қадамини билиб босишга ундейди. Қуръон дунёвий билим билан руҳий билимнинг уйғунлигидаги илмдир. Ислом ҳамиша маҳфиратга, яхшиликка, ёмонликдан қайтаришга даъват этади. Гулчехра Нур ҳам шу йўлдан боради:

Харид тиллоларнинг мен соғ тиларман.
Ҳарис кўзларингга офтоб тиларман.
Мени рақибиға йўйган рафиқам,
Сенга ҳам Оллоҳдан инсоғ тиларман...

Шайтон билан дўст тутинган одамнинг қилмиши разолатдан иборат бўлади, юргал йўлида ёмонлик қиласи, уни

қилмаганда ёмонлик соғинади. Албатта, буларнинг охирати йўқдир. Шундайларнинг қиёфасини шоир шундай тасвирлайди:

Йўлда бир кимса-ю, минг фириб борар,
Чўзилган ҳар шохни синдириб борар,
Алҳазар, бийлатмай фаришталарни,
Елкага шайтонни миндириб борар...

Комиллик мукаммаликдир. Мукаммал нарсанинг барчаси ёлғиз. Аллоҳ ёлғиз, Қуёш ёлғиз, Ой ёлғиз. Буни Гулчехра Нур ҳам таъкидалиди:

Осмонимда моҳ ёлғиз.
Юрагимда оҳ ёлғиз.
Ёлғиз билманғиз мени,
Кўксимда Оллоҳ ёлғиз.

Ҳақиқат ҳамиша умумлашмага эга бўлади. Шундан шоира-нинг ўқинчини факат ўзиники эмас, умумники деб англамоқ даркор.

Майлимиз кўчманчи туриадек, Оллоҳ,
Фараҳли бу дунё турмадек, Оллоҳ.
Ё, Рабб, қай бандалар йўлидан юриб,
Сенинг йўлларингдан юрмадик, Оллоҳ...

Бу фикр айни ҳақиқатдир. Мазкур йўлда ёзилган шеърларнинг барчасида ҳам ислом асотирлари замиридаги моҳият тўғри англаниб, унинг таълимотлари тўғри ёритилган деб бўлмайди. Улар ичига шундайлари борки, ўйлаб-нетмай илгари сурилган фикрлар, ишлатилган диний терминлар, яратганга мурожаат киши имонини саломат қилиш ўрнига, су сайтириб, исломга шак келтиради. Буни адабиётшунос Тоҳир Шермуровдев яхши очиб берган. У шундай ёзади: “Гоҳо шаклланган деганимиз, гоҳо энг ишонганимиз шоирлар асарларининг исломий жиҳатлардан митти, аммо мантиқан жиддий ножӯяликларга йўл кўяди. Баъзан ҳақ эътиқоддаги муқаддас сўзларнинг ғилофона ишлатишлари ғашимизга тегади. Илҳом битта битилган айрим ёш шоирларнинг шеърларида шу янглиғ

равшан камчиликларни кўриб, ажиг зулматларнинг зоя кетганига афсусланасан киши”¹

Текшириши саволлари:

1. Тоталитар тузум мафкураси замирида нима ётади?
2. Ислом асотирлари ва ғоялари нимага қаратилган?
3. А. Ориповнинг “Тавба” шеърида нимага даъват қилинади?
4. Ибодат турларига нималар киради?
5. “Дуо”, “Фийбат” шеърларининг аҳамияти нимада?
6. “Қуръон” оятлари билан шеърдаги фикрларнинг уйғунлиги қай даражада?
7. Тоталитар жамият қиёфаси қай тарзда инкишоф қилинади?

Таянч тушунчалар

Тазод – зид қўйиш, қаршилантирш, қарама-қарши бўлган сўзларни кўллаб таъсирчан бадиий тимсоллар, лавҳалар яратиш.

Армон мотиви – кўнгилдаги орзу, тилак, умидни рўёбга чиқара олмай изтироб чекиши.

Маърифат – инсон қалбига сайқал бериш жараёни; маънавият сари элтувчи йўл; илм.

Комиллик – ҳар жиҳатдан барчага намуна бўлишга эришиш, мұкаммаллик.

1.4. Мұхаббат азалий ва абадий мавзу

Режа:

1. Мұхаббат туйғусининг уфқ қенглиги.
2. Вужуднинг ардоқли армонларга тўлалиги.
3. Рамзларда дил тасвири.
4. Соғинчда кўнгил изҳори.
5. Фикр ва туйгулар уйғунлиги.
6. Илтижоннинг умумлашма характеристи.
7. Дунёвийлик билан илоҳийликнинг уйғунлиги.
8. Севгининг ижтимойлашиши.
9. Хуршида шеъриятининг ўзига хослиги.

¹ Ёзувчи гадетаси, 1999 йил, 1 апрел.

Адабиёт:

- Аристотель. Поэтика. – Т., 1980.
- Иқбол Мирзо. Қўшиқларим. – Т.: Истиқлол, 2004.
- А. Фитрат. Адабиёт қоидалари. – Т.: Ўқитувчи, 1995.
- Белинский. Адабий орзулар. – Т., 1979.
- Буало. Шеърий санъат. – Т., 1978.
- И. Ҳақкулов. Шеърият – рухий муносабат. – Т., 1990
- Я. Қосимов. Уйғониш садолари. – Т., 1987.
- Э. Воҳидов. Шоиру шеъру шуур. – Т., 1987.
- А. Орипов. Эҳтиёж фарзанди. – Т., 1988.

Бу мавзуда истиқлолдан кейин ҳам кўп ва хўп ёзилди. Маълумки, мазкур мавзунинг уфқи кенг. Шоир ўз ишқий туйғусини яратганга, ватанга, юртга, халқига, ота-онасига, дўстига нисбатна изҳор қилиши мумкин. Шундай қилинган ва қилингани ҳам. Лекин буларнинг ичидаги маҳбубга, севганига бўлган муҳаббатга бағишлиланган шеърларнинг, бизнингча, умри узоқ ва таъсирилдири. Чунки унда кишининг бутун вужудини покиза ва сирли бир ҳис чулғайди, тоза қон томирларда кўпиради, қалбга оппоқ нур кириб келади. Бу нур тананинг бутун пучмоқларига тарқалиб, нафсоний туйғуларни қувади, фикр тиниқлашади. Бутун олам кўзига бениҳоя гўзал туюлади. Маълумки, гўзаллик эзгуликдир. Вужуд эса ардоқли армонларга тўла. Шоир туйғуси, дардлари ўз дардингизга айланади. Ҳақиқий туйғу билан йўғрилган чинакам шеъриятнинг таъсир куввати уммонга тенг бўлади. Бугунги муҳаббат ҳақида шеърлар шу кабидир. Буларнинг кўпига аёл шоирларга ва ёшларга мансублиги шеъриятдаги эврилишдан далолатдир.

Алишер Навоий “Ҳайрат ул-абброр” достонида ҳақиқий ошиқ ҳақида шундай ёзади: “Ҳақиқий ошиқ деб сен билки, у дард билан яшайди; унинг тили ҳам, дили ҳам, кўзи ҳам пок бўлади. Ишқ уни ўз “мен”идан пок қилиб, ҳатто фано ўтига хашак қилган бўлади. Юзини сариқ қилиб, дардини яширади; кўзини ариқ қилиб ёши оқизади”¹. Бундан кўринадики, ҳақиқий ошиқнинг аҳволи дил изҳоридан эмас, ҳолатидан билинади. Бугунги кун шеърияти шундай. Шоирлар ўзларининг ишққа мубталолигини сўзда баён қилмайди, рухий кечинмаларини сўз орқали шунчаки айтмайди, балки ҳолат тасвирида кўрсатади. Ҳосият Бобомуродова “Бир дарё оқар қалбимда” туркумига кирган шеърида шундай ёзади:

¹ “Ҳайрат ул-абброр”, – Т.: 1974, 73-бет.

Ким чертар эшикни оҳиста, билмам,
Кўксимдан сугрилиб чиққандай тикон.
Кушдай учиб борсам, чопиблар борсам,
Бағри чўғ ҳамдардим хазонлар экан.

Бу ерда бирорга интиқ одамнинг ёрқин ҳолати ифодасини топган. Маълумки, ўзгага интиқ одамнинг бутун вужуди кулоққа айланади, хаёлида фақат унинг ёди кезади, қўли қандай юмушда бўлмасин, кўз олдида кутгани бўлади. Шеърдаги лирик қаҳрамон шу ҳолатда. Унинг изтиробли ҳолати, айниқса, тўртинчи мисрадаги ташбеҳда яхши очилган. Лирик қаҳрамон “мен” эшик чёртган ким деб борса, “Бағри чўғ ҳамдардим хазонлар экан”. Демак, ҳижронда қаҳрамоннинг юзи хазондек саргайган, хазон юзидаги тарам-тарамлиқдан эса қалб куйиши ифодаланади. Бу ҳолат кейинги мисраларда аниқлашиб, тиниқлашиб боради. Эшитилган сасни у деб ўйласа, сабо бўлиб чиқади, деразанинг тиқ-тиқидан хурсанд бўлса, кутгани эмас, ёмғир бўлади. Ўйга чўмған кўнгил бирдан хоплиқиб кетади, чунки шовқин келганди. Лекин интилгани эмас, шамол бўлиб чиқади. Шоира тилган олган нарсалар бир онли, бир лаҳзали бўлса-да, бироқ улар тўғонининг қудрати ниҳоятда катта. Шоирнинг уларни тилга олиши қалbdаги пўртанааларга ишорадир. Булар ҳамиша йўлда, ҳамиша олам кезади. Шундан уларга мурожаати ҳам мантиқли:

Ёмғир, шамол, хазон, тўхтанг, қайтинглар,
Эшитиб кетинглар қўшикларимни.
Йўқлаб келмасимга бориб айтинглар,
Йиғлаб очиб қўйдим эшикларимни.

Жисмоний эмас, руҳий изтиробдан йиғлаш руҳнинг покла-
нишидир. Ҳақиқий севги ҳижрони эса ботиний изтиробдир.

Табиат билан жонли олам бир-бирига чамбарчас боғлиқ. Табиатнинг гўзал маизаралари инсон қалбига кўчиб, унинг ботинида ажиб, нозик туйғуларни юзага келтирса, руҳнинг қалқишини эса табиат тажаллисидагина ифодалаш мумкин. Бу Ҳосият Бобомуродова шеърлари орқали ёрқин ҳис қилинади. Умуман, унинг туркумдаги шеърлари руҳан бир-бирига жуда яқин. “Сизнинг ҳам қирларда ўсарми майса” деб бошланадиган шеърида соғинч туйғулари ўз ифодасини топган. Шеърда

бу ҳолат эркаланиш, бир озгина тарзда шу қадар самимийлик билан берилганки, бу туйғу шеърхон қалбига кўчиб, унинг қалбини яйратиб юборади. Бу ҳол туйғулар тажаллисини ҳис ва аниқ тасаввур қилгандагина рўй бериши мумкин. Шоира бунинг уддасидан чиққан. Шоира ёзади:

Сизда ҳам сувларнинг кўпириб қони
Ўзларини тогдан ташлайдиларми?
Куртакларнинг гулга айланиш они
Бу ширин азобни бошлайдиларми?

Шоиранинг ҳар бир мисраси фикр ва туйғу уйғунлигига эга. Бу – ҳаммага ҳам насиб қилмайдиган ҳодиса. Сувнинг кўпириши – билакдаги қоннинг кўпиришига ишора. Маълумки, қон ўз-ўзидан кўпирмайди, кучли ҳаяжон ҳамда қувонч, завқланишдан юзага келади. Табиат манзараси бу ҳолни содир қиласиди. Юксакдан ўркач-ўркач бўлиб тушаётган шова киши кўз олдига келиб, унинг гўзаллигидан қалб яйраса, муздек шабада эпкинини вужуд ҳис қилиб, ундан ором олади, фикр эса тиниклашади. Куртакларнинг гулга айланишидаги ширин азоб эса муҳаббатнинг қалбда туғилишдаги онга ишора бўлиши билан бирга, ҳаётдаги иккинчи умрини, яъни улгайиш, комиллик йўли сари қадам ташлаш назарда тутилади.

Шоира шеърида юртига бўлган меҳр билан ёрига бўлган муҳаббатуйғунликда келади. Йоргинингтароватидан куёшнинг боши айланади, булутларнинг кўзи тинади, қайтган туриалар масканни кўриб, хурсандчилигидан кўз ёш тўқади. Буларнинг барчаси эса, ўз навбатида, лирик қаҳрамоннинг қалбida кечган пўртаналар, висол они яқинлашидаги ҳаяжонли дақиқалардир.

Табиатдаги ҳодисалар, улардаги манзаралар мисоли кўзгудек лирик “мен”нинг ички кечинмаларини, туйғуларини кўрсатиб туради. Чунки ботинда ҳамма нарсалар табиатга кўчган. Лекин севгилисида бу ҳодиса рўй бермаганидан ўқинади.

Кўнгилдаги армон, юракдаги ғам
Кўчиб кетмасмиди гулга, чаманга?
Нега бунча жимсиз, бунча хотиржам,
Баҳор келмадими, сизлар томонга?!

Агар шундай бўлганда, у (севгилиси) инсонлашарди, эзгулашарди. Эзгу юрак эса ҳамма нарсани қалб кўзи билан кўради ва идрок этади.

“Жонимнинг эгаси” шеърида ўз севгилисига шундай илтижо қилади:

Баҳор олиб кетса баҳорларимни,
Ғамлар босиб олса не хорларимни,
Кузлар тўкиб кетса оҳорларимни,
Жоним эгаси, сўнсам майлими?

Бу илтижо умумлашма характерга эга бўлиб, барча ошиқлар ўз маҳбубини бундай ахволга солмаслик, уларни қадрлашга дазват қилингапти.

Шоиранинг “Қандайсиз?”, “Яхши бор”, “Қалбимда оқади бир дарё олов”, “Жоним, ҳали менинг ошиқларим кўп”, “Сенга қандай борай, вайронга кўнгил” шеърлари ҳам мана шундай туйғулар уммонига кўмилган, руҳият ифодаланган шеъриятдир.

Зебо Мирзаеванинг шеърини ўқигандага “Ҳақиқий шеърнинг мазмунини гапириб бўлмайди, уни ҳис қилиш керак” деган фикрнинг ҳақиқат эканини киши тан олади. Ҳақиқатан ҳам, туйғуни, руҳиятнинг мазмунини сўзлаб ҳам, унинг шаклини чизиб ҳам бўлмайди. Лекин ҳис қилинганда, маънавий ва руҳий эҳтиёж қонади. Бу ҳақида шоиранинг ўзи шундай дейди: “Шеър, балки руҳиятнинг хурриятидир, балки руҳнинг ҳаётидир. Ҳар қалай, қисқа бир шеър ҳам дилингизга катта бир озодлик олиб келади. Менимча, шеърият – бу узун йўл. Руҳият йўли, ёлғизлик йўли...”¹. Бу фикрнинг барчаси шеърларда ўз ифодасини топади. “Тамом” шеърида шундай ёзади:

Мен энди кетаман...
Уни кечирдим.
Кечирдим энг сўнгти ғанимимни ҳам.
Энди тинч яшайман тоғлар юртида
Дараҳтлар,
шамоллар,
майсалар билан...

¹ “Ёзувчи” газетаси, 1999 йил, 3 феврал

Бу ерда лирик қаҳрамон “мен” севилмаганидан ёки севгиси рад этилганидан тушкунлик бир кайфиятда дил изҳори қилмаяпти, балки руҳига яқин одамни топмаганидан кўнгли ўксияпти. Ҳаётда руҳи хурриятли шахслар камлигидан ўкинняпти. Чунки унинг руҳи баланд, маънавияти ниҳоятда юксак шахс. Шундан у ниҳоятда кечиримли, ҳатто ғанимини ҳам кечира олади. Ахир, одам табиатан ноқис бўлса, бунинг учун уни айблаб бўлмайди-ку? У табиатдан кўнглига яқинлик топади. Мажнун – Қайс одамлардан меҳр топмаганидан сўнг, дала-даштда ёввойи ҳайвонлар билан дўстлашган-ку!

...Дардсиз нигоҳлардан,
ғамсиз “оҳ”лардан,
шу ўт-ўланларга яқинман кўпроқ.
Авлиёдек чўкка тушиб ўтирган
Қоялар бағридан топамен паноҳ, –

дейди лирик “мен”. Паҳлавон Маҳмуд бир рубойисида “Кўҳна қалам толе эмас, доғ битар. Дард экаман, бир-бир униб, боғ битар”, – деб ёзади. Ҷемақ, шоиранинг дарахтларни, майсаларни, қояларни дилига яқин олиши бежиз эмас, чунки уларнинг “багри” дардга тўла. Улар эса азиз тупроқдан баҳра олади (пок нафси ила куч берар тупроқ). Шоиранинг табиатга кўчган изтироб, дардлари ҳам мева тугади. Бу руҳий эркинлик, маънавият, маърифатдир. Шеърнинг куввати ҳам мана шунда. Шоира ёзади:

Кўзим тушса, куяди офтоб,
Кўлим чўзсан, тўкилар дилим.
Айтсан гуноҳ, айтмасам азоб,
Бу қандай дард,
Бу қандай ўлим?

Бу – ишқ дарди. Унинг оташи шундай кучлики, яқинлашса, офтобни ҳам куйдиради. Унинг ғам шуъласи дилни шундай изтиробга соладики, бунга дош беролмаган кўнгил “оҳ” чекади. Бу “оҳ”дан бутун олам ёнади, мазкур оловда ишқ тимсоли лирик “мен” ҳам қақнус мисоли куяди. Мана шундай куюниб-ёнишда ҳақиқий ошиқлик ва маъшуқлик юзага келади. Бу борада ҳазрат Навоий дейдилар: “Ишқ дегани бу қандай ўтки, у

хужум қилганда, унинг тутуни ва учқунларидан осмон ва юлдузлар яралди. У тутундан малаклар пашшадек қочдилар. Фалак осмонда оддий бир фонусдек бўлиб қолди. У туфайли ақл пешонаси қорайди. Рух кўзидан ҳам у ёшлар оқизди”¹. Лекин шоира қаҳрамонининг ақл пешонаси қораймайди, балки ишқ дардидан нурланади, рух кўзидан оққан ёшдан қалб губорлари ювилади, покланади. Бу ҳиссиётдан холи илоҳий севгининг кудратидир. Шоира севгиси шундай севгидир.

Катта шахсларнинг муҳаббати ҳам, нафрати ҳам чўнг бўлади. Рухи руҳига мос тушса, диди дидига тўғри одамни топса, бир умр содик қолади. Ўз муҳаббатини ёвуз кучлардан, хийла-найранглардан она бургутдай ҳимоя қиласди. Агар кўнгли қолса воз кечади. Аҳдидан эса ҳеч қандай куч қайтара олмайди. Шоира “Кетинг, Сизга эҳтиёжим йўқ” деб бошлана-диган шеърида ёзади:

Қолдирмоққа уринманг, илло,
Боқманг илҳақ, интиқ, ғамзангиз
Менга бехад ёлғон туюлар,
Ишққа ўхшаб кетган таъмангиз.

Унинг кимлигини ғоят тўғри идрок этиб, юзига ҳақиқатни маънавияти бой, руҳи тетик одам айта олади. Зебо Мирзаева шундай шахс. Буни ўзи ҳам эътироф этади:

Нима қилай, шундай аёлман
Табиатан ва ёки дилдан:
Севсам жуда қаттиқ севаман,
Руҳим, жисмим, ҳаётим билан!

У ўз эътиқодига, руҳига хиёнат қилмайди. Шу табиати билан ўзини баҳтли санайди. Чунки унинг бу ҳолати ўз шаъни, гурурини оёқ ости қилувчиларга нисбатан исёнидир. Шоира-нинг “Бир кун кетсам”, “Азоб дарраларини”, “Майли, кетгили”, “Бир тоза ишқ бўлса”, “Мен уни севмайман” каби шеърларида ҳам “дард”лари мисраларга тўкилган.

Ҳақиқат ва ҳақиқий инсоний туйғу ҳаммага бирдай таъсир қиласди. Чунки туйғунинг миллати йўқ, ирқи йўқ. Барча инсонларда бирдай кечади. Адабиётга чақмоқдай кириб келган

¹ Ҳайрат ул-аббор. –Г., 1974 йил, 72-бет.

Ҳосият Рустамованинг шеърлари шундай. Унинг шеъриятида дунёвийлик билан илоҳийлик бирлашиб кетган. Шоира шеърияти ҳақида қалам тебратган тадқиқотчилар уни ўлим ҳақида кўп ёзди деб таъкидлашади. Сиртдан қараганды шундай. Лекин синчиклаб ўқигач, ўлим ҳақида эмас, тирикликка, ҳаётга беҳад муҳаббат ва донолик, ҳаётнинг моҳияти, инсоннинг комиллиги ҳақида ёзди дейишлик тўғри бўлади, деган хуносага келинади. Маълумки, инсонийлик моҳияти ҳаётнинг икки саодатига эришишдир. Бунга эришиш аъмолларини бажариш инсоний комилликни белгилайди. Буни ҳамма ҳам англаб етмайди. Лекин ёш бўлса ҳам, Ҳосият англайди ва шеъриятида жуда яхши ифодалайди. Бу ҳол шеъриятдаги доноликдан да-лолатдир.

Барча нарсанинг асоси тириклик ва ҳаётдир. Инсоннинг мавжудлиги шу икки нарсага боғлиқ. Шу икки нарсани сев-маслик анойиликдир. Шоира ўлим ҳақида сўз юритганда тирикликка, ҳаётга катта муҳаббатни куйлади. Ахир, ошиқлик ва маҳбублик ҳам шу икки нарсага боғлиқ-ку! Ҳуллас, Ҳосиятнинг шеърлари кишида тушкунлик кайфиятини эмас, некбинлик туйғусини уйғотади, уни ўқиб ҳаётни қаттиқ севиб қоласиз.

Шамоллар эрмаклаб ўйнар
Хазонни –
Тақдир чирпиратиб отади ерга.
Раббим, ўзинг берган мана шу
Жонни
Ўзингдан яшириб қўяй қаерга?!

Бу мисраларни ўқиб, вужудингиз зирқиллаб кетади. Шоиранинг ҳаётни, тирикликни севишни ҳеч ким айтмаган ҳолда журъаткорлик билан ифодалашига қойил қоласиз. Унинг ис-теъдодига тан берасиз.

Қанча ўлик бўлса –
кўрдим, демас ер.
Ғамни парвосига келтирмайди кўк.
Йўловчи!!!
Йўловчи!!!
Кўлларингдан бер –
Мен сени эртага кўраманми, йўқ?

Йўловчи Ким? У сиз билан биз. Демак, у одамларни ҳам беҳад севади, уларнинг ерни гурсиллатиб юришини яхши кўради. Чунки ҳаётнинг тириклиги, унинг тароватлилиги, илиқлиги улар билан. Афсуски, улар омонат, айниқса, XXI аср талатўм, талатўфларидан уларни эртага кўриш ҳам душвор.

Шоиранинг шеърида севги деган сўз ижтимоийлашади, фалсафийлашади. Маълумки, инсоннинг вужудидан ташқари ҳамма нарса уники эмас, унга вафо қиласади. Еру Осмон, Қуёшу Ой, юлдузлар, дов-дараҳтлар дегандай. Ўзидан кейин ҳам уларни қолишидан, уларга таънаю маломат қиласади. Лекин дарров фикридан қайтади. Чунки Дунё деб айтилган нарсада ҳаловат топган нарсанинг ўзи йўқ. У табиатнинг ўзини ҳам тентиратиб юборади.

Юзимга юлдуздай
Сачраганда ёш,
Яшайверасанми
Мен бўлмасам ҳам,
Сенинг оқибатинг шуми,
Эй, куёш?!...
...Бу дунё тентирар
ёмғирда, корда, –

дейди.

Азизим, бу кўзлар
кўзимда қолган –
Азизим, бу кўзлар билар вафони...

Демак, инсоннинг ўзидаги нарса унга вафо қиласади. Бу мисра иккинчи маънога ҳам эга. Инсоннинг яхши ва ёмон фазилатлари ҳамиша ўзи билан бирга. Шунга кўра мавқеи ва ҳаётдаги ўрни белгиланади, яъни унга қараб икки дунё саодати таъминланади.

Мұҳабbat бу яхлитлик соғинчи, унга интилишдир. Бунинг моҳияти шуки, комил инсон рухий эҳтиёжни қондиришга интилади. Унинг рухига яқин нарсани инсон беради. Унга мұяссыр бўлганда яхлитлик юзага келади. Яхлитлик эса бутунлик, мукаммалликдир. Аслида, икки жинс бир олманинг икки бўлагидир. Маълумки, ҳамма нарсанинг моҳияти факат қучли

тафаккур англатади. Ҳосият кучли тафаккур эгаси бўлгани учун муҳаббат моҳиятини теран англайди. У ёзади:

Балки...
Соғинади юрагинг,
Аммо мендан кўзларинг хафа.
Бу дунёда сенинг борлигинг –
Менинг учун ажиб саҳифа.
Сен бор экан...
Мен борман, тушун.
Қор ҳам ёғар...
Ёғади ёмгир.
Сенинг қаро кўзларинг учун,
Яшамасам бўлмайди, ахир.
Орқамизда қолади хаслар,
Бизнинг борар осмонимиз кеңг,
Кўзларимда суратинг туар,
Юрагимда туар кўзларинг
Сен бор экан...
Мен борман, тушун.
Қор ҳам ёғар...
Ёғади ёмгир.
Бу дунёда борлигим учун
Яшамасам бўлмайди, ахир.

Демак, қаҳрамон ўз кўнглига, руҳига яқин одамни топган, лекин у намадандир раңжиган. У ўз руҳига яқин бўлгани учун унинг ботинидаги ўзига нисбатан соғинич туйғусини яхши ҳис килади. Шундан лирик “мен” ортиқча гууруни йиғиштириб қўйиб, унга нисбатан ўз туйғусини очиқча эътироф этади. Унинг борлиги ўзи учун ҳаёти тўлиқ ва порлоқ эканлигини таи олар экан, ўз навбатида, унинг учун ҳам ҳаётнинг ажиблиги ва ундан мамнунлиги ўзининг ҳам у учун борлигидан эканлигини эслатиб қўяди. Агар улар бир-бири учун яшасагина, ҳаётнинг қор ва ёмгирини енгигиб, хасларини ортга қолдириб, келажак сари қадам ташлаши мумкин. Ҷунки яхлитликда куч бор, қудрат бор. Шундан лирик “мен” яхлитликка интилади ва соғинади. Ҳосият Рустамова муҳаббатни шундай тушунади ва тўғри қилади. Бу муҳаббатни фалсафий англашдир.

Хуршида ўз йўли, ўз овози бор шоира. У мумтоз шеърият йўлида ижод қиласди, яъни ғазалда. Маълумки, ғазалнинг асосий мавзуси ишқ-муҳаббат. Лекин Хуршиданинг ғазаллари бир жиҳатдан фарқ қиласди. Агар мумтоз ғазалиётда қўпроқ ёрнинг ҳусн-жамоли мадҳ қилинса, ҳижрон ўтида куйишлари, изтироблари қуиланса, бу нарса ҳаётийликдан узоқ бўлса, Хуршида газалларида унинг аксиdir.

Хуршида мумтоз адабиётдаги анъанавий поэтик образларга янги маъно юклайди, оқибатда у замонлашади ва маънавий, ахлоқий йўналиш олиб, бугунги инсоний ахлоқ ҳамда муносабатга хизмат қиласди. Бу нарса “Булбул гулдомига тушганда ногоҳ” деб бошланувчи сюжетли шеърида ёрқин ўз ифодасини топган. Гул ва булбул шундай, яъни ошиқ ва маъшуқ маъносида. Лекин бу ерда конкретлашган, инсонийлашган. Шоира буни катта ҳарфда бериши билан англатади. Булбул гул боғига келиб ўз нағмасини бошлайди:

Хонишин бошлади Булбул оҳиста –
Зоҳираи хуш чаҳ-чаҳ, ботинан хаста
Эканлигин ошкор қилди бу кеча.

Лекин сохта ошиқ бу сафар мақсадига эриша олмайди, яъни “Орият мулкига раҳна сололмай” гул ёнидан жилади. Бироқ гулнинг дардидаги ўзининг ботинан хаста эканлигини намойиш қилиб, кечаю кундуз нола қиласди. Ва ниҳоят, мақсадига эришади. Гул унинг ноласига ишониб, таслим бўлади:

Гулнинг гул ҳуснига волаи кўнгул –
Толеъ тухфасидан маст эди буткул,
Висол жодулаган Гул илиа Булбул
Еттинчи фалакда елди бу кеча...

Тонг отди...
Вужуди титрагай Гулнинг.
Кун ботди...
Малҳами топилмас дилнинг...
О, наҳот, қайтса-да баҳори йилнинг,
Қайтмагай оҳори энди бу кеча?!

Туйгуларини ақлга бўйсундира олмаган гулнинг надоматларида катта ҳақиқат бор. Тафаккурдан ташқаридағи

ҳаракатнинг барчасининг охири войдир. Хуршида шеърида шу ғояни ифодалаган. Бу ғоя ҳамиша ҳаётий ва огоҳ кучига эга.

Тафаккури кучли одам ёлғизликка интилади. Ёлғизликка интилиш ўзи билан ўзи қолиш, ўз ботинига назар ташлаш, ўзини таниш демакдир. Ёлғизлик олами кўнгил олами, руҳий оламдир. Бу оламни англаш иккинчи оламни, яъни маънавий оламни кашф қилиш демакдир. Бу олам зоҳирий оламдан устун ва сирли, инсон комиллигини таъминловчи оламдир. Мақсаду Эгамбердиева шеърларида шу ҳақиқат ўз ифодасини топган. “Ёлғизлик, гултожим” номли шеърида шоира ёзади:

Ёлғизлик, гултожим, мен сеникиман,
Бир йилми, уч йилми, беш йилми, ўн йил.
Йўлларимни пойлар тақдир – ёсуман,
Хонилар кўзимга боқарлар дадил.

Бу – айни ҳақиқат. Чунки инсон дунёга ёлгиз келади, ёлғиз кетади. Агар шеър шу фикр билан чекланганда эди, ҳеч қандай маънавий кучга эга бўлмай, бор ҳақиқатни таъкидланган бўларди. Лекин шоира унга ижтимоий мазмун юклайди, катта фалсафий умумлашма чиқаради:

Ёлғизлик, гултожим, найзаларинг санч,
Тишимни тишимга кўйиб чидарман.
Сенга ҳеч ким халал бермас, кўнглум янч...
Айтавер музлатар кўшиғинг, шайман.

Аччиқ оғриқларга бир тўяй ўзим,
Музлаб-музлаб юрак ўтларин боссин.
Ёлгон севинчлардан поклансан кўксим,
Ой келиб сочимга хандасин оссин.

Ёлғизлик изтиробларидан кишининг кўнгли покланади, покланган кўнгилнинг йўли ойдин, ҳатто ой ҳам бундан хурсанд (Ой келиб сочимга хандасин оссин). Чунки покланган қалбининг атъмоли – эзгулик ва фаолият. Бундай шахсни инсоният ардоқлади.

Мақсаданинг шахсий ҳаётий фаолияти умумлашма характеристига эга. У ўз ҳолатида кечаги ва бугунги ижтимоий ҳаётни акс эттиради, шунингдек, аёллар қисматини ёритади:

Йиғласа, кўзидан дур тўкилмаган,
Оғзидан гул сочмай кўйган пари – мен.
Ўша даврон чертиб кўрганда синган,
Жонон пиёланинг синиклари – мен.

Замоннинг ноҳақликларидан, адолатсизликларидан изтироб чекканидан, куйганидан жисми шунчалик заифлашиб, нозиклашиб, руҳи ҳам синган. Кейинги мисраларда бу нарса янада аниқлик тус олади:

Севгига айланиб улгурмай хис,
Бевалик кўйлагин кийди навжувон.
Умрни қамраган ўша дард боис,
Олмишдир юрагим азобдан унвон.

Юракнинг азобдан унвон олиши – бу топилма, ҳеч ким ишлатмаган ташбеҳдир. Ўз навбатида, сўзнинг илоҳий кудратининг ифодасидир.

Лекин унинг умидларини (тириклик дарахти) сўндиришга, маломат тошлари ёғдиришта интилишмасин, садоқатда собит қадам туради. Чунки қалbidаги муҳаббат ва вафо кучлидир. Шоира ёзади:

Тириклик дарахтин бир шохи талаш,
Эпчиллар қайирган бир четини.
Кўнглим-эй, қор ёғса ёмғир аралаш,
Муҳаббатнинг гулдан қилган ўтини!

Шоиранинг “Баҳт ҳақида эртак тўқийди куртлар”, “Иккала қўли банд, ишидан келиб” деб бошлинувчи шеърлари ҳам фалсафий умумлашмага эгалиги, ижтимоий мазмун ташиши ва ҳаётийлиги билан муҳимдир.

Жаҳон адабиётини кузатганда, киши бир ҳақиқатга имон келтиради. Бу ҳам бўлса, ҳамма яхши аъмолларининг замини севги эканлигини таъкидлашларидир. Бу борада, айниқса, Навоий ҳазратлари етакчилардандир. Маълумки, Фарҳод барча билимларни эгаллагач, кейин ишққа мубтало бўлади. Навоий “Фарҳод ва Ширин” достонида ёзади:

Дунёда қолмади ул етмаган илм,
Билиб таҳқиқини касб этмаган илм.

Демак, билимсиз одам ишқ моҳиятини англаб етмайди. Унинг моҳиятини англаған кишигина чин ишқсиз инсон камолатга етишиб бўлмаслигини идроқ этади. Маълумки, ишқ ҳам илоҳий, ҳам дунёвий руҳига эга. Иқбол бу фалсафани яхши англайди. Шундан севгига илоҳий бир куч сифатида қарайди ва инсоний комилликнинг таянчи деб билади. У “Севги” номли шеърида ёзади:

Йўғу боримга боис борлиқсан, севги,
Ягона ёрдан ёлғизсан, севги.
Юрагимни тарс ёрган лаззатсан, лаззат,
Онгимдаги абадий оғриқсан севги.

Инсонни комилликка васл эмас, ҳижрон етказади. Ҳижроннинг ҳам изтиробли, ҳам лаззатли дақиқаларини бошидан кечирган киши эзгулашади. Эзгулик аъмоллари мевасини кўрган вужуд шунчалик ором оладики, унинг наъшидаси васлдан устундир. Шундан шоир:

Чўкаётиб тутганим хассан-ҳарир,
Севгилимдан минг кара ортиқсан, севги! –

дейди.

Софинч туйғулари, идеалдаги орзулар кишини “тинчитмайди”, ўз навбатида, руҳини тетик, фикрини тиниқлаштиради. Бундай одам “қанот”ли бўлади, у доим парвозда. Бундай кайфиятни, табиатни фақат муҳаббат беради. Чунки муҳаббатда ботинидаги гўзаллик ётади. Унга садоқат, вафо эса кишини дилбар шахсга айлантиради. Дилбар шахсада ёмонлик туйғуси бўлмайди. Иқболнинг лирик қаҳрамони шундай туйғуга эга:

Карбало даштида ётаман тўзиб,
Устимга ой куқун сепсин майдалаб,
Фақат чиқмайсизми ёнимдан ўсиб?
Замон борми сизни эслатмайдиган.
(“Зерикиш”)

Туйғулар ҳақиқати миллий руҳ билан уйғунлашганда, бу ҳолат мисраларда ўз ифодасини топганда киши қалби равшан-

лашиб, шуур тиниқлашади. Чунки мисралардаги фалсафий ҳақиқат қалб орқали онгга боради. Бу ҳол бугунги кун шеъриятининг ўзига хослигини ҳам белгилайди. Илгари бу ҳол жуда кам шеъриятда кўринарди. Факат онгга таъсири ўрганилиб, қалбга, туйғуга таъсири орқа планда эди. Бу борада Иқбол Мирзонинг шеърлари шу хусусияти билан ажраб туради. “Кўзларингга термулсайдим” шеъридаги қуидаги фалсафий ҳақиқат фикримизни тасдиқлади:

Эҳромлар ҳам бир кун туроб бўлар экан,
Коинот ҳам тўзгиб, хароб бўлар экан.
Факат севги мангу ва соғ бўлар экан,
Билганимни энди сенга билдиrsайдим,
Кўзларингга термулсайдим, термулсайдим.

Бу айни ҳақиқат. Чиндан ҳам севги мангудир. Чунки инсоният мавжуд экан, у яшайди, комиллик сари бошлияди. Мазкур самимилик, ҳақиқат кейинги мисраларда ҳам аниқлик тус олади. Шундан ҳам у таъсирчандир. “Кўз ёшларим, шошилмангиз, кетманг тошиб, қон юракка малҳам бўлар шўр кўз ёши”, – дейди шоир. Негаки ёмғир табиатни яшнатишда қандай роль ўйнаса, кўз ёши ҳам қалбни яшнатишда, вужудни поклашда шундай роль ўйнайди.

Миллий рух халқнинг урф-одатидан кўра, уларнинг табиати орқали ифодаланса, миллат ёрқинроқ бўй кўрсатади. Иқбол шундай қиласи. Куйидаги мисраларда бизнинг аёлларга хос бўлган ниҳоятда дилга хуш келадиган, ёқимли эркалиқ, эркаланиш хусусияти ўз ифодасини тонган:

Айтгил, ҳамон борми ширин аразларинг?
Саломатми орзуларинг, хавасларинг.
Кулогимдан кетгани йўқ нафасларинг,
Кўзларингга термулсайдим, термулсайдим.

Истиқлол давридаги фаол шоирлардан бири Маҳмуд Тоировдир. У халқ оҳанги, термалари йўлида ёzádi. Энг муҳими халқчил оҳаиг билан чекланиб қолмасдан, шеърларга халқ руҳини сингдиради, халқнинг содда, лекин ниҳоятда доно фалсафасидан фойдаланади. Окибатда шеърда халқ руҳияти билан донолиги уйғулашади. Бу нарса, ўз навбатида, шеърни

ўқишли қиласи, жозиба бағишилайди, шунингдек, онга маънавий озуқа беради, яъни шуурга шуур қўшади. Маълумки, бундай хусусиятга эга бўлган шеърият кишининг ҳам қалбига, ҳам онгига таъсир қиласи. Бу хусусият Маҳмуднинг барча мавзудаги шеърларига тегишли, жумладан, муҳаббат мавзусидаги шеърларига ҳам.

Маълумки, Шарқ ҳалқлари дунёвий муҳаббатга нисбатан фалсафий ёндашишларида никоҳгача эмас, кейин юзага келган муҳаббатни афзал билади ва уни чин муҳаббат санайди. Бунда катта ҳақиқат бор. Чунки бундай муҳаббат асосида ҳиссиёт эмас, ақл ётади. Ақл ҳар бир жабҳада маҳак тошидир. Маҳмуд Тоир ҳам муҳаббатга шундай ёндашади ва мисраларда унинг киши дилини яйратадиган хусусиятлари, фазилатларини тасвирлайди. “Ярамас энди” шеърида бир оғиз ҳам севги, муҳаббат сўзи ишлатилмайди. Лекин таг матндан чинакам муҳаббат мавжудлиги англашилади. Негаки шоир муҳаббатнинг дил изҳорини эмас, унинг ҳосиласини, моҳиятини беради. У ёзади:

Қуёш бизга қўшилса керак,
Ой арқондек эшилса керак,
Нега юм-юм йиглайсан, юрак,
Кўз ёш бизга ярашмас экан.

Йиги киши қалбини юмшатувчи ва покловчи воситадир. Агар баҳтдан, қувончдан кўз ёш тўкилса, унинг бу хусусияти икки баробар ортади. Шеърда ифодаланган йиги (Нега юм-юм йиглайсан) шу хусусиятга эга. Лирик қаҳрамон ўз идеалига эришганидай, қалбининг маънавий эҳтиёжларининг қонганидан ғоят хурсандлигидан кўз ёш тўқади. Унинг баҳтидан қуёш ҳам, ой ҳам мамнун. Чунки уларнинг аъмоли ҳамиша яхшилик, эзгулиқдир. Кейинги мисраларда бу хурсандчиликнинг сабаби ойдинлашади:

Корсиз тоғлар қора тош экан,
Тилло ҳам бир сара тош экан,
Иккимизда кўнгил ёш экан,
Кўз ёш бизга ярашмас экан.

Демак, ҳар бир нарса ўзига файз берадиган нарсаси билан гўзал ва жозибалидир. Ҳақиқатан, тиллога ҳам ишлов бериб,

санъат ашёсига айлантиrmаса, кераксиз матоҳдир. Инсонга зеб берадиган нарса эса юксак ахлоқ ва яхши аъмолдир. Шу нарса уни гўзал, мафтункор, севимли ва ҳамиша навқирон қилади. Киши ҳамиша шундай йўл тутса, “дунёнинг беги бўлади”, ўзгаларнинг ҳасадини келтириб яшайди. Бунинг учун фақат адолат ва Ҳақ йўлини тутиши керак:

Бу дунёнинг беги бўламиз,
Бинафшанинг кеги бўламиз,
Ўлдирсалар, Ҳақ деб ўламиз,
Кўз ёш бизга ярашмас энди.

Маҳмуд Тоировнинг “Оллоҳ десам...”, “Қайтайин”, “Хуштилак”, “Юк кўтарсанг, бўёzlама”, “Фикри ожиз” шеърлари замирида ҳам мана шундай халқона оҳанг ва халқ доноғоли ётган шеъриятдир.

Текшириши учун саволлар:

1. Вужуднинг ардоқли армонларга тўлалиги нима?
2. Рамзларда дил қандай ўз ифодасини топади?
3. Кўнгил изҳори соғинчда қандай акс этади?
4. Фикр ва туйгулар уйғунлиги нима?
5. Илтижо қандай қилиб умумлашма характерига эга бўлади?
6. Дунёвийлик билан илоҳийликнинг уйғунлиги нима?
7. Қай ҳолда севги ижтимоийлашади?
8. Хуршида, Маҳмуд Тоир шеърити қандай ўзига хосликка эга?

Таянч тушунчалар

Образлилик – воқеликни ижодкорнинг дунёқарashi, идеали нуқтаи назаридан акс эттиришининг умумий принципи.

Метафора – бадиий кўчиш тури, қисқа ўхшатиш.

Метаномия – бадиий тур, нарсани бошқача номлаш.

Рамз – бирор ғоя, тушунча, ҳодисаларни ифодаловчи ишора, шама.

Лирик кечинма – шахсан ҳис қилинган, кўнгил кўзгусида йўғрилган, тасаввур қилинган ва ўйланган ҳолат.

1.5. Модернизм ва модери йўналишдаги шеърият

Режа:

1. Модернизм ҳақида тушунча.
2. Модернининг адабиётга кириб келиши ва шаклланиши.
3. Экзистенциализм оқимининг хусусияти.
4. Модернинг нисбатан қараш.
5. Рауф Парфи шеърларининг ўзига хослиги.
6. Модерн шеърнинг хусусиятлари.

Адабиёт:

Эспен Ховардехолм. Модернизм. “Жаҳон адабиёти”, 2001 йил, 1-сон.

Андре Бретонь. Сюрреализм манифести. “Жаҳон адабиёти”, 2000, 5-сон.

У. Норматов, У. Ҳамдам. Дунёни янгича кўриш эҳтиёжи. “Жаҳон адабиёти”, 2002 йил, 12-сон.

Эргаш Очилов. “Сиз шеър айтасизму ё одам кўркутасиз” “Ўзбекистон адабиёти ва санъати”, 2004 йил, 17 сентябрь.

П. Қодиров. Маънавият, модернизм ва абсурд. “Ўзбекистон адабиёти ва санъати”, 2004 йил, 26 март.

Ҳар қандай янгиликнинг асоси тафаккур, ҳаётни идрок этиш иқтидори ва даврdir. Бу нарса ўз-ўзидан юзага келмайди, балки билим ва савия заминида хосил бўлади. Кишининг билими ошган сари у ҳаётга ўзгача кўз билан қарай бошлайди, уни ўзгача идрок этади. Нимаки эскининг инкори ўрнига келса, у янгиликдир. Модернизм жараёни ҳам шундай. XIX асрнинг ўрталарига келиб, айрим илфор фикрли Европа ижодкорлари воқеликни тасвирлаш, унга “тақлид” қилишдан чекина бошладилар. Уларнинг наздида бу нарса ижодкорлар имкониятини кўп жиҳатдан чеклаб кўяди. Бу борада норвег адаби ва мунаққиди Эслен Ховардсхолм шундай ёзади: “Бугун биз шундай санъат билан рўпарама-рўпара келиб турибмизки, бу санъат ҳақиқатга ўхашлик талабини инкор этади; бу санъат воқеликни бошқача тарзда қабул қилишга интилади. Бошқача бирон яхшироқ сўз тополмаганлари учун замонавий санъатни “модерн санъат” деб атамоқдалар”¹

¹ Жаҳон адабиёти, 2001 йил, 1-сон. 197-бет.

Норманн Мейлер “Пикассонинг ёшлиги” асарида модернизмнинг туғилиши ҳақида шундай дейди: “Икки аср оралиғида илгари ҳатто тасаввур қилиб бўлмайдиган кашифётлар қилинди. Марконинг симсиз алоқа билан боғлаш сингари кашифётлари одамларни шошириб кўйди. Мана шу сингари гаройиботларнинг эстетик аҳамияти ҳам бор: модомики, ахборотни бир манзилдан бошқа бир манзилга симсиз ҳам узатиш мумкин экан, инсоннинг руҳий ҳолати ҳам электр қувватига боғлиқ бўла олади, у билан ўзаро алоқага кириша олади ҳам. Бу эса шоирлар ва ижодкорларни бефарқ қолдирмайди. Чунки улар технологик инқиlobнинг фақат техника билан чекланиб қолмайдиган ялпи оммага вақтинчалик номаълум мазмун-моҳиятини ботинан идрок қила билган эдилар. Бирон-бир ма-софани фақат от ёрдамидагина эмас, бошқа воситалар ёрдамида, кўмагида, боз устига, ақл бовар қилмас тезликда босиб ўтиш мумкин экан, ижод майдонига ҳам бошқача андозалар билан ёндашмоқ керак деган тушунча-акидалар пайдо бўлди. Ана ўша йиллари Фрейд ўзига хос тушлар таъбирини кенг жамоатчиликка ҳавола қилганди. Бу эса кўплаб ижодкорларни ҳаётга янгича нигоҳ билан қарашга ундай бошлади. Инсоннинг ботиний оламига илк йўлак очилганди. Азалий тушунчалар, анъаналар чилпарчин бўлиб кетганди”. Шундай қилиб, жамиятдаги техникавий тараққиёт, бадиий ижод жараёнида ҳам ўзгариш ясашга замин яратди. “XIX аср ҳақиқатининг шартли ва чекланганлигини англаб етган XX аср ижодкорлари дунёи борлиқни бевосита эмас, балки бавосита, яъни ақлан эмас, аксинча, қалбан идрок эта бошладилар. Натижада, воқелик – объектнинг ранг-баранг ботиний олами жилва қилиб, кўзларни қамаштира бошлади” (Александр Генис). Демак, модернизмнинг обьекти реал воқелик эмас, субъект, яъни ижодкорнинг тасаввуридаги воқеликнинг талқинидир. Лекин уни лугавий маъносига кўра (модернизм французча *moderne* – энг замонавий) бутунлай янги нарса десак ҳам тўғри эмас. XX аср бошларида Ғарбий Европада адабиёт ва санъатда юзага кела бошлаган импрессионизм, футуризм, экспрессионизм, унанизм каби оқимлар унинг хамиртуришини ташкил қиласди. Мана сюрреализм оқимиининг хусусиятига, унинг мақсади нимага асосланишига эътибор берайлик: “Унинг мақсади оғзаки, ёзма ё истаган бошқа бир йўл билан фикрнинг реал амал қилишини ифодалашдир. Сюрреализм муайян ассоциатив шаклларнинг

олий реаллигига ишонишга асосланади. Сюрреализмга қадар бу шаклларга бепарво қараб келишган. Сюрреализм хаёлотнинг курратига, фикрнинг бегараз ўйинига, ишончига таянади. У бошқа ҳар қандай психик механизмларни узил-кесил барбод қилиб, ҳаётнинг асосий муаммоларини ҳал қилишда уларнинг ўрнини эгаллашга интилади”¹.

Агар модерн йўналишидаги ижод намуналарига эътибор қиласак, уларда сюрреализм хусусиятларини англаш қийин эмас. Андре Бретонъ сюрреалистларнинг ижоди хусусиятига кўра классификация тасниф қиласди. Бу таснифда сюрреализм хусусияти ёрқинроқ очилади ва идрок қилинади. У Свифтни асарида истеҳзо кучлилигига кўра сюрреалист деса, Садни садизм борасида сюрреалист санайди. Констанни сиёсатда, Раббни эса ўлим манзарасини бериш ва унинг моҳиятини очишига кўра сюрреалист санаса, Эдгар Пони бўлса асарларнинг қизиқтирувчилик кучига кўра сюрреалист ҳисоблайди ва ҳоказо. Демак, сюрреалистлар ақлга суюнади, унинг қудрати билан иш кўради. Чунки ақл кучигина одам ва олам моҳиятини тўғри англашга имкон беради. Модернизмнинг йўналиши ва мақсади ҳам шундай.

Ҳаётда ҳар қандай янгилик қаршиликка учрайди. Бундай бўлишнинг икки сабаби бор. Биринчи сабаби, ўргангандан анъана-дан воз кечолмаслик ва уни тушуниб етмаслик ва моҳиятини англамаслик оқибатида инкор қилинади. Экзистенциализм оқими ҳам қаттиқ қаршиликка учраган. Экзистенциалистикни умидсизлик квиетчилигига (эзгуликка ҳам, ёвузликка ҳам Худонинг иродасидан, такдири азалдан деб қарашни тарғиб этган ва фаолликдан чекинишга, ижтимоий алоқаларни ниҳоятда камайтириш воситасида ахлоқий покликни сақлаб қолишига чакирган таълимот. XVII асрдан шакллана бошлиган) берилишга чакиради. Инсоннинг тубанлиги – қабиҳлиги, жоҳиллиги, шилқимлигини кўрсатиш борасида инсон табиатдаги ёруғлик томонларидан юз ўгиришда айблашган. Демак, экзистенциячилар асосий диққатни инсон ҳаётини ёмон томонга қаратади, деб эътиroz билдиришган. Ваҳоланки, бу оқимнинг йўналиши бундай эмас. Мана бу борада XX асрнинг йирик француз адаби, файласуфи, экзистенциячилик таълимотининг асосчиларидан Поль Сартр дейди: “Ҳар

¹ Андре Бретона. Сюрреализм манифести. Жаҳон алабисти, 2005 йил, 5-сон, 179-бет

қандай ҳолатда ҳам, биз, экзистенциячилек деганда, энг аввало, инсонга ҳаёт кечириш имконини берадиган ва, бундан ташқари, ҳар қандай ҳақиқат ҳамда ҳар қандай фаолият маълум муҳит ва инсоний субъективликни тақозо этишини таъкидлайдиган таълимотни тушунамиз”¹. Яна экзистенциячилар “инсон ўз эҳтирослари учун жавобгар”, “ҳаётда ўзини ўзи яратадиган муҳаббатдан бўлак муҳаббат йўқ; муҳаббатда ўзини намоён қиласидиган муҳаббатдан бошқа “бўлиши мумкин” бўлган ҳеч қандай муҳаббат йўқ”, “инсон ўз ҳаёти билан яшайди, у ўз қиёфасини яратади, у қиёфадан ташқарида эса ҳеч нарса йўқ” деган таълимотни илгари суришлари учун танқид килиш эмас, ҳаётбахшлигини таъкидлаш лозим. Экзистенциализм таълимотининг ҳаётбахшлиги яна шундаки, инсоннинг қилган ишига қараб баҳолайди, у ўз тақдирини ўзи белгилайди, ҳаракатгина инсоннинг яшаш учун имкон беради деган фалсафий ҳақиқатни ўз асарлари воқеалари заминига сингдиришади. Демак, модернизмни шаклланишида катта роль ўйнаган оқимларнинг замирида ҳаётбахш таълимот мавжуд экан, оқимларни уйғунлашган кўриниши бўлган модерн руҳидаги асарлар замирида ҳам одам ва олам моҳиятини теран англашда қўл келадиган муҳим фикр ва ният борлиги шубҳасиз. Ҳозирги кунда модерн руҳидаги асарларга нисбатан икки қарап мавжуд. Яъни модернизм оқимиини қўллабгина эмас, уни бугунги ўзбек адабиётида етакчи тамойил бўлишини истовчи (У. Норматов, Б. Рўзимуҳаммад, У. Ҳамдам ва модерн руҳида ижод қилувчи адиллар) ва “модернизм Farb ҳодисаси сифатида ўзбек маънавий муҳитида нашъу намо топа олмайди... Шарқона исломий маънавият, ўзбек маънавияти бунга йўл қўймайди”, деган иддао билан (Сувон Мели, Б. Саримсоқов ва бошқалар. Буларнинг сони кўп. Улар расман ёзма равишда бирор матбуотда чиқишимаган бўлса-да, оғзаки бу оқимни инкор қилишади) кескин қарши турувчилар. Бизнингча, илкала қарапдагилар ҳам ҳақ эмаслар. Биринчи гурухда бугунги кун адабиётида кишини ўйлашга, фикрлашга мажбур қиласидиган, плиорализмга эга бирдан-бир оқим бу модернизм, деб анъанавий шеъриятга беписандлик билан қараплари или ҳақ бўлишмаса, иккинчи гуруҳдагилар эса оқим билан унинг маҳсули бўлган шеъриятга қарапни аралаштириб юборишган.

¹ Жан Поль Сартр. Экзистенциализм тўғрисида. Жаҳон адабиёти, 1997 йил, 5-сон. 181-бет.

Лекин иккинчи гурухнинг оқимга қарши чиқишларида жон бор. Чунки кўп модерн шеърлардаги ташбехлар ўта беўшов, нафосатдан ҳоли, фикрлар чалкаш, бошқотирма шаклдаки, албатта, бундай шеърлар киши руҳига сингмайди, туйғуга бегона бўлиб қолаверади. Рухга бегона нарсада эса жозиба бўлмайди. Лекин шеърнинг бу тарзда бўлишига оқим айбдор эмас, балки шоирларнинг оқимнинг ўзига хослигини, мақсад моҳиятини англаб етмаганлигининг оқибатидир. Чунки бу оқимда миллат руҳидан, турмуш тарзидан, табиатидан чекинмай олам-олам маънога эга, гўзаллиги билан завқлантирадиган шеър ёзса бўлади. Бунга япон, Корея шориларининг шеърлари яққол мисолдир.

Модерн шеърининг хусусияти ҳақида Эрлинг Кристи шундай ёзади: “Поэзия воқеликка тақлид қилиш эмас ёки у воқеликнинг тафсири ҳам эмас, поэзия ўз-ўзича воқеликдир, воқелик бўлганда ҳам амалдаги воқеликдан ортиқроқ даража воқеликдир. Унда жўнлик пардаси бир чеккага суриб қўйиб, бизнинг онгимизнинг “воқелик” билан мулоқотга киришмоғига ёрдам берадиган “ҳимоя механизми”нинг хатти-харакатини намойиш қилишга интилиш тажассум топгандир. Яхши асар – китобхон шуурида портрайтдиган бир бўлак сиқик воқеликдир”. Бу сўзлар факат поэзия учун эмас, жамики модернизм учун қонун кучига эга”¹.

Бундан кўриняптики, бу оқимни бутунлай рад этиш жоиз эмас. Унинг бугунда етакчи оқим бўлиши ташвиқот ва тарғиботга эмас, ижоднинг самарасига боғлиқ. Бугунги кунда модерн шеърлар киши қалбини забт этолмаслигига, руҳига сингмаслигига, юқорида айтганимиздек, оқим айбдор эмас, ижод маҳсули, яъни шеър айбдор. “Яъни “ўз-ўзига воқелик” бўлган миллий рухга эга шеърнинг юзага келмаслигидандир.

Маълумки, бадиий ижоднинг биринчи қуроли сўздир. Ижодкор ўзи идрок этган воқелик, оламни, кишига айтмоқчи бўлган фикрини илгари сурмоқчи бўлган гоясини сўз орқали етказади, сўз ва ибораларни, ташбехларни ўринли қўллаш, айниқса, шеър учун зарур ва шартдир. Бу борада Аристотель шундай ёзади: “Мен кўп қўлланиладиган ҳамма сўзлардан бошқасини; ноёб сўзлар, метафора, чўзилган ва бошқа сўзларни ғалати деб атайман. Лекин кимдир бутун нутқни шундай асосда тузса, ё топишмоқ, ё варваризм келиб чиқади. кўчма сўзлар, метафо-

¹ Жаҳон адабиёти, 2001 йил, I-сон, 197-бет.

ралардан ташкил топса – топишмоқ, ноёб сўзлардан ташкил топса – варваризм юзага келади”¹.

Бу фикрнинг ҳақиқат эканлигини модернизм руҳидаги шеъриятда кўришимиз мумкин. Модернизм моҳиятини тушуниб, қалбан идрок этиб, ижод қилган Рауф Парфи, бу борада қалам тебратётган Фахриёр, Баҳром Рўзи-муҳаммадлардир. Маълумки, моддий борлиқнинг аниқ тасвири таъсирчанликни ошириш билан бирга, лирик қаҳрамоннинг энг нозик туйғулари ва ички кечинмаларини ҳам ёрқин ифодалашга хизмат қиласди. Рауф Парфи шеърларида шу ҳол кўринади. “Йўловчи” туркумига кирган шеърларидан бирида шундай ёзади:

Кўзимнинг ғорида парчинлаган Кўк,
Булатлар, тўлқинлар, ҳиддат сочилиган.
Сенинг чиройингда гард йўқ, губор йўқ,
Алданган гулларнинг бағри очилган.
Сен-да сочилигансан, очилиб гулим,
Сен балки мен учун яшарсан энди.
Сен ёлғизсан бу дунёда, севгилим,
Чексиз чидамимнинг синчлари синди.
Чўнқайган чўққидан сўрайман сени,
Қариган баҳордан сени сўрайман.
Топгил, дейман Менинг Буюк Севгимни,
Ер тишлаб сўрайман, сўнг бор кўрай ман,
Чақинлар жимликка чақар жисмингни,
Кўкнинг синигига сени ўрайман.

Кўриняптики, сонетдаги сўзлар жозибаси кишини мафтун қиласди. Лекин улар замира яширинган фикрни, яъни ниятини киши тезда илғай олмайди. Уни англаш учун ҳолатни кўз олдига келтириш лозим. Маълумки, кўзнинг чуқурида (ғорида) кўз соққаси – гавҳар жойлашган. Унда тиниқ осмон, яъни бутун борлиқ жилоланади. Тиниқ нарсада гард, губор бўлмайди. Дунё, олам ҳам киши кўзига шундай кўринади. Лекин яшаган сари у (дунё) ҳақиқий қиёфасини кўрсатади, намоён қиласди. Шоир соф деб ўйлаган нарса рўё бўлиб чиқади. Ҳаётнинг – замоннинг турфа найрангларидан чўққилар ҳам чўнқайган, баҳор ҳам қариган. Лекин шоир софликка, комилликка ин-

¹ Аристотель. Поэтика. -- Т.: 1980, 45-бет.

тилади. Комилликнинг биринчи асоси чин севгига мұяссар бўлишдир: “Йўловчи” шеърида шундай сатрларни ўқиймиз:

Сўзнинг гулханида руҳим исинди,
Ул юлдуз, ойларнинг сўзин ўқирдим...
Аламзор кўйнида эзилган бир барг.
Сўнгти Унут сўзин дарёси оқар.

Сиртдан ёндашганда “Сўзнинг ҳам гулхани бўладими?” деған савол туғилиши мумкин. Лекин онг оқимини ишга солиб, мушоҳада юритилса, моҳият ойдинлашади. Халқда беҗизга “Буғдой нонинг бўлмаса ҳам, буғдой сўзинг бўлсин” дейилмайди. Чунки ҳаётда сўзга teng келадиган таъсири ва “Тўйимли” нарса йўқ. Инсоннинг исёни, итоати, мутелиги, шижаоти ҳам сўз туфайлидир. Ахир, қаҳатчилик, очарчилик, уруш даврларида, қиши-қировда оналар ҳар жиҳатдан юпун болаларнинг бағирларини сўз тафти билан иситган, қоринларини тўйдирган. Демак, шоир руҳининг сўзнинг гулханида исиши табиий ҳол. Руҳи исиган, яъни тетиклашган, дадиллашган руҳ атрофдаги нарсаларнинг моҳиятини англайди. Иккинчи мисрадаги юлдуз, ойлар сайёра эмас, маънавият осмонидаги юлдузлар, ойлардир. Шоир ўшаларнинг сўзин ўқийди, идрок этади. Шундан руҳи қийналади. “Эзилган бир барг” тўғри маънодаги барг эмас, у шоирнинг юрагидир. Тоталитар тузум имонсизлари доимо ўтмишингни, ўзлигингни унут деб хитоб қилган. Шоирнинг руҳи ғазабга келади, ички тугёнлари томирларида дарё бўлиб оқади.

Модерн шеър кутилмаган ташбеҳлари билан ажраб туради.

У мидларнинг қулини сепдим
Мен бошимга, оқарап сочим.
Қолавердим, қаёнлар кетдинг,
Сен мендаги ўзингдан қочиб? –

деб ёзади Фахриёр. Умидларнинг ушалишига ҳижрон изн бермайди. Ҳижронда қалб оташга айланади. Оташда умид вараклари куяди. Куйган сари эга оташ алангалаиди:

Кўнгилда умидлар исёни
Хажринг дарвозасин тепади,

Армон умидларнинг қонига
Висолинг хокини сепади.
Юрак – умидларнинг мозори,
Уни ҳеч ким зиёрат этмас.
Дилдан унуглимоқ озори
Муҳаббатнинг мисоли кетмас.

“Суйги не дегани кўнгил олдида”)

Бу алангода куйган умидлар мозор тусини олади. Уни ҳеч ким зиёрат қилмайди. Чунки у кўринмайди, у ботиний қалб мозоридир. “Висолинг хокини сепади” дейиш мантиқли. Ҳижрон оловлантирса, висол сўндиради. Табиийки, сўнган нарсадан кул қолади.

Модерн шеърининг яна бир хусусияти, унда сўз анъанавий шеърлардан ўзгача қурилади, шоир позицияси аниқ бўлмайди, маълум бир холосавий якун ясалмайди. Аксарият ҳолда тиниш белгилар ҳам қўйилмайди. Чунки фикр онг оқими монанд тинимсиз мияда оқади, кишига тинчлик бермайди. Баҳром Рўзимуҳаммаднинг шеърлари шундай. “Жараён” номли шеърида шундай ёзади:

Рухимда яшайди бир ваҳший одам,
Кузатиб ётади феъл-атворимни,
Қанча сипо кўринсам, шунча дарғазаб.

Агар киши онг оқимини фикрлашга йўналтирилса, “ваҳший одам” кимлигини англайди, идрок этади. У иблис – шайтон. Маълумки, шайтон эзгулиқдан безовта бўлса, ёмон аъмоллардан гул-гул ёнади:

Бетоқат бўлади гоҳида
Гул ҳидласам ёки шеър ёzsам.
Бехосдан ириллаган кучук сингари
Ичсам, сакраб кетар қувонганидан
Шундай ўкирарки, бу қичқириқ
Фош этади мени ва уни.

Ха, барча ёмонликларнинг илдизи – ичкилик. Ичган одамнинг ҳаракати эса шайтонийдир. Шайтон қутқусига берилган одамдан дўстларнинг ихлоси қайтади (Дўстлари фикридан қайтар оҳиста, Мен борган даврага яқинлашмаслар). Инсон

инсонийлигича қолиши учун руҳидаги шайтонга нисбатан исён кўтариш керак. Шундагина бу “ваҳший киши” жунбушдан тўхтайди, тинчийди:

Аммо бу қичқириқ янграган заҳот,
чўғдек оғир бир ҳарсанг тошни
елкамдан туширгандек бўламан бир зум.
Сўнг эса жиддийлик қалқар юзимга,
елкамга чиқади ўша ҳамда
пинакка кетади шу ваҳший киши.

Миянинг чатнатгудек фикрлашга мажбур этиш модерн руҳидаги шеърнинг энг муҳим хусусиятидир. Бунинг исботи-ни яна Баҳром Рўзимуҳаммад шеъридан топамиз:

Дараҳт ковагининг меҳмони – қўрқув,
Илоннинг ишқи тушди ниначига,
Тановул қиласман гусса бўтқасин.

Маълумки, дараҳтнинг каваги ҳамиша илон, бойўғиларнинг макони саналади. Шундан ковакка яқинлашиш қўрқувлидир. Илон ниначини яхши кўриб қолгани йўқ, уни ейишга иштиёқманд. Дараҳт бу ерда дунё маъносида. Дунёда эса кучсизнинг устидан ҳамиша кучли ҳукмрои. Шоир бу билан муроса қилолмайди, шундан гуссага ботади.

Модерн шеърида кейинги парча аввалги парчанинг маъносини тўлдириб бормайди. Ҳар парча мустақил, тугалланган маънога эга бўлади:

Ахир, рангин камалак бор-ку,
Нега зерикади товус катакда,
Само ташқарида қолиб кетмас ҳеч

Гўзалликка эга бўлган хилқат ҳеч қачон беэътибор қолиб кетмайди, албатта, ўзини намоён қиласди. Чунки гўзалликнинг замирида эзгулик мавжуддир. Эзгулик эса ҳамиша голибдир. Товус – бу ерда гўзаллик тимсоли:

Юлдузлар бор ундан нарида,
баҳайбат кўз ёши бор зўлдирдек,
у онаси ёмғирнинг, қорнинг

Биламизки, кўз ёши чуқур дард, изтиробдан юзага келади. Аристотелнинг таълимотига кўра, дард, изтироб киши қалбини поклайди. Шеърнинг дарди ижтимоий дард бўлгани учун жуда катта, у ёрилса, ёмғир, қор бўлиб ёғилади. Демак, бу кўз ёши нафақат инсонни, балки оламни ҳам поклайди. Кейинги парчалар замирада янада муҳим маъно ётади:

Шу яқин атрофда яшар Азроил,
Оғзини чаяркан Ойнинг сувига.
Тишини ишқалар камалак билан,
Қачонки дараҳт шохлари аро
тўсатдан таралса бинафшаранг нур,
дунёдан ўтаман ўша чоғда мен.

Одам жисман абадий яшамайди, у маънан, яъни эзгу аъмоллари билан руҳан абадий яшаши мумкин. Шундан ажал фариштаси – Азроилнинг одамларга яқин яшаши табиий ҳол. Лекин пок одам олдига у тезда келмайди. Чунки фаришта бўлгани учун ўзи ҳам пок юради. У кўқдан покланиб тушади (Оғзини чаяркан Ойнинг сувига, Тишини ишқалар камалак билан). Шоир ўлимдан кўркмайди, сабаби кўнгли тинч. Чунки яхши аъмоллари билан эзгу, яшариш кўкатларини ундирган (бинафшаранг нур – баҳорга ишора. Бинафша – баҳор элчиси). Бу билан ҳаётнинг икки саодатини таъминлайди. Охиратда унинг руҳи безовта бўлмайди.

Бундан кўриняптики, модерн шеърият ҳар доим ҳам тушкунлик кайфиятини тарғиб қилмайди. Ҳатто унинг тасаввуф шеъриятига яқинлиги бор. Чунки, кўриб ўтганимиздек, модерн шеърият ҳам ҳаётни ва одамларни ёмон иллатлардан фориг бўлишга ундейди. Бундай хусусиятни Абдували Кутбиддин, Даврон Ражаб, Болтабой Бекматов, Икром Искандар, Гўзал Бегим, Олим Набизода шеърларидан топиш мумкин. Лекин беўхшов ўҳшатишлар, бирор ҳафтадан кейин шоирнинг ўзи нима демоқчи эканлигини ўзи ҳам англатиб беролмайдиган ижодни модерн намунаси деб берилиш ҳоллари учрайдики, булар модерн йўналишидаги шеъриятдан қишининг ихлосини қайтариши табиий ҳолдир. Бу борада Ўзбекистон ҳалқ ёзувчиси Пиримкул Қодировнинг куйидагича фикрига тўла кўшиламиз: “Хусан Карвонлининг қўйидаги шеърига кўз ташлайлик:

Мен ва сен, сен ва у, у ва мен – гаранг,
Лоҳасмиз, бекасмиз, бешамол, бедил.
Ҳамма бир-бирини ёмон кўради,
Нафратлар пишади иссиқда ҳил-ҳил”¹.

Бу сатрларда тушкунлик рухи хукмрон. “Мен”, “Сен”, “У” уч томонда ҳам меҳру оқибат йўқ, маънавият йўқ, уларнинг ўрнини абсурд бир нафрат эгаллаган, шунинг учун ҳамма бир-бирини ёмон кўради, ҳамма гаранг ва лоҳас. Бу ҳолдан чиқиши йўлини ҳар ким ўзи билганча кўрсатади. Масалан, Назар Эшонқулнинг “Ёшлик” журналида чоп этилган бадиасида шундай шеърий фикр билдирилган:

Менга дўст керакмас, душмандан бошқа,
Муҳаббат керакмас “Нафратдан бошқа”
(“Ёшлик”, 2003 йил, 3-сон, 7-бет)

Демак, Карвонлининг шеърида “ҳил-ҳил” пишган нафратларни бадиа муаллифи керак деб ҳисоблайди. Ҳатто “Муҳаббат керакмас “Нафратдан бошқа”” деган сўзлар билан нафратни муҳаббатдан ҳам зарурроқ санайди. Бунинг сабабини муаллиф қуидагича изохлади: “Одам ўзига дўст кўзи билан қараши фикрнинг тургунлигига олиб боради. Душман кўзи билан қараса-чи? Муҳаббат кўйилган нарсаларга нафрат кўзи билан қараса-чи?

Менимча, бу саволларда абсурд фикр олға суриялпти. Чунки нормал одам ўзига душман кўзи билан қараёлмайди”².

Модерн шеъриятида ташбеҳларнинг ноўрин ишлатилиши, эстетик завқ бериш ўрнига кўнгилга ноҳуш ботадиган, ҳатто кишини чўчитадиган мисраларни мисол келтириб, бундай ҳолни куйиниб танқид қилган истеъоддли адабиётшунос Эргаш Очиловнинг бу фикрларини биз ўринли деб биламиш:

Айтайлик, атоқли шоиришимиз Р. Парфи бир шеърида: “Чайнагим келади кўзларимни оғзимга солиб” деган эди. Б. Рўзимуҳаммад:

ўз қонимни ичким келади жуда,
майдалагим келар суякларимни, –

¹ Ўзбек модерн шеърияти. 2003 й., 115-116-бетлар.

² П. Қодиров. Маънавият, модернизм ва абсурд. Ўзбекистон адабиёти ва санъати. 2004, 26 марта.

дайди. Ш. Ҳасан ўзини ўзи “еб қўяди”:

Ўз ёгимда ўзни қовуриб,
сўнг ўзимни этдим тановул.

М. Аҳмедова “Юрак юки” номли шеърида барча қовурга ва умуртқаларини синдириб, уларни “ошиқ-мошиғи билан оппоқ бўйнига осиб” олганлиги ва бундан севиниб, қийқира бошлагани ҳақида ёзади.

Бундай ташбеҳлардан баданингизда илон ўрмалагандек бўлади.

Олимнинг азалдан адабиётда кишига гўзаллик, эзгулик тимсоли ҳисобланган поэтик образлар – қуёш, ой, юлдуз, камалак, булат кабилар беўхшов, хунук, ижобий сифатлардан кўра, салбийликни англатадиган сифатларда берилишини танқид қилган фикрларига биз ҳам юз фоиз кўшиламиз. Э. Очилов ёзади: “А. Қутбиддин “ой қуёш йўлида сасиди” деб ёзса, А. Маҳкам “Ой пес бўлиб кетди фалакдан”, “Ойнинг тавонлари”, “Ой хириллаб олади нафас”, дейиши ҳам ўринли эмас.

Б. Рўзимухаммад қуёшнинг тилини суғуриб олса (“юлиб олар қуёшнинг тилин”), В. Файзуло уни итга қоптиради (“ит қопган Хуршид”), С. Ашур эса биратўла “сўйиб қўя қолайлик” (“сўйилган Хуршид”), бу ташбеҳларнинг бирортаси поэтик гўзаллик даъво қилолмайди¹.

Кишиларни модерн шеъриятидан бездиришга олиб келадиган бу ҳолатлардан қанча тез қутулса, шунча тез, биз юқорида таъкидлаган ижобий хусусиятлар эътибор топади. Бир сўз билан айтсақ, бу оқим шеъриятини инкор қилишга эмас, тушунишга интилиш керак. Чунки замирида ёвузлик эмас, эзгулик ётади.

Текиирии саволлари:

1. Модернизм қандай оқим, йўналиш?
2. Модернизм оқими қачон шаклланган ва адабиётга кириб келган?
3. Модернизм оқимига ўзбек адабиётшунослари қандай муносабатда?

¹ Қаранг: Эргаш Очилов. “Сиз шеър айтасизму ё одам кўркутасиз?” Ўзбекистон адабиёти ва санъати, 2004 йил, 17 сентябр.

4. Экзистенциализм қандай оқим?
5. Рауф Парфи, Фахриёр шеърлари қандай хусусиятга эга?
6. Модерн шеърларининг ўзига хослиги нимада?

Таяпч тушунчалар

Импрессионизм – санъатнинг асосий вазифаси шахснинг ҳисбаяжони, тааассуротларини, руҳий ҳолатларни тасвирилаш деган фикрни илгари сурган оқим.

Имажизм – бадиий ижодни ижтимоий ҳаёт билан ҳеч қандай алоқаси бўлмаган нарса сифатида талқин қилган оқим. XX асрда дастлаб Англияда, сўнг Россияда юзага келган.

Модернизм – французча сўз бўлиб, энг янги, замонавий деган маънони англатади.

Сюрреализм – ҳаёлотнинг кудрати, фикрнинг бегараз ўйинига, ишончга таяниш.

Футуризм – XX аср бошларида Россияда адабиёт ва тасвирий санъатда юзага келган адабий оқим. Ўтмиш мероси ва анъанасини инкор қилиб, янги анъана ва қонунлар яратишга интилишган.

Экспрессионизм – инсоннинг қилган ишига қараб баҳоламоқ, у ўз тақдирини ўзи белгиламоқ, ҳаракатгина инсоннинг яшаши учун имкон беради деган ғояни илгари сурган оқим.

П БОБ. БУГУНГИ ЎЗБЕК ДОСТОНЧИЛИГИДА ЖАНР ВА ШАКЛ ИЗЛАНИШЛАРИ ҲАМДА МУ- АММОЛАР ТАЛҚИНИ

Воқелик ва инсон табиатининг тинмай ўзгариб туриши, янги-янги гояларнинг туғилиши, макон ҳамда замон ҳодисаларини янгича идрок этиш жараёни олам ва одамга нисбатан янгича қараш, янгича муносабатни тақозо қиляпти. Маълумки, янги мазмун ҳамиша янги шаклни юзага келтиради. Кейинги даврда юзага келган ҳар бир асар жанрнинг қай бир қиррасини қай бир жиҳатдан бойитяпти.

Сўнгги йилларда инсон шахсига бўлган эътиборнинг ку чайиши, инсоннинг руҳий иқлиmlарини, қалбнинг тўрт фаслини тадқиқ этиш бевосита унинг онги, савияси, фантазиясини ҳам кенг қамраб олишни тақозо этяпти. Кейинги пайтда ҳайётимиздаги улкан ўзгариш – мустақилликка эришиш, унинг шарофати билан кенг дунёга чиқиш инсон маънавий дунёсини ҳам, онгини ҳам, фикрлашини ҳам тубдан ўзгартиб юборди. Бу мушоҳадакорлик, теран фикрлаш жараёни фақат айрим одамлар шахсидагина рўй бериб қолмай, бутун халқ учун характерлидир.

Давр бугунги инсон қалбини жамият қалби билан омухта тадқиқ этиш борасида ижодкордан бу масалада чукур мушоҳадалик билан ёндашишни талаб этди. Натижада фалсафий ўйлар билан йўғрилган достонлар юзага келди. Бу нарса, ўз навбатида, жанр табиатида (лирик қаҳрамон руҳиятини намоён қилишда) интеллектуаллик, фалсафийлик, фикрий теранлик сингари белгилар чукур илдиз отди.

Бугунги кун достонларини мазмун кўламига, характерларнинг серқирралигига, мавзу ва тасвир турларига қўра тўрт қисмга бўлиш мумкин, яъни лирик, лиро-эпик, драматик, шунингдек, модерн йўналишидаги достонларга.

2.1. Лирик достоннинг хусусияти ва бош образи

Режа:

1. Лирик достоннинг хусусияти.
2. Лирик қаҳрамон табиати.
3. “Хотирам синиқлари”да шоира дарди ифодаси.
4. “Ичкари... ташқари...”, “Сопол синиқлари” достоннинг фалсафий моҳияти.

Адабиёт:

В. Г. Белинский. Собрание сочинений в трех томах. – С.: 101.

Жамол Камол. Лирик шеърият. – Т.: Фан. 1986.

Муҳаммад Фаззолий. “Дунё ҳаёти”. “Шарқ юлдузи”, 1999 йил, 9 – 10-сонлар.

Адабий турлар ва жанрлар. З жилдлик. 2-жилд. – Т.: Фан. 1992.

Ҳасанов Ш. Достонларда шоир шахсияти талқини. “Ўзбек тили ва адабиёти”, 2001 йил, 3-сон.

Икром Отамурод. Ичкари... ташқари... Шарқ юлдузи, 1997 йил, 5-сон.

Икром Отамурод. Сопол синиқлари. Шарқ юлдузи. 1994 йил, 11 – 12-сонлар.

Лирик достонда асосий эътибор ташқи оламга эмас, кишининг ботиний оламига қаратилади ва лирик шеърга хос унсур етакчилик қиласи. Лирика эса ички кечинма билан фикр уйғунлигининг маҳсулидир. Лирика кечинма таркибини эса фикр ва ҳис муносабати ташкил қиласи. Буни В. Г. Белинский шундай талқин қиласи: “Шеъриятда фикр нима? Ушбу саволга қаноатланарли жавоб бермоқ учун ҳис нима, деган масалани ҳал қилиш зарур. Ҳиссиёт, ўзининг этимологик маъносига кўра, танимиз, жисмимиз, қонимизга тегиш. Ҳис ва сезгиларнинг ўзаро тафовути шундаки, кейингиси танимизда бирор моддий жисм таъсирида қўзгалган жисмоний сезги, биринчиси ҳам жисмоний, бироқ у фикрдан туғилган сезги. Шу сабабли ҳам қандайдир ҳисоб-китоб ёки куруқ мулоҳазалар билан машғул бўлган одам ҳиссиётидан тўлқинланиб, ларзага тушаркан, кўлини кўкрагига ёки юрагига маҳкам босиб олади. Чунки кўкрагида нафаси бўғилади, чунки кўкраги қисади ёки

кенгаяди, ёнади ва совқотади, чунки юраги орзиқади, титрайди, депсиниб уради; шунинг учун у чекинади ва қалтирайди, кўлларини кўтаради, бутун танини бошдан-оёқ қайнок тер қоплайди, соchlари тикка туриб кетади. Бинобарин, асар фикрчан, бироқ ҳиссиётдан маҳрум бўлиши мумкинлиги жуда тушунарли; бундай ҳолда, ўша асарда поэзия бўлармикан? Аксинча, ҳис бор экан, фикр бўлиши муқаррарлиги ҳам жуда тушунарли бир ҳол. Табиийки, ҳис теран бўлган жойда фикр ҳам теран бўлади ва, аксинча...

Шоирнинг бошида туғилган фикр, айтиш мумкинки, унинг жисмига туртки бериб, ҳаяжонга солади, қонида ўт ёқиб, кўксида типирчилаб уйгонади”¹. Фикр ҳиссиётидан ҳоли бўлиши мумкин, усиз яшай ҳам олади, лекин ҳиссиёт фикрдан ҳоли, ундан ажраб яшай олмайди. Чунки фикрсиз ҳиссиёт инсоний эмас, ҳайвоний туйгудир. Бу нарса лирик қаҳрамонсиз юзага келмайди. Лирик қаҳрамон эса ўз шахсни таниган, ўзини шахс сифатида англаган, ўзини олам икра яна бир олам деб билган инсондир. У ўз шахсни олам билан қиёслайди, ўзини унга қарама-қарши қўяди. Лекин ундан ўзини ташқарида эмас, у билан туташ ва пайваста эканлигини қайд этади. “Аммо ҳеч қачон олам қаршисида ўзини батамом унутиб қўймайди. Олам билан бирлиги, бир бутунлигини, яъни “Мен ва борлик”, “борлик ва мен” деган жуфтлик ҳамиша ўз ҳукмини юритади”². Бу хусусият бугунги лирик достонларнинг муҳим белгисидир. Шунингдек, шоир диққатида воқеа-ҳодисалар тасвири эмас, балки ундан олган таассурот, таъсирланиш орқали ички кечинмалар, хотиротларга берилиш орқали қалб тўлқинланиши, ҳиссиётнинг жунбишга келиши моҳияти тасвири асосий ўринни эгаллайди. Унда кечинмаларнинг тасвири эмас, келиб чиқиш сабаблари, ҳолати таъсирчан бир руҳда таҳлил этилади, туйгуларнинг дил изҳори эмас, ўзи ўрганилади ва инкишоф этади.

Зулфиянинг “Хотирам синиқлари”, Ойдин Ҳожиеванинг “Нажот”, А. Маҳкамнинг “Таважжух”, “Ишқ”, Фахриёрнинг “Мучал ёши”, Тўлан Низомнинг “Гиря” достонларида шу хусусият ўз ифодасини топган.

Зулфиянинг “Хотирам синиқлари” достони ҳажман ихчам, фикран кўламлидир. У муаллифнинг йиллар бўйи қалбida

¹ Белинский В. Г. Собрание сочинений в трех томах, с. 161.

² Жамол Камол. Лирик шеърият. –Т.: Фан.1986 йил, 8-бет.

чўкиб ётган дардлари, унинг оғриқлари, бунинг сабаблари моятидаги аламлари асосига қурилган. Шоира буни бир-бир хотирасида тиклар экан, гўё синган қўзгунинг синиқларини бир-бирига улаганда нарсанинг аксини қўрсатгандай, бу хотира синиқларининг ортида ўзининг сиймоси пайдо бўлади. Биз бу синиқларда шоира юрагидаги сувайдони кўрамиз. Бу сувайдонинг пайдо бўлиш сабабларини англаш борасида тоталитар тузум пайтдаги адолатсизлик, тузумни душманлардан тозалаш ниқоби остида ҳаётни англаш, ундан тегишли хулоса чиқариш иқтидорга эга бўлган фикрловчи одамларни “овлаш ва йўқ қилиш” жараёнини бутун мураккаблиги билан уқамиз ва шоира иродаси олдида бўйин эгамиз. Бу жараён шоиранинг оиласини ҳам четлаб ўтмади, балки таниқли партия арбоби бўлган акаси Нормат Исроиловни ҳам домига тортиб кетди. Мана шундай кунларни содир қилган кишилар ҳақида шоира куйиниб ёzádi:

Сизни-да қора тун олармикин,
Қўлингизга киshan солармикан,
Юкиниш, ялинчимас – ғуурни кўриб,
Ваҳший ғазабларда ёндилармикан?!

Бу пайтда отаси ҳаёт эди. Икки фарзандидан жудо бўлган отанинг (бундан олдин укаси вафот этганди) чидами шоирани лол қолдиради:

...Бунга чидам қайдан – пўлат, оловдан,
Метиндан яралган жонмиди отам...
Оташ оғушида топиб бизга нон,
Фамга ҳам чидамли бўларкан одам.

Бу мисраларни ўқиб, шоирадаги ирода замини қаерда эканлигини англағандай бўламиз.

Маълумки, ҳаёт фақат ғам-андухдан иборат эмас. Унда күёшли, баҳорий кунлар ҳам кўп. Агар ҳаёт фақат ғам ёки фақат қувончдан иборат бўлганда, бу нарсаларнинг мояти англанмасди. Шоиранинг ҳаётида ҳам эслаганда қувонч бағишлайдиган, баҳтли онлар бўлган. Бу борада етук олим, Ҳамид Олимжоншунос Наим Каримов шундай ёzádi: “1936 йил... Ташқарида қалин қор оқ гилам тўшаган. Ҳамид Олим-

жоннинг болалиги тутиб, Зулфияни кўчага, чена учишга та-
клиф этди. Ченанинг йўқлиги шоир райини қайтаролмади. У
пальтосининг барини Зулфияга тутқазиб, оппоқ кўча бўйлаб
қийқириб, хандон уриб, уни тортди”¹. надоматлар бўлсинки,
шоира ҳаётида бундай шукухли кунлар узоқ давом этмади. Ик-
кинчи жаҳон уруши халқ бошига солган қайғу, йўқотишлардан
юраги садпора бўлган шоира ғалаба кун яқинлашганда, баҳт
қасри қулади, яъни Ҳамид Олимжондан жудо бўлди. Шоира
29 ёшида икки бола билан бева қолди:

Баҳт қасримга кириб, мени топди дард,
Уруш, ёзда ёқкан қор каби ўлим.
Ўттизга етмаёқ сочим қор ялаб,
Кўз ёшим сойига тўкилди гулим.

Лекин шоира тақдир, қисматнинг шафқатсиз довул, шамол-
ларида саргайган баргдай учмади, хазондай тўзиб, иродаси-
ни ҳаёт оқимиға топширмади, маҳзунликка берилмади. Бал-
ки ҳаётдан эрта кетган укаси, ноҳак ўлимга маҳкум этилган
акаси, севимли ёри, тузум қабоҳатларидан озор топган ота-
онаси, фарзандлари, халқи учун, қолаверса, адабиёт-шеъри-
ят, ҳақиқат учун барча ғам-андуҳларни енгишга, ундан устун
чиқишига интилди, мұяссар бўлди. Оқибатда иродали қалб ни-
маларга қодир эканлигини намоён қилиш билан инсонийлик-
дан сабоқ беради, вафолик тимсолига айланади. Достонда бу
жараён шундай ифодаланади:

Бўлди, бас! Жангдан сўнг хорғин саркарда
Тирик аскарларин тизгандай қатор –
Мен тирик ҳисларим бир жойга йигдим
Ва кучли яшашга айладим қарор.

Катта қалбнинг армонлари, дардлари ҳам катта бўлади. Бу
нарса шахсий майл ва истаклар қобиқларида қолиб кетмайди.
Бундай шахсларнинг дардларида халқ дарди ётади, армонла-
ри миллат армонидир. Зулфия опа шундай шахсdir. У қўлига
қалам олгандан то сўнгги кунигача бир армон, яъни халқнинг
мустақиллигини кўриш армони билан яшади. Шундай армони
ушалганидан – истиқлолдан беҳад қувонди:

¹ Наим Каримов. Ҳамид Олимжон. – Т., 1973 йил, 86-бет.

Ҳуррият, келдингми, наҳотки, келдинг,
Келар йўлларингда пинҳона топдим.
Менинг ота-онам, жон Ватанимда,
Элим тақдирида абадий қолдинг.

Достон истиқлолнинг аҳамиятини чуқур англатиши билан
ҳам аҳамиятлидир.

Икром Отамуродовнинг “Ичкари... ташқари...” номли до-
стони инсониятнинг икки ботиний ва зоҳирий ҳаётини фалса-
фий моҳиятининг инкишоғига бағишлиланган. Инсон ҳаётининг
муқаммаллиги бу икки нарсанинг уйғунлигига, бир-бирини
тўлдиришга боғлиқ. Назариясиз амалиёт, амалиётсиз наза-
рия бўлмаганидек, ичкарисиз ташқари, ташқарисиз ичкари
тўламас. Чунки ташқи ҳаётнинг тўлалиги, ички ҳаётнинг му-
қаммаллигига боғлиқ. Ўз навбатида, ташқи олам ҳам ички
оламга ўз таъсирини ўtkазади. Шундан шоир ёзди:

Ичкари ташқарига чиқмоқ истаюр,
Истаюр ташқарига тўлувни.
Ташқари ичкарига кирмоқ истаюр,
Истаюр ичкарида бўлувни.

Ичкари ташқарига чиқмоқ истаюр,
Истаюр ташқарига жавобни.
Ташқари ичкарига кирмоқ истаюр,
Истаюр ичкарида тавобни.

Ва ҳоказо.

Маълумки, инсон фикрлаш, мулоҳаза қилиш қобилиятига
эга бўлибди-ки, ташқи оламни муқаммал қилишга интила-
ди, лекин бунга мұяссар бўлгани йўқ. Чунки инсоннинг ўзи
ҳали тўлиқ муқаммалликка, комилликка эришмаган. Сабаби
маънавияти жуда илгарилаб кетгани йўқ. Зигмунд Фрейднинг
фикрига кўра, “одамзод ўзининг моҳиятини билмайди ёки...
бор ҳақиқатни тан олгиси келмайди. Бу борада у ё риёкорлик
қиласи ёки ўзи хусусида, ҳақиқатан ҳам, чуқурроқ тушунчага
эга эмас”¹.

Икром Отамуродовнинг достондаги сатрларни ўқир экан-
сиз, бу фикрда ҳақиқат борлигига тан берасиз:

¹ “Тафаккур” журнали, 2001 йил, 4-сон, 63-бет.

Ичкари – хўрсиник.
Ташқари – хандон.
Ичкари – забун.
Ташқари – муқтадир.

Ташқари – рутубат.
Ичкари – сафо.
Ташқари – гирён.
Ичкари – чамангиз.

Бу ҳолатни икки маънода тушуниш лозим. Ҳозирги кунда бу икки олам – ташқари ва ичкари бир-бирига уйғун эмас. Инсон тасаввуридаги оламни ташқарида кўра олмайди. Чунки инсонлар илоҳий ахлоқ билан яшамаяпти. Унга йўл қўйган ташқи оламдан бу каби шахслар мамнун. Ваҳоланки, уларнинг аъмолидан ташқи олам симён. Илоҳий ахлоқ билан яшайдиганлар, яъни ўзининг моҳиятини англайдиганлар эса сукунатда нола қиласдилар. Илоҳий ахлоқ билан яшамайдиган-лар ҳакида Қуръони каримда шундай дейилган: “Мол-мулқ, болача дунё, ҳаётнинг зийнатидир. Парвардигорингиз наздида эса абадий қолувчи яхши амаллар савоблироқ ва орзулироқ (орзу қлишга арзирлироқдир)”¹. Демак, барча илоҳий ахлоқ билан яшаса, ички ва ташқи олам уйғун кечади, дунёвий олам мукаммаллашади, чунки инсоннинг амаллари кенг қулоч ёzáди. Оқибатда инсон дунёвий саодатга эришади. Бу эса инсон кўнглининг поклигига боғлиқ. Чунки маърифатли одамнинг кўнгли ҳаётнинг ҳар бир жабҳасидан покланади, ўзини англаб боради:

Ҳайронинг ҳам канглунгда,
Вайронинг ҳам канглунгда.
Оринг ҳам канглунгда,
Хоринг ҳам канглунгда...
Тўзинг ҳам канглунгда,
ўзинг... ҳам канглунгда...
ўзинг... ҳам канглунгда...

Истиқлол даврига келиб адабиёт ўз ўзанига тушди. Яъни воқеа ва ҳодисалар тасвири, уларнинг юзага келишининг диалектик қонуниятини очиш ўрнига, асосий эътиборни инсон

¹ Қаҳф сураси, 46-оят

кўнглига қарата бошлади. Бу жуда тўғри йўлдир. Чунки инсоннинг кўнглини кашф қилиш одам ва оламни кашф қилиш демакдир. Бу борада шоир шундай ёзади:

Канглумнинг ичига кириб бораман,
Канглумни ахтариб, канглум.
Зора топсам, зора-а мен,
Интизор мунглим?!.

Канглумнинг ичига кириб бораман,
ўзимни ахтариб рұҳим.
Зора топсам, зора-а мен,
Жони тўзиб?!

Муҳаммад Ғаззолий шундай ёзадилар: “Ҳазрати Али дейди: “...Кимдаки олти хил табиат жамланган бўлса, у жаннатга тушади, жаҳаннамдан омон қолади:

Оллоҳни таниб, унга итоат этса.
Шайтонни таниб, унга эргашмаса.
Ҳақни таниб, унга таслим бўлса.
Ботилни таниб, ундан қочса.

Дунёнинг ҳавоий ҳаётини таниб, уни тарк этса.
Охират ҳаётини таниб, унга тайёргарлик кўрса”¹. Бунга имони мустаҳкам одамгина мусассар бўлади. Чунки шайтон турли йўл билан йўлдан уришга ҳалақит қиласиди, уради ҳам:

Фитнаю иғволар тўқийди неча
Иблиснинг дасиса дўкони.
Дақ уриб югурап кўчама-кўча,
Ичкари тирқишин пойлаб ҳар они...

Лекин шайтон қутқисига берилган зот ўзининг кимлигини унутди ва нарсани орзу қиласиди:

У зот биронта ниҳол экмаган,
Мехр ҳам бермаган бирор ниҳолга.
Лекин

¹ Дунё ҳаёти. “Шарқ юлдузи” журнали. 1995 йил, 9 – 10-сонлар. 203 – 204-бетлар.

Дарахтлар соясидан
Умидвор бўлаверади,
Умидвор бўлаверади.
Дарахтларнинг куюқ-куюқ соясидан
Жудаям.

Ваҳоланки, Оллоҳ яхши амал қилганларга магфират килади. Достон замирида шарқона фалсафа ётади. Бу фалсафа қандайлигини Газзолий асаридан топамиз. Мухаммад Газзолий ёзади: “... Дунё ҳаёти бенихоя чуқур бир денгиздир. У ерга кўп кишилар чўқди. Бу ҳаёт денгизида кеманг Тақво бўлсин. Кемангнинг ашёлари Оллоҳга Иймон бўлсин. Елкани Оллоҳга Таваккул бўлсин. Шундай бўлса... ҳаёт денгизида чўкмасдан омон қоласан”¹. Бу фалсафий ҳақиқат достон замирига сингдирилган шоир гояси ҳамдир.

Икром Отамуроднинг “Сопол синиклари” (1994) номли достони воқеалар эмас, туйғулар асосига курилган. Биз қаҳрамоннинг фалсафий мушоҳадасида, хотираларида, дардларида дунё моҳиятини, унда инсониятнинг ўрнини, юртнинг бошига тушган кулфатларини англаймиз, энг муҳими дунё деб аталмиш борлиқ воқеа-ҳодисасидан изтиробга тушган қалб тебранишларини ҳис қиласиз. Бу нарса Ҳолат ва Ранг деб номланган қисмлари орқали берилади. Ҳолатлар, ўз навбатида, мумтоз адабиёт достонларини ёдга солади. Яъни мақолат ва ҳикоятни. Маълумки, мақолат назарий йўналишда бўлса, ҳикоятда ўша йўналишлар амалиётда ўз ифодасини топган. Мазкур достонда Ҳолатда фалсафий-назарий йўналишда ҳаёт ҳақиқати очиб берилса, Рангда эса кечаги ва бугунги ҳаёт манзарлари ўз тажалисини топади. Ҳолатда шоир ёзади:

...Одам боласи
бир хил ҳаёт тарзидан,
қачондирким бўлмасин, зерикади.
Зерикиш –
Бошқа шаклнинг истаги...
Руҳиятда содир бўлган бу ҳодиса –
Янги ройишни,
...Софиниб яшайди...
нотаниш манзилларни...

¹ Дунё ҳаёти. “Шарқ юлдузи” журнали. 1995 йил, 9 – 10-сонлар, 204-бет

Ҳар қандайин портлаш,
Авваламбор,
Одам боласининг рухиятида кечади...
Юрагида томир отади...
сўнг,
кенг майдонга кўчади.

Бундай ҳолат маънавияти бой, руҳи тетик, доимо янгиликка интиладиган шахсларда рўй беради. Дунё тараққиёти шу каби инсонларнинг саъй-ҳаракати туфайлидир. Достондаги лирик қаҳрамон шундай инсондир. У ҳаётдан ҳам, ўзидан ҳам қониқмайди. Унинг табиати, аста-секин китобхонга ҳам кўчади. Рангда шундай сатрларни ўқиймиз:

Моғорлайди. Занг босар. Музлар,
Унутилар кўп йўлаклари.
Тепалар қаъридаги излар –
Хотира бўлаклари.
Лойга ботиб синиккан камон –
Юрт ори деб тўкилган дардdir.
Қўлда лочин тутган паҳлавон –
Қадрин қучиб йиқилган мардdir.
кўмилган имондир,
кўмилган тилдир
тепалар...
Кўмилган Ватандир.
кўмилган элдир
тепалар...

Бу ерда юртимиз бошидан кечирган кечаги манзарапари ўз ифодасини топган. Ҳақиқатан ҳам, тоталитар тузум маънавий қадриятларимизга – динимиз, тилимиз, имонимизга дахл қилиб, бутун жаҳонга шуҳрати кетган Ватанимиздан жудо қилган эди. Бу манзарапар хотира орқали чизилади. Ўз навбатида, хотира икки фазифани бажаради. Маълумки, ўтмишсиз келажак йўқ. Ўтмиш хотираларда тикланади. Хотирага берилган одам ўзини ҳам англай боради. Шунингдек, хотирлаши онгнинг фикрлаш жараёнини ҳам белгилайди. Фикрлаган одамнинг ўз олами бўлади:

Ёлғиз оламда ёлғизман.
Рұхим остонасида турар
Ёлғизлиқ
Умид эшигин ўксик тавқасин чертиб.

Кишининг умидлари амалга ошмаса, күнгли ўқсийди.
Ўксиган күнгил хотираға берилади. Лекин у ҳам хурсанд қилмайди. Чунки қадриятлар вайрон қилинган:

Ёлғиз оламда ёлғизман.
Рұхим остонасида турар
Ёлғизлиқ
қүришар –
умид или хотира эшигин
икки тавақаси.
Ўксик ва синиқ икки тавақаси.

Ранг қисмида қуйидаги мисраларни ўқиymis:

Дарахтнинг томирига қурт дориди,
ўзидан пайдо бўлган курт... зирқироқ...
Занам танаси... шохлари хориди...
Барглари – куроқ
Қанча бўхронларга чидалан бардош.
Азамат дарахт...
...куруқ савара...
елга беролмайн дош –
юрагимга йиқилди дарахт.

Бу ерда дарахт бизга маълум бўлган табиатнинг маҳсули эмас. У – тимсол. Ватан тимсоли. Қуртлар ҳам табиий қургэмас. У – инсоний ғуури, ватан, миллат туйгуси йўқ, ҳамиятсиз, хоин шахслар. Шулар туфайли минг йиллар қанча ташқи кучларга, бўхтонларга чидаш берган Ватан бу “қурт”ларга дош беролмай қулади. Бу ҳол шоирнинг юрагини зирқиратади. Ҳолатда ёзади:

У битта кўза олди.
Касбининг туфроғидан ясалган кўза
Лаби учган. Дастаси синган...

Ҳайрон бўлди кулол.
Бутунлари турибди, ахир,
Яна ҳар хиллари!...

Кулол ҳайрон бўлгандай китобхон ҳам ҳайрон бўлади ва сирини англашга интилади. Кейинги мисралардан англайди. Синик кўза синик қалбнинг рамзи. Одамнинг қалби катта йўқотишдан синади. Лирик қаҳрамон ҳам шу ҳолга тушган:

Синик кўзани бағрига босди авайлаб.
Синик канғлу күшойиш топгандай бўлди.
Синик...
Синик кангул...
дўппайган қабр...
Нимжон ниҳол...
Канглунинг армонига тўлдириб,
кўзининг чашмига тўлдириб,
қайғусининг қайғусига тўлдириб,
тўлдириб...
тўлдириб...
кўмди... синик кўзани...
... туфрогини туфрофига кўшди...

Бу ерда лирик қаҳрамон синик кўзани кўмгани йўқ, синик қалбини кўмди. Бу ила ўз маҳбуби билан абадий бўлиш ишорасини билдириди. Нимжон ниҳол эса ўзи.

Кейинги мисраларда лирик қаҳрамон янада бўй кўрсатади. Унинг ўй-фикри, кечинмаларида, хотираларида одам ва олам ҳақиқатини, шунингдек, иISONИЙЛИК моҳиятини англаймиз. Достоннинг аҳамияти ҳам шундадир.

Текшириш саволлари:

1. Лирик достонлар қандай қандай хусусиятга эга?
2. Лирик қаҳрамон қандай шахс?
3. Зулфиянинг “Хотирам синиклари” достонида шоира дарди қандай ўз ифодасини топган?
4. Икром Отамуроднинг “Ичкари... ташқари...” ва “Сопол синиклари” достонларида қандай ғоя илгари сурилган?

Таянч тушунчалар

Образлилик – воқеликни ижодкорнинг дунёқараши, идеали нуқтаи назаридан акс эттиришнинг умумий принципи.

Метафора – бадий кўчиш тури, қисқа ўхшатиш.

Метономия – бадий кўчиш тури, нарсани бошқача номлаш.

2. 2. Лиро-эпик достонлар

Режа:

1. Либо-эпик достонларнинг хусусияти.
2. “Раънонинг савдоси” достони замиридаги фалсафий хақиқат.
3. “Нажот” достони замиридаги фикр моҳияти.
4. “Чўлпон” достонининг маърифий хусусияти.
5. “Гиря” достонининг ғояси.

Адабиёт:

Н. Раҳимжонов. Ўзбек адабиётида поэма. – Т.: Фан, 1986.

Улуғбек Ҳамдамов. Бадий тафаккур тадрижи. – Т.: Янги аср авлоди, 2002.

Тўлан Низом. Гиря. Шарқ юлдузи, 1993 йил, 9-сон.

Тўлан Низом. Чўлпон. Шарқ юлдузи, 1992 йил, 6-сон.

Чўлпон Эргаш. Раънонинг савдоси. Шарқ юлдуз, 1997 йил, 3-сон.

Ойдин Ҳожиева. Нажот. Шарқ юлдузи. 1991 йил, 12-сон.

Маълумки, соф лирик достонларда индивидуал шахснинг борлиқ оламдан таъсирланишидан бутун вужуднинг ҳаракати ифодаси, шунингдек, руҳдаги ассоциатив ҳолат, бу туфайли юзага келадиган кечинмалар тасвири асарнинг мундарижасини ташкил қиласа, лиро-эпик достонларда эса лирик ифода билан эпик тасвир уйғунлашиб кетади. Кейинги йилларда юзага келган достонларда эса лирик ҳолат устивордир. Бунинг сабаби аввалги асарлардаги каби ижтимоий мотивлар етакчилиги эмас, инсоний муаммо, муносабат, хусусиятларга эътиборни қартишdir. Янада аникроқ айтсак, Фарб фалсафасига эмас, Шарқ фалсафаси асосига суюнишdir. Шарқ фалсафаси асосида эса дунёдаги барча эзгуликлар замини маънавият, ахлоқ ва ақлнинг уйғунлигига кўрини ҳамда шуни асослаш ёгади. Кон-

фуцийнинг фикри бўйича: “Агар ердаги ҳаёт ёмон бўлса, инсон осмонга эмас, балки ўз қалбига, виждонига назар ташлаши керак”.

Чўлпон Эргашнинг “Раънонинг савдоси” достони замирида шу фалсафий ҳақиқатнинг бадиий ифодаси ётади. Шоир достон воқеаларининг вақт ва макони ҳақида ёзди: “Қош қорайган пайт. Тор ва тупроқ боғ кўча. Унинг бир томони катта йўлга, иккинчи томон истироҳат боғига туашган. Боғ томондан дарё шовқини аралаш тегирмон гувлаши эшитилмоқда. Раҳмон Раънонинг уйи тўғрисида юради”. Достонни ўқиш давомида шоир бу тасвири бекорга бермаганини, унда ижодкорнинг мақсади мужассамлиги англанади. Макон тасвири рамзийликка эга, яъни катта йўл мақсадга етказувчи, саодатга сазовор қилувчидир. Унга софлик, поклик, диёнат, маънавият ва ахлоқлилик билан эришади. Истироҳат боғи эса мақсаддан чекинтирувчи, ҳиссиётга берилишни юзага келтирувчи, фахшлик маконидир. Тегирмон ҳам бекорга тилга олинмаган. У инс-жинслар ин қурган жойдир. Достоннинг қаҳрамони Раҳмон севгани Раънонинг уйи тўғрисида туриб нидо қиласи. “Қоронгулик қуюқлашиб, Раҳмоннинг гирди-да, жин, парийлар пайдо бўладилар” ва уни йўлдан уришга ҳаракат қилишади. Лекин улар мақсадга эриша олмай, ҳафсалалари пир бўлади:

Бу шумтака Раҳмонга
Бекор умид боғлармиз.
Юрап гўё осмонда
Хурлар билан бетамиз

дэйишади алам билан. Чунки Раҳмон исмига монанд эътиқоди мустаҳкам. У севгани Раънони хур билади, унинг ёди билан нафас олади:

Киприклари... кўзлари... гўё
Яшириниб оху тўқайга.
чўчиб боқар қиёқлар аро
белларида тўлғанған армон –
соchlарини ўйлаб жон азоб,
эзилади юраги баттар.
Лабларинг деб, Раъно, қизил гул,
Ғазо бўлиб чаман юзингга...

Бу портретга бўлган ички нидодан киши Раънони кўнглига яқин олади ва эстетик завқланади. Чунки Раъно портрети киши қалбида гўзаллик уйғотади. Гўзаллик эса эзгулик демакдир. Достон воқеалари аста-секин лирик тасвирдан эпик тасвирга ўтади. Бу эпик тасвир эса шоирнинг достондаги мақсадини очишга йўналтирилган. Унда биз қуйидаги воқеа билан танишамиз. Жин ва парийлар ошиқ-маъшуқ, йигит-қизлар, эркак ва аёллар қиёфасида Раҳмон олдидан ўта бошлайдилар. Уларнинг биринчиси қизнинг белидан кучган ҳолда йигит уйингизга борай десам “Акангиздан қўрқаман, Отангизни кўзи ёмон” деганига қиз ранжиб, тухмат қилманг:

Маҳалламиизда ёлгиз
Маданий оила биз.
Қачон кўргингиз келса,
Катта очиқ деразам.
Адам ўзлари кеча
“Майли”, деди сўрасам. –

дейди. Йигитнинг: “Бирга бўлсайдик тезроқ”, – деганига қиз: “Ёшмиз, ўйнаб олайлик”: – деб боқقا судрайди. Бошқа бир йигит эса севгилисини қучиб, армоним йўқ деганига, қўйворинг, уяламан дейди-ку, қўйвормагач эса...

Аввал боқقا кирайлик,
Бир жойга ўтирайлик, –

деб боқقا томон йўналади. Учинчи ҳолат эса, оилали аёл оиласи эркакка шундай дейди:

Тақдир кўзи кўр экан,
Гул эдим, кулга тушдим.
Бирмас, уchtани кўрган
Куп-куруқ тулга тушдим.
Эркак бўлсин – топармон.
Йўқ эсами, бўр тўзсин,
Қобил эрларга борман,
Майлига, у йўл тўзсин.

Эркакнинг: “Оҳ, жонгинам, бас, энди, Сизники мен бир умр”, – деганига аёл беҳаёларча: “Кўз очиб, сиздай эрни

Кўрмовдим ҳеч, жон ҳузур”, – деб, уни қўлтиқлаб боғ томон етаклайди. Бу Шарқ халқлари ахлоқига зид тасвиirlар икки мақсадга хизмат қиласди. Биринчиси, маданиятлилик қилипман, деб қилган ҳаракат, аслида, ўта маданиятсизлик бўлса, иккинчиси, ҳиссиётни қўзғатувчи хатти-ҳаракат орқали Раҳмонни йўлдан уришдир. Маълумки, гўзалликдан ҳоли бўлган барча ҳаракат хунукдир, андишасизлик эса гўзалликдан маҳрумлиқдир. Чунки “Хотинларнинг энг гўзали ҳаё ва иффат пардасига ўралгандаридир” (Сократ). Абдулла Авлоний эса: “Ҳаё дилни равшан қиладургон бир нурдирки, инсон ҳар вақт шу маънавий нурнинг зиёсига муҳтождир”, – дейди. Қизлар ва аёлнинг ҳаракати эса бундан маҳрумдир. Шайтонлар мақсад сари қадам ташлар. Чунки бу ҳолатлардан Раҳмоннинг ҳам қони жўшади, ножӯя ҳаракатга баҳона топади:

Ўртоқларим кулганча бор,
Мен осмондан тушганмидим, ё?!
Ана, ҳаёт лаззати чиндан
Энди билсам: ҳаё, аҳд-вафо.
Ўз нуқсини яшириб элдан,
Кимdir ўйлаб топган баҳона.

Шоир Раҳмонга нисбатан таъсир омилларини кучайтириб бориш билан бирга, кечаги кундаги инсоний иллатларни кўрсатади. Раҳмон хардамхаёл бўлиб турганда, ёнига бир машина келиб тўхтайди. У болаликдаги дўсти Соли эди. Машина ичида келишган аёл киши ўтиради. Раҳмоннинг “Хотинингми?” – деб берган саволига эса:

Қай жаҳонда ҳақиқий эркак
Кўчада ўз хотинини ҳеч
Эргаштириб юрарми, тентак?!
...Остингда бир тойинг бўлса, бас,
Емиш кўрган тилла балиқдай,
Думларини ликиллатишиб,
Ўзи кела беради булар, –

дейди. Уларнинг диалогларидан жамиятдаги нобобликлардан огоҳ бўламиз. Раҳмоннинг: “Ошхонани ташлаб гарчча мой, Шофёр бўлиб кетибсан даров?” – деганига Соли:

Ишонмовдим, эшитиб аввал.
Миянгни еб қўйибди китоб...
Ресторанда шефман-ку, галварс,
Ўзимники бу арава ҳам.
Каттасини оламан ҳам,
Ҳозирчалик – ўргимчакка бу!...

Соли машинасини гуриллатиб кетар экан, ичидаги чиройли қиз машина ойнасидан бошини чиқариб, ошкора ғамза қиласди. Шунда машина кетган томондан қўлтиқтаёкли пакана бир одам оқсоқланиб келиб, Раҳмонга рўбарў бўлади ва: “Хизмат тамом бўлдими дарров?” – деб сўрайди. Биз бу сўровдан унинг Раҳмонни таниши ва Раҳмон армиядан келганлигини англаимиз. Пакана Раҳмоннинг барча фаолиятидан хабардор. Чунки у – одам қиёфасидаги шайтон. У Раъно қилмишидан хабар беради. У бундан қирқ кун бурун эрга текканлигини, яъни Раҳмондай камбагал йигитдан кўра, бой күёвни афзал кўрганлигини айтади. Биз достон бошида Раҳмоннинг тасаввуридага Раънога мойиллик билдиргандик, энди эса ундан юз ўгирамиз, чунки зоҳирий кўриниш ички моҳият эмас. Шундан кейин Раҳмоннинг ўз ҳаётидан мамнунлиги ҳақидаги мисраларни ўқиймиз. Раҳмон мазкур манзараларни кузатар экан, ўз севгисига ишонгани учун мени кўрса, ҳолати ўзгаради, қилмишидан ўкинади, деб умид қиласди. Лекин Раънонинг унга кўзи тушганда унда ҳеч қандай ўзгариш рўй бермайди, ўзини кўрмаганликка солади. Раъно бойликка маҳлиё, у бахтни бойликда деб билади. Шундан муҳаббат моҳиятини тушумайди. Муҳаббат моҳиятини англаш эса Жалолиддин Румий ҳазратлари фикри бўйича: “Инсон ўзига ўхшаган инсонга муҳаббат кўйиши билан ўз моҳияти, умуман, инсонлик моҳиятини англаб етади”. Раҳмон эса бошини чанглалаб катта кўча, яъни тўғри, саодатли йўл томон кетади. Демак, пакана одам – шайтон ҳам уни йўлдан ура олмади. Шайтонлар алам билан нидо қиласди ва эзгулик олдида ўзлари мағлубликларини тан олишади:

Кўз олдимда Тиш қайраб менга,
Улғаймоқда Раҳмон, беомон...
Тўсинг Раҳмон фаҳмини тезроқ!...
Фалокат бошида бугун
Тўгоноқ – бир мана шу Раҳмон! –

дэйишади. Бекорга Достоевский қаҳрамон князь Мишкин тилидан: “Ҳаётни гўзаллик асрайди”, – демаган. Чунки гўзаллик замирида эзгулик ётади. Ҷўлпон Эргашнинг ҳаёлий кечмиш достони – “Раъононинг савдоси” замирида ҳам эзгуликка даъват ётади.

Ойдин Ҳожиеванинг “Нажот” (1991) номли лиро-эпик достонида етти афсонада (аксарияти ҳақиқат) яқин ўтмиш воқеалари ёрқин тасвирланган. Достон бағишлодан бошланган. Унда Наврўз байрамида Тошкентнинг бош майдонида унинг даҳаларидан кириб келган бекларнинг кўринишини тасвирлар экан, Навоий ҳазратларининг пайдо бўлиши хусусида шундай ёзади: “Ҳазрат Навоий байрам либосида Хўжай Хизрдай бўлиб, ўзбек элатларини кутлагани, Иймон ва Динни бутлагани, бу толанинг бир учи гўдаклик боғларига боғланиб кетар...

Бу ғанимат дийдорлашув – Ҳазрат Навоий ва туркийзабон улуснинг пешонасига тушган лаҳзанинг пири комил устозга айтиб турғанларим ушбудир”, – деб ёзар экан, шоирнинг асалари қаҳрамонлари қандай қаршиланганини шеърий йўлда тасвирлайди ва ундан кейин шундай дейди:

Ўтмишини унуган эл,
Ўзгалардан бўлиб домангир,
Жонидан гам ўтганида Эл,
Келтирдингиз, эй, улуғ ҳазрат,
Покланишнинг тоза ҳавосин,
Ғафлатда қул, шуур карахт
Бандаларга малҳам давосин.

Бу малҳам шоирнинг фалсафаси, ғояси, яъни инсонни қадрлаш, адолатли шоҳ ва мустақил марказлашган давлатга эга бўлиш ҳамда инсон қалбида маърифат иурини, ғурур руҳини жо қилишдир. Ойдин Ҳожиева шунга ишора қиласи ва тўғри қиласи. Шундан кейин ҳақиқат афсоналарига ўтиб, кечаги кунимиз қиёфасини гавдалантиради.

“Болалик боғидан афсона” бўлими шундай бошланади: “Онам Тошибиби бобо Жаҳмат қизи Бухоро инқилоби ҳақида йиғлаб сўйлардилар. Ёзнинг сутдай кечаларида, қор-бўронли қаҳратон қиши тунларида эртаклар айтиб бериб, мен ва бир этак жиянларимни овутардилар”. Маълумки, эртак замини-

да ҳамиша эзгулик ва яхши ҳаёт орзуси ётади. Шундан эртак тинглаган одам унинг дунёсида яшайди, яъни яхши ҳаёт келишини орзу қиласди. Уларнинг назарида уни Ҳизр бобо олиб келади. Болалар Ҳизр бобони кутишади. Бу ерда Ҳизр бобо рамзий образдир. У яхши ҳаёт ва ёруғ кун тимсолидир. Чунки Октябр инқилоби шуни ваъда қилганди. Ҳизр бобо қизчанинг кўзига бир кўринади-ку, иккинчи пайдо бўлмайди. У кўринган яхшилик олами кечаги кун, ўтмиш эди. XX асрда ҳаётда кўп ўзгаришлар, янгиликлар билан бирга, кўп адолатсизликлар ҳам рўй берди. Бундан одамлар жабр тортади. Айниқса, социализм, ҳозирда тоталитар жамият деб аталаётган тузумда. Шоира шуни акс эттиради ва бутун даҳшати билан кўрсатади. У ёзади: “Хўжай Ҳизр бобо қайтиб келмади. Бу ҳовлига колхознинг сариёғ, тухум йигиб юрувчи солиқчиси серқатнов бўлиб қолди. Гужум дараҳтидан ясалган гулкори дарвозага кўзини тикиб олди. Пул ваъда қилди. Йўқ! Эвазига бир согин сигир бераман, деди беришмади. Кунларнинг бирида ГПУдан уч киши келди. Дарвозани хатлади. Моҳир ўймакор уста араб алфозида Оллоҳи карим ояtlарини дарвоза “пешонасига” ёзган, нафис ҳусниҳат билан унинг табақаларини пардозлаган”.

Маълумки, ҳаётда ёмонликлар, ярамасликлар, золимликлар ўз-ўзидан пайдо бўлмайди, балки одамларнинг саъй-ҳаракати, қилмишлари, ўзаро муносабатлари туфайли юзага келади. Достонда шу ҳақиқат ҳам ўз ифодасини топган, яъни 30-йиллардаги адолатсизликларнинг илдизи очиб берилган. “Қирқинчи қути тилсими” деб номланган қисмida ёзилади:

Ўз акасин сотди бир тўйда
Ука – имон-иродаси берч.

Деди:

Улар замондан на шод,
Қўмсар ўтмиш овозларини.
Йигилишиб ўқишар бот-бот
Авлиёлар баёзларини.
Ёмон кўрар озод тузумни,
Юрагида алам-кехи бор...
Бошладилар ялпи хужумни,
Арабчада битган неки бор,

Ёндирилар, пора қилдилар...
Мулла борки, қора қилдилар

Масжидлар вайрон қилинди, киши қалбida меҳр-шафқат туйғусини юзага келтирадиган, шуурига шуур қүшадиган ижод намуналари күйдирилди. Лекин ҳар қандай тазийиқ ҳам эзгуликни йүқота олмайди. Достонда шу ҳақиқат ҳам ўз тасвирига эга. Ҳазрат Мавлавхонни хўрлашади, китоблари, девони Тангрининг инояти билан сақланиб қолади. Лекин кўп нарса йўқ қилинди. Маърифатга ҳужум жаҳолат тегирмонига сув қўймоқликдир. Бунинг натижаси “Элдан чиқсан бало” номли қисмда акс эттирилган.

Китобларни ёқишга қишлоқ шўро раиси Тўлов бош-қош бўлади. У каттакон бир ходани мойга ботириб, унга гугурт чақиб, китобларга тутади. Куръонда шундай дейилади: “Кимга Оллоҳ нур (иймон) бермаса, бас, унинг (учун) ҳеч қандай нури бўлмас”¹. Оллоҳ нуридан маҳрумлар жоҳил кимсалардир. Улар ҳаётда жазо топади. Достонда Тўлов образида шу ҳаётий ҳақиқатни акс эттириш билан шоира маърифатнинг ҳақиқатидан огоҳ этади. Бу ҳол достонинг маърифий аҳамиятини ҳам белгилайди.

Тўловнинг иши ўша қилмишидан кейин орқага кетади. Нимага кўл урса, тескариси рўй беради. Бу борада Ойдин Ҳожиева шундай ёзади:

Валийларга кўтарганда қўл
Қайга кўчиб борса, баттолни
Инсу жинслар кувди қасдма-қасд
Ва топшириб қамчи, амални,
Тавба қилди бир кун хору хос
Боғбон бўлиб экканди ниҳол,
Куриб қолди авжи жавзода,
Чўпон бўлиб қўй боқди увол,
Малик чўлда – мулки худода.
Айни совлиқ қўзилар мавсум
Сурувига дориди ўлат
Корида ҳеч бўлмади унум.

Ҳаётдан кетганда уни ер ҳам қабул қилмайди (Алқисса, шу: уч кунга довур Гўр ўлигин отиб ташлабди).

¹ “Нур” сураси. 40-оят.

Достондаги биз қайд қилган воқеалар замирида ва ундан кейинги афсоналарда – “Ҳамид Сулаймон ҳасрати”, “Муродбахш бобо ҳикояти”, “Хатар водийсидан фасона” уч гоя ётади. Биринчиси, халқимиз бошига тушган фожиалар тасвири мустақилликнинг моҳиятини англашга хизмат қилса, иккинчиси, кишилик олами яхшилиқдан ёмонлик сари кетишининг туб илдизи очиб берилади, учинчиси, киши яхшилиқка, яхши ҳаётга, яхши аъмоллар орқали эришади, деган гоя илгари суриласди. Бу тўғри гоядир. Бунинг учун киши ўз жисмига ва эзгулик уругини сочганлар руҳига ишониш ҳамда ундан мадад, нажот тилаш билан улар йўлини давом эттириши лозим. Чунки Оллоҳ яхши аъмол қилганларни севади ва мағфират кўрсатади. Достоннинг “Нажот” деб аталиши ҳам, унинг маънавият ва адабиёт оламида тутган ўрни ҳам шундадир.

Тўлан Низомнинг “Чўлпон” достони ўрни-ўрни билан ҳаётий воқеликни ҳикоя қилиши, бу билан давр картинасини яратиш ила эпиклик касб этади. Лекин унда лирик туйгу, ички дард устун. Бу нарса достонни лиро-эпик жанрга мансублигиги ни таъминлайди. Достон “Учар юлдуз” сарлавҳали бўлимдан бошланади. Шоирнинг бўлимни бундай номлаши бежиз эмас. Маълумки, қадимда табиат ҳодисаси билан инсон фаолияти бир-бири ила чамбарчас боғлиқ деб билишган. Осмондан бир юлдуз учса, ҳаётдан бир одамнинг кетгани белгиси деб ҳисоблашган. Шоир шу ақидага ишора қиласди. У учар юлдузнинг қаерга учганини сўрайди. Ҳеч ким билмайди. Шоирнинг илтижоларига ҳеч ким жавоб бермайди. Шоирнинг куйинишлирини ҳис қилган сари афсона деб билган нарса реаллашади. Ҳақиқатан, Чўлпоннинг тақдиди узоқ давр мавхум бўлган. Тўлан Низом шунга ишора қиласди.

“Садо” бўлимида шоирнинг илтижоларига садо берилади. Бу садо замирида катта ҳақиқат ётади. Яъни Чўлпоннинг қисматида давр фожиаси, шунингдек, унинг шахсияти аниқ кўз олдимиизда гавдаланади:

Япроқ янглиғ узилдим, қора тақдир эмасми бу?
Тилларимни кесдилар, менга таҳқир эмасми бу?
Боғланди оёқ-қўлим, дугули даҳр эмасми бу?
Виждоним бут ҳам ҳалол бир мусулмон эдим, дўйстлар.
“Мұҳаббат осмонида гўзал Чўлпон эдим, дўйстлар”.
Сен шодонсан, деб қулгуларим олдида,

Ерга сиғмас, оташин туйғуларимни олдилар,
Қаламимдан тұқылған қайғуларимни олдилар,
Юртга виждон, халққа рух, элимга шон әдім, дүстлар.
“Мұхаббат осмонида гүзал Чүлпон әдім, дүстлар”.

Бу айни ҳақиқатдир. “Акс-садо” бўлимида мазкур фожиа-
нинг уфқи кенгаяди ва аниқлик тус олади:

Қани, Фитрат, Отажон Ҳошим,
Қодирийни кўрмадингми, айт?
Оқар ёшим, тугар бардошим,
Ёдга тушса ўзинг ёзган байт.

Тўлан Низом 1902 йилда Андижонда бўлиб ўтган зилзила
ҳақида ёзар экан, фақат табиат ҳодисасини кўзда тутмайди.
Балки барча нарсани меҳваридан чиқариб юборадиган иж-
тимоий зилзила – Октябр инқилобига ишора қиласи. Табии
зилзила гўдак Абдулҳамидга шикаст етказган бўлса, келаётган
ижтимоий зилзиланинг оқибатини олдиндан ҳис қилиб, унга
қарши қалбида тугилган исёндан огоҳ қиласи. Демак, адолат-
сизликка қарши тугён Абдулҳамидда гўдаклигида юзага кел-
ган.

“Тутқун” бўлимидаги мисралардан фақат муҳаббат ос-
монида эмас, маънавият, гўзаллик осмонида Чўлпон бўлган
шоирнинг аччиқ кўргуликларидан халқимизнинг ғурури,
фаҳри бўлган Абдулла Қодирий, Фитрат, Усмон Носирлар-
нинг қисматини кўз олдимизга келтирамиз, ундан қалбимиз
ғуссага тўлади. Унинг натижасида бугунги кунимизга шу-
кроналар айтамиз. Бу мустақилликнинг моҳиятини англаш-
дир, тўғрироғи достон воқеалари англатади. Мана бу мисра-
лар эса ўзлигимизни чукур англашга ва мустақиллигимизни
мустаҳкамлашга хизмат қиласи.

Пок иймонга ўқ отилди, бир мусулмон уйғонмади,
Туғилган юрт ё Фарғона, ё Андижон уйғонмади,
Хар сўзида дарди томган бу Туркистон уйғонмади,
Онам дея зардоб ютган Ўзбекистон уйғонмади.
Ўзбекистон, шоир ўғлинг – Чўлпонингга ким ўқ узди,
Ўқ овози ярим кеча ухлаётган кўкни бузди??

Тоталитар тузум ўқидан, айби миллатпарварлиги бўлган шоир оҳидан кўк уйғонади (Чўлпон, дебон йиғлар мудом одоши – кўқдаги Чўлпон), лекин бир мусулмон, бир виждон уйғонмади, аждодларидаи кўксини қалқон қилиб сор лочин ўғлонини, тенгсиз шоирни ҳимоя қила олмайди. Чунки улар эрксиз, лоқайд, муте кимсалардир. Кўриб ўтганимиздек, Тўлан Низом бу фожианинг асл илдизини очган, уни ҳислар, туйгулар, дард ва изтироблар силсиласида таъсирили инкишоф қилган. Достоннинг адабиётда тутган ўрни ва аҳамияти шундадир.

Тўлан Низомнинг “Гиря” достони (1992) ҳақида таникли шоир Икром Отамурод шундай дейди: “Назаримда, достоннинг ҳаракат нуқталари: йиғи, ёд, туш. Уч ҳолат. Улар кўнгилнинг кечинмаларида бирлашади. Руҳиятнинг ягона қайғусига айланади. Асарнинг йиғи манзараларини ўқиётганимда, хаёлимдан шундай фикр ўтди. “Ўзбекнинг қайғуси ҳам, азаси ҳам, йифиси ҳам қудратли”. Жуда топиб айтилган фикр ва унда бутун достоннинг моҳияти ўз ифодасини топган. Маълумки, адабиёт субъектив ҳодиса. Лекин унда инсоний фаолият, муносабат, туйгулар – дард-алам, ғам-алам, ғам-кувонч, йиғи-кулгу ўз ифодасини топгани учун объективлик тусини олади. Чунки бу туйгулар, барча инсоният оламига тегишли. Шу маънода “Гиря”даги маҳзунлик, йўқотишдан уни ҳамма бирдай ҳис қиласи. Сабаби ҳаётда ўзининг энг азиз одамини йўқотмаган инсоннинг ўзи йўқ. Достон инсон қалбини поклашдан ташқари, вафо, садоқатдан, инсонийликдан дарс беради, оила моҳиятини англатади. Оила бу эр-хотин жуфтлиги-ю, фарзандларни юзага келтириш эмас, оила бу инсониятни яшашга бўлган иштиёқини ошириш, ҳаётда ўзининг эрам боғини яратиш, унда фақат эзгулик ниҳолларини ўстириш, бу боғ билан ҳаётнинг бир қиррасини безаш, ундан ҳамиша ўзи ҳам завқланиш демакдир. Бундай боғдаги дарахтнинг бир шохчаси лат еса, олам титрайди. Чунки бу инсоният оламига берилган катта зарбадир. Бундай оила гўзал турмушдан бино бўлади. Достонни ўқигач, Тўлан Низом ўз умр йўлдоши билан шундай гўзал турмуш кечирганига ишоч ҳосил қиласи.

Достон Тўлан Низом умр йўлдошининг вафоти муносабати билан ёзилган. Муқаддимада шоир шундай дейди:

Водариг, иқболим забунми чунон,
Дунёдин юз буриб, кулбамга чўқдим!

Қоним сиёҳ бўлди, қалбим сиёҳдон,
Қирқ кун мушкулотин қоғозга тўқдим!

Бу қирқ кунлик мусибат тасвирида ўттиз йиллик биргаликдаги умргузаронлик ҳаёти билан танишамиз. Бу муддат воқеалари тасвири гоҳ йиги, гоҳ ёд, гоҳ туш уйғунлигидаги бериладики, мисраларда нақшланган воқеалар қанчалик маҳзун, қанчалик залворли бўлмасин киши енгил тортади. Чунки шоир кечинмаларида “Бу аёл ўз умрини бехудага ўтказмабди, у ўз фаолияти, эзгу аъмоллари орқали инсоният “умр дафтарин безабди” (F. Ғулом) дейсиз. Оқибатда ўзбекнинг солих, дилбар аёлининг сиймоси бутун борлиги билан гавдаланади, унинг шарпасини ҳис қиласди. У гўё “Жон дадаси, хўп денг, Тошкент борайлик, яқин дўстларингиз бир-бир кўрайлик”, гоҳ “Мунча сўлиб қолибсиз? Овқат еяпсизми, чойингиз қалай? Рўмолчангиз борми, жойингиз қалай?” деяётгандай бўлади. Сабаби бундай одамлар ҳамиша тирик. Демак, у гўзал турмуш қандай бўлишидан сабоқ беряпти. Достоннинг яна бир аҳамияти – шунда.

Икром Отамурод яна достон ҳақида ёзади: “Шоир тушига сигинади. Унинг мадади ила кўнгил майдонида умрининг хотира иморатларини тиклайди. Кечган ва кечаетган кунлари энди туш. Қирқ кун мобайнида руҳида содир бўлган туш”.

Йиллар кечди ширин туш мисол,
Тушлар кўриб ётдим неча кур.
Тушларимда тунлари беҳол
Алла айтиб ёрим йиғлатур...

Қайғу фикрнинг тарихини очади. Улуг ёзувчи Чингиз Айтматовда шундайин бир калима бор: “Агар инсоннинг бошига мусибат тушса, унинг ҳар бир сўзининг тагида яна айтилмай қолган ўнлаб сўз ётади”. Бу сўзлар армоннинг уйғунлиги билан топилади. “Гиря”да шу хил армон мавжуд. Армои – кўнгилда дард чизган сурат”. Ҳа, достон ҳар кимнинг ҳаётини, турмуш тарзини кўз олдида нақшлайди, ундан хулоса чиқаришга ундейди. Унинг муҳимлиги шундадир.

Текшириш саволлари:

1. Қандай достонлар лиро-эпик достон дейилади?
2. “Раънонинг савдоси” достони замирида қандай фалсафий ҳақиқат ётади?
3. “Нажот” достонида қандай гоя илгари сурилади?
4. “Чўлпон” достонининг маърифий хусусияти нимада кўринади?
5. “Гиря” достонининг маърифий аҳамияти нимада?

Таянч тушунчалар

Вакт – объектив борлиқда юз бериб турувчи воқеа, ходиса ва шу кабиларнинг қанча давом этишини билдирадиган бўлаги.

Макон – воқеа ва ҳодисаларнинг рўй берадиган ўрни, жой.

Бадиий контекст – бадиий асарнинг тугал маъно англатувчи парчаси.

2. 3. Лиро-драматик достонлар

Режа:

1. Либо-драматик достонларнинг муҳим хусусиятлари.
2. “Ибтидо ҳатоси” достонида афсоналарда муҳим фалсафий гоя ифодаси.
3. “Таважжух” достонида дард ва изтироб моҳияти.
4. “Оқпадар” номли достонда фожиавийликнинг бадиий талқини.

Адабиёт:

Н. Раҳимжонов. Ўзбек совет адабиётида поэма. – Т.: Фан. 1986.

Ш. Ҳасанов. Давр ва достон. Шарқ юлдузи, 2002 йил, 4-сон.

Ш. Ҳасанов. Достон жанридаги ўзгариш ва янгича бадиий талқинлар. Ўзбек тили ва адабиёти. 2000 йил, 2-сон.

Усмон Азим. Оқпадар. Шарқ юлдузи. 1992 йил, 4-сон.

Асқар Маҳкам. Таважжуқ. Шарқ юлдузи. 1992 йил, 5-сон.

Қаҳрамон ҳаётини, унинг кечинмаларини чукур идрок этиш, ҳаётининг энг авж нуқтасини, драматик ҳолатларини тасвирлаш, лирик қаҳрамоннинг дард ва изтиробларида давр ва жамият, халқ дарди, муаммоларини инкишоф қилиш лиро-драматик достонларнинг муҳим хусусиятидир. Бундай хусу-

сият мумтоз ёзма ва оғзаки достонларида ўзининг намунали ифодасини топган. Бу ҳол 70 – 80-йиллар достончилигига ҳам кўринган. Лекин истиқлол даврига келиб, бу борада эврилиш бошлианди. Бу эврилиш, аввало, қаҳрамон қалбида, унинг дунёқараси билан боғлиқ бўлса, иккинчидан, жамиятдаги туб ўзгаришларга бориб тақалади. Маълумки, ҳаётдаги жамики нарсаларни юзага келтирувчи, шакллантирувчи куч инсон онгирип. Онгда ўзгариш бўлмаса, яъни ўз оқимини халқ фаровонлиги, жамият таракқиётини, инсон комиллигини таъминлашга имкон берадиган мақсад сари йўналтирмаса, ҳеч нарсада ўзгариш юз бермайди. Шу нарсанинг моҳиятига эътибор қаратилгани учун бугунги кунда инсон нуфузи ҳар қачонгидан ортди. Бу ҳол истиқлол даври достонларида ўз ифодасини то пяпти. У қуруқ қайд қилинмаяпти, балки ҳаётдаги драматик ҳолатларнинг инсон қалбига солган нақшларини тасвирини чизиш орқали, туйғулар түғёни, инсоний кайфиятни бетакрор ифодалаш орқали юзага чиқаряпти. Бу ҳол тарихий ва замона вий мавзудаги достонларда баробар ўз аксини топяпти.

Эшқобил Шукурнинг “Ибтидо хатоси” (1991) номли драматик достонида қадимий афсонага мурожаат қилинган. Унинг қаҳрамонлари ҳам китобхонга таниш, яъни яхшилик олами Ахура Мазда билан ёмонлик олами тимсоли Аҳраман-дир. Лекин шоир шу азалий мавзу, қадимги қаҳрамонлар фаолиятидан муҳим фалсафий ғоя яратса олган. Яъни инсоният олами даги драматик ҳолат моҳиятини инкишоф қилиш билан бирга, унинг ҳаётдаги ўрни ва табиатини кўрсата билган.

Эзгулик тангриси Ахура Мазда “тўрт унсур зуваласидан ҳаёт ҳомиласи одамни” яратиб, унга қалб тухфа қилганда, ёвузлик тангриси Аҳраман бунга чидай олмай Ахура Мазда қошига келади:

Аҳраман:

Нечун қалб бахш этдинг ожиз маҳлуққа?

Наҳотки, яралиб Учинчи Худо.

Мангу қонунларни айлар талотум?!

Ахура Мазда:

Билмассан, яратмак – мангу фароғат!

Ўзингга қолдирмай, ўзгага тухфа

Қилмақлик гаштини яна билмассан.

Бу диалогда қанча тарих, қанча ҳақиқат, қанча инсоний драмалар ўз мужассамини топган. Ҳақиқатан ҳам, ўзларини “худо” деб санаган давлат тепасида ўтирган шахслар қанча тарихни, қанча ҳаёт ва инсоният оламига таянч, адолат устуни – мангулик қонунларини, аждодларнинг маънавиятини эслатиб турадиган муқаддас қадриятларни йўқ қилмади?! Чунки бундай кимсалар “яратмак – мангу фароғатлиги”ни билмайди, унинг нашидасини хис қилмайди. Бундай кимсаларнинг қиёфасини, фожиасини, драмаларини шоир Аҳраман орқали очиб беради:

Маҳв этмак лаззат. Сен ҳам билмассан.
Ўзганинг энг сўнгти нонин таламак
Икки карра лаззат. Яна билмассан.

Бу фикр ижтимоий-сиёсий характерга эга. Сабаби XXI аср балоси – террористлар қилинмаяпти. Чунки ёвузлиқдан баҳра олиш, лаззатланиш ёвуз кимсаларга хосдир. Одамнинг дунёning ягона вориси бўлишига Аҳраман қанчалик мантиқли фикрлари билан Ахура Маздани йўлдан уришга ҳаракат қиласин, у аҳдидан қайтмайди. Негаки эзгу ниятли одамлар ҳамиша эътиқодида событ қолади.

Ў, иним, биламан, тил дом шаккоқлик,
Рұхни тингламасдан валдираверар.
Ворисликка не йўл шўрлик бандага...

Достонда кўп ҳаётий ҳақиқат ҳам ўз ифодасини топган. Бу ҳол сўзиз уни маърифатлилигини оширган. Маълумки, ҳаётда салбий типларнинг фикрлари ҳамиша ҳам ҳақиқатдан ҳоли бўлмайди. Буни Эшқобил Шукур тўғри англаган. Шундан Аҳраман фикрларининг кўпида ҳақиқат ётади, ўз навбатида, бу фикрларда инсоний драма мужассам. Ҳақиқатан ҳам, кўпчиликда “Рұхни тингламасдан валдирай” веришлик хусусияти мавжуд. Бу инсоний иллат инсоний драмаларни вужудга келтиради.

Аҳраман ўз ниятига етолмаганидан кейин Ахура Мазда яратган Одам ва Қалбга қасдма-қасд жамики ёмон нарсаларнинг мужассамидан одам танига менгзаб бир вужуд ярат-

ди ва уни Қора Фаришта деб атади. Лекин унинг уриниши бехуда бўлди, чунки “Одам руҳида худолик қурдати бор эди”. Ахраман куч билан мақсадга эришмоқчи бўлди. Ўртада аёвсиз жанг бошланди. Бу борада Қора Фаришта билан минг-минглаб жинлар ер юзига тушиб келишди. Улар ўзлари билан сонсаноқсиз заҳарли курт-қумурсқаларни олиб келган эдилар. Одам қуртлаб, заҳарланиб бораётган ерни тозалаб улгуролмай қолди.

Энди урушни давом эттириб бўлмасди. Охир-оқибат Ахура Мазда бир неча йилдан буён муроса сўраб турган Ахраманинг сўровига розилик берди. Кўп тортишувлардан сўнг, Ахраманинг “Қалбни Одамгамас, маймунига бергин” деганига ҳам кўнмагач, Ахраман:

У ҳолда, иккига бўласан қалбни,
Ярмини Одамдан юлиб қоласан, –

деган талабига Ахура Мазда:

Розиман,
Фақат яратаман бир вужуд.
Бахш этаман қалбнинг тенг ярмин унга.
Одам шажараси менга кўп таниш, –

дейди. Бу фикрларда икки ҳақиқат бор. Биринчиси, Қора Фаришта билан тушган жинлар сонсиз заҳарли курт-қумурсқаларни олиб келиши кейинги даврларда ер юзида рўй берган урушларда ишлатилган биологик куролларга, агар улар кенг кўлланса, қандай даҳшатлар содир бўлишига ишора бўлса, иккинчиси, одамнинг кўнгли яримталиги асослангандай. Қалбнинг қачон мукаммал бўлишлиги хусусида ҳам шоир муҳим фикр билдиради. Аёл: “Дўст, бизни қандай куч бирлаштиражак?” – деганига эркак: “Менимча, ҳижрон”, – деб жавоб беради. Бу фикрда мантиқ бор. Чунки киши бошидан ўтказган, қалбан ҳис қилган нарсанинг моҳиятини англайди. Эркак ва Аёл уч йиллик ҳижронни бошидан кечиришга аҳдлашади. Биринчи йили аёл қошида пайдо бўлган эркак унинг “Нима олиб келдинг?” – деганига “Софинч”, – деб жавоб беради. Аёл муддат бор деб қайтаради. Иккинчи йили “Дўстлик”, – деганига ҳам кўнмайди. Учинчи йили “Мұҳаббат” деганига рад жавоб бермайди. Бу борада шоир ёзади:

Бирдан пайдо бўлди Эркак қошида
Уч йилда дарахтдай гуллаган Аёл.
Юзта ой порларди унинг бағрида,
Эркакка аталган юзта тўлин ой.
Аёл – Мен қалбни мукаммал ҳолда кўряпман.
Эркак – Йўқотилган ўзимни топдим.
Бир-бирин тўлдириди
Бу икки бағир,
Шу кун ўзлигига
Етишди Қалб ҳам...

Шундай қилиб, Тангрилар ҳам, Олам ҳам, Одам ҳам кутмаган буюк ҳодиса воеа бўлди. Мухаббат абадиятга йўл очди. Натижада оламни безайдиган хилқат вужудга келди. Аҳраман бундан талвасага тушди, чунки у яратишдан эмас, йўқотишинан мамнун бўлади. У сўнгги имкониятини ишга солиб, зулмат водийсида шаҳват дарахтини барпо қилди. Унинг мевасини еганлардан иблисваччалар туғиларди. Илк мевасини Аҳраман билан Қора Фаришта истеъмол қилишди. Ўзларидан туғилган болаларни Одам ерига ташлаб юборди. Уларни эзгуликни яратувчи эркак ва аёл топиб олди. Шунда овоз келади: “Улар Аҳраманинг ҳаром тўлидир, Ҳаққа кечикмагил, уларни ўлдир.

Аёл:
Ахир, гўдакларнинг гуноҳи нима?
Овоз:
Кулликни, зўрликни улуғлар улар,
Эрку фароғатни топтаб яшарлар.
Қора қилмишларнинг қонли чизиги,
Аён хислат берар пешонасида
Ўлдиргин уларни, о, улуг Одам!”

лекин Одам уни ўлдирмади, қайтага меҳр кўрсатди. Бу билан комилликни ва чин инсон қиёфасини инкишоф қилди. Негаки меҳр – бу эзгулик, саховат, тинчлик ва осойишталиkdir. Шоир кўхна тарихий афсонани бугунги замонга хизмат қилдира олган. Достонининг аҳамияти шундадир.

Асқад Маҳкаманинг “Таважжух” (1992) достони бошдан оёқ ички дард, изтироблардан, яъни Бобурнинг ҳасратларидан

иборат. Бу ҳасрат шунчаки ўз яқин, хеш-акраболаридан қилган шикоят эмас, у ўз эзгу ниятларини амалга оширишга, адолатни барқарор қилишга, бехуда урушларни, низоларни бартараф этишга, бобоси давлатининг азалий мавқеини тиклашга изн бермаган Дунё талотўпаридан, унинг кажрафторлигидан, мансабпааст, тахтпарастларининг қуткусидан юраги зардобга тўла йирик шахснинг надоматлариdir. Шундан у умумлашма характерга эгадир.

Достон муқаддимасида Бобур қуйинишлари тасвирида ўз замонининг қиёфасини чизади, Дунё ботқоғига ботган (Машраб) одамлар табиатини инкишоф қиласди. Булар ичидагүнглига, руҳига яқин одамларни топмаганидан надомат чекади, Тангридан мадад тилайди:

Топмадим, эй, Бобур, на бирор одам,
На ватан, на мозор, на ер, на меҳр.
Ё, Тангрим, имонни саломат қилгил,
Ё, Тангрим, осон қил, ўзинг мадад бер!...

Кейинги қисмларда бу ўқинчларда драматизм кучайиши билан бирга, унинг сабаблари ойдинлашади, реаллашади. Маълумки, барча ярамасликлар охиратни унутиш, Оллоҳнинг кудратини ёддан чиқаришдан бошланади. Шоир Бобур тилидан Мирзо Бобур тазарруси қисмида ёзади:

Одамзод яралган бу кўхна Дунё –
Ўнг соҳил сорига элтувчи кўпрук.
Унутдик бул кўпрук сўл томонида
Умримиз ҳаққини, қазо ҳаққини.

Асарнинг бадиийлиги чиройли ибораларда туйғулар ифодаси билан белгиланмайди, бу камлик қиласди. Фалсафий тафкурнинг манзаралардаги қўчимларда зухурланиши, унинг қанчалик жонланиши, инсонийлаши, уларнинг замонлашиши илиа белгиланади. Достонда шундай:

Ловуллар ой аро фалак доғлари,
Сирғалар булутлар узра бир тобут.
Пойида дарёлар ётмишdir ўлиб,
Устида яраклар қўргошин совет.

Қамишзор чайқалар лашкаргоҳ каби,
Қонига беланиб куйлайди азал.

Демак, фалак иллатларини (доғлари) ёруғлик, эзгулик рамзи ой куйдиради (ловуллаб), лекин эзгулик ҳамиша ҳам ёмонлик устидан ғолиб келмайди. Айниқса, имон, диёнат сусайган замонда. Шундан ҳалоллик, поклик (дарёлар) шикаст ейди, ҳалок бўлади. Эзгулик мағлуб бўлган паллада қингирлик рўй беради (қамишзор чайқалар лашкаргоҳ каби, қонига беланиб куйлайди азал). Бу ерда қамишзор шунчаки қамишзор эмас, ўлимга юзланган лашкар қароргоҳи. Тақдирини азал эса ҳамишалик қўшигини шунчаки такрорламаяпти, балки қонига беланган ҳолда куйляяпти. Бошқа сипоҳларнинг қисмати ҳам шундай бўлишини кўз ёшлари англатиб турибди:

Кўз ёшлар сизиб оққан жисмидан,
тиклиар сипоҳлар ёзмиши – ажал...
Тулпорлар томогин йиртиб кишнайди,
уларнинг ортидан тойчоқлар келар.

Бобурнинг ҳасрати шундан, келажак авлоднинг (тойчоқлар) ҳам қисмати шуидай бўлмаслиги учун бор вужуди билан нола қиласди (Тулпорлар томогини йиртиб кишнайди). Лекин Бобур тушкунликка тушмайди, у некбин. Чунки эзгулик унутилмайди, унутилмагач, демак, ҳамиша яшайди:

Оқибат авлиё каби тўлин ой,
Тун бўйи ёқади уларнинг шамин.
Қон юқи қизғалдоқ бўлиб гуллайди,
Лашкарлар жисмига тўймайин замин

Бобур ҳеч нарсанинг ўз-ўзидан юз бермаслигига (қазо), тақдир (қадар)га ишонади ва шукур қиласди. Ҳеч қачон имон-эътиқодидан кечмайди:

Ё, борхудо, туман жаҳонгирдидан сўнг,
Куръон, қалам, қилич тутган фонийман, –

дейди.

Бобурнинг ватан ҳақидаги тушунчаси ниҳоятда кенг ва фалсафийдир. У учун тили кесиб ташланган оқин, гўрлар узра

авахтахона, тишланган нон, ташланган ушоқ... ёри хоин, дўсти мунофиқ ва ҳоказолар ватан. Чунки бундай воқеалар бўлиб туриши табиий ҳол. Ҳақиқий инсон ватанини бутун ёмонлигию камчилигию бутун яхшилиги билан севади. Ахир, инсон бурунни сассиқлиги учун кесиб ташламайди-ку?!

Достондаги Бобур драмасидан киши бир нарсани аниқ ҳис қиласи. Бу ҳам бўлса, унинг дард-аламларида, изтиробларида ва ўйларида, огоҳлантиришларида бизга яқин бўлган ўтмиш тарихининг қиёфасини ҳамда замоннинг руҳини. Унинг маърифий ва маънавий аҳамияти ҳам шундадир.

Усмон Азимовнинг “Оқпадар” (1992) асари гарчи шоирнинг ўзи нотарий драматик достон деб атаса-да, у бир қадар тарихийликка эга. Чунки достондаги воқеа шоир тасвирлагандек ўзгача бир тарзда ҳаётда бўлиб ўтган. Усмон Азим эса бу тарихий воқеликнинг бир қиррасини олган, яъни севги чизигини. Ҳақиқатан ҳам, шаҳзода – Мадалихон отаси Умархон уйла-нишга ният қилган қизни унинг вафотидан кейин ўз никоҳига олган. Бутун фожиа шундан бошланган. Миллатнинг ғурури бўлган ҳассос, дилбар шоира, давлатарбо-би Нодиранинг ҳамда ўзи, укаси Султонхон Маҳмуднинг, ўғли Муҳаммад Аминнинг ўлимига сабабчи бўлган. Бу инсоният қалбини ларзага соладиган фожий драматик ҳолатdir. Мана, аслида, воқеа қандай бўлган. Тарихчи Маъсумхон ўғлининг “Мутахаб ут-таворих” (“Сайланган тарихлар”) китобида ёзади: “Фаргона хукмдори амир Умархон умрининг охирида қизиқ бир воқеани бошидан кечирган. У ўзининг умр йўлдоши Нодирабегимнинг она шаҳрига, қайин отасиникига меҳмонга борганида, Шаҳрихон шаҳар ҳокими Жиловдор Иноқ билан сұхбатлашиб ўтиради. Шу пайт ҳокимнинг хотини даб-дурустдан кириб, Ўратепадан кўчидан келган, кўл учиди куи кечираётган Сайдғозихўжа деганинг Хонпошия исмли қизининг гўзаллигини шу қадар таърифлайдики, асти кўяберасиз. Умархон ўша заҳотиёқ қизникига совчи юборади. Қизнинг ота-онаси ҳали балоғатга етмаганлигини, гўдаклигида бешиккертни қилинганини айтиб, икки аёл совчини қайтариб юборишади. Шундан кейин хон Ботирхон исмли вакилни иккинчи бор совчиликка йўллади. Бу галл ҳам қизнинг ота-онаси юқоридаги гапларни айтиб, вакилнинг пўписаларига ҳам қулоқ солмайдилар. Охири Умархон ўша даврнинг кўзга кўриниган олими, шоир, тарихчиси Ҳакимхоннинг ўзини Ботирхонга қўшиб, қайтадан совчилик-

ка жўнатади. Сўнгги марта совчиликка эътиборли киши – Ҳакимхон келганлигини ҳисобга олиб, Ботирхоннинг даханаки дўйқ-пўписасидан чўчиган Сайдғозихўжа розилик беришга мажбур бўлади. Совчилар қизни яхшилаб кийинтиришиб, хоннинг ҳузурига киритишади. Аммо хон унинг балогатга етмаганини ҳисобга олиб, канизаклар орасида тарбиялашни буюради”. Хонпошани кўрган Маъдалихон, ҳақиқатан, уни севиб қолади. Отаси Умархон ўлемидан сўнг шариатдан йўл топиб бермаган муллаларни саройдан ҳайдаб, бошқа икки муллани йўл топиб беришга ундейди. Улар қандайdir ривоятлар келтириб йўл топган бўладилар. Натижада Хонпошага уйланади. Унинг бу ишидан Фарғона халқи норози бўлиб, на мойишга чиқади. Бундан чўчиган Маъдалихон Хонпошани Марғилонга олиб бориб кўяди. Ўзи эса яширин ҳолда яшай бошлайди. Улар икки фарзанд кўради. Ўғлининг қилмишидан онаси Нодирабегим қаттиқ ранжийди. Кейинчалик укаси Сultonхон Махмуд Бухоро хони, гўё шариат ҳомийси бўлган Насруллога бу ҳақида хат ёзил, “Сиздек буюк амир бундай ифлос ишга қандай қарайдилар?” – дейди. Хонпошша гўзаллигининг таърифини эшитган Насруллохон Кўқонга бостириб келади ва барча таҳт эгаларини қиличдан ўтказиб, Хонпошани Бухорога олиб кетиб, ўз никоҳига олади. Бироқ икки ойдан сўнг ўлдирилади. Бунга сабаб Насруллохон Шаҳрисабз беги Ёкуббекнинг севикли гўзал хотини Кенагас бегимни ҳам зўрлик билан ўз никоҳига олган эди. Кенагас бегим аслзода эди. Севган эрининг ўлеми ва ўзининг тақдирни яна бир гўзал бошига тушганидан ғазабланиб, Насруллонинг мастилигига қулоғига симоб қуяди. Хоннинг котили қаторида Хонпошша ҳам ўлдирилади. Кўриб ўтганимиздек, шу тарихий воқсанинг ўзи тайёр инсоний драма ҳамда катта бадиий асрнинг юзага келишига имкон берадиган фожиадир.

Юқорида айтиб ўтганимиздек, Усмон Азим бу тарихий воқеани ўз ғоясига бўйсундирган. Достонда шаҳзодани бу йўлдан қайтаришни ҳаётдагидек соғдил муллалар эмас, Отабек бажаради. Тўғрироги, бу вазифани шоир тўқима образ Отабек зиммасига юклаган. Улар ўртасида шундай диолог кечади:

Отабек:
Лаънат билан ёзилгай исминг
Асрларнинг саҳифасига.

Номусулмон,
Калима қайтар.
Энди умринг қадардир сенга...
Билмайсанми,
Билмасанг, айтай –
Ўша подшоҳ падардир сенга!
Шаҳзода:
Ҳа, падардир...
Бу – менинг шўрим,
Қулагани бошимга осмон,
Менинг ошиқ қалбимни кўриб,
Шайтон корин қилгандир раҳмон.

Кўриниб турибдики, бу ерда асосий ургу – муҳаббатда. Шаҳзода бу ишга қўл уриш гуноҳлигини билиб туриб, ундан воз қеча олмайди. Унинг драмаси ва фожиаси ҳам ана шунда. Ўзининг ошиқлигини онаси Ҳонмаликага ҳам айтади, бу ҳолдан пушаймонлигини ҳам изҳор қиласди:

Она, бас!
О, нақадар фосиқ тортдим мен!
Отам хуштор бўлган
Париваш,
Канизакка ошиқ бўлдим мен!

Шаҳзоданинг онаси “кофир” деб койиши ҳам, оқибати нима бўлишидан огоҳлантириши ҳам бу йўлдан қайтара олмайди.

Ҳонмалика:
Мамлакатни босгандир тутун –
Сени қарғар мўъмин-мусулмон,
Кутлуг ислом:
Султонларининг
чўзилади қўллари тиққа.
Пок тутмок-чун имонларини,
От бостириб келишар тикка
Давлатингни ютгай ҳалокат,
Азиз бошинг тортилгай дорга, –

деган мантиқли сўзига шаҳзода қўйидагича жавоб беради:

Кўрқитолмас энди маломат,
Айтдим-ку.
Мен кечганман ордан.
Ўлим эса...
хўш, ўлим нима!
Бир дақиқа:
Жон кетди
Тамом!
Унингсиз-чи!
Шу дақиқада
Ўлаяпман минг бор, онажон!

Хонмаликанинг “Ҳаром йўлдан кеч”, – деган илтижосига, “Ундан кечмоқ? Ҳеч қачон! Ҳеч! Ҳеч!” – деб жавоб беради. Бундан сўнг тарихда рўй берган воқеа юз беради. Лекин Усмон Азим унинг тафсилотига тўхтамайди. Бу ҳол, сўзсиз, воқеани англаб олишни қийинлаштирган.

Шоир учун воқеа тафсилоти эмас, инсон қисмати, унинг тақдири аҳамиятли. Шаҳзоданинг бор-йўқ айби – севгани. Шунинг учун жазоланади, ўлимга маҳкум қилинади. Маликанинг (Хонпошшанинг) фожиаси бўлса гўзаллиги. Бу учун ардоқланиш ўрнига қўлдан-қўлга ўтади, унинг инсонлик эрки, туйғуси тоғталади, инсонийлик шаъни билан ҳеч ким қизиқмайди, ҳеч кимнинг иши бўлмайди. Бу ҳол фақат маликанинг эмас, давр ва замоннинг ҳам фожиасидир. Мазкур ғоя достонда ўзини оқлаган. Айниқса, шаҳзоданинг ўз севгисига садоқати, унга тириклиқ берилганига қарамай...

Ҳақни айтсам, сизга бу эркни
Сўраб олди шоҳдин маликам.
Шу сабабдин очдим эшикни
Ва сизни тарк этди таҳлика.

У зинданни тарк этмайди. Ўлимни мардонавор қабул қиласди. Чунки севгилисиз ҳаёт у учун дўзах. Шоирнинг бундай хулоса чиқариши ўзини оқлади. Негаки севгига садоқат инсонийликка садоқат демакдир. Бироқ достоннинг номланиши замирида илгари сурилган гояга мос эмас. Оқпа-дар деб отаси оқ қилган, лаънатлаган, юз ўгириган шахсларга нисбатан айтилади. Ваҳоланки, тарихда Мадалихон отаси Умархон

ҳаётлигига улар ўртасида ҳеч қанақа зиддият рўй бермаган, ота ҳурматини жойига қўйган. Достонда бу воқеа ота вафтидан сўнг бўлади. Зероки, шундай экан, шаҳзода ҳаракатини оқпадарлик деб бўлмайди. Асар номланиши ёзувчи гоясини мужассамлаштиришини ҳисобга олсак, уни бошқача аташ лозим дейишга ҳақлимиз.

Текшириши саволлари:

1. Лиро-драматик достонлар қандай хусусиятга эга?
2. “Ибтидо хатоси” достонида афсоналар қандай фалсафий гояга эга?
3. “Таважужуҳ” достонида дард ва изтиробнинг маърифий кучи нимада?
4. “Оқпадар” достонида инсоний фожиавийлик қандай талқин қилинган?

Таянч тушунчалар

Диалог – характерни очиб берувчи муҳим восита.

Монолог – руҳий ҳолат, асар кульминацияси очиб бериладиган восита.

Драматизм – воқеа ва ҳолатларнинг кескинлиги, жиддийлиги, ҳаяжонлилиги.

2. 4. Модерн тамоилидаги достонлар

Режа:

1. Модернизмга нисбатан ўзбек адабиётшуносларининг қарашлари.
2. “Изоҳсиз лугат” достонининг структураси ва гояси.
3. “Чиптасиз одамлар” достонида илгари сурилган гоя.
4. “Ёзиқ” достонида Шарқ фалсафасининг ифодаси.
5. “Аёлғу” достонининг фалсафий ҳақиқат ва ҳаётий мантиққа эгалиги.

Адабиёт:

У. Норматов. Дунёни янгича кўриш эҳтиёжи. Жаҳон адабиёти, 2002 йил, 12-сон.

Иброҳим Ҳаққул. Тасаввуф ва шеърият. – Т., 1991.
Пиримқул Қодиров. Маънавият, модернизм ва абсурд.
ЎЗАС, 2004 йил, 26 март.
Фридрих Нитше. Зардушт таваллоси. Жаҳон адабиёти. 2004
йил, 1-, 2-, 3-, 4-сонлар.

Абдували Қутбиддининг “Изоҳсиз луғат” достони гарчи истиқлолдан аввал ёзилган бўлса ҳам, биринчи модерн йўналишидаги достон бўлгани учун таҳлилга тортилди. Достонга Навоийнинг

Дуди оҳимнинг қуюндеқ печ ила тобин кўрунг,
Тийра ҳижрон оқшомининг баҳри гирдобин кўрунг.

мисраси эпиграф қилиб олинган. Мана шу мисра достоннинг бутун леймотивини ташкил қиласи. Яъни шоирнинг нимадан қуйиниши, изтироб чекиши, унинг сабаб-оқибатлари ноанъянавий усулда инкишоф қилинган. Достон ихчам ўн беш қисмдан иборат. Ҳар бир қисм ўз композициясига ва мустақил мотивига эга. Биринчи қисмда бобо билан невара мулоқоти берилади. Бобонинг елкасида сандувоч ўтиради. Биламизки, сандувоч (булбул) – муҳаббат, эзгулик рамзи. Бобо пичирлайди: “Юракни кўп этмажак макон”. Невара: “Тушунмайман”, – дейди. Лекин мушоҳада қилинса, бу гапнинг заминида катта фикр борлиги англашилади. Маълумки, одамзоднинг кўзи оч бўлади. “Ўзи тўйса ҳам, кўзи тўймайди” деган мақол бежизга айтилмаган. Ақл ва юрак уни жиловлаб турмаса, кўп нохушликлар содир қилиш мумкин. Ана энди кўз юракни макон тутиб олса, нима бўлишини тасаввур қилиб кўринг. Бобо шундан ташвишда. Бобонинг гапини сандувоч ҳам тасдиқлайди (“Сандувоч бошини қимиirlатар бир маром”). У яна пичирлайди:

Тилни илдек эшиб бўларми.
Жонни бўлурми унга ўтқазиб,
Кейин санаб бўлурми жонни
Охирги кунгача, узмасдан?!

Бу ерда бобо қилиши лозим бўлмаган нарсаларни бажаришга уринишнинг оқибатидан хавотирда. Бобо яна гапиради:

... – Одам –
этга ўралган, эт эса заҳар.
Косасида биқирлаётган – кўпикдир?!

Туркий тасаввуф шеъриятининг йирик вакили Юнус Эмро “Тўрт кишидир йўлдошим... – дейди. “Ул тўртнинг бири – жон, бири – дин, бири – имон, бири – нафсдир”¹. Нафс учала йўлдошнинг ҳам душманидир. Инсон жисмини, руҳини пок сақламоқ учун нафсни тийиш керак. Нафсни тиймаслик эса танага заҳардек таъсир қиласи.

Иккинчи қисмда ҳам бобога мурожаат қилинади. Бобо – бу ўринда донолик, тўғрилик рамзи. У Оллоҳнинг қудратини англашга, ўшанга қараб қадам ташлашига ундаиди. Шундай қилинганди инсон ёмон ҳаракатлардан ўзини тияди. Бу билан ҳаётнинг бир маромда давом этишини ва ўзининг умрини таъминлайди. Шоир шулардан кишини огоҳ қиласи экан, масала моҳиятини бугунга буради. У ёзади:

Шунда фароғат мамлакатлари, миллатлари, одамлари
Хеч қачон бир-бирларини камситмасликка онт ичишади.
Тилни, қалбни, наслни бузмасликка, эзмасликка
Қасам ёд қилишади. Тийилишади!
Денгизларни қуритишмайди,
Ўрмонларни кесишмайди,
Осмонни тешишмайди.

Бу ерда изоҳнинг ҳожати йўқ. Чунки замонда бундай эмаслиги ва шоирнинг нима демоқчи эканлиги шундай сезилиб турибди.

Кейинги қисмларда дунёни кемирувчи ва кемирилувчилар ўз қилмишларига яраша жазосини олиб, уларни ковакларда чий-чийлаб юрган сичқонларга ўхшатса, бошқасида эса қўрққанлиги, ҳамиятсизлиги, гуурурсизлиги туфайли ўз ерига бошқаларнинг хўжайин бўлишига йўл қўйган, ўз қиёфасини йўқотган шахслар фожиасини чизади. “Қўли маймунникидай, оёклари филсиёқ... Белкуракка суюниб тамаки тутатиб” турган одам мозорни буза бошлайди, чиқсан нарсани қопига жойлайди, гумбаз ва минорларни майдалайди. Виждони жиндайгина бош кўтарган одамнинг “Нима қиляпсан?” деган сўроғига шундай жавоб беради:

¹ Иброҳим Ҳаккул. Тасаввуф ва шеърият. – Т.: 1991 йил, 17-бет.

– Хўжайин хурсанд бўлади
сут беради
Ёвғон беради,
Ош беради кечкурун –

дейди ва суякларни иргита бошлайди. Бундан ғазабга келган одам белкурагини тортиб олиб, “Ўлдираман” деганига:

У ҳайрон бўлди. Анграйди. Бирданига пиқиллаб Йиғлай бошлади:
– Сен хўжайнинг душманисан, сен давлатга қарши,
– Сен... сен... сен
Хўжайин мендан ҳафа бўлади,
Энди нима ейман?

Шу ўрин Гулханийнинг “Зарбулмасал”идаги “Туя билан бўталоқ” масалини ёдга солади. Туянинг эрки ўзида бўлмаганидан, боласини эмиза олмаганидек, бу барзангининг ҳам ихтиёри ўзида эмас, юқоридагиларда. Шоир ёзади:

Бошини сарак-сарак қила бошлади,
Эшакдай чопди-да кетди.
Гангиг туриб қолдим узоқ муддат,
Кейин қўлларим, оёқларим,
Оёқларим, қўлларим
Бир, икки, уч...
Мозорни тепкилай бошладим.

Ҳа, муҳит кучли. Зўравонлик ҳар қандай иродани ҳам синдиради, муте қиласи. Бу ҳол кечаги кунимиз қиёфаси ва ўзимизнинг фожиамиздир.

Мана, кўриб ўтганимиздек, модерн йўналишидаги шеърият эзгуғоядан холи эмас, фақат ташбехлар, воқеа тасвири нореал. Агар моҳиятига назар солинса, уни инкор қилиш ноўрин.

Умуман олганда, Абдували Кутбиддиннинг ҳаётга қарashi, дунёни идрок этиши ноанъанавий эмас, бошқачадир. Достон ҳам худди шунинг мевасидир. Бу ҳакида ёзувчи, адабиётшунос Улугбек Ҳамдам шундай дейди: “Дунёда азал-азалдан икки буюк куч бор, Дунё азал-азалдан шу кучларнинг орасида тақсимлаб олинган. Бирининг исми – Оқ, иккинчисининг эса

Қора. Исларнинг бошқача талаффузи ҳам мавжуд: Эзгулик ва Ёвузлик, Маърифат ва Жоҳиллик, Малаклик ва Шайтонлик, Озодлик ва Туткунлик, Рух ва Жисм (Нафс)... Шоирнинг пировард мақсади гўзаллик яратиш бўлса-да, ўрни келганда баробар, эзгулик ва маърифат, ҳалоллик ва шафқатлилик... ёнида, улар билан бир сафда туриб курашади. Чунки унинг яратилиши шундай. Шоир дунёда оқ рангнинг ҳиссаси қўп бўлиши, ғолиб бўлишининг тарафдори. Агар қора рангнинг ҳиссаси қўпайиб, атрофии Ёвузлик, Жаҳолат, Туткунлик, Нафс каби балолар қоплай борса, шоирнинг бағри улкан жанг майдонига айланади. Шахсан унинг “мушугини бирор “пишт” демаса-да”, ҳассос қалби Дунё мувозанатига путур етканидан инҳоясиз изтиробларга тушади...

Достоннинг “Изоҳсиз луғат” деб номланишининг сири... асосида турган ўша икки азим Кучлар қисматини эсласак, номланиш мантиқ ва мазмун касб эта бошлайди: изоҳсиз луғат, яъни изоҳга ҳожат йўқ! Дунё-дунё бўлибдики, достонда тилга олинган Кучлар ва уларнинг омонсиз жангига бор. Дунё деб аталган китоб шу икки сўздан иборат: Оқ ва Қора! Бирок уларга изоҳ берилган, изоҳни ҳар кишининг ўзи ёзади, кимнинг қисматига оқни таърифлаш, кимнигига қоранинг шарҳини битиш тушади. Шунга қарамай, шоир барибир ўз ташловини изҳор қилиб кетмоқда:

Бармогим кабоққа кўйдим, ўртанди,
Эмрандим, нигоҳим тинди, айланди.
Билдим, аъзойи баданим ҳаёт ширасидан,
Ҳамширам – турна,
Қондошим – жайрон,
Жигарим – аргувон.
Хону туробдаман, иним – қумурсқа, оғам – от,
Билдим – одамийзодман,
Одамийзодман...

Сўнгги “Билдим – одамийзодман, Одамийзод” деган Мисра шоирнинг ўша мангу курашда қайси томонда эканини билдиради... Чунки одамийзод бўлиш осон эмас, бунинг учун киши “Қора”нинг лаззат-фарогатидан воз кечиб, “Оқ”нинг

захматларига бардош бериши шарт¹!.. Бу фикрга биз ҳам тўла кўшиламиш.

Ноанъанавий ташбеҳлар заминида қандай ғоя ётишини, уларнинг айримлари эстетик тасвирдан холи эканлигини таникли ёзувчи олим Пиримқул Қодиров жуда яхши очиб берган: “Модернизмда мозийнинг анъанасига амал қилувчи айрим ижодкорлар ҳам инсонлар ва ҳатто миллатларга нисбатан жуда баланддан келиб, катта-катта айблар кўядилар.

Бунинг бир мисолини истеъоди кўпчилик томонидан тан олинган таникли шоир Абдували Кутбиддининг “Изоҳсиз лугат” номли достонида кўриш мумкин. Бу достонда ўтмишдаги мустамлака зулми остида яшаган инсоннинг фожиавий хатолари қуидагича изоҳланади:

Ватанинг бор эди, сотдинг,
Онанг бор эди, отдинг.
Лаззатга, сафога, ишратга алмашдинг бору будингни
Чўчқага хизматга кирдинг,
Тўнгизнинг амрини бажардинг
Эсизгина одам, қизил ва сариқ шоқол,
Кўз узмай кузатиб турибди ҳар бир ҳаракатингни.
Кўзингдан, бурнингдан битлар чиқмоқдалар
Амал-тақал қилиб, оғзингдан семириб кетган
Курбақа зўрга тушаётир – кекиртагини ёриб
Юборар... Эсизгина одам, ачинаман, афсусланаман...
Кечикмадикмикан? Одамни қутқармоқقا²??!

Мустамлака зулми остида эзилган, алданган, ёмон хатолар қилган, бору бурдидан айрилган одамга шоир аввал баланддан келиб даҳшатли айблар кўяди, бит ва қурбақалар тимсолида унинг қиёфасига жирканчли тус беради. Сўнг айб фақат одамнинг ўзида эмаслигини, тузум, муҳит ҳам айбдор бўлганини тушунгани учун “Эсизгина одам!” деб чин дилдан ачинади. Нихоят, “Кечикмадикмикан Одамни қутқармоқقا!” деган савол билан ўз мақсадини англатади. Катта ҳарф билан ёзиладиган одамни қутқармоқ эса эзгу мақсаддир. Шу тарзда достонга инсонпарварлик руҳи қайтиб келади.

¹ У. Ҳамдам. Дунёни янгича кўриш эҳтиёжи. Жаҳон адабиёти. 2002 йил, 12-сон, 153 – 154-бетлар.

² Шарқ юлдузи, 1990 йил, 10-сон. 11-бет.

Афсуски, достоннинг биз келтирган айрим сатрларидан ёш олима Наргиза Маматқурова “Модерн шеъриятда янги-ча талқин” деган мақоласида бутунлай бошқача хуносалар чиқаради...

Бу хунук ва эстетикадан йирок сатрларни Н. Маматқурова модерн шеъриятининг янги-ча талқини сифатида мақтайди. “Бу сатрларда, – деб ёзди олима, – миллатга нисбатан катта айлов мавжуд. Миллатнинг руҳий тарқоқлиги ва ҳашаротлар каби майдалашуви, қисқаси, улкан бир фожиа тасвирланади”¹.

Юқорида биз келтирган сатрларда гап миллат ҳақида эмас, мустамлака зулми остида эзилган, алданган, хатолар қилган одам ҳақида боради. Шоир бу одамга ачинади, ҳамдард бўлади, уни кутқаришни ўйлади.

Модерн шеърият тадқиқотчиси эса бу одамии ўзгартириб, бутун бир миллатга айлантириб юборади. Алоҳида одамга тааллуқли айловлар бутун миллатга тааллуқли бўлиб чиқади. Гўё бу мисраларда миллатнинг тарқоқлиги ва ҳашаротлар каби майдалашуви, қисқаси, улкан фожиа тасвирланган эмиш!² Ўйлаймизки бу фикрлардан достон ҳақида яхлит тасаввур ҳосил бўлади.

Модерн асарларининг яна бир хусусияти, ижодкор табиат ва жамият ҳодисаларидан туғилган ўй-фикрларини ўз тасаввуридаги ҳолатларда реаллаштиришга интилишидир. Бу ҳолатни Наби Жалолиддиннинг “Чиптасиз Одамлар” (1997) достонида кўриш мумкин.

Михаил Булгаковнинг “Уста ва Маргарита” номли машхур асарида шундай эпизод бор. Москвада, Патриарх кўли ёқасида Михаил Александрович Берлиоз билан шоир Иван Понирёв бамайлихотир мусоҳаба қуриб ўтиришганда, улар ўртасида баҳс айни қизиганда пайдо бўлган нотаниш кимса ўртага шундай савол ташлайди:

“Ҳа, аттанг! – деди нотаниш ажнабий кўзини чақнатиб, сўнг гапида давом этди. – Лекин мени бошқа масала безовта қиляпти: агар Худо йўқ бўлса, унда башарият ҳаётини ва умуман, ер юзидағи барча жонзотларни Ким бошқаряпти, деган савол туғилади”.

Бу, очиғини айтганда, унча ойдин бўлмаган саволга Бездомний жаҳл билан шоша-пиша жавоб килади:

¹ “Ёшлик” журнали, 2003 й. 4-сон, 29-бет.

² Пиримқул Қодиров. Матнавият, модернизм ва абсурд. Ўзбекистон адабиёти ва сағъати, 2004 йил, 26 март.

“Ким бўларди, инсоннинг ўзи-да!”¹. Бу фикр достонга ҳам тегишли бўлиб, унинг замиридаги гояни очишга хизмат қиласди. Мълумки, ҳаётда, жамиятда рўй берадиган воқеа-ходисалар (табиат ҳодисаларидан бошқа барчаси) инсониятнинг саъи-харакатига, қилмишига боғлиқ. Уларнинг фаолияти туфайли жанг, уруш бўлади, вайронгарчилик рўй беради, одамлар кул-фатларни бошидан кечиради, тараққиёт таараззулга юз тутади ёки гуллаб-яшнайди, ҳалқ ҳар томонлама фаровоиликка эришади. Лекин қўпчилик бу ҳолат давр, замон, жамият, мухит, шаронгга ишебат беринади. Тўгри, унинг қайси бир маънода таъсир қилини факт. Бироқ уларнинг юзага келишин инсоният акл-заковати ёки жоҳишлиги меваси эканлигини унутмаслик керак. Наби Жалолиддин достонида масала моҳиятини тўгри ёритган ҳолда, негадир ўзига қарши ҳам боради. Шоир ёзади:

Ловуллаб келади нимадир,
Қарсиллаб келади бир бало,
Тешилар,
Ёнадир,
Синадир,
тўқилар дунё,
Яна Ким билади?...
Билардир...
Бир чимдим умрга ишонган
Хаёллар бағрини тизадир.
Теголмай қайроллган ишонга
Ёйлар биладир.
Тинмайин қилган у тавалло –
Ё нафс,
Ё лаъин.

Демак, инсон бир чимдим умрини абадий деб билиб, Яратганин унутиб, нафса берилиши орқали бошига балолар ёғиласди. Октябр инқилоби шундай ловуллаб, қасирлаб келган бало эди. Чунки бошлаганилар биринчи инсониятни инсоф, диёнат, адолат, юксак ахлоқка йўллаган динга қарши боргандилар. Достонинг иккинчи қисмида бу кимсаларнинг таърифи-ни беради:

¹ Михаил Булгаков. Уста ва Маргарита. – Т.: 1987 йил. 17-бет.

Тангрининг юзига оёғин
Бигиз қилолмай даҳрий

дейди. Бу жуда тўғри таърифдир. Лекин шоир ўша жойда XX асрда инсоният бошига ёғилган бало-қазолар учун баъзи бир инсонларни эмас, асрни қоралайди, уни лаънатлайди:

Йигирманчи аср...
Кўзинг тешилсин.
Агар бўлса ўша кўзларинг,
Кўзларинг йўқ,
йўқ эди сенинг,
йигирманчи аср
Сўқир аждаҳо!..

Ваҳоланки, бу балоларда асрнинг айби йўқ. Агар инсоният рақамлар билан белгилаб, вақтни ҳисобламагандা, унинг қайси асрлиги ҳам билинмайди. Табиий юз берадиган ҳодисаларни ҳисобга олмагандা ҳаёт учун кундан куннинг, ойдан ойнинг, йилдан йилнинг, асрдан асрнинг фарқи йўқ. XX асрда юз берган барча фожиаларни ўқ илдизи инқилоб яратган худосизларга бориб тақалади. Улар юртнинг кўплаб асл фарзандларини, яъни имон-эътиқодли, халқ манфаати, эрки учун ёниб куядиган, курашадиган, ғурурли инсонларни чиптасиз, ўз она сридан муносиб жой ҳам бермай, борса келмасга жўнатадилар.

Тақдири азал деган фикр – бор гап. Бу – инсониятнинг фоний дунёдан абадий охиратга кетиш муддати. Бугунги тил билан айтганда, умри белгиланган чипта. Бу ҳол табиий ҳолда рўй берса, барча нарса тинчлик билан ўтади. Лекин инсоният қўли билан содир этилса, Дунё тўлғонади. Чунки у чиптасиз жўнатилади. Маълумки, чиптасизнинг жойи, макони бўлмайди. Бунинг сўрови бор. Бу ишни қилганларга бирик умр тавқи лаънат ёғилади. Бундайлар ош берганга тош берадилар. мана, шоир бу ҳақида нима дейди:

Шарқнинг боласи –
Туркистон!..
“Шимол оч!”
Ошини берди
Ва бошини берди.

Бошини еди унинг
Шимолистон

Барча динлар мухтожларга муруват қўлини чўзиш инсонийлик саналади. Лекин динни инкор этганилар унинг моҳиятини тушунмайди. Улар нафс бандалари. Олган сари олгиси келади. Бироқ ҳамма нарсанинг чегараси бор. Шуни англатмоқчи бўлғанилар эса уларнинг душмани. Булар эса юртнинг асл фарзандлари, зардушт тили билан аъло инсонлар. Михаил Булгаков, Чўлпонлар – шундай инсонлар. Бу борада шоир шундай ёзади:

Ўн икки йил куйган жунун.
“Ё, Ҳақ!” дея суйган жунун,
Билармиди Туркистон аро
Улуғ яроғ отилган кунинг?!

Московда,
Чекка бир кулбада,
Тошкентда,
Чекка бир ўрада
Жонини топширган,
Шонини топган
Икки буюк сўз,
Бир жуфт согинч:
Михаил,
Чўлпон

Булар яратганинг берган умр муддатини нашъу намо билан яшашга тўла ҳақли эди. Лекин “Бўйнида капалак бўйинбоғли”лар умр шательни эрта сўндирилдилар, яъни чиптасиз охиратга жўнатдилар. Уларнинг ўринини эгаллаб, шухрат тахтига ўтиromoқчи эди, бироқ лаънат курсисидан жой олишиди. Уларнинг наздидаги “чиптасизлар” эса ҳайёт пойдеворига эзгулик ғиштини қўйишга улгурганлари учун умрини абадийлашибтирилдилар. Достон замиридаги гоя мана шудир.

Фридрих Нитше ўзининг “Зардушт таваллоси” асарида Зардўшт тилидан шундай фикрни айтади: “Нима бўлди ўзи, биродарларим? Мен азоб чекаётган ўзлигимни енгдим, мен ўзлигимнинг хоки туробини тоққа олиб чиқдим ўзимга ортиқ нурафшонроқ аланг топдим. Қараанг энди! Шарпа мендан

узоқлашиб кетди!”¹. Бу фикр Фахриёрнинг “Ёзиқ” достони (1996) замирида ётган гояни англашга имкон беради. Маълумки, барча ёзиқ (гуноҳ)ларнинг асоси нафс – Инсон ўз нафсини енгмасдан ёмонликдан халос бўлолмайди, поклик сари қадам ташлай олмайди. Қачонки инсон ўзлигини енгса, яъни нафс устидан ғолиб келса, нафсга бошловчи шарпалар чекинади.

Достон “Гулнинг косасига қуийб ичар Вақт мени лиммолим” мисраси билан бошланади.

Вақт бу ўринда жуда кенг маънони ўзида мужассам этади. Яъни Дунё, муҳит, жамият, давр, замон маъносиладир. Маълумки, буларнинг бари инсониятга тазийк ва таъсир қиласи. Агар инсоният улар кутқусини енгишда ўзида куч-қудрат топа олмаса, ўзи Вақт домига тортилади. У сездирмасдан “Гулнинг косасига қуийб ичади, яъни имонни кемиради. Имони йўқ одам ҳеч Ким эмас, “Жоним қурбақага айланди: Ваққ”

Ой эса ботган
Ботқоқларга ботиб қолган Ойнинг оёғи
Қаталайди нилуфар.

Ой – ёруғлик, эзгулик рамзи. Лекин унинг оёғи дунёнинг ботқогига ботиб қолган. Бундан гўзаллик рамзи – нилуфар изтиробда. Гулларини юмиб олган (қаталайди нилуфар). Бобораҳим Машраб ҳам шунга ўхшаш фикрни айтган. “Дунёга келиб, лойига билмай бота қолдим”, яъни “Дунёга келиб, баҳт юзини кўрмай лойига ботади”. Демак, Дунё шунчалик ярамасликларга тўла. Лекин иолиш билан ҳеч нарсага эришиб бўлмайди. Эзгу амалларгина ҳаётни, инсоният оламини иллатлардан халос этади:

Юлдузлардан шуълалар согиб
Унга ичиради парилар – қуффор...

Биринчидан, бу гўзал мисралар, ташбеҳлар кишини гўзаллик оламига олиб киради. Париларнинг яхши амалидан нилуфар (эзгулик рамзи) қаддини кўтаради. Оқибатда ўзининг эзгу ҳаракати билан бозорга, яъни бугунги кунга, жамиятга таъсир қилишга ҳаракат қиласи. Унинг бу саъй-ҳаракатига ёвуз кучлар ҳалақит бермаслиги учун Солор (аскар) назорат қиласи.

¹ Фридрих Нитие. Зардуши таваллоси. Жаҳон адабиёти. 2004 йил, 1-сон, 18-бет.

Натижада ёмонликнинг қўлидан ҳеч нарса келмай қолади (Ёсуманнинг нафақаси етмайди). Маълумки, ҳаракатсиз фақат сабр қилиш билан киши ҳеч нарсага эриша олмайди. Чунки Оллоҳ ҳаракат қилган одамгагина марҳамат кўрсатади. Шундан нилуфарнинг эл назарига тушганидан, ҳаракатсиз фақат сабр қилиш билан, бирор эътиборга мусассар бўлишни кутган сабур (сабр)нинг ҳасаддан қорни оғриб қолади. Демак, ёмон ҳаракат жазосиз қолмайди, қайтага ёзик (гуноҳ)ка маҳкум бўлади. Мана бу борада шоир қандай ёзади:

Нилуфар кўйлагин бозорга солар,
Таңгасин санайди сув парилари,
Бозорга айланар Солор.
Тун – ярим, ярим тун, тун – ярим...
Нилуфарнинг кўйлагини сотиб олгани
Ёсуманнинг нафақаси етмайди.
Қолган
Гулларнинг матоҳи ўтмайди.
Ҳасаддан куйиб,
Қорни оғриб қолган сабурлар
Тувакда ўтириб чиқар тун бўйи.

Достоннинг ҳар бир мисраси рамзийликка эга. Бу рамзлар асосида мифлар, афсоналар, ривоятлар, тарих, диний қарашлар ётади. Булардан бехабар киши, сўзсиз, шоир мақсадини англай олмайди.

Вақт мени ичади, ичади,
Боши гир айланар, айланар.
Бу кеча, бу кундуз кечади.

Бу ўринда вақт икки нарсани англатади, яъни ўлчов ва замон маъносини. Маълумки, вақт барча нарсани емиради, агар унга қарши киши ўзида куч-қудрат топмаса, ўз домига тортади, ўзлигини жудо қиласди. Вақт бу ишидан мамнун ва сархушдир:

Ҳаво ун тортади – худо бехабар! –
Сарҳуш вақтнинг бошида
Бугдойини тортиб олар,
Табарий
Тарих битар горнинг тошига.

Вақтнинг қилмишидан ҳаво (орзу, осмон, тириклик багишловчи) ун тортади, яъни ох чекади, йиғлайди. Вақтнинг сарҳуш (мастлигидан, мудрагани) лигидан фойдаланиб, ҳайтдаги ўз ўрнини, моҳиятини англаган инсон – Табарий одамларнинг моддий ва маънавий эҳтиёжини қондиришга интилади. Лекин буидайлар кам, уларнинг қадрига стилмади:

Ёзиққа термулар кўр (савод) сичқон
Девнинг харамидан қочган қурбақа ҳам
Форга келиб, битикларни ҳижжалар, не тоңг!..

Сичқон билан қурбақанинг ҳатти-ҳаракати инсониятга нисбатан дастак ва киноядир. Чунки қурбақа қарамликтан қочиб, ўзини англашга интилганда (битикларни ҳижжалар), одамзод эса қадимги битикларни вайрон қилди. Оқибатда ҳатто зарғалдоқ, қарғалар ҳам изтироб чекади:

Нега учмас зарғалдоқ,
Нега қарға қарғанар?
Қайда қолди Марғилон
Қаёнлар Фаргона?

Алининг зулфиқори белқуракка, ғемурнин шамшири чўкичга, Яссавийнинг ризқ-рўз тарқатадиган дошқозони эса аравағалтакка айланади.

Олтин қазиб чарчаган –
Зулфиқори белқурак Али,
Шамшири чўкич Темир,
Дошқозони аравағалтак Яссавий.

Оллоҳ инсонни улуғ қилиб яратган. Бу ҳақида ҳазрат Навоий шундай дейди:

Барчасини гарчи латиф айладинг,
Барчадин инсонни Шариф айладинг.

Демак, инсон барча нарсадан улуғ экан, у номига яраша иш тутмоғи керак, яъни яратувчининг ҳар бир сўзини мукаммал уқиб олиб, унга амал қилиш лозим. Худонинг сўзи эса эзгу-

лиқдир. Ундан бошқаси эса гуноҳи азимдир. Достоннинг замирида ётган ғоя шудир. Шоир лирик қаҳрамонга ёзиқнинг сабаби ва оқибатини кўрсатиш орқали инсонийликка даъват этади.

Муқаммал нарсаларнинг барчаси ўзаро уйғунликка эга бўлганидек, фалсафий ҳақиқат ва ҳаётий мантиққа эга бўлган фикрлар заминида ҳам уйғунлик ётади. Бу фикрнинг ҳақиқат эканлигини англаш учун Фридрих Нитшенинг “Зардушт таваллоси” номли насрый достони билан Фахриёрнинг “Аёлгу” достонини ўқиш кифоя. Нитше ёзади: “Сизнинг яхшилигингиз – бу сизнинг энг қимматли ўз-ўзингиз. Сизда тўгаракнинг ташналиги мавжуд; Яна қайтадан ўз-ўзига етиш учун ҳар бир айланана ўргулади, эврилади, айланади.

...Сизнинг яхшилигингиз бошқа бир чет, бегона нарса, тери ва ёпинчиқ, парда эмас, балки сизнинг ўз-ўзингиз бўлсин – мана шу кўнгил ўзгадаги ҳақиқатдир...”¹. Фахриёр ҳам “Аёлгу” достонида беш жуфт таҳайюлда ва тўрт танафусдаги зоҳиран ҳаётий ҳақиқатга зид, ботинан бани ҳақиқатан бўлған лавҳаларда лирик қаҳрамоннинг қалб ҳақиқати очилади. Бу ҳақиқат замирида эса эзгулик ётади.

Достонда бирорта тиниш белги йўқ. Лекин бу ғайриодатий ҳол на достон ритмикасига, на мазмунга таъсир қилган. Чунки фикрлар силсиласи онг оқими монанд йўналишдадир. Тўғри, бу фикрни дастлаб англаб, ўқиб олиш қийин. Лекин тадқиқотчи ҳам тафаккурини онг оқими томон йўналтирса, мисралар ўз “тилсимини очади”.

Таҳайюл (хаёл қилиш, хаёлга келтириш)ларнинг барчаси “Ой юзинг доғларига қараб йигладим” мисраси билан бошланади. Ойнинг юзида доғи борлиги ҳаммага маълум. Бу табиий ҳолга нега йиглар экан, деган савол туғилиши муқаррар. Кейинги мисралар ўқилиб, мушоҳада қилинса, шоирнинг нияти аён бўлади. Мана кейинги мисралар:

кўз ёшларимдан
қанотлари ивиб қолган мутаассиб юрак
шакарлари тўқилиб кетган
янтоқнинг устида жавраб ўлтирад
ва яширин қанотларини ичига

¹ Фридрих Нитше. Зардушт таваллоси. Жаҳон адабиёти. 2004 йил, 2-сон, 14-бет.

эътиқод каби
азонда азон йўқ хазон бор,
муаззин хазон.
япроқлар капишиб қилур ибодат,
улар Яссавийнинг шогирдларири.

Демак, замоннинг сиқувидан, яъни инсоннинг рухий эркинилиги даҳл қилғанилигидан мутаассиб ўз эътиқодича ҳаракат қила олмайди, рух шу қадар сиқилганки, у эркин ҳаракат қилишга чўчийди (яширар қанотларини ичига) азон айтишга рухсат йўқ, яссавий тариқатидагилар яшириниб ибодат қиласди, улар сўлиб боришмоқда (бир йилда пайғамбар ёшини яшаб бўлган япроқлар). Бу ҳолни кўрган ой, яъни эзгулик рамзи изтироб чекади, дарддан юзи қорайиб кетгап. Лирик қаҳрамоннинг йиглаши шундан. Достонда гарчи инсон эрки ҳар томондан чекланган, эътиқодига қарши борилган тузумнинг замон ва макони ҳақида бир сўз айтилмаса-да, таг матндан англанилади. Бу тоталитар тузум қиёфасидир.

Иккинчи таҳайолда тарихга тўхтайди, “кўзгу йўқ, бешик йўқ, сандик бор”, – деб ёзади. Сандик моддий бойликни англатади. Маънавий жиҳатдан эса нафс рамзидир. Нафсга ружу кўйишлиқ эса, инсонийликка тескари йўл тутишиликдир. Нафс балосига дучор бўлғанлар хатто пайғамбарга ҳужум қилишади (Ясириб (Мадина)га кетаётган Мухаммадни қароқчилар талаган). Ҳаётдаги бузғуничиликдан инсонийлик ҳақиқатини маҳкам ушлаган, ўзлигини англаган лирик қаҳрамон бу ҳаётдан кетмоқчи. Бу ёмонликка қарши исёидир:

Икки йўл бор мен учун
Ё кетурман тоғларга узлатгир бўлиб
Куръон горига кўнгилли маҳбус,
Ё жайхунга окурман
Журжон эса йўқ
Ватан эса йўқ

Чин муҳаббатга мұяссар бўлишилик, ҳақиқий инсоний комилликка эришишдир. Лекин надоматлар бўлсинки, ҳаётда ҳали бунга ҳеч ким мұяссар бўлмади. Унга лойиқ комилларни эса ёвуз кучлар йўқ қилдилар.

Шоир ёзади:

Шафқат деб аталған қаҳр бор бунда,
кўз ёш деб аталған тақир бор бунда,
юрак деб аталған сагир бор бунда,
йўқдан факат муҳаббат йўқдир.

Муҳаббат қалбиди куртак ёзган одам тамом бошқа шахсга айланади, яъни эзгулашади. Негаки ҳижрон ўтида қовурилишилари қалбини поклайди. Буни ўзи ҳам ҳис қилади. Шундан шоирнинг қалбига севги олиб келган маҳбубига сиғиниши мантиқлидир:

Қаро тун қатида уммедин фалаж,
ўйларим ўйилар кўздай, на илож,
на мен осийдурман, на Мансур Ҳаллож,
ўзим қолиб сенга сигинидим.

Маълумки, мусиқанинг мазмунини сўзлаб бўлмагандай, туйғуни ҳам баёни қилиб бўлмайди. Уни ҳис қилиш лозим. У ҳис орқали руҳиятга сингади, Фахриёр ҳам туйғулар уммонига кўмилган дардларини куй орқали англатмоқчи, ҳис қилдирмоқчи. Бу куй аёлғудир:

Бир замонлар яралган куй,
Таралган куй.
Мен бу куйни тирилтирмоқ истайман,
Вақтнинг чексиз даштларида адашиб кетган
қўшиқларни мен шеър қилмоқ истайман,
саҳрои оҳанглар билан
токим ундан анқиб турсин
ҳақиқатнинг ёвшан ислари.

Достонни ўқиши давомида ҳар бир мустақил туйғулар силсиласи ўз ифодасини топган лавҳаларда шоир бизга англатмоқчи бўлган ҳақиқат ойдинлашиб боради. Бу ҳақиқат қадимги қадриятларни унтиш, уни иикор қилиш, беписандлик билан қараш ёвузлик уруғини урчишига олиб келишидир. Бу ҳол, ўз навбатида, инсониятни ҳам, жамиятни ҳам таназзулга олиб келишидан дард чекишидир. Достоннинг “Аёлғу” деб аталишининг сабаби ҳам шу. Чунки аёлғу жанговорликни эмас, дард, изтиробни куйлашга мослаштирилган қадимги мусиқа асбобидир. Шундан шоирнинг:

Излаб тополмаганим аёлғу олиб,
Чалолганим чанқовуз чолиб,
Чанқовузнинг бўғзидан
Куйлар қаталаб чиқар:
Биюв-биюв, биюв-биюв,
Биюв-биюв, биюв-биюв.

Шоирнинг армонларини китобхон теран ҳис қиласи, чанқовузнинг билюв-билюви қалба сим-сим сингиб, тасаввурини кенгайтиради. Бу тасаввур кишини гўзаллик, эзгулик бинолари сари етаклайди. Достоннинг маънавий, маърифий аҳамияти шундадир.

Мана, кўриб ўтганимиздек, модернизм йўналишидаги асарлари тушкунликка, ўзи яшаётган дунёдан безишга, инкор қилишга эмас, кишини эзгуликка, гўзалликка чорлайди, имон ва эътиқод ҳакида ўйлашга даъват этади. Уларсиз одам ва олам йўқликка маҳкум бўлишига ишонтиришга ундейди. Лекин шундай бўлса-да, киши ундан қониқмайди, дили ором олмайди, онг тиниқлашса-да, рух чарчайди. Сабаби мисраларда нақшланган тасвирлар ғайритабииликдан ташқари, миллий руҳдан узоқлиги. Рухга яқин бўлмаган нарса ҳеч қачон қалба мустаҳкам нақшланмайди. Модерн шеъриятидаги қалба синг-маслигининг сири ҳам шундадир. Бунинг учун ташбеҳлардаги ўта жумбокликдан қочиб, миллий рухни кучайтириш лозим.

Текшириши учун саволлар:

1. Модернизм йўналишига ўзбек адабиётшуносарининг қарашлари қандай?
2. “Изоҳсиз луғат” достони қандай структура ва гояга эга?
3. “Чигтасиз одамлар” достонида қандай ғоя илгари сурилган?
4. “Ёзиқ” достонида Шарқ фалсафаси қандай ифодаланган?
5. “Аёлғу” достонининг фалсафий ҳақиқати қандай?

Таянч тушунчалар

Сўзнинг образга айланиши – эстетик жиҳатдан ўта фаоллик касб этиши, ҳиссий бойитилиши, аниқлик ва яхлитлик касб этиши.

Денотатив маъно – сўзнинг ўз луғавий маъноси.

Коннотатив маъно – сўзнинг кўчма маъноси.

Тил метафораси – барча учун бир хилда тушунарли бўлған метафора.

Индивидуал метафора – шоир ёки адаб томонидан қўлланадиган янги метафора.

III БОБ. ҲОЗИРГИ ЎЗБЕК ҲИКОЯЧИЛИГИДА ЯНГИЛАНИШ ВА ЯНГИ ТАМОЙИЛЛАР

Маълумки, бадиий ижоддаги муайян йўналиш ўз-ўзидан юзага келмайди. Унинг ўз асоси, тарихи бўлади. Унинг асоси эса замон ҳамда даврдаги ўзгаришdir. Истиқлол даври ҳикоячилигидаги янгиланиш ва тамойилларнинг вужудга келиши худди шундай омилларга боғлиқ. Яъни унутилган қадимий қадриятларнинг тикланиши, маърифат, маънавиятнинг асоси бўлган динга эътиборнинг кучайиши, давлат бошқарувида демократик йўналишнинг юзага келиши, бозор иқтисодининг таркиб топиши ва ҳоказолар. Бу ўзгариш одамларни бошқача харакат қилишга ундади. Аниқки, бундай саъй-харакатнинг барчаси онг, тафаккур орқали бошқарилади. Зеро, шундай экан, тафаккурдаги эврилиш адабиётда ўз ифодасини топиши муқаррар ва табиийдир. Хўш, бу ўзгаришлар истиқлол даври ҳикоячилигига қандай янгилик ва тамойилларни келтирди? Булар куйидагилардир:

- жанрда ғоявий-тематик қўлам кенгайди;
- ижтимоий, ахлоқий, маънавий, оиласвий масалага эътибор кучайди;
- гуманистик мазмун ва руҳий таҳлил авж олди;
- миллий ва ўзига хослик кенг қулоч ёзди;
- инсоннинг ҳаётдаги ўрни, яшашдан мақсади каби масалалар моҳияти фалсафий йўналишда очиб берилди.

3. 1. Иймон ва эътиқод масаласининг бадиий ифодаси

Режа:

1. Иймон масаласи инсоний масала эканлиги.
2. “Фано ва бақо” ҳикоясини янгича тамойилда ёзилгани ва замирида чуқур фалсафа ётгани.
3. “Қора домла” ҳикоясида эзгулик аъмоли ва муносабатнинг бадиий талқини.
4. “Тақдир кимнинг қўлида” ҳикоясининг моҳияти.

5. “Қоракўз мажнун” ҳикоясида иймон ва эътиқод масала-сининг ёритилиши.

6. “Сароб” ҳикоясида қатағон даврининг қиёфаси ва унга нисбатан инсоннинг исёни.

Адабиётлар:

Асқад Мухтор. Инсонга қуллук қиладирман. – Т., 1994

Сайд Аҳмад. Киприкда қолган тонг. – Т., 2003

Умарали Норматов. Умидбахш тамойиллар. Т., 2000

Умарали Норматов. Тафаккур ёғдуси. – Т., 2005

Улуғбек Ҳамдамов. Бадиий тафаккур тадрижи. – Т. 2000

Хозирги адабий жараён: таҳлил ва талқин. Мақолалар тўплами. – Т., 2005

Қаҳрамонлар фаолиятига, руҳий дунёсига, шунингдек, воқеалар замирига сингдирилиб берилмаган гояга эга бўлган асар, тўла маънода бадиий асар саналмайди. Ҳақиқий бадиий асарда воқеалар тизими гояга суюниб тузилиши, қаҳрамонлари гоя асосида гапириши ёки ҳаракат қилиши керак эмас. Ҳақиқий бадиий асар саналиши учун гоя, ёзувчи асари орқали кўзланган мақсад, ният воқеалар оламидан, қаҳрамонлар фаолиятидан сизиб чиқиши керак. Асқад Мухторнинг мустақиллик даврида ёзган ҳикоялари шундай хусусиятга эга. Шундай ҳикоялардан бири “Фано ва бақо”дир.

Ҳикоя 1992 йилда тоталитар жамият мафкурасидан ҳоли мустақиллик түгдирган имконият туфайли Шарқ фалсафаси тамойилида ёзилган. Унда инсоннинг икки дунёси – фано ва бақо хусусида фикр юритилади.

Шарқ фалсафаси Куръон ва ҳадисларда илгари сурилган фикрларга кўра, инсоннинг фоний дунёдаги ҳаёти унинг охиратини белгилайди. Маълумки, совет мафкураси буни инкор қилганлиги учун кўпчилик инсонийлик мезонларига қарши йўл тутилган, охиратни ўйлашмаган. Лекин ҳаёт ҳақиқатидан маълумки, бутун умри фосиқлиқда ўтган, унинг эвазига ҳаёти яхши кечганлигидан бу хусусида умуман ўйлаб кўрмас кас ҳам ўлимни қўзига кўрингандан ўз гуноҳларини тан олади, виждони қийналади. Ҳикояда худди мана шу ҳақиқат Холхўжа ва Очил образлари фаолиятида очиб берилади. Ҳикояни ўқиган китобхон қаҳрамонлар қалбидаги диёнатсизликнинг туб асоси тоталитар тузумнинг ўзида деган хulosага келади.

Буни Холхўжа, Очил очик эътироф этишади. Ажал уларнинг бўғизидан олганда, ўргада шундай гап кечади: “Тўғри-ю, лекин ҳамма ёмонликка шу дунёда ўргандик, шу ерда орттиридик барини. Одам боласи дунёга соф келади, бу ерда орттирган жамики қабиҳликларни, жинояту пасткашликларни ташлаб соф кетиш керак эмасми?

– Бу гапингиз тўғри. Тирикчилик – асли, тирриқчилик. У дунёга ишонмайди-да, кўплар. Шунинг учун қўрқмай кирдикорларини қиласверади.

– Боқий дунёнинг борлиги унинг остонасига келганимиздагина ёдимизга тушади. Иисон борлигига бир умр иймон келтирса, каптар келиб, қузғуп кетмайди... дорилбақо... остонасида турган киши учун фанонинг ўзи ҳам, у туғдирган мудхиш гуноҳлар ҳам ҳеч нима эмас. Факат уларни бу дунёга ташлаб кетиш керак.

– Ташлаб кетиб бўлар эканими... – деди Очил эсанкираб.

– Бўлади, – Холхўжа... кимгадир ёрилиш керак. Ёриладиганинг бўлмаса, ёмон, ичингда кетади. Хайрияг, мана...”

Бу уларнинг бақо дунё олдидағи тавба қилишлари эди. Лекин улар бу фано дунёда ўз ҳаётларини иймонсизлик асосига қурганликлари туфайли ўлим чекингач, яна аввалгидек фосиқлигини давом эттиришади. Чунки уларнинг хамири социалистик жамиятнинг ўзидан, яъни диёнатсизлик ва ийmonsизликдан қорилган. Асқад Мухтор ҳикоя қаҳрамонлари фаолияти ва хатти-ҳаракатидан келиб чиқиб, инсонни охиратдан огоҳ этади. У ёзади: “Азобли йўлнинг барини бир-бир босиб ўтиш керак. Фанода ҳам, бақода ҳам Худованди карим бир инсонга икки дунёни бериб кўйибди. Аммо иймонни бой берганга иккаласи ҳам ҳаром экан...”

Иймон масаласи инсоний масаладир. Чунки инсоннинг барча хатти-ҳаракати, яъни эзгулик йўлида қилган яхши аъмоллари иймонга бориб тақалади. Куръони каримнинг “Ва-и-шажм” сурасининг 31-оятида: ... чиройли амал қилган зотларни гўзал (сабоб-жаннат) билан мукофотлагай”, – дейилади. Яхши амалларни эса иймонли кишиларгина қилади. Шундан истиқлолдан кейин адабиётда иймон масаласига эътибор кучайди. Бу бежиз эмас. Чунки иймон, ўз навбатида, даъват, яъни эътиқодга, инсоний комилликка даъватdir. Асқад Мухторнинг “Қора до́мла” номли ҳикояси замирига ҳам шу масала сингдирилган. Ҳикояда воқеалар кўлами анча кенг. Бу эса масала моҳияти

кўламининг кенгайишига имкон берган. Бу нарса воқеаларга рамзий маъно сингдирилганлиги билан белгиланади.

Хикоя қишлоқдаги Шоввасой, яъни ҳаёт майбай, унинг кўриниши, у иккига бўлиниши, юқори қисми Балокапа, этағи Қуйикапа аталиши, қишлоқ туман марказига айлангач, кўйи қисми анча ривожланганлиги ҳақида гапиради. Юқори қисми ҳақида қўйидагича ёзди: “Балокапа бўлса ерсиз, сиқиқ, тоғ-тош орасида ривожланмай қолиб кетди. Мактаби ҳам пастаккина синч-совуқ бинода, тўрт синфли бошлангич мактаб. Мактабнинг жони эса Балокапанинг бирдан-бир зиёси Қора домла.”

Хикояни ўқиб бўлгач, қишлоққа берилган таърифда ёзувчининг мақсади аниқлашади. Юқори қисм – бу қадим. Унда эса маънавий асослар, миллий қадриятлар мавжуд. Биламизки, тоталитар жамиятда наинки унга эътибор берилди, балки ман этилди. У моддий жиҳатдан ривожланди. Лекин маънавий асослар моҳиятини англаш заиф. Бироқ маънавий асос қанча зарбага учрамасин, у йўқолмайди.

Домла ўқувчиларни кўпроқ табиат қўйнида олиб юришга интилади. Бу билан икки мақсадни кўзлайди. Биринчиси, инсон ҳам табиатнинг бир парчаси эканлиги, унга зарар етказиш, инсониятга зарар етказмоқлик эканлигини англатмоқ, иккинчидан, гўзаллик билан ошно қилиш, қалбига гўзаллик уругини қадаш. Чунки гўзаллик уруғи қадалган қалбда қабоҳат уруғи кўкармайди.

Домла нариги соҳилдаги жарлик, харсанг остидан отилиб чиқкан муздек булоқ сувининг таърифини келтирап экан, у ҳақда шундай дейди: “Дикқат билан қарасанглар, булоқ сувининг сойга кўшилмай анчагина қорайиб оққанини кўрасизлар.

Биз тош устида тикка туриб қараймиз. Чиндан ҳам, тиниқлигидан чўян сингари қорайиб оққан булоқ суви тошлар орасидан кўпикланиб келган оқишроқ сой сувига худди қиличдек санчилиб турибди”.

Ёзувчи бу билан ҳар қандай вазиятда инсон ўз поклигини сақлашга ишора қиляпти, яъни тиниқ сув ҳамиша тиниқлигини сақлагандек. Домла нариги соҳилга ўтиб, булоқ сувидан олиб келади. Уни ичган болалар муздек ва ширинлигидан роҳат қилишади. Демак, поклик меваси ширин бўлади.

Аммо булоққа тушиш қийин эди. Шундан йўловчилар қийналмасин деб Нишабга қанча пиллапоя ясалишини чама-

лаб кўрди. 40 – 50 та пиллапояй бўлади, деб ўйлади. У Шоввасойда пиллапояга яроқлик тош кўп деб ўйлаганди, қарасаки, ундан эмас экан. Сойда тош кўпликка кўпу, лекин ясси эмас, тикка нишабга уларни ўрнатиш мушкул ва хавфли эди. Қадрдони Садр сангтарош ёдига тушди. Олдига борди. Ниятини маъқуллади. Унга қаратса шундай дейди:

“Яхши ният қилибсан, оғайни, – деди уста Садриддин, – ўлиқдан ўлжа йиққандан, тирикка текин хизмат қил, деган машиихлар. Қани энди, ҳар ким, ҳеч бўлмаса, битта булоқнинг кўзини очса. Савоб ишга қўл урибсан, Қоравой”. Нишхўрдга чиққан тошлар орасида зинабопи жуда кўп эди. “Муҳандисга айтай, сомосвалда элтиб ташлайди”¹, – деди сангтарош ўғлини назарда тутиб. ўғли бетон заводида муҳандис эди. Лекин Қора домла кўнмади. “Аравачамда икки-учтадан танлаб, саралаб олиб кетаман”, – деди ва шундай қилди. Шу тариқа, домла ишга киришди. Ҳар зинапоя битганда, ўз меҳнат самарасидан мамнун бўларди. Зинапоя бир ойда тикланди. У мўлжалидан ортиқ, яъни 53 та бўлди. ўзи ҳам зўриқкан экан, докторга катнаб, зўрга ўзига келди. Лекин кўнгли тинчиди. Бир неча ҳафтадан кейин “Булоқ обод сайргоҳ бўлибди. Ёш-яланг яйраб қолибди, катта йўлда ҳамма тўхтаб ўгармиш”, – деган гаплар тарқалди. Бироқ унинг яратувчиси ҳақида на газета, на одамлар ҳеч нарса демади. Бу ҳақида бир ҳаваскор мухбир мақола олиб борганда, улар шундай жавоб беради: “Йўқ, биродар, биз хроникада жизиллаб турган ўткир фактларгина берамиз. Масалан, босқин, тошқин, ёнғин”, – дея ҳаваскорнинг ҳафсаласини пир қилади. Кўп ўтмай булоқ бошида “жизилланган” ўткир воқеалар юз бера бошлади. Улфатчилик қилганлар муштлашиб, бирини бири шиша билан уриб, калласини ёради, кимдир зинапоядан йиқилиб оёғи синибди, булоқдан сув ичгани тушган одамнинг “Волга” машинасини ҳайдаб кетишган эмиш. Туман газетаси “Хроника”сида Қора домла булоғи ёнида бир қизни зўрлаб кетишибди, булоқ ёнидаги бутазорда ўлик топилди, деган хабарлар босилди. Шуниси ажабки, одамларга енгиллик туғилиб, зинапоя ясаганда, Қора домлани бирор тилга олмаганди, ёмонликлар содир бўлгач, барчанинг оғзидан Қора домла тушмай қолди. Яхшилик ниятида қилинган жой эса одамлар кўнглига даҳшат соладиган хавфли жойга айланди.

¹ Аскад Мухтор. Иисонга қуллук қиласурмени. – Т., 1994. 31-бет. Бундан кейинги мисоллар цам шу нашрдан олинали ва факаг бети кўрсатилади.

Бунга гўё домла айбдордек, ундан одамлар ўзини олиб қочар, рўпара келиб қолса, нафрат кўзи билан қаарди. Бу борада шундай ёзилади: “Бир ойча ўтказиб, бозор-ўчарга чикувди, икки жойда потаниш одамлар уни “Ана, Қора домла”, – деб бармоғи билан туртиб кўртсатганини пайқади. Нарироқдаги растанда бир хотин сотаётган помидорининг устини ёпиб, домла ўтиб кетгунича юзини ўгириб турди. Шундан кейин бозор аҳли, ҳамма унга қия қараётгандай бўлаверди, кулогига “Қора домла, Қора домла!”, – деган бетиним шивир эшитиларди. ўзидан-ўзи дармондан қолган домла керакли нарсани ҳам харид қилолмай, гандираклаб юриб, зўрга чиқиб кетди”.

Домла кечаси билан босинқираб чиқадиган бўлди. Булоқ бошида рўй берган воқеалар кўзга кўринарди. Охири даргазаб дард билан тонгда ўзи ясаган зинапояни буза бошлади. Тепа қисмини бирпасда ўпириб ташлади.

“Пастдан ўн-ўн икки пиллапоя қолганда ичиди худди бир нарса узилгандай, домла “инг” деди-ю, тошга ўтириб колди. Кўлидан чиқсан лўм тошга урилганча жаранглаб настга тушиб кетди.. Домлани сув ичгани келган икки шоффёр аввалига қилган ишига: “Хой, жинни бўлдингми, нега бузяпсан зинапояни?!” –деб койишиб тушиб келишиб, аҳволини кўришиб, касалхонага олиб боришли. Уч кундан сўнг Қора домланинг жони узилди. Ҳикоянинг лейтмотиви Садриддин санггарош сўзида ўз ифодасини топган. У хотира тоши кўяр экан, унга қараб шундай дейди: “Яхшилик қилдинг, савобини олдинг, кетдинг экан-да? Йўқ, ундоқ эмас, Коравой оғайнин, овора бўласан, савоб дегани – яхши замонлардан қолган ган. Бизнинг кунларда эса...”.

“Тақдир кимнинг қўлида” помли хикоя асосида сиртдан қараганда шахсга сифиниш давридаги катагонлик ётгандай, ўша давр талотўплари инкишоф қилингандай туюлади. Ҳақиқатан, бундай ғоя ҳикоя сюжети замнида мавжуд. Лекин фикр қилинса, ёзувчининг асосий нияти бу эмаслиги, балки кўйган мақсадни очиб беришига фон ролини ўтасини англайди. Асосий ғоя эса шахснинг инсонийлик мезонлари га зид тутган ишининг натижаси фожнага олиб келишини унинг қисматида кўрсатиб, инсоният оламини огоҳ қилишdir. Қуръони каримда шундай дейилтган: “Ёмонликнинг жазоси ўзига ўхшаш ёмонликдир. Ким афв қиласа ва яхин ишларни киласа, савобини Оллоҳнинг ўзи беради. Албатта, Оллоҳ зо-

лимларни ёқтиrmайди” (“Шўро” сураси, 40-оят). Ҳикояда мана шу ҳақиқат ўз исботини топади. Асқад Мухторнинг маҳорати шундаки, мазкур исломий фалсафани ўзи ёки қаҳрамони шунчаки гапирмайди. Баён қилинмайди, тасвирида кўрсатади, воқеалар замиридан келтириб чиқаради. Ҳикоянинг ярмигача бўлган воқеалар тасвиридан қаҳрамон аҳволига киши ачинади,adolatcizlik ва ноҳақлик қурбони деб билади. Ёзувчи бу ҳолни сир тутганидан, китобхон уни билишга қизиқади. Оқибатда катта ҳажмдаги ҳикоянинг қандай тугаганини сезмай қолади.

Ҳикоя қаҳрамони Қулаҳмад навбатдаги хушёрхонада ўғли тенги лейтенантнинг: “Кўлингизда ҳунарингиз бор, отам, шу ёшга кириб ўзингизни эплолмаганингизга... Аҳволингизга қаранг... Менинг сизга гап уқтириб ўтиришим уят”. “Боринг!” – дейиши суяк-суягидан ўтиб кетади. Қалбида қандайдир ўзи ҳам сезиши қийин бўлган туйгу уйғонгандай бўлди. Бу уят, ор-номус туйғуси эди. Бу туйгу уни бир ҳафта ичимликка яқинлаштиrmади. Унинг бу ҳолатидан, яъни ўзининг англаш туйғуси уйғонганидан киши хурсанд бўлди. Тинчгина ўтган ҳафта охирида тўққиз қаватликнинг биқинида бир тўда ремонтчиларга дуч келади. Хушчақчақ болалар кекса сантехникни касбдош, дея ўзларига яқин олишиб, илиқ саломлашади ва ўзларининг ўтириши даврасига таклиф этишиади. Қулаҳмаднинг бўшгина қаршилигини ноз деб тушуниган улфатлар кўярда-кўймай уни тўққиз қаватлининг подвалига олиб тушиб кетишади”. Бир ярим соатлардан сўнг подвалдан бақириқ-чакириқ, сўқиниш, хунук товушлар янграйди. Кетидан бирин-кетин словчи болалар подвалдан чиқнишиб, ҳар томонга тарқалишди. Қулаҳмаддан эса дарак йўқ эди. Алламаҳалдан кейин бир алпозда чиқади, дуч келган жойга, деворга сўйкалиб ўтириб қолади. Шу пайт билагига қизил тасма тақсан учта назоратчи кўринди. У ўтирган жойидан ёнидаги бута тагига аста ағанади.

Қулаҳмад ёши лейтенантнинг сўзлари ёдига тушиб, унга яна рўпара бўлишдан ори келади ва ҳозирги шаҳарни тарқ этишига қарор қиласди. У Чирчиқка келади ва автобусда танишган Ҳожимат кўмагида “Файз” кооператив “УЛОТ”га ишга жойлашади. Ишлари жонланиб кетади, чунки ичмай қўяди. Якка бош бўлгани учун кооператив идорасида қоровуллик ҳам кила бошлади. Хуллас, ишлари юришганидан кишининг кўнгли таскин топади, яъни китобхон Қулаҳмаднинг кўкрагига шамол

текканидан хурсанд бўлади. Бироқ бир куни эрталаб телефон жиринглайди. Кулаҳмад кўтарганда, “Ижроқўмдан гапиряпмиз, мен – Миргожиевман... эшитяпсизми?... Комил Миртожиевичман...” – деган овоздан унинг ранги ўчиб кетади. Эртасига Кулаҳмад ғойиб бўлади. Тошкент вокзалида тасодифан ўша Ҳожимат порумни кўриб, “Файз”га энди қайтиб бормаслигини айтади. Яна сирли ҳолат. Бу сир хотирада очилади. Кулаҳмад вагонда кетаётib, ўтмишини эслайди. У Миркомил билан бигта курсда ўқир эди. Курснда Муршида исмли гўзал қиз бўлиб, унга иккаласи кўнгил кўйганди. Натижада биз унинг нимага шу аҳволга тушиб қолганини ва доимо калтак ейинининг сабабини англаймиз. Миркомил севгиси рад қилинган қизга эришиш ниятида “Отаси халқ душмани бўлган талаба бизнинг сафимизда бўлишига ҳакки йўқ” – деб комсомоллар мажлисида хайқиргач, курсдоши Кулаҳмад институтдан ҳайдалади. Бу воқеадан кейин Миркомил Муршидага эгалик қилишга интилади. Оқибатда қиз ҳам институтни ташлаб кетиб қолади. Ҳам талабаликдан, ҳам севган қизидан айрилган Кулаҳмад ўч олишига киришади. Химия дарсидаги воқеа унинг эсига келади. Муаллим лаборатория хонасида ерда юмалаб ётган лаби кемтик оқ бюстни олиб, дераза рафиға кўйган эди. Бюст Акмал Икромовники бўлиб, муаллим эса Миркомилнинг дадаси эди. Шу ҳақида тегишли жойга хат жўнатди. Тез кунда муаллимни олиб кетишди.

Йиллар ўтиб, Кулаҳмаднинг дадаси юнуни, орриқ, кариб қолган булса ҳам, эсон-омон қайтиб келади, химия муаллимининг эса оғилиб кетганлиги маълум бўлади. Ана ушандан бери ичади, губ ђицидаги азоб берадиган чутни ўчирмокчи булади, дардини кимгадир айтиб, ундан фориғ бўлишига интилади. Натижа тескарига айланади. Кимдир тарсаки туниради, кимдир юзига туниради. Бунинг ҳаммасини биз реаллашган хотира гасвиридан биламиз.

Шу кетишида Бекободга келади. Кулаҳмаднинг ҳунари ҳар ерда кераклигидан дарров ишга жойлашади. Одатдан идек, буюртма бўйича бузилган жўмракни тузатиш учун бир хона-донга келади. Эшикни бир аёл очади. У Муршида эди. Иккаласи дардлашди. Таксичи эри аварияга учраб, ҳалок бўлибди. Бир қиз билан колибди. Қизини узагибди, хозир ёлгиз экан. Муршида тез-тез буюртма берадиган бўлди, чунки ёшлинида берган кўнгил ўз ишини кўрсанган эди. Муршидининг

қизи унинг худди ёшлигининг ўзи эканлиги, Қулаҳмаднинг мудроқ туйгуларини уйготиб юборади. Бу эса иккаласининг яқинлашиб кетишига имкон тугдиради. Анча яқинлашиб кетишилик тақдирларини бир-бирига боглашга олиб келади. Буни кичкина тўйча билан амалга оширмоқчи бўлишди. Лекин тўй куни яна эски касали қўзғалди, яъни ичволиб, ҳеч кимни танимай эски дедиёсини бошлади. Тўйга келганлар бирин-кетин чиқиб кетаётганини кўрган Муршида унинг бу ҳолатидан минг ҳижолат қилиб, куйиниб, туринг, деганига қарамай:

“Турмайман. Менга қара, Муршида, мен туролмайман, ичимда... тош бор. ўшандаги шумхабарни эшитгандан кейин, пешонамга бир шапати уриб, у пешонасига тарс этиб уриб ҳам қўйди, – пешонамга шундай бир уриб “мен қо-тил-ман!” – дедим-у, йиқилдим. ўшандан бери туролганим йўқ. Ичимда тош эмас, дард бор, Муршида, ўша юзага чиқади. Қандай алфозда чиққанини мен билмайман”. (61-бет)

Бу тош виждан азобидир. Қилмиши уни бир умр ботиний азобга дучор қилиши билан чекланмайди, виждан шахсга ўз тамғасини ҳам босади. Буни ёзувчи деталларда кўрсатади. Қулаҳмаднинг қиёфаси билан хатти-ҳаракати бир хил. Ёзувчи бир ўринда “...турган-битгани – шу, қандайдир ювиқсизнинг нусқи-бор афт-баشاрасида”. Иккинчи бир ўринда “Қулаҳмад панжасида эзғилаб ўтирган гўштни ташлаб, таом юқи кўли билан юзини артди-ю, яна давом этди: “Ҳа, Қуръони каримда айтилганидек, “Ёмонликнинг жазоси, ўзига ўхшаш ёмонликдир”, хунукдир. Ҳикоянинг охирида унинг аталишини, яъни ёзувчи бежизга “Тақдир – кишининг қўлида” деб номланмаганинг моҳияти ҳам англашилади. Қулаҳмаднинг бу қилиғи, аҳволини кўрган Муршида ҳам кетиб қолади. Демак, тақдир – инсоннинг ўз қўлида. Буни идрок этишнинг тарбиявий аҳамияти катта. Ҳикоянинг инсон маънавиятида тутган ўрни шундадир.

Ислом фалсафасида иймон рухий ҳаётнинг асоси, дейилади. Бундай ҳаёт эса кишиларни яхшиликка ундейди, мақсадга мұяссар қиласди, камолот чўққисига олиб чиқади. Истиқлол даври насида ислом фалсафасига суюниб рухий ҳаёт моҳиятини очиб беришга мойиллик кучаяди. Бу ҳол кўпроқ кекса адид асарларида кўзга ташланади. Бундай бўлиши табиий. Чунки улар ҳақиқий инсоний ахлоқ, маънавий олам рухий ҳаётда эканлигини олдиндан билишар, қалбан ҳис қилишар эди.

Лекин уни асарлари орқали ёритиб, бошқалар онгига сингдиришга имкон йўқ эди. Мустакилликдан кейин шундай имкон туғилди. Кекса, Ўзбекистон қаҳрамони, адабимиз Сайд Аҳмаднинг “Қоракўз мажнун” ҳикоясида худди шу нарса ўз ифодасини топган. Ҳикояга Қуръони каримдан ва Ҳадиси шарифдан эпиграф олинган. Булар куйидагилар: “Сизлардан қайси бирингиз ўз динидан қайтса ва шу кофирилигича ўлса, бас, ана ўшаларнинг (қилган савоби) амаллари хабати (бекор) бўлур, улар дўзах ахлидурлар ва у ерда мангуролурлар” (“Бақара” сураси, 217-оят) Яна “Жаннатга кирадиган ўн нафар ҳайвондан бири бу “Асҳоба қаҳф”нинг вафодор итидир” (Ал-жома-ал-Кабир). Ёзувчи бу эпиграфларни бежизга келтирмаган, унда ҳикоянинг лейтмотиви мужассам. Бу ҳикоя қаҳрамонлари Саодат ая ва Қоракўз мажнун тимсолида очиб берилган.

Демак, Саодат аяга Россияяда қолиб кетган ўғли Бўрихон кўрсатмаган меҳр, вафодорликни ит – Қоракўз мажнун кўрсатади. Нега шундай? Чунки меҳр, шафқат, вафо, садоқат туйғуси ўз-ўзидан шаклланмайди ва ривожланмайди. У мухит ва шароит, тарбия таъсирида юзага келади. Маълумки, биринчи мухит бу инсоннинг ўзи, кейин бошқа омиллардир. Бўрихон эса шундан, яъни она меҳри, миллат туйғусини таъминлаб турувчи, она заминга боғловчи риштадан, ўзини англашга имкон берувчи билим, тарбиядан маҳрумдир. Ит бўлса ҳам, инсоннинг ишини қилишига сабаб Саодат аядан меҳр ва тарбия ўтган. Бу борада ҳазрат Навоий ўзининг “Ҳайрат ул-аброр” достонида шундай ёзади: “Ит етук таълим олгани сабаби у тишлилаб келган ов ҳалол ҳисобланади. Ювган билан тоза бўлмайдиган ит олим бўлган экан...”¹. Ҳикоя мана шу ҳақиқатни англатиш орқали инсонийликка даъват қилиш билан мухимдир.

Сайд Аҳмад “Сароб” номли ҳикоясида имонсизлик қилған шахс қисмати орқали давр фожиасини бадиий инкишоф этган. Ҳикояда тасвирланган воқеалар муаллифга таниш, қўплари ўзининг бошидан ўтгани учун ишонарли ва таъсирчандир. Ҳикоя қаҳрамони Кимсанбой – билимдон тарихчи ва район маорифи бўлимининг мудири Олимжон отанинг эрка ўғли. Чунки эгизак қизлардан кейин болалари бирин-кетин бир ёшга

¹ Ҳайрат ул-аброр. Насрий баен. – Т.: Ф. Гулом номидаги Адабист ва санъат нашриёти, 1974. Олтинчи мақолат. 55-бет.

етар-етмай ўлишган. Тирик қолгани шу эди. Домла унга яхши тарбия ва илм берди. Маълумки, мулоҳазали, одам ва олами ни англаш, идрок этиш қобилиятига эга шахс бутун жамиятда эъзозланади, бизда эса 30 – 50-йилларда оёғига болта урилди. Энг даҳшатлиси, шундай қобилиятга эга бўлганларни ёшликтан маънавий мажруҳ қилишди. Бу ҳақиқат Кимсанбой обра-зида ўз ифодасини топади.

Кимсанбой мактабда аълочи ўқувчи ва фаол пионерлардан эди. У Ленин ва Сталин ҳақида ёзилган шеърларни ажиб бир маҳорат билан декламация қиларди. Шундан район, ҳатто вилоятларда бўладигантантанали йиғинига олиб боришиади. Бир куни уни мактаб директори дарс пайтида ўз хонасига чақиртиргарди. Кимсанбой келганда, у ерда бир нотаниш одам ўтиради. Ди-ректор уларни ҳоли қолдириб чиқиб кетади. У хеч нарса демай портфелидан “Пионерская правда” газета-сини олди-да, Кимсанбой олдига қўяди. У ерда Павлик Морозов ҳақида мақола бор эди. “Буни яхшилаб ўқиб чиқ”, – деди. Кимсанбой русчани яхши билмасди. Шундан у ҳақида ахборот берди: “Павлик Морозовни ҳалқ душманлари ваҳшийларча ўлдиришган. У ватана-га содиқ, Ленин-Сталин ишига ҳайтини бағишлаган замондо-шимиз. Унинг отаси – ҳалқ душмани, Шўро тузумини ағдариб ташлашни ният қилган. Павлик ўша душманининг сирини фош этди. Ҳозир шўролар жумхуриятининг ҳамма жойида моро-зовчилик ҳаракати бошланиб кетди. Ёши ватанпарварлар ички душманларни фош қилиш учун қасамёд қилмоқдалар. Сен ҳам шу ҳаракатга қўшилишининг керак. Бу – сенинг муқаддас бур-чинг” (180-бет). Ва агар шу йўлда яхши иш олиб борган пионерларнинг “Артек” лагерига, Москвада бўладиган пионерлар слётига юборилишини, у ерда дохиймиз Сталини кўрини мум-кинлигини қўшимча килди. Сўзсиз, ёш бола бунга қизикди, “Мен нима қилишим керак?” – деган саволга, аввало, иккаласи ўртасида бўлган сухбатни ҳеч кимга айтмаслик кераклигини уқтиргач, тилхатга кўл кўйдириб олди. Тилхатда “Агар бўлиб ўтган гапларни, отам ҳақида тўпланган маълумотларни бир-ровга айтсан, жиноят кодексининг тегишли моддаси бўйича жазоланаман”, дейилганди. Отаси ҳақидаги маълумотни ҳар душанба куни олиб кетишни, агар сирини бировга билдирса, отасига айтса, Павел Морозовдек ҳалок бўлишини уқтиргарди. У ҳар душанба келиб, Кимсанбой ёзиб кўйган маълумотларни “Керакли гапларни ёзиш керак”, – деб айтгиф турив, бошкатдан

ёздирап эди. Кимсанбойнинг “Бунақа гапларни энди сиздан эшишиб турибман... Қандоқ қилиб ёлғонни ёзаман? – деганига жаҳли чиқиб “Ёзвермайсанми, тирранча! Айтмаган бўлишса, энди айтишади! Халқ душманлари ҳамма гапни бирдан айтиб кўя қолишмайди. Улар ниҳоятда пихини ёрган, никобланган ёвларимиз”, – дерди. Бир куни “вилоят пионер ташкилоти сени қўй соати билан мукофотлади”, – деб кўлига соат тақиб қўйди. Кейинчалик велосипед берилди. Москвадаги пионерлар слёттига қатнашиб, “Хурмат белгиси” орденига мусассар бўлди. Москвадалик пайтида отаси қўлга олинди. Олимжон ака ўзининг қўлга олинишида ўғлининг кўли борлигини билмасди. Терговда юзлаштирганда билди. У ўғлига қаратা “Илоё жувормаг бўл! Умринг хор-зорликда ўтсин!” – деб юзига фотиҳа тортади. Бизнингча, бундай қилишлик Олимжон ака характеристери мантиғига мос келмайди. Чунки ҳаётда юз бераётган воқеаларни идрок этиш қобилиятига эга одам бу ишларнинг барида юкоридагиларнинг кўли борлигини, Кимсанбой ва бошқалар уларнинг бир винти, ўқи эканлигини англаши даркор эди. У қарғишдан кўра чуқур надомат чекканда таъсири ва характеристери мантиқи бузилмаган бўларди. Кимсанбой умрининг ниҳоясидаги даҳшатли фожиа фақат бир шахс фожиаси эмас, у ижтимоий фожиа, яъни жамият фожиасидир. Жамият барча нарсага очиқ қалб, пок дил билан қараган, кела жакка катта ишонч туйгули бир одамни энг пасткаш, чақимчи бир айғоқчига айлантирди. Отасининг умрини хазон қилди. Қилмишига яраша ҳали навқирон пайтида жазосини олди. Бу борада ёзувчи шундай ёзади: “...Кимсанбой ҳам фаол сексотлардан эди. Вокрута лагерида маҳбуслар уни уриб, маълумот ёзадиган ўнг кўлининг тирсагидан синдиришган эди. Валхаш лагерида орқа миясининг пастига, қок энсасига белкуракнинг сопи билан уриб, чуқурга ташлаб кетишган... Ана шундан кейин унинг ўнг кўли тирсагидан қотиб, боши тоҳи тоҳи тоҳи чапга ўз-ўзидан бурилиб қоладиган, сог кўли билан тўғрилаб, олдинга қаратиб кўйса, боши мусичанинг калласидек олдорқасига силтаниб, бориб келаверадиган бўлиб қолганди” (185-бет). Қилмиш учун бундан ортиқ жазо ҳам бўладими?! Шу воқеанинг ўзи ҳам жуда кагта таъсири омилига эга, яъни стукачлик қилишдан қайтаради, бу налидликни хеч бир кимса кечирмасликни англагади. Ҳусайн Кошифий “...ойлаб, йизлаб зинданда азоб чексангиз ҳам суханчи бўлмаиг”, – деб насиҳаг

қиласи “Ахлоқий Мұхсиний” номли асарида. Лекин ёзувчи бу таъсир омили билан чекланиб қолмайды. Таъсир кучини янада орттиради. Кимсанбой бир пайлар күкрагига туш билан чиздирған Сталиннинг расмидан фаҳрланган, ғуурланган бўлса, энди номус қиласи, йўқ қилишга интилади. Уддасидан чиқа олмагач, кўксига пичоқ уради. Бу ўзига эмас, шунча балоларга дучор қилган шахсга урилган пичоқ эди. Мазкур ҳол бир томондан жамият қатағонлигига нисбатан инсоннинг исёни бўлса, иккинчи томондан, қилган гуноҳларини қони билан ювишдир.

Мустақиллик даврида ёзилган аксарият асарларнинг замирида иймонга даъват ётади. Бу бежиз эмас. Чунки фосиқлик оламига қадам босишлик иймонсизликдан келиб чиқади. Абдуқаом Йўлдошнинг “Сўқир” номли ҳикоясида мана шу ҳаётий ҳақиқат қаҳрамонлари қисмати орқали ғоят ишонарли тарзда инишишоф этилади. Асар муаллиф тилидан ҳикоя қилинади. Ҳикоянинг фаол қаҳрамонларидан бўлган Мўминбой акани китобхонга шундай таништиради: “Мен келсам, ҳисобчимиз, ўлгудай пишиқ-пухта, бунинг устига, мугамбир, уйига бориб қолсангиз, ичимликнинг зарари ҳақида эзмаланиб гапираверадиган, бу ерда эса текинлиги учун ҳиссасини миқ этмай ютаверадиган, қолган-қутган газак-пазакларниям чўнтағига уриб кетишдан истиҳола қилмайдиган Мўминбой ака аллақачон ҳовузга тушиб, артилган бодрииғдай син-силлиқ бўлиб ўтирибди”. Ҳикоя воқеалари замирига сингдирилган гоя мана шу одамнинг фаолияти борасида очилади.

Ибройим чилаңгарга куйилгани оз туйилгани учун тўлдириб қуишини талаб қиласи. Мўмин ака жўртага: “Мен нима, ўлиб боряпманми шу технический спиртга?! Мана, куйдик тўлдириб. Хоҳласанг, пиёлангни тўнкариб, кетигаям солиб берай! Мен сенинг соғлигингни ўйлабидим, ука! Ана, газетда ёзишти, қанчаям одам техник спирт ичиб, кўр бўп қопти!” – дейди.

Чилаңгар кўп ўтмай пинакка кетади. Мўмин ака қитмирлигини давом эттириб, чироқни ўчиради-да, Ибройим акани уйғогади. ўзи бошлиққа ҳисботга кўл кўйдиргандай, газета ўқигандай қилиб, артистлик қиласи. Чилаңгар чироқни ёқинг, деган сари, артистлигини авжга чиқаради. Ибройим ака эсхонаси чиқиб, кўрмаяпман деб чинқириб юборгач, чироқни ёқади. У, ҳақикатан, кўрмай қолганди. Ибройим ака бундай

бўлиши қилмишига яраша эканлиги, уни қарғиши урганлигини айтиб зорланади. У бундан бир неча йил бурун зориққанда кайноасининг ўлимлигига йигиб қўйган, кўрпа орасидаги пулинин ўғирлаган эди. Кампир буни кўтаролмай ётиб қолиб, оламдан ўтганди. ўшандаги хотини қўпчиликнинг олдида “ўша нарсани ким олган бўлса, илоё, онамнинг арвоҳи урсин, илоё, кўр бўлсин, кўзлари оқиб тушсин! Омин, Оллоҳу акбар!...” – деган. Бугунги фожеани Ибройим ака шу воқеадан кўради. Лекин ҳамма балони қилган Мўмин ака бу вазиятдан қуруқ чиқиб, барча балога цех бошлигини рўпара қилишга уринади. “Қуруқ гапни делога тикиб бўлмайди, хўжайн. Биз ўзимизга гап тегмайдиган йўлини топишимиз керак... Мен ҳозир бориб, срочний бир-иккита одам билан маслаҳатлашай. Узоги билан яrim соатда қайтиб келаман”, – деб заводдан чиқиб кетиб, гўё чақирилган бўлиб, айтган вақтида қайтиб келади. Ибройим акани дўхтирхонага олиб кетади. Цех бошлиги душанбада ишга келса, ҳаммаёқда миш-мис гап, гўё у ҳар куни ишдан кейин бир ишчи билан бўкиб қолгунча заводнинг спиртини ичади, спирт кам пайтида ўзи тозасини ичиб, техник спиртни унга беради. Оқибатда, у ишчи кўру соқов бўлган. Бу иғво кўп ўтмай ўз мевасини беради. Завод омборларида тафтиш ўтказилиб, етишмаган спирт цех бошлигининг бўйнига қўйилади. Сўнг суд бўлиб, бир йил муддатга кесилади, цех бошлиғилигидан қора ишчи-юкчиликка туширилади. ўрнига Мўминбой ака бошлиқ бўлади. У собиқ цех бошлигини эзиди ишлатади. Ҳатто у Мўминбой акадан қўрқиб қолади. Бир кун Мўминбой ака ишга келмайди. Матъум бўладики, кенжатои олтинчи қават айвонидан пастга қулаб тушибди. Бу ҳақда муаллиф ёзади: “Бошимдан совуқ сув қуйилгандай бўлди ва беихтиёр Мўминбой аканинг бир йил бурун менга ялиниб-ёлворганларини, фарзандларини ўртага тикиб, қасамлар ичгандарини эсладим... Сўқир, соқов Ибройим ака ёдимга тушди. Наҳот, наҳот, илоҳий интиқом деганлари шу уч кунлик дунёнинг ўзида ҳам содир бўлса?! Наҳот, гуноҳ жазосиз қолмас?” Ҳа, ҳаётда ҳеч бир нарса изсиз кечмайди. Ҳикоядаги Ибройим ва Мўминбой акалар қисмати кишини бундан огоҳ қиласди. Демак, кишини иймонга ундаиди.

Текшириши саволлари:

1. Қандай асар тұла маңнодаги бадий асар саналмайды?
2. Иймон масаласи қандай масала ҳисобланады?
3. Холхўжа ва Очил қандай шахслар. Булар тимсолида ёзувчи қандай ғояни илгари суради?
4. Қора домла қандай инсон? Унинг фожеасига нима сабаб?
5. Такдир кимнинг қўлидалигини ҳикоя воқеаси орқали қандай хуносалайди?
6. Саодат ая қисмати кишиларни нимага даъват этади?
7. “Сароб” ҳикоясида ёзувчи нимани ва кимни сароб санайди?

Таяинч тушунчалар

Иймон – ишонч, эътиқод; кўнгилда ишониш ва тилда иқрор қилиш; ҳалол; виждонли; руҳий ҳолатнинг асоси.

Эътиқод – қаттиқ ишонч; маҳкам ушланган маслак; дунёқарашиб.

Исён – миллий, ҳукуқий, инсоний манфаатларни ҳимоя қилиб кўтарилиган кўзгалон; галаён, тугён; Худонинг амрини бажаришдан бош тортиш.

Фоя – бирор иш-ҳаракат ҳақидаги фикр, ўй, ният, мақсад; дунёқараашнинг асоси, муҳим принципи.

3.2. Ижтимоий, маънавий, ахлоқий масаланинг бадий талқини

Режа:

- 1.Ижтимоий масаланинг моҳияти.
- 2.“Күёш фалакда кезиб юрибди” ҳикоясида бозор иқтисоди тутдирған муаммолар ва эзгулик масаласи.
- 3.“Озодлик” ҳикоясида мустақиллик берган имкониятларнинг бадий ифодаси.
- 4.“Булат тўйсан ой” ҳикоясида маънавий ва ахлоқий масаланинг бадий талқини.
- 5.“Баҳт” ҳикоясида баҳт фалсафаси.
- 6.“Дехқоннинг бир куни” ҳикоясида шахс фожиаси бадий ифодаси.
- 7.“Кузнинг бир кунида” ҳикоясининг маҳзунлиги.
- 8.“Эр-хотин” ҳикоясида оила фалсафаси.

Адабиётлар:

Ш. Холмирзаев. Қуёш фалакда кезиб юрибди. Ҳикоя. “Ёшлик”. 1997 йил, I-сон.

Ўткир Ҳошимов. Нурли Дунё. – Т, 1993.

Ўткир Ҳошимов. Умр савдоси. – Т, 1993.

Тогай Мурод. Бу дунёда ўлиб бўлмайди. – Т, 2001.

Ҳ. Каримов., Шукур Холмирзаев. Ижодий портрет. “Қатортол-Камолот”. – Т.: 1999.

Ҳ. Каримов., Ҷ. Ҳошимов. Адабий портрет. – Т.: Янги аср авлоди, 2001

Ҳ. Каримов. Наср бахшиси. – Т.: Янги аср авлоди, 2003.

У. Норматов. Умидбахш тамойиллар. – Т.: Маънавият, 2000.

У. Норматов. Тафаккур ёғдуси. – Т, 2005.

Адабиётда ижтимоий масала деганда кўплар фақат сиёсатга оид муаммолар кўтарилиган асарларни назарда тутишади. Аслида, жамият, давлат, оила, умумманфаатига қаратилган, уларнинг сиёсий, маънавий, маърифий, ахлоқий, фалсафий қарашларига хизмат киладиган, уларнинг шу эҳтиёжларини қондирадиган асарлар заминида ижтимоий масалалар ётган асарлардир. Бундан кўринадики, ижтимоий масала заминида кўп масала ўз мужассамини топади.

Шукур Холмирзаевнинг сўнгги йилларда ёзилган “Қуёш фалакда кезиб юрибди” номли ҳикояси шу типдаги асардир. Ҳикоя номи Fafur Fulomining “Вақт” шеъридаги мисрадан олинган. Маълумки, шоир шеърида инсон эзгу иши билан ўз умрини боқий қиласи деган гояни илгари суради. Шеърда қуёш – эзгулик рамзи, у ўз нурини, яъни меҳрини ҳаммага бирдай сочади, унинг нуридан илиқ меҳридан оламдаги барча нарсалар баҳра олиб, яшнайди. Демак, оламда эзгулик омон бўйса, инсон умри ҳам боқийдир. Ҳикояда худди шу фалсафий ҳақиқат лирик қаҳрамон – ижодкор фаолияти оркали киши онгига сингдирилади. Лекин ҳикоя фақат шу гоя билан чекланиб қолмаган. Унда бугунги, яъни бозор иқтисоди түгдирган муаммолар ҳам қамраб олинган.

Ҳикоянинг асосий гояси лирик қаҳрамон ва Зумрад исмли қиз билан боғлиқ воқеа ҳамда муносабатда илгари сурилади. Ҳикоя қаҳрамони шаҳар ҳаётидан, умуман, мустақилликдан кейинги бир изга тушмаган ҳаётдан, ойликка қарам зиёлиларнинг иқтисодий танглигидан рутубатли бир кайфиятга тушиб,

бала-чақасини олиб қишлоғига келади. Лекин қишлоғида ҳам шу ахволни кўриб, кўнгли баттар чўкади. Лекин ҳаётда меҳри уммон кишилар топилади. Совхоз директори Мискин – шундай шахс. У – ҳикоя қаҳрамонининг дўсти. Хўжалик меҳмонхонасидан жой қилиб беради. Ош-тузидан ҳам хабар олиб туради. Дўстининг мискин кайфиятини кўрган Мискин районни айланиб келинг деб, машинасини шоғёри билан беради. У район почтасидан уйига кўнғироқ қилиб, машина олдига келганда, бир жувон. “Мени ҳам ола кетинг, Қўлтегирмонда тушаман дейди”. У ўн саккиз ёшли, бироқ турмуш курган, адабиётга меҳр кўйган Зумрад эди. Сўзсиз, у ҳикоя қаҳрамони Кудрат шеърларини ўқиган. Шеърларда муаллифнинг ички дунёси мана мен деб кўриниб турганидан, унга нисбатан самимий инсоний муҳаббати баланд эди. Чунки шоир шеърларида эзгулик, поклик тимсоли бўлиб гавдаланади. Зумрад қалбида эса унинг ўзи, аслида, қандай инсон эканлигини билишга қизиқиш ҳукмрон эди. Шоирни почтада кўргач, иягини амалга ошириш имкони туғилганидан хурсанд бўлади. Машинага ўтиргач, икки шахсада икки хил фикр кечади.

Зумрад шеърларида кўринган сиймо ҳақиқий бўлишини истаса, Кудрат унинг хатти-ҳаракатидан тамом бошқа фикрда. У Қўлтегирмонга етганда тушмаганидан, мени шарманда қиладиган бўлди, деб ҳижолатда. Йўлда, кимсасиз жойда аёл кишини ташлаб кетиш эса инсофдан эмас, бунинг устига, ёш бўлса. Қаҳрамон бир қарорга келади, яъни машинани сой томонга ҳайдашни буоради. Сой бўйидаги унгурда гулхан ёқишиб, ёлғиз қолишади. Қиз ўз таровати билан гўзаллик гулханини ёқади, бу гулхан тафтидан Кудратдаги мискин кайфият тарқалади ва мияси ёши, тажрибасига монанд фикрлай бошлайди: “Энди бўлса ёшлигим билан бетма-бет ўтирадим: ха, қаршимда Зумрад. Ва бу учрашувни Аллоҳнинг неъматидек қабул қилмоғим даркор. Ҳамда буни бузмаслигим-булгамаслигим шарт, деган фикрга келдим: ана шунда қалбимнинг аллақаеридаги ёшлик – табиатга ва унинг турфа кўриниш-тovланишларига меҳрим янгиланганича қолса керак. Зумраднинг менга ўзи билмай ҳадя этаётган завқи бугунги капалагу, булбуллару, жиблажибонларнинг берган завқидан кам эмас, ортиқ бўлса ортиқдир”.

Ёш рассом Бахтиёр Тўраевнинг “Бешик олиб кетаётган момо” деган асари бор. Бу ҳақида Саломат Вафо Файзулло

шундай ёзади: “Бешик олиб кетаётган момо”. Буни ҳамма ҳар хил тушунади. Бирор бешикни у набирасига олиб кетяпти, деб ўйласа, кимдир кампирининг ўлгиси йўқ, деган хаёл кўчасига киради. Аммо тасвирдаги момога бешик рамз бўлса-чи? Момо – мозий, бешик – келажак ўтови. Ўзи адойи тамом бўлса-да, бу момо келажак сари Ватанни олиб кетаётибди...¹¹. Ҳикояда ҳам Қудрат билан Зумраднинг учрашувида рамзий маъно бор. Уларнинг мулоқоти икки эзгуликнинг учрашувидир. Маълумки, эзгулик ҳамиша голиб. Зероки, шундай экан, инсон мискинликка берилиши керак эмас. Ҳикоя воқеаларидан келиб чиқадиган фоя – шу.

70 йил давомида тамом бошқа шароитда, яъни ҳар бир қадам ўлчовли, фақат юқоридан буюрган ишни бажаришга ўрганган, мустақил бир иш қилиш буёқда турсин, ҳатто фикрлаш ҳам мумкин бўлмаган бир шароитда яшаган халқ бирданига мустақилликка эришгач шошиб қолди. Кўплар авантюристик ҳаракатни бошлиб, абгор ҳолга туша бошлади. Ёзувчининг ўша даврда ёзилган “Озодлик” ҳикоясида худи шу ҳолат олинган.

Ҳеч бир гуноҳи бўлмаган Мансур ўз даврасидагилардан бири қилган жиноят туфайли ўн йилга кесилиб кетади. Бу ҳам тоталитар тузумнинг қиёфасини белгилаб берадиган ҳолатлардан биридир. Унинг озодликка чиқиши, республиканинг мустақилликка эришган кунларига тўғри келади. Мансур мустақилликнинг самарасини ўзининг ҳаётида кўради. У отасидан қолган қулбани энақага келтириб, сотди. Пулига уч-тўрт совлиқ олиб қирга кўчиб чиқди. Дўсти, Омоннинг кўмагида икки уй, бир даҳлиз тиклади. Ўзига ўхшаган етим, гаригина қизга уйланиб, қадини тиклади. Ҳатто тузуккина ишга ҳам эга бўлди, яъни “тўқсон чақиримлик масофадаги кабелларни назорат қилиб юрувчилик” амалига эришиди. Ўғил кўрди. Қишлоқ қарияларини ва дўст-биродарларини чақириб, Ош ҳамда зиёфат бериб, элга кўшилди. Бунинг барчаси мустақилликнинг шарофатидандир. Агар аввалги давр бўлганда, Мансур буларнинг биронтасига ҳам эриша олмасди. Биринчидан, иш топа олмасди. Чунки қамалиб чиқсан одамни ҳеч бир корхонада ишга олмасди. Маълум муддат ичida ишга жойлашмагани учун эса ишсиз деб яна жавобгарликка тортиларди. Иккинчидан, қирдан уй қилиб, мустакил хўжалик

¹¹ Ёзувчик. 1997, I-сон, 52-бет.

юрита олмасди. Тоталитар тузумда хусусий мулкка эга бўлган шахс жиноягти хисобланарди. Ҳикояда қўтарилиган масала бу билан чекланмайди.

Ёзувчи Мансур фаолияти орқали аввалги тузум ва унинг одамлари қиёфасини ҳам инкишоф этади. Тузумнинг ўзи ёлғон асосга қурилгани учун унинг одамлари ҳам иккюзла-мачи, ўз эътиқодига мустаҳкам бўлмаганлар кўпчиликни ташкил қиласди. Бу тоифа одамлар, айниқса, зиёлилар ўртасида бисёр эди.

Мустакилликнинг моҳиятини Мансур теранроқ англайди. Чунки озодликда юрган одам озодликнинг қадрини унча билмайди. Мансур қамоқхонада унинг қадрини чукур ҳис этади. У яна бир нарсани, яъни мақсадга етиш учун инсон мустакил ҳаракат қилмоғи ва тадбирли бўлмоғи кераклигини, ана ўшандаги давлати ҳам мустакил ва тараққий этишини ҳам шууран, ҳам қалбан аинглаб этади. Шундан ўзи оёққа тургандан кейин бошқаларга ҳам илинади. Моллари тұғса, оғизидан яқынларига жўнатади. Мансур хатти-ҳаракати аждодларимизнинг ахлоқини, тутган ишини ёдга солади. Демак, у ўз ҳаёт йўли билан ўзлигимизни англашга қалбимизга дарча очади.

Ҳикоя жуда катта фалсафий рамзийлик билан ниҳоясига этади. Мансур бутун вужудидан меҳр қўйган каклигини қафасдан озод қиласди. Лекин каклик гарчи ўзи ўсган мақонда – тоғ бағри, арчазорда қўйиб юборилган бўлса-да, учиб кетмайди. Қафас атрофида аралашиб, у-бу нарсани чўқилаб юраберади. Унга кўзи тушған тулки нисиб келади. Тулкини кўрган каклик ундан қочиш ўрнига, унга қараб югуряди. Чунки ҳовлида сариқ ит бўлиб, у ундан қочмас эди. Тулкини ҳам ит фахмлаб, унга ем бўлади. Демак, мустакил иш қилишга ўрганмаган кимса, мустакил яшай олмайди. Шўро даврида шундай эди. Барча юқоридан айтилган, буюрилган нарсани бажаришарди. Мустакил бир иш қилишга рухсат йўқ эди. Шундан мустакиллик кўлга текқаҷ, кўпчилик нима қилишини билмай, гангид, аросатда қолди. Мансур оғирликка чидаб, имонини йўқотмагани, озодликка ташналиги учун ўз йўлини топади. Эзгу хатти-ҳаракати билан бошқаларнинг ҳам кўзини очди. Ҳикояда бу фикр куруқ айтилмайди, воқеалар замирига сингдирилади. Ёзувчининг маҳорати ҳам шундадир.

Ёзувчининг сўнгги ҳикояларидан бири “Булут тўсган ой”дир. Ҳикоянинг ғояси унинг номида ўз ифодасини топ-

ган. Маълумки, ой – ёргулик, ёрқин ҳаётий йўл тимсоли. Уни булат тўсиши ҳаётнинг зулматга айланишидир. Ҳикояда ой инсон ҳаётига менгазаллади. Гулсара – гўзал хилқат. Аллоҳ ҳар жиҳатдан мукаммал қилиб яратган. У гўзал овозга эга. Мусиқани инжা тушунади, унга монанд хиромон қилолади. Энг муҳими, гўзалликни нафис ҳис қиласиди. Уни бир марта кўрган, сухбат қурган кимса мафтун бўлмай иложи йўқ. У ўзининг хушёrlиги, ўткир диди, доно фикрлари билан кишини ўзига ром қиласиди. Лекин табиатнинг гўзал бу мўъжизасининг илк ҳаётини булат тўсади. Яъни отаси ўз манфаатини кўзлаб, қизидан ўн беш ёш катта, олдинги турмушидан фарзанд кўрмаган ҳамкасби, прокурор дўстига узатади. Табиийки, бу турмушдан навқирон ҳилқатнинг ҳаётида баҳорий гуллар очилмади, гўзалликка, нафосатга ташна қалбнинг чанқоги қонмади. Бу орада отаси гидлянчиларнинг кутқуси билан ҳаётдан кўз юмади.

Гулсаранинг ҳаётини бутунлай булатлар чулғаб олиб, у бутунлай тутқун ҳолига тушди. Ҳар қадами ўлчовда эди. Унинг бундай ҳаётга, турмушга чидаши, кўникиши мумкин эмас эди. Гулсара исён кўтарди. Кўтарганда ҳам ҳаётдан қандай аламзадалик, унга қасдма-қасдлик билан. У эрининг уйини тарк этиб, унинг бепуштлигини сир тутиш эвазига уч хонали уйга эга бўлгач, тутқунилик ҳаётининг ўрнини тўлдирмоқчи, бу билан булатли ҳаётга дучор қилганлардан ўч олмоқчи бўлди. Фосиқлик дунёси сари қадам ташлади. Бу билан гўё тириклик эҳтиёжлари қонгандай бўлди. Шу орада у жўмард, танти Таваккалга, у орқали Қувватжонга рўпара бўлди. Булар билан бўлган яқинлик унинг маънавий дунёсини жунбушга келтирди. Олам аввалгидек гўзал туюла бошлади. Ҳаётда диёнатли, яхши одамлар кўп деган хulosага келди. Таваккал унинг ҳаётдаги орзуларини ушалтиришига, умрининг куз, қиши ўрнига баҳори ва ёзини келтириши мумкинлигига ишонч ҳосил қилди. Лекин бу танти одамга ўзини муносиб кўрмади. Унга ўзини раво кўришга виждони йўл қўймади. Чунки фосиқлик дунёсида Гулсара умрининг анча қисми ўтиб қолганди. Гулсара қисман фосиқлик дунёсида яшаса-да, у маънан эзгулик дунёсида истиқомат қиласиди. У худди машина шу томони билан қиши маънавий дунёсига озука беради ва ҳаётда ҳамиша буюк хилқат – аёл бўлиб қолади. Ёзувчи бунга кинини тужа ишенитиради.

Инсонни шахсга айлантирадиган омил унинг шаклшамойили, жисми эмас, тутган иши, эзгулик йўлидаги фаолиятидир. Киши бу фаолиятдан ибрат олиб, инсоний-лашади. Ўткир Ҳошимовнинг “Бахт” ҳикоясида шу ҳаётий фалсафа ўз ифодасини топган. Мунира отасиз ўсганди. Бахтга қарши онаси синглисини унга ташлаб оламдан ўтиб кетди. Бу ҳол Мунира бошига баҳт кўнай деб турган, яъни у ўзининг тақдирини Зокиржон билан боғлай деб турган арафада рўй беради. Онаси жон бераётгандек факат бир оғиз сўз айтди: “Синглингни хўрлама, болам. Отаси йўқ эди. Энди мен ҳам йўқман, сенга ишондим”. Ой ўтди, йил ўтди, бир куни Зокиржон дардини айтди: “Тўйни тезлаштирасак бўлмайди, Уйдағилар қўймаяпти”, - деди. Мунира синглисининг тақдирини ўйлаб, сабрга ундади. Ҳаётда ҳар бир нарсанинг чегараси бўлгандек, сабрнинг ҳам чегараси бор. Зокиржоннинг ҳам сабри тугади. Йиллар бир-бирини қувлаб ўта бошлади. Синглиси Сайёра политехника институтида ўқирди. Паҳтадан қайтгач, “Тўй қиласак бўлмайди. Тушуняпсизми, опажон, бўлмайди”, - деди. Мунира тушунди. Синглисига ўзи учун ўз кўли билан йиққан барча сарпосини, ҳатто Зокиржон билан бориб олишган ёқут кўзли узугини ҳам берди. Сайёра яна “хунар” кўрсатди. Ўқиши битириб олди-ю, қизласини тирик етим қилиб, эридан ажрашиб келди.

Бугун янги йил киради. Мунира жияни Нилуфар билан ёлғиз. У ухлаб ётибди. Уйғонди, шекилли, каравотчасининг ғичирлагани эшигилди. Кўп ўтмай, эшик очилиб, соchlари тўзғиган қизалоқ кўринди. Бурчакдаги арчани кўриб, суюниб кетди. “Қорбобо сизга нима обкелди”, - деган сўровига Мунира шошиб қолганидан “Бахт” - деди. Чунки у баҳтга ташна эдиди. Ҳаётдан маълумки, инсонда нима йўқ бўлса, ўшани орзу қилади. Аясининг жавобини эшитиб, ўзини уйготмаганидан Нилуфар астойдил хафа бўлди. “Уйготганингизда, мен ҳам баҳт сўрардим. Уни сизга берардим. Кейин сизда каттакон баҳт бўларди”, - деди. Гўдакнинг нияти, Аллоҳнинг марҳаматидандир. Ҳикояни ўқиган киши Муниранинг баҳтли бўлишига ишонади. Чунки ўзгаларни баҳтли қилган, баҳт соғинган одамнинг баҳтсиз бўлиши мумкин эмас. Ҳикоя замиридаги мана шу муҳим гояси билан аҳамиятлидир.

Унинг “Деҳқоннинг бир куни” ҳикояси тоталитар тузум даврдаги ўзбек паҳтакорлари, тўғрироғи қишлоқ аҳли ҳаёти

ҳақида ғамгин қўшиқдир. Маълумки, қўшиқнинг мазмунини сўзлаб бўлмайди, у ҳис қилинади, қалб орқали туюлади. Бу туйғуда инсоннинг бутун борлиги, ҳаёти – дарду қувончи, алами-ю-изтироби, энг саодатли кунлари, яъни орзусига эришганда, ҳаёт ташвиши-ю, қийинчилклари ҳеч гап эмасдек туяулган мана шу онлари бутун олам баҳтидан устун деб билган қезлари намоён бўлади. Қўшиқ тугагач бирдан бўшлиқ пайдо бўлиб, инсон бир нуктага тикилиб қолади. Бу нуқта унинг кечаси ва бугунги ҳаёти қисматидир. Ҳикояни ўқиган китобхон шундай ҳолатга тушади.

Иккинчи ҳикояда йигирма йилдан кейинги ҳаёт қаламга олинади. Буни Муяссар билан Алижон ҳаёти орқали биламиз. Тўғрироғи, ёзувчи улар фаолияти орқали инкишоф қиласди. Бу борада ёзувчи ёзади: “Ё-ё-ётишибди... Ўнг томонда Алижон. Чап томонда Муяссар... Ёнбошида тўрт яшар Дониёр... Уй салқин, чўян печканинг гира қопқогидан тушаётган нур деворга қизгиш чизиқ тортган. Та什қари ойдин шекилли, дебраза ёргуғ. Эски тошойна хира йилтирайди. Тошойна бурчагига қистириб қўйилган расм оқарив кўринади. Лекин Муяссар уни равшан тасаввур қиласди: Валижоннинг сурати. Уни Ҳалимахон чизган. Бўёқ қалам билан... Ўлмасидан ярим йил илгари... Тошойна токчасидаги соат шошилинч чиқиллайди... Алижон ёнбошига ағдарилди “имм” деб қўяди. “Тагин бели оғрияпти”, - деб ўйлади Муяссар юраги ачишиб. Аммо эридан ҳол сўрашга ботинмайди: “Уйғониб кетмасин”

Хуснда, расм чизишда одамни шошириб қўядиган, иш қилишда ҳам барчага ибратли Ҳалимахон қизи дори сепилган далада ишлайвериб, жигари тамом бўлганидан ўн олти ёшида оламдан ўтади. Салима қизи ҳам касал. Алижоннинг ҳам бели оғрийди. Кавказ томондаги аллақандай даволаниш масканига даволангани бормоқчи. Колхоз путёвка берган. Эргага кетмоқчи. Эр-хотин орасида шундай гап кечади: “Онаси... – Алижон йўталиб қўяди. - Ўйлаб қарасам, ўшаёқ менга тўғри келмас экан. Муяссар уйқусираб яхши тушунмайди: - Қанақа, ўшаёқ? - Ўша-да! Ҳалтубами, Малтубами... Бориши юз сўм... Келиш юз сўм... Ундан кўра кўмир олайлик... Валижон келгучида уйни сувоқдан чиқарив қўяйлик”.

Ҳикояда гарчи бир оила қисмати қаламга олинган бўлса - да, у умумлашма характеристига эга. Шу бир оилада хукм сурган турмуш тарзи, шароит, уларнинг қисматидаги фожиа барча

қишлоқ мөхнаткашларига тегишилердир. Яъни унда социализм жамиятининг ҳақиқий қиёфаси ва халқининг турмуш тарзи ўз ифодасини топган. Шунингдек, бу фожиавий ҳаётнинг туб замини ҳам инкишоф қилинган. Бу ўзбек халқининг қон-қонига сингиб кетган ҳар бир нарсага кўниши, бўйсунувчанлик ҳамда оила қувончи ва ташвиши билан чекланиб қолишилик руҳиятидир. Бу жуда муҳим, ўйлантирадиган масаладир. Ҳикоя худди шу томони билан ижтимоий ва маънавий ҳаётда муҳим роль ўйнайди.

Тоғай Муроднинг “Кузнинг бир кунида” ҳикояси жуда маҳзун асардир. Унда ҳалоллик, виждан билан виждансизлик, ёлғончилик тўқнаш келади. Мазкур туйғулар инсонга тегишли бўлгани учун ҳар икки тоифадаги шахсларнинг хатти-ҳаракати ниҳоятда жонли ва ҳаётидир. Шундан буларнинг ички кечин-малари ва изтироблари таъсирили ҳамда юқимлидир.

Биринчи эзгу туйғу доцент Обидович тимсолида берилган. Бу одамнинг ҳар бир хатти-ҳаракати самимилик ва инсонийлик билан йўғрилган. У нимадандир безовта, ўшандан изтироб чекяпти. У ёниб бўлган ўт чўғига кўмилган картошкаларни учи қорайиб кетган косов билан ковлаб, тинмай сигарета чекади. Унинг маҳзунли ҳолати ва ўзининг тутиши, нимадандир қийналаётганлиги китобхонга ҳам кўчади.

Шошмасдан чўгга кўмилган картошкаларни олиб арчади, бирини Раҳимжоновга беради. “Укаларинг кўпми? Опалинг...” - деб сўрайди. “Тўртта укам бор. Опамла ҳаммаси эрга чиқиб кетишган”¹.

Бу жавобдан домла маъюсланиб қолади. Домланинг Раҳимжоновга муомаласидан аввал уни касал бўлса керак деб ўйлаган бўлсақ, бу диалогдан сўнг қалбимиз бир нохушликни ҳис қилиб, ғамгин бўлиб қоламиз. Кичкина кўк автобусга ишора қилиб, боятдан бери иш буюришни кутиб турган Раҳимжоновга, “чиқ, бир жойга бориб келасан” - дейди. У Обидович кутгандан ҳам эртароқ автобусга чиқади. Домлани кеча Раҳимжонов номига “Онанг ўлди” деб келган телеграмма изтиробга соларди. Район марказида автобус бекатига келиб тушдилар. Шаҳарга борадиган автобусни суриштирганда, икки соатдан кейин бўлар экан. Энди айтгаса бўлмаслигини сезди. Олимлигига бориб, гапни узоқдан бошлади. Дунёнинг

¹ Тоғай Мурод. Бу дунёда ўлиб бўлмайди. Шарқ нашриёти, -Т.: 2001 йил, 173-бет. Бундан кейинги мисоллар ҳам шу нашрдан олинади ва фақат бети кўреатилади.

бефаволигини, онасини эслаганда, юрак-бағри эзилишини, лекин одам бўлиш фақат онага боғлиқ эмаслигини, инсонни замон, табиат тарбиялашини айтгач: “Кеча де, Раҳимжонов деган фамилияга бир телеграмма келди. Сенгами, бошқагами, аниқ эмас... чунки телеграммада номинг йўқ. Иккинчидан, меҳматда ҳам шунақа бола бор экан. Чамаси, ўшанга бўлса кепрак телеграмма. У болани уйига юбордик. Ҳар ҳолда, сен ҳам уйингга бориб кел - чи...” - деб телеграммани тутади. Ҳозир рўй берадиган ҳолатдан юрагини ҳовучлаб турди. Йўқ. Ҳеч нарса рўй бермади. Раҳимжонов телеграммадаги сўзга анграй-иб қараб турди. Сўзсиз ерга чўқди-да, узоқ ўтириди. Ҳалиям кузатиб ўтирган Обидович, “Шаҳарлик болалар енгил табиат бўларди. Бу жуда иродали экан, кўзларидан ақалли бир томчи ёш чиқмади-я”, - деб ўйлади. Чунки унинг кўнгли тоза-да! Барча нарсани яхшиликка йўяди. Раҳимжоновнинг соchlарини силаб: “Хўп, хайр, яхши етиб боргин”, - деди. Автобусга кетаётib, Яна орқасига қайтиб, нарсаларидан хавотир олмаслигини айтди. Раҳимжонов курсдошлари томон кетаётган автобуснинг орқа ойнасидан ғамгин термулиб ўтирган Обидовичга қаради. Автобус кўринмай кетгач, ўриндан турди-да, кўча супираётган чолдан шаҳарга қандай қилиб телефон қилишни сўради. Чол узоқ тушунтириди. Телеграммасини кўрсатиб, отасининг иш жойидаги телефон рақамларини айтди. Йигитнинг ёлворувчи бир тарзда бош эгиб, қараб туришидан телеграфчи қизлар ҳам унинг руҳиятини тушуниб, тезда айтган рақамларини олиб берди. Раҳимжонов трубкани олар экан, шундай деди: “Ада? Сизмисиз? Мен, Ақромжонман. А? Ҳа, келди. Жа-а, ваҳима қилиб ёзибсиз, касал десайиз ҳам бўлавуради. А? Ҳа, машина юборинг. Самарқанд автостанцияси бор-ку, ўшатга келиб турсин. Хўп, хайр, хўп...” (176-бет).

Мана, кўрдик-ки, ҳикоянинг охиригача воқеа нима билан туғашини билмаймиз, у сир тутиглан. Шунингдек, Раҳимжонов қандай одам эканлигини белгилай олмаймиз, унга ҳикоя сўнгигача ҳайриҳо бўламиз. Лекин бошқача тус олади, яъни маҳзунлик туйгуси нафратга айланади. Маълумки, тўсатдан берилган зарбанинг кучи оғир кечади. Ҳикоядаги ҳолат ҳам шу кабидир. Шу билан бирга, инсон мураккаб хилқат эканлиги, унинг кимлигини билиш ниҳоятда душворлигини Раҳимжонов тимсолида исботлаган. Биз иккита шахе – кечаги ва бугуниги авлод образини кўрамиз. Кечаги авлод – Обидовичнинг дили

билин тили, аъмоли билан шахсияти бир бўлса, бугунги авлод – Раҳимжонов эса тили бошқа, дили бошқа, ўзи бошқа, аъмоли бошқадир. Энг ачинарлиси, шундай бўлишга ота-она ҳайриҳоҳдир. Бу жуда катта ижтимоий иллатдир. Ҳикоянинг аҳамияти ҳам шундадир.

Текшириши саволлари:

1. Ижтимоий масала дегандаги нимани тушунасиз?
2. “Қуёш фалакда кезиб юрибди” ҳикоясида бозор иқтисоди турдирган муаммолар қандай талқин қилинган?
3. “Озодлик” ҳикоясида Мансур образида қандай гоя талқин қилинган?
4. “Булут тўсган ой” ҳикоясида маънавий ва ахлоқий масала қандай ифодаланган?
5. “Деҳқоннинг бир куни” ҳикояларида шахс фожиасини нимада кўрамиз?
6. “Кузнинг бир кунида” ҳикоясининг маҳзунлиги нимада?

Таянич тушунчалар

Иникишоф – очилиш; очиш; кашф қилиши.

Бадиий талқин – воқеаликни нағис санъат воситалари, образлари орқали юксак эстетик талабларга жавоб берадиган даражада маҳорат билан изоҳлаш, шарҳлаш, тушунтириши.

Ҳикоя – эпик турга мансуб кичик ҳажмли жанр; шаклий жиҳатдан кўпроқ прозаик ифодага эга бўлса-да, айрим ҳолларда у шеърий шаклда ҳам яратилади.

3. 3. Миллийлик ифодаси ва миљий характер, фожийлик моҳияти

Режа:

1. Миллийликнинг ифодаси ва моҳияти.
2. Миллий характер ва бадиий талқин.
3. “Маҳзуна” ҳикоясида миллийлик ифодаси.
4. “Омонат” ҳикоясида рухнинг покланиши.
5. “Орият”, “Қуёш түғилған кун” ҳикояларида жўмардлик фалсафаси.
6. “Тарвуз” ҳикоясида инсоний қадр-қимммаг ва комиллик ифодаси.

7.“Ёмғир қўшиғи”, “Девона” ҳикояларида инсоний фо-
жийликнинг моҳияти.

Адабиётлар:

Ҳ. Каримов. Инсоний изтироб ва туйгулар. Шарқ юлдузи, 2003 йил, 2-фасл.

Хуршид Дўстмуҳаммад. Озод изтироб кувончлари. – Т., 2000.

Умарали Норматов. Умидбахш тамойиллар. – Т., 2000

Умарали Норматов. Тафаккур ёгдуси. – Т., 2003.

Абдуғафур Расулов. Илми гарібани қўмсаб. – Т., 1998.

Ҳ. Каримов. Ўзликнинг бадиий ифодаси. Ўзбекистон адабиёти ва санъати, 2003 йил, 11 июль.

Абдулла Улуғов. Инсон ибратга интилади. “Жаҳон адабиёти” журнали, 2005 йил, 9-сон.

Бадиий адабиётда миллийлик деганда кўн адабиётшунослар буни урф-одатда, миллий либосда, фаолиятда, саъй-ҳаракатда, нутқда кўришади ва шу ҳолатларда ўз мужассамини топади, деб билишади. Тўгри, бу ҳолатлар миллийликни белгилайдиган омиллар ҳисобланади. Лекин мазкур восита ва омиллар ўзида миллийликни тўлиқ ифодалайди, деб бўлмайди. Чунки булар миллийликининг зоҳирий кўринишларидир. Маълумки, зоҳирийлик бу шаклдир. Шакл эса ҳеч қачон масала моҳиятини белгиламайди. У белгилашга хизмат қиласиган воситадир. Миллийлик, биринчи навбатда, руҳиятда ўз мужассамини топади. Миллийликни белгилайдиган бошқа хусусиятларнинг барчаси унга боғлиқ, ундан келиб чиқади. Руҳият эса инсоннинг табиатини ва ўзлигини белгилайдиган илохий куч, маънавий озиқдир. Руҳияти кучли одам ўз киёфасидан, ўз йўлидан, яъни тўгри йўлдан тоймайди, эътиқодидан воз кечмайди. Бу борада Қуръони каримда шундай дейилади: “Сендан руҳ ҳақида сўрайдилар. Айтгин, руҳ - Оллоҳнинг иши, сизларга фақат озгина илм берилган холос. (“Ал-исро” сураси. 85-оят). Демак, руҳият илм билан йўғрилган, ундан озуқа олади. Унинг инсон жисмидан, яъни табиатидан жой олиши муҳитга боғлиқ. Агар қанчалик ундан эрта баҳра олса, миллий хусусият шунчалик кучли бўлади. Бунда онанинг, унинг алласининг ўрни каттадир. Она алласини эшитмаган, ўз миллати муҳитида вояга етмаган одамда миллий туйгу бўлмаслиги исбот талаб этмайдиган фактдир. Кўп манбаларда қайд қилинган, таъкид-

ланган миллатга хос бўлган хусусиятлар, яъни жамоа бўлиб яшаш руҳининг устунлиги; оила, маҳалла, эл-юрт тушунчаларининг устунлиги; ота-она, маҳалла-кўй; умуман, жамоатга юксак ҳурмат-эътиборнинг кучлилиги; она тилига муҳаббат; каттага ҳурмат ва кичикка иззат; аёл зотига эҳтиром; сабрбардош ва меҳнатсеварлик; ҳалоллик, меҳр-оқибат (Қаранг: Миллий истиқлол гояси: асосий тушунча ва тамойиллар.Т., “Ўзбекистон”, 2000 йил 49-бет). Бу хусусиятларнинг барчаси миллий руҳиятнинг маҳсулидир. Чунки мазкур инсоний фазилатлар инсон жисмидан эмас, туйғусидан келиб чиқади. Истиқлол даври адабиётининг қаҳрамони мана шу хусусиятга эгадир. Тўғрироғи, миллатнинг шу хусусиятларини инкишоғ қилиш билан жаҳонга таниятти.

Шундай асарлардан бири Хуршид Дўстмуҳаммаднинг “Маҳзуна” номли ҳикоясидир. Ҳикояда оиласи мұқаддас санаш, гард юқтираслик аёллик бурчи эканлигини англаш, уни ич-ичидан ҳис қилишликни, шунингдек, Европадан кириб келган бъзи бир “маданий” ҳолатларни миллий руҳга ёт деб билишлик ёрқин бадиий акс эттирилган.

Маҳзуна аввал ҳам, турмушга чиққач ҳам “замонавий аёллар”, яъни эркаклар билан баббаравар қадаҳ уриштирадиган, улар билан тап тортмай муомала қиласидиган, овозининг борича куладиганлар даврасида бўлмаган. Бундай ҳолатни у руҳан ҳеч ҳазм қила олмайди. Эри Мақсаджон бундай давраларга кўп судраган бўлса-да, бормаган. Лекин Мақсаджоннинг бу сафар “... йўқ, ҳамма хотини, эри билан келади, бир ўзим сўппайиб борсам, уят бўлади”, - деб туриб олгани учун мажбур бўлади.

Меҳмондорчиликка келгач, ўзини жуда иоқулай сезади. Айниқса, эрининг раҳбари Бўри Собитовичнинг кўзи бутун баданини тейворгандай бўлади. Бу ҳам етмагандек ичишга унайди. Айниқса, унинг меҳмондорчилик тугаганда, даҳлизда пальтосини кийгизиш ҳолати Маҳзунани адойи тамом қиласиди. Бу хусусида ёзувчи шундай ёзади: “ ... Маҳзуна чап елкасида қўланса исни тайди, пальтони кийиб улгурмай, икки кафт икки елкасидан қисиб ушлаганини, бояги қўланса ис пуркаётган оғиз ёногига теккудек яқинлашиб, “қўнгироқлашамиз”... деганини эшилди!... Маҳзуна орқасида ўлим шарпаси қоядек тургани, у совук бармоқлари билан ҳадемай бўға бошлишини олдиндан билгандай ва тақдирга тан бергандай илкис бўшашибди – қўл-оёгидан мадор кетди – устидаги пальто жоғили-ю, аъзои бадани бежондек бошидан хуши учди”.

Бу ҳолат уйига келгач ҳам уни тарк этмади. Худди баданига шилимшиқ нарса ёпишгандек ўзини нокулай сезди. Ваннага кириб, узоқ ювинди, “чироқ нурида симобдек йилтираб тушаётган сувга, оппоқ ваннага, оппоқ деворга... оппоқ баданига қараашдан уялиб, кафтларини юзига босганча ўксисиб хўнграб юборди”. Чунки Маҳзуна у ҳирслни нигоҳдан гўё бадани нопо-клангандай, ўзини хўрлангандай сезганди. Ваннадан чиққач, руҳи енгиллашди. Лекин “кўнғироқлашамиз” деган сўз уни таъқиб эта бошлади. Шунда Мақсаджон командировкага кетгач, жиринглаган телефон гўшагини бир сутка кўтартмади. Ва ниҳоят, қизчасининг “Ада! Адам!” - деб қилган илтижосидан сўнг кўтарса, кўнғироқ қилган онаси экан. “Вой, қизим-эй, ўтакам ёрилди-я!!” – деган сўзидан хўнграб юборди.

Маҳзунанинг меҳмондорчиликдан сўнг ички изтироблари бевосита китобхоннинг жисмига қўчади, туйгуларини жунбушга келтиради, бу ҳол ўз навбатида руҳини поклайди. Оқибатда, шундай аёллар тарбия топган авлоднинг руҳи пок, соглом, эътиқоди мустаҳкам, маънавиятли бўлишига иймон келтиради.

Маълумки, аввалги адабиётда аёллар хатти-ҳаракати, зоҳирий кўриниши тамом бошқа мақсадда тасвиранарди. Уларнинг ҳусн-таровати тасвирида кўпроқ ўзга эркакнинг диққатини жалб қилишга йўналтирилади. Бўри Собитовичга ўҳшаганинг хатти-ҳаракатидан улар ўзларини Маҳзуна каби ҳақоратланган эмас, шундай одамни ўзига жалб қилганидан мамнунлиги инкишоф қилинарди. Агар бир сўз билан айтсан, ёзувчиларимиз оғзида Зигмунд Фрейд қараашларига қарши эдилар, амалда эса, унинг назариясини тарғиб қилишарди, яъни жинсга майлни. Оқибатда миллий хусусиятлар чекинилди.

Инсоннинг руҳи фақат яхшилик оламидан эмас, ноинсонийлик дунёсидан ҳам покланади, қачонки у фикрлаш кобилиятига эга бўлса. Ҳулкар Тўйманованинг “Омонат” ҳикояси худди шу фалсафий ҳақиқатдан сабоқ беради. Саксон ёшли Шарофат момо қаттиқ оғриб қолади. Яқинларини қийнаб қўйганидан хижолатда. Лекин ботинан шу кун келишини барча кутаётганини ҳис қиласи. Кўпчилиги буни сездирмасликка интилади. Кичкина келини Ойдин эса ҳеч андишасиз бу ҳолни намоён қиласи. Касал одамни жеркийди, ҳатто: “Ҳм, жа-а инкиллаб ётибсиз?! Ундан кўра ип чийрагинг, ётаверсан-

гиз ланж бўласиз!”- дейди. Ойдин урчуқда йигирилган ипларни думалоқлаб, унга опкеб ташлайверади. Момо ҳоли етгунча уларни чийратиб пишиқлайди, чийратилган ипларни ранглаб, каттагина шолча тўқиса бўлади. Тоби қочгандан бери у бу юмушни бажаролмай қолган.

Момонинг боши анча кундан бери ювилмагани учун сочи чигалланиб кетади, ювиб олишга эса мадори йўқ. Келинидан бу ҳакда сўраш фойдасиз. Унга мурожаат қилишдан юраги безиллайди. “Чимилдиққа кирадиган келинмидингиз, сочини қатиқлаб ювадиган!”-деб гапиришларига кўп марта чидаб берган, энди эса ортиқча гап-сўзни юраги кўтармайди”. Момо соғлиқ пайтида тўй-ҳашамдан бирор нарса кийиб келса, тортиб олмагунча қўймайди.

Мана бу манзарани ўқиб, Ойдиннинг инсонийлик шаънига лаънат ўқийсиз: “Қўзғалаётib боши айланди, кўз олди жимирлаб кетди, мувозанатни сақлаб, ўрнига чўқди, хаял ўтиб, момо чироқ ёқди. Токча устига тўшалган газетада чумолилар ўрмалаб юришарди. Олма пўчоги, ўрик данаклари солинган тарелкага интилаётган чумолиларга кўзи тушиб, кампирнинг дили хуфтон бўлди. Молларнинг емиш челягига ташланадиган чиқитни Ойдин атай қолдирган. Момо эса икки букилиб, буни элтиб тўкишга мадори йўқ”.

Шарқ фалсафаси, “Куръон” ва “Хадис”ларда илгари сурилган фикрларга кўра, инсоннинг фоний дунёсидаги ҳаёти унинг охиратини белгилайди. Шарофат момонинг умр фаолияти билан танишар эканмиз, унинг охирати борлигига тўла ишонамиз ва кўз олдимизда соф миллий характер гавдаланади. Яъни, милллатга хос хусусият намоён бўлади. Маълумки, бизда ўзгага оғир тушмаслик, унга юк бўлмаслик туйғуси кучли. Бу фазилатни андишлилиқ туйғуси белгилайди ва юзага келтиради. Шарофат ая қиёфасида шу нарса ўз ифодасини топган.

Ойдиннинг саъй-харакатидан ҳам ачинамиз, ҳам нафратланамиз. Аскад Мухтор ўзининг сўнгги ҳикояларидан бири “Фано ва бақо”сида шундай фикрни айтади: “Худованд бир инсонга икки дунёни бериб қўйибди. Аммо иймонни бой берганга иккаласи ҳам ҳаром экан”. Ҳа, Ойдинга ўхшаганларга иккиси ҳаром. Ҳикоя воқеа тизимидан келиб чиқадиган мана шу фикр кишини ўйлашга мажбур қиласди, ботинини ғаразли, заарли иллатлардан тозалайди. Қалби иллатлардан тозалangan кишининг рухи покланади. Демак, у ҳаётда тўғри йўл сари кадам ташлайди.

Одамларнинг турли тийнаттага эга бўлиши барчага маълум гап. Лекин бу нарсанинг бежиз эмаслиги кўпчиликка аён эмас. Беруний бу ҳақда шундай дейди: “Одам табиати жиҳатидан бир-бирига зид аъзолар қўшилмасидан таркиб топган мураккаб танага эга бўлганлиги боис, унинг ҳолати ўз характеристига кўра, хилма-хил ва турли-туман бўлади” (Изб. Соч. т. 2. Т., 1966, 11-бет). Шундан дунёдаги ҳар бир инсон ўз зоҳирий ва ботиний дунёсига эга. Адабиётнинг биринчи вазифаси - шуни кашф қилиш. Жаҳон адабиётида мангуликка дахлдор асарларда шундай қилинган. Бироқ шўро даври адабиётида кишиларни синфларга, типларга ажратиб, тийнатларини бир хиллаштиришга ҳаракат қилиндики, албатта, бу жараён хато эди. Бугун адабиёт ўз ўзанига тушди, яъни инсоннинг ўзлигини инкишоф қилиш орқали кишини ўзини ўзига рўпара қилишга эътибор қилинмоқда. Киши кўзгуга қараганда, албатта, бирор зоҳирий “камчилигини” тузатади, ўзига ўзи рўпара келганда эса ўзини ботиний иллатлардан ҳалос этади. Чунки “Адабиёт – катта йўлга қўйилган кўзгу” (Стендаль). Унда кишининг борборлиги намоён бўлади. Бугунги адабиёт шундай бўляпти. Бу борада, айниқса, ҳикоячилик етакчилик қиляпти.

Ор-номус, шаън, орият каби инсоний фазилатлар инсониятнинг азалий қадриятлариданdir. Бундай фазилатта эга бўлганлар жўмард шахслар ҳисобланган. Буларнинг лойи тоза тупроқдан қорилган бўлади. Бекорга “Авесто” китобида пок замин “гўзал ва покиза қизга” қиёс қилинмаган. Нормурод Норқобиловнинг “Орият” ҳикояси қаҳрамони Ҳусан полвон шундай шахсадир. У факат ўзининг, оиласининг шаънини ўйламайди, балки қишлоғи ва унинг ор-номусини ўйлайди, ўзини унга жавобгар ҳисоблайди, қишлоқ шаънига гард юқтирумасликни инсоний бурч деб билади. Холпош кампирнинг шаҳарга ўқишига кетган қизи ҳақида ёмон гап оралаб қолди. Нимамиш, қиз ёмон йўлга кириб кетибди. Бу гапни эшигтан Ҳусан полвоннинг бутун дунёси қоронги бўлди. Бу борада ёзувчи ёзади: “Эшигди-ю, лекин гурунгга қўшилмади. Қишлоғига ҳасрат ва надомат ила тикилганча ёнбош тушиб ётаверди. Зоҳиран у жуда сокин эди. Ичиде эса олов қайнарди. “Қишлоқни бадном қипти! Уни тўшига тортган ҳар бир наҳс биз тўдақайрағочликларнинг устидан иршанглаб қулади энди! Ўлибмиз ҳаммамиз! Ҳаёлан у қизга қарши “уруш” эълон қилди. Бир ўйи, қизни тилкалаб ташлади. Бу ўй олдингисидан, кейингилари бундан-да даҳшатли эди.

Ана шунда оила ва фарзанд дегани ориятли йигит учун тушов эканини англади. Англаши баробар, ўзини ожиз ва жирканч бир маҳлук ўрнида ҳис этди. Қаватида ўтириб, бизам бориб бир мазасини тотиб кўрсак ёмон бўлмасди, дея ҳиринглаган яқин жўрасининг қулоқ-чаккасига тарсаки тортиб юборганини билмай қолди”. Маълумки, жўмард одамнинг ўйи билан амалиёти бир бўлади. Ҳусан полвон ҳам фақат ўйлаш билан чекланмайди, шаҳарга келиб, қизни топади. Ҳақиқат ойдин бўлгач, масалани кўндаланг қўяди. Яъни “Унда менга хотин бўласан, - деди қатъий оҳангда. Сени бугун ё чавақлаб кетишим керак, ё қаро қисматингга шерик бўлиб, номингни оқлаб олишим лозим! Эмасам, қишлоқнинг шўри курыйди! Кўринган ит устимиздан иршанглаб кулади! Э-э, куляптиям!” Ҳусан полвоннинг тутган иши янгилик эмас. Қадимда аждодларимизнинг аксарияти шундай бўлишган. Улар нотўғри қадам босганларнинг муносиб жазосини беришган. Шундан орият, шаън деган нарса кучли бўлган, оқибатда ўртада иймон, эътиқод, диёнат кўтарилимаган. Бу фаолият ўзига хос тарбия ҳисобланган. Бундан кўринадики, қадимда инсоний комиллик билим, маънавият орқали эмас, аъмоли билан ҳам белгиланган. Демак, бугунги кун адабиётининг қаҳрамони тийнатида аждодларимизга хос бўлган инсоний хусусиятлар ўз ифодасини топмоқда.

Жўмардликни маънавиятдан асло ажратиб бўлмайди. Маънавий комил одам ҳақиқий жўмард бўлади. Бекорга маънавиятга инсон ботинидаги илоҳий нур дейилмайди. Масалага чукур ёндашилса, бу таъриф тўгри. Чунки виждони уйғоқ, агар аниқроқ айтсан, Оллоҳ юқтирган банда бунга мұяссар бўлади. Нормурод Норқобиловнинг “Куёш тутилган кун” ҳикояси қаҳрамони Собир полвон - шундай шахс. У ҳақида ёзувчи шундай ёзади: “Давра юзини кўра бошлигандан бери, у йигитларни икки тоифага ажратишни одат қилганди. Дердики, - йигит бор – ул, йигит бор- тўл. Фикрича, “тўл”-шунчаки, “ул”, яъни “ўғил” эса эл ғамида юрадиган асл йигит”. Ҳикоя давомида бу нарса исботланади, баёнда эмас, тасвирда, гап-сўзда эмас, фаолиятда, ҳаяжонга солувчи амалда. Тўгри, “Орият” ҳикояси билан мазкур ҳикояси ўргасида мавзу, қаҳрамонларнинг хатти-ҳаракатида уйғунлик, ўхшашлик бор. Лекин ижтимоий салмоғи ва қаҳрамон тийнати жиҳатидан мазкур ҳикоя устун. Ҳикоя қаҳрамони Собир полвон олам ва одамни кенг

идрок этади, гўзалликнинг моҳиятини туюди, шунга яраша, туйғулари ҳам нозик, мулоҳазакор шахс. Шундан қизни химоя килиши бир қадар ишонарли ва таъсири. Ҳақиқий “ул”га хос, ўзганинг дилини оғритиш ҳисобига эмас (Хусан полвон болачали, гулдек хотини бор эди). Қизни химоя қилиш, дастлаб, шунчаки, эркакликнинг намоёни бўлса, Боборайим говнинг номардларча тутган иши ва одамларнинг тўқиган гапидан сўнг шаън, бегуноҳ, ҳимояткорсиз, кўнгли гариф бир кимсанинг ҳимоячисига, уни ҳимоя қилиш инсоний бурчга айланади. Инсоннинг бунга бел боғлаши катта гап, чунки бундай аъмол инсоний комилликдан далолатdir.

Нормурод ҳар бир асарида табиат билан инсонни уйғунликда тасвирлайди. У табиатдан шунчаки манзара яратмайди, ундан моҳият қидиради, киши диққатини унга жалб қиласди. Ҳикояда қуёш, унинг тутилиши кўп тилга олинади. Биринчи марта қизни тутзордан қувиб чиққан Боборайимга дуч келиб, унинг дағдағасидан сўнг олишиб, чўзилтирган. Бу борада ёзувчи ёзади: “Ёруғлик истаб, теваракка, сўнг кўкка тикилди. Қуёшнинг юзи кир, қуюқ чанг булути орасидан йилтиллаб аранг чалинарди. Оlam шу ҳолатда қоладигандек, йигитнинг юраги увишди”. Маълумки, қуёшсиз дунё оламнинг интиҳоси бўлса, қалб қуёшилиз-маънавиятсизлик инсониятнинг таназзулидир. Ёзувчи шунга ишора қиласди.

Собир полвон билан Боборайим тўқнашувидан сўнг гап тарқалди, гўё Салимнинг суйган қизини Боборайим гов бузиб кўйибди, Собир полвон шерик бўлибди, деган. Худди шундай ифво туфайли бир бегуноҳ одам қиз тоғасининг қотилига айланган. Собир полвон ўзи ҳакидаги бу гапдан сўнг дилида қизга шундай дейди: “Тоғангнинг қотили Ваҳоб эмас, одамлар... одамлар!” Бу гап – ҳақиқат. Агар одамлар ҳақиқатнинг ойдин йўлини кўрсатувчи қадимги қадриятлардан баҳраманд бўлишганда, барг тўла қоп орқалаган тоғани тутзордан жувон билан бошлишиб чиққанини кўрган қишлоқ кампирларидан бири “Фалончиларни зино устида кўрдим. Куппа кундузи-я! Одамларда на шарм қопти, на ҳаё...” - деб жар солмасди. Чунки “Куръони карим”нинг “Нур” сурасида “Покиза аёлларни (зинокор деб) бадном қилиб, сўнгра (бу даъволарига) тўртта гувоҳ келтира олмаган кимсаларни – уларни саксон дарра уринглар ва ҳеч уларнинг гувоҳликларини қабул қилманглар! Улар фосик-итоатсиз кимсалардир”, – дейилади. Бунга амал

қилмаган кишиларни Аллоҳ ўз нуридан ҳам бебаҳра қилади. Нурсизлик эса инсон умри қисқарувидир. Кишилар ўртасида фосиқликнинг кўпайиши шунга олиб келади. Ёзувчининг кўёшни кўп тилга олишининг сабаби шундадир.

Ҳикоя шундай якун топади: “Бу лаҳзада кўёш тўла бекиниб, олам хира тортган”. Бу Собир полвон Боборайим томонидан номардларча пичоқлангандан кейинги тасвиридир. Демак, нурли қалб соҳиблари - Собир полвон кабиларнинг маҳв қилинишидан табиат-яратган ҳам изтиробда. Чунки бунда нурли оламдан кўра, фосиқлик олами тараққий топади. Ҳикоянинг ижтимоий салмоги ва аҳамияти шундадир.

Инсоннинг қалби турмуш ташвишларидан эмас, оқибатсизлик, нописандликдан озор топади. Инсоннинг қадр-қимматини эъзозлаш унинг комиллигидан далолатдир. Собир ўнарнинг “Тарвуз” номли ҳикоясида мана шу фалсафий ҳақиқат ўз ифодасини топган. Тижорат билан шугулланиб, анча бойиган Худойқул қишлоқдан синфдош дўсти Омондавлатнинг келишини эшишиб, энсаси қотади. Ҳойнаҳой қарз сўрайди, деб хотинига пулимиз йўқлигига унинг хотинини ҳам ишонтир, деб тайнинлади. Дўсти келгач, унга рўйхуш бермайди. Нуқул йўқчиликдан гапиради. Лекин уйнинг жиҳозлари, ўзининг калондимоғдорлиги, гап-сўзи тескарилигини англатиб турганигидан дўсти ҳайрон бўлади. Уни дурустроқ сийламайди ҳам. Ваҳоланки, Омондавлат иккита тарвуз, сумкада туршак, ёнғоқ, майиз, тегирмон унида ёпилган нон, патирлар олиб келган. “Дастурхонга тортилган биринчи таом мошхўрда бўлди. Мезбон бўлка нон кеса бошлади”. Ичимлик ҳам кўймади, дўсти билан “яримта” устида бир гурунглашиш истагини сездирганига қарамай. Шу пайт эшик қўнғироги чалиниб, башанг кийинган икки йигит кириб келади. Вазият бутунлай ўзгаради. Худойқул гирдикапалак бўла кетади. “Бирпасда дастурхонга сархил таомлар кела бошлади. Ерёнгоқ, парварда, конфет, туршак сингари “камбағалнинг” безаклари ҳаш-паш дегунча йиғиштирилди. Колбаса, қази, пишлок, товуқ гўштидан тортиб, бошмалдоқнинг бошидай хандон писта тўла тақсимчалар кўйилди. Чиройли шишалардан ароқ кўйилди. Омондавлатнинг улар билан гапи қовушмади. Ичилгандан сўнг болалик хотираларидан сўзлаб, Худойқулнинг қандай дўст эканлигини уларга англатмоқчи бўлди. Лекин унга ҳеч ким эътибор бермади. Жумладан, Худойқул ҳам. Шундан сўнг ўзи пиёла-

га тўлдириб арок қўйиб ичади-да, оромкурсига чўкади. Болшини солинтирган қўйи котиб ухлаб қолади. Ёзувчи ёзди: “Меҳмонлар кетган. Худойқул аллақачои ювениб, соқолини олиб, чой-пой ичиши тараддудини кўриб юрибди. Худди ҳеч бало кўрмагандай. Эрталабдан бир аёл “кукси” деган овқат келтириб берди. Кечаги овқатлар ҳам ҳойнаҳой буортма билан келган бўлиши мумкин, деб ўйлади Омондавлат”.

Дўстининг биз кетамиз, деганига Худойқул “Бир бемалол ўтириб келадиган бўлиб келасизлар. Бугун ўзим Олма-Отага учмоқчиман”, – деди кетсанг нарига дегандай. Кўчага кузатгани хотини чиқди-ю, ўзи остоноада қолди. Кўча бошида тўкиндиҳона бор экан. Омондавлатни хотини туртди, қараса, темир яшиклар ёнида худди ўзи кеча кўтариб келган тарвузларга ўҳшаш икки тарвуз турибди. Ёзувчининг айтмоқчи бўлган фикри мана шу тарвуз деталига юклатилган. Тарвуз силлик, юмалоқ. Маълумки, бундай нарсада турғунлик бўлмайди, бир ҳолатдан салга иккинчи ҳолатга ўтади. Худойқулнинг тутган иши шунга ишора. Тарвузнинг олиб чиқиб ташланишида ҳам катта ижтимоий маъно бор. Худойқул кабиларни ҳам вақти келиб, инсоният олами ва жамият ўз бағридан ситиб чиқаради. Чунки ўтмишни унугланни, такаббурликни инсоният олами ва жамият сўймайди. Бу ҳол инсониятни огоҳ қиласи. Ҳикоянинг “тарвуз” деб номланиши ва уни инсоният маънавий оламида тутган ўрни шундадир.

Бугунги адабиёт янги номлар эвазига ҳам бойяпти. Улар асосий эътиборини дунё воқеаларини қайд қилишга эмас, инсоннинг ботиний оламини таҳлил қилиш орқали дунё, замон воқеа-ходисаларига муносабат билдиришиб, умумбашарий фалсафий ҳақиқатни илгари суришлари, уни инсон қисмати инкишофида онгга сингдиришлари кишини хурсанд қиласи. Наргиз Ғуломованинг “Ёмғир қўшиғи” ҳикоясида шу ҳолни кўриш мумкин. Ҳикоя шундай бошланади: “Тун бўйи ёққан ёмғир тонгта яқин оз-моз шаштидаи тушгандек бўлди, аммо тинишни ўйламади”. Маълумки, табиат мукаммал, унда ҳамма нарса уйгунилди яратилган. Ёмғир табобат оламига ҳаёт баҳш этибгина қолмай, олами губорлардан ҳоли этади. Шунда, ёмғирдан сўнг олам равшанилашади, ўзгача тароват касб этади. Бу ҳол давомийликка эга. Агар инсонда шу ҳол кечса, унинг ҳаёти турмуши йўли ҳамиша ойдин ва ийлуфарий айвон бўлади. Ҳикояда шу ҳақиқат Баҳодир ва Мухаббат образлари-

да ғоят ишонарли ва асосли тарзда очиб берилади. Нихоятда ибратли оила Мұхаббат тижорат билан шуғуллана бошлагач, дарз кетади.

Маълумки, мол-дунё, бойликка ружуъ қўйишлик киши зеҳнини ўтмаслаштиради, меҳр-муҳаббат йўлини тўсади. Бу ҳақиқат Баҳодир Мұхаббат билан жиддий гаплашганда яққол ўз ифодасини топади. У рўзгоримизни бутлаб олдик, хатто Баҳтиёржонни ҳам уйлантиришга маблағимиз етарли, энди бу ҳунарни йиғишириб, севган врачлик касби билан шуғулланишини айтганда, Мұхаббат пул пулни келтиришини, машина олиш нияти борлиги, касалхонадаги иш ҳам малол келаётганини айтади. Бу гапдан Баҳодир тутоқиб, “ўйлаб гапирайпизми, Мұхаббатхон?!?”-деганда, у ўзининг қай дараҷага келиб қолганини намойиш қиласди: “Э, қандай одамсиз ўзи?!... Сиз ҳам бундоқ эркак бўлиб, бирор нима қилиб пул топганингизда, зарилмиди менга бу иш билан шуғулланиб? Ахир, бутун бозор-ўчарни, уй-жойнинг ташвишини бир ўзим елкамда тортиб келяпман-ку! Сиз ақалли бола тарбиясини ҳам эплолмадингиз!”- дейди. Бу кечагина ўзига Баҳодирдай меҳрибон, кўнглидаги туйгуларни англай оладиган йигит насиб қилганидан кўнгли тоғдай кўтарилиб, мамнунлик нашида-сидан энтикиб юрган гўзал хилқатнинг жавоби эди. Баҳодир эса хотинидан шифо топғанларнинг миннатдорлигини эшиг-ганда, уйларига йўқлаб келганда, мазкур ишдан ғуурланиб, пешонасига шундай дилбар битгани учун Аллоҳга шукроналар айтгарди. Шундай одамдан бу тарзда гап эшиганига юраги дош беролмади, йиқилди.

Ювгувчи чол қўлига тутилган тугунни олмайди. “Ё худо, ўзинг кечир гуноҳкор бандаларингни, - деди чол қўзларини юмиб, -Эгам, анча йилдан бери шу ҳунар билан шуғулланаман, кўпни кўрганман. Аммо бунақасини биринчи бор кўришим. Нима дейишга ҳам ҳайронман. Мурдани юваётгандан, унинг кўзидан “ёш оқди”. Бу надомат ёшидир. Мұхаббатнинг тутаётган иши бутун оилани ўз ўпконига тортиб кетишидан, унга буни англата олмаганидан руҳи чирқиллаётган эди.

Аристотелнинг “катарсис” таълимотига қўра, ўта фожи-авий ҳодиса кишини қаттиқ изтиробга солади, ўз навбатида, кишини руҳий поклайди, ноҳақликка, адолатсизликка, зўравонликка қарши киши қалбидаги исён туйғусини юзага келтиради. Зулхумор Солиеванинг “Девона” ҳикоясини ўқиган

одам бу фикрнинг ҳақиқат эканлигига тўла ишонч ҳосил қиласди. Ҳикояга Зебо Мирзаева шеъридан қуйидаги мисра эпиграф қилиб олинган:

Қайси бир айбингга келган жазо бу?
Қайси бир гунохинг, қайси бир оҳинг!?

Бу мисралар адабанинг ҳикоя орқали сурган гоясини очишга хизмат қиласди. Лекин Зулхумор ўз гоясини сўзда бир оғиз ҳам баён қилмайди. Уни ҳикоя воқеалари замирига сингдиради. Воқеалар контраст тасвиранганди. У тўрт манзара га эга бўлиб, унда хаёт ва жамиятнинг инсоният эътиборини қаратиши лозим бўлган муаммоси, масаласи ўз аксини топган. Биз афғон урушидан девона бўлиб қайтган Бахтиёр қисмати ва фожиасининг тиниқ тасвиридан муҳим бир ҳақиқатни англаймиз. Бу ҳам бўлса, кишини мустақил фикрлашдан маҳрум этадиган, текинтомоқлик руҳиятига ўргатадиган, мутеълиқка маҳкум қиласдиган, мулкдорлик, эгалик туйғусини бутунлай сўндирадиган социализмни нисбатан заиф давлатларга зўравонлик билан ёйиш йўлидаги ҳаракат бир девона ҳаракат эканлиги, девона ҳаракатининг ҳосиласи Бахтиёрга ўхшаш тақдирларни юзага келтиришини қалбга муҳрлайди. Бу ҳақиқат ижтимоий ва фалсафий салмоққа эга бўлиб, бутун башариятни огоҳ қиласди.

Текшириши саволлари:

1. Миллийлик ва унинг моҳияти нима?
2. Миллий характер қандай шахс?
3. “Маҳзуна” ҳикоясида миллийлик қандай ифодаланган?
4. “Омонат” ҳикояси қайси хусусиятига кўра инсон руҳини покладиди?
5. “Орият”, “Куёш тутилган кун” ҳикояларида жўмардлик қандай ифодаланган?
6. “Тарвуз” ҳикоясида инсоний қадр-қиммат ва комиллик қандай ўз ифодасини топган?
7. “Ёмғир кўшиғи”, “Девона” ҳикояларида инсоний фожийлик қандай ёритилган?

Таянич тушунчалар

Миллийлик – адабиётнинг миллӣ ва ўзи мансуб бўлган миннатнинг руҳиятини, ҳаётини акс эттиришга хизмат қилувчи хусусияти.

Миллий характер – миллатнинг миллийлигини белгилайдиган хусусият, урф-одатларнинг жамиини ўзида мужассам этган, рухиятини қалбига сингдирган ва намоён этган шахс.

Рухият – инсоннинг табиатини ва ўзлигини белгилайдиган илохий куч, маънавий озуқа.

3. 4. Модернизм руҳидаги ҳикояларда характер ва ғоя

Режа:

1. Модерн руҳидаги ҳикояларнинг юзага келишида роль ўйнаган омиллар.
2. Модерн руҳидаги ҳикоялар хусусияти.
3. Тоталитар тузумда модерн руҳидаги асарларнинг кенг қулоч ёзмаганлигининг объектив ва субъектив сабаблари.
3. “Маймун етаклаган одам” ҳикояси қаҳрамонлари қисматида давр ифодаси.
4. “Тобут” ҳикоясидаги рамзларда ёзувчи ғояси ифодаси.
5. “Тўзон”, “Ўлик мавсум” ҳикоялари моҳияти.
6. “Оғриқ лаззати”, “Қора бева”, “Қайтиш” ҳикояларининг ғояси.

Адабиётлар

А. Отабоев. Шу кунлар нафаси. “Ўзбекистон адабиёти ва санъати”, 1990 йил, 23 феврал.

А. Мамарасулов., Н. Эшонқул ҳикоялари ҳақида. “Ўзбекистон адабиёти ва санъати”, 1996 йил, 29 март.

Қ. Раҳмон. Рұх рамзга күчганды. “Ватан”, 1993 йил, 22 сентябрь.

Н. Довурбоева “Жажман”нинг жилвалари. “Ёшлиқ”, 1991 йил, 5-сон.

Б. Рўзимуҳаммедов. Насримизга бефарқ қарамаяпмизми?, Ўз АС, 2001 йил. 7 декабрь.

Назар Эшонқул. Маймун етаклаган одам. Т., “Янги аср авлоди”, 2004 йил.

Саломат Вафо. Тилсим салтанати, “Шарқ”, 2004 йил.

Ҳар бир давр ўзининг янги қарашлари ва тамойилларини юзага келтириши табиий ҳол. Модерн руҳидаги асарларнинг

юзага келиши ва бирмунча жонланиши шунинг маҳсулидир. Тўгри, модернизм умуман олганда, адабиётда янги йўналиш эмас. У гарб адабиётида аллақачондан бери мавжуд. Лекин у ўзбек адабиётида янги тамойилдир. Бизнинг адабиётга унинг кеч кириб келишининг объектив ва субъектив сабаблари бор. Объектив сабаби шундаки, модерн руҳидаги асарлар замирида кучли ғайритабиий психологик ҳолат ётиши билан бирга, рамзий воқеа-ходиса тасвирида, рамзий манзараларда ғайритабиий олам ифодасида ўзи яшаб турган жамият иллатларини кучли танқид остига олиши ва фош қилиш характеристери мавжудлиги, шунингдек, унинг юзага келиш ва урчишига сабабчи шахсларниң қиёфасини шафқатсиз очиб ташлаш хусусиятига эгалиги. Маълумки, тоталитар жамият бунга йўл кўймасди. Субъектив сабаб эса, модернизмнинг хусусиятини, унинг йўналиши ва моҳиятини ўзлаштирган ижодкорнинг етишиб чиқмаганлиги. Бунинг сабаби тузум сиёсати ва мафкурасига бориб тақалади. Бизнинг адабиётда модернизм мустақиллик арафасида шаклана бошлади. Мустақилликдан сўнг анча ривожланди, турли хил баҳсларга сабаб бўлди. Насрда модернизм йўлини бошлаб берган ва энг кўп асарлар ёзган Назар Эшонқулдир. Унинг бу борадаги ҳикояларидан биринчisi “Маймун етаклаган одам”дир. Тўғри, у мустақилликдан бир оз олдин, 1989 йилда ёзилган. Ҳикоя босилиши билан, бирдан шов-шувга сабаб бўлди. Чунки у кўп йилдан бери мавжуд усулини бузиб юборган эди.

Ҳикоя қаҳрамони чол (Ёзувчи исм қўймаган. Назаримизда, атайлаб шундай қилган. Ҳикоя финалига етгач, унинг моҳияти англашилади, яъни унинг кисмати битта ўзига эмас, кўпчиликка тегишли экани ойдинлашади) ўзига симпатия уйғотмайди. Омадсиз, ҳаёт унга кулиш у ёқда турсин, жилмай-иб ҳам боқмаган, шундан асабий, аламзода одамдай кўрниади. Ёзувчи у ҳақида шундай ёзади: “У қобоқлари солиқ, соқоли қирилмаган, бир пайтлар семиз бўлган, ажинлар тарам-тарам қилиб ташлаган кўримсиз юзи тарих китобларида тасвирланган баджаҳл мъбудларнинг ҳайкалига ўхшаб кетар, унга қараган одамнинг юраги орқага торгарди. Кўзлари ҳиссиз ва ифодасиз...”. Тасвир янада қуюқлашиб, кора бўёқлар ортиб боради. Бу эса унинг қандай шахс эканлигини билишга қизикишни орттиради. Воқеани ҳикоя қилаётган қаҳрамонижара турган уй бекаси уни “чолнинг бир пайтлар тузуккина

рассом бўлганини ва ҳозир ҳам сурат чизиб” туришини айтгач, унинг феъли, табиати эмас, қисматининг моҳияти эътиборини тортади. Бир куни кампир ижарачига чолга овқат олиб чиқиб беришини айтади. Ёзувчи унинг нигоҳи орқали чол уйининг кўриниши ва у ердаги муҳитни шундай тасвиirlайди: “Чолнинг уйи ҳашаматли, кенг, лекин ташлаб кетилган майдондай хувиллаб ётарди. Устун ва ромлар чириган, умуман, ҳовлидан чиркин ва бадбўй ҳид келарди. Чиркин ҳид дараҳтдан, қор остида қолиб қаровсизликдан ҳазонликка юз тутган гулзордан, уйнинг ёғочларидан ва айвонда қалашиб ётган ҳар хил расмлар уюмидан келаётган эди” (121-бет). Дастьлаб, ўқигандан бу кўриниш чолнинг муҳити унинг яшаш тарзи, табиатини белгилайдиган асосдай туюлади. Лекин ҳикоя финалига етгач, бу тасвир ижтимоий характерга эгалиги аниқ бўлади. Яъни чол эътиқод қўйган, ишонган тузум қиёфаси эканлиги яққол намоён бўлади. Бу нарса ҳикоя сюжет чизиги тасвирида ўз тасдигини топади.

Воқеа баёнчиси чолнинг рассом эканлигини билгач, нималар чизганини, қандай сураглари машхурлигини суриштирганда, санъатдан хабардорлар йигирманчи йиллардаги ижоди яхши эканлигини айтишган эди. Шундан у овқат олиб кирганда, расмларини кўришга рухсат сўрайди. У лоқайдлик билан айвонга ишора қиласди. “Айвон узун бўлиб, суратлар чизилган йилларига қараб, кўргазмага кўйилгандек териб кўйилган, тўғрироғи, бор-йўғи қирқقا яқин сурат ва эскизлар “1957”, “1947”, “1928”, “1926” ва ҳоказо тартибда териб кўйилганди...” 1921 йил санаси ёзиб кўйилган расмда қуюқ ўрмондан маймунни етаклаб чиқаётган барваста йигит тасвирланган эди. “Йигитнинг кўзлари тийрак ва ишонч билан порлаб турар, маймуннинг бўйнига солинган кишан тараанг тортилган эди” (123-бет). Бошка суратларда қора рангнинг мўллиги мавҳумлик касб этиши билан бирга, бутун ҳаётни зулмат ўраб олгандай киши қалбини қандайдир ноҳушлик чулгаб оларди. Суратдан суратга ўтган сари бу рангнинг оргиб бориши кишини ўйлантириб қўяди. Мушоҳадага бериласиз, натижада саналар бежиз қўйилмаганлигини, улар замираida каттағоя ётишини киши англай бошлайди. Яъни саналар кўйилган даврдаги талатўмлар, “душман излашлар”, қатағонлик, қадрсизлик, адолатсизликларни ёдга солади. Онг оқими миянинг пучмоқларига тарқалган сари расмлар моҳияти ойдинла-

ша бошлайди, уларда чол ҳаётининг ўз ифодасини топганлиги, у орқали халқнинг фожиаси нақшланганлиги англашилади. Ва расмдаги рамзлар пардаси кўтарилигандаи бўлади. Нигоҳ маймун етаклаган одам расмига қадалади, унда нима ифодаланган, нима дейилмоқчилигини билиш учун мияни чатнаш даражасида фикрлашга мажбур этади. Натижада топгандай бўламиз. Маймун бу табиат, йигит эса жамият тимсоли. Мъълумки, кўп йиллар давомида табиатни бўйсундирамиз, ўз измимизга соламиз, деб унга зугум қилдик. Бу олиб борилган валюнтаристик сиёsat оқибатида фақат табиат эмас, унинг бир бўлраги бўлган инсоният ҳам жабр тортди. Чолнинг қисмати, фожиасида шу нарса ўз ифодасини топган. Аста-секин чолнинг дарғазаблиги, ҳаётдан норозилиги сабаби аниқ бўлади. Бу ўзи меҳр қўйган, келажагим, тақдирим шунинг қўлида деб билган жамиятнинг моҳиятини англаганидан. Бу нарса қуйидаги сухбатдан аниқ бўлади. Ижарачи йигит билан ўзаро сухбат кетади, яхшилик ва ёмонлик ҳақида баҳслашади. Чол бу ўринда жуда фалсафий, мантиқли фикр юритади. Эътиқод масаласига келганда, у шундай жавоб беради:

Эътиқод!-деди у ғуссали оҳангда,- агар бир умр эътиқод қўйиб яшасангу, бир куни эътиқод қўйган нарсангиз пуч, ёлғон ва пуфлаб шиширилган шардай омонат, сиз эзгулик деб синган нарсалар, асли, разолат эканини англаб қолсангиз, бундай демасдингиз; ана шунда умрингиз ёмонлик билан яхшиликнинг фарқи қолмаган, худди йўлдан чиқиб кетган шулдур-шулдур, бўм-бўш аравага айланарди” (128-бет). Бу тоталитар тузум киёфасидир. ўз жамияти тараққиёти учун жон куйдирганларнинг қадрига етмаган жамият, албаита, та-наззулга учрайди. Шундай ҳам бўлди. Бу нарсани сўнгги расмида ифодалаган. Суратда худди биринчи расмдаги ўрмон акс эттирилган. Факат бу суратда маймун умидсиз, кўзларига ғам чўккан, юз-кўзидан ҳаётдан нишона қолмаган, мункайган чолни ўрмон сари етаклаб кетарди” (131-бет). Бунда иккита фалсафий ҳақиқат ўз мужассамини топган. Биринчиси, табиат устидан ҳукмронлик қиласман деган жамиятнинг ўзи унинг етовига тушиб қолганини кўрсатса, иккинчиси, диалектик қонуниятга қарши борган жамият-тузумнинг маглубияти фожиасидир. Демак, ҳикоя ўзи босиб ўтган йўллари, шунингдек, ўзи яшаётган жамият одамлари қисмати ҳақида мулоҳаза юритишига даъват этади.

Маълумки, модерн адабиётининг муҳим хусусияти, муаллиф асари орқали айтмоқчи бўлган фикрини, илгари сурмоқчи бўлган ғоясини рамзларга юклайди. Сабаб ва муаммо асар қаҳрамонига қанчалик жумбоқ, бошқотирма бўлса, китобхонга ҳам шундай бўлади. Натижада китобхон билан қаҳрамон бирдай ўйга, мулоҳазага берилади. Онг мия асаб толаларидан оқиб, ҳар бир пучмоқига боради. Лекин муаммо ечими топилмайди. китобхон энди ҳар бир жумлани, тасвирни синчиклаб, мушоҳада қилиб ўқий бошлайди. Ва, ниҳоят, асар финалга келгач, ечимни топгандай бўлади. Ҳа, топгандай! Чунки у ўтмиш ҳақидаги ўзбек ҳикоялари каби битта гоя билан чекланмайди. У кўп фикрли ва кўп қатламийдир. Бу фикрга “Тобут” ҳикояси яққол мисол бўлади.

Ҳикоя учинчи шахс тилидан олиб борилади. Уни сабаби ноаниқ, ўлим кўпайган шаҳарга кетаётган текширув гурухига қўшиб қўйишади. У бу ҳолатдан ўзи ҳайрон “... меъморчиликнинг ўлатга қандай алоқаси бор (бизга ҳали сири аниқланмаган ўлат деб тушунтиришди), тўғриси, хозиргacha ақлим етмайди”,-дейди. Қаҳрамондек, китобхон ўзига савол беради. Шаҳарга етиб келгач, у ерда аввал ҳаёт яхши бўлганини, ўлим беш ойча бурун бошланганини, кун сайин кўпайганини, врачлар ҳеч қандай хulosага келишмаганини, чунки юқумли касалликдан дарак берадиган бирон аломат тошиша олмаганлигини айтишади. Яна жумбоқ. Шаҳардан эса бадбўй хид келарди. Шаҳарга келганилар ўлатни худди мана шу уфунотдан излаш керак, дейишганда шаҳар бошлиғи “... хид шаҳар курилгандан бери бор. ўлим эса беш ой олдин пайдо бўлди”,- дейди.

Ўлимнинг сабабини келган текширув гурухи ҳам топа олмади. Профессорнинг ҳафсаласи пир бўлиб, лоқайдлашиб қолди. Энди у баҳсларга қўшилмас эди. Бир куни кимёгар ҳикоя қаҳрамонига профессор сизга мана бу нарсани бериб юборди, кеча бир телба ўлган экан, ўшанинг чўнтағидан чиқибди”,- деб сарғайиб кетган ҳарита нусха қоғоз чиқариб узатди. Телба шаҳар лойиҳасини гузган меъмор эди. У шошиб қоғозни очди. Аввалига ҳеч нарса тушуимади. Уч-тўрт марта айлантириб, синчиклаб қарагач, хайрат ва даҳшатдан нафаси ичига тушиб кетди. Чунки у ўлатнинг туб сабабини англаган эди. Чизма шу шаҳарнинг лойиҳаси бўлиб, шаҳар тобут шаклида қурилган эди. Бу лойиҳада яққол кўриниб турарди. Де-

мак, шаҳар аҳолисининг ҳаммаси тобут ичида яшашган, жумладап, текширувга келган одамлар ҳам унинг ичида кезишган.

Хўш, ёзувчи нима демокчи?! Агар ҳар бир жумлалар заминида яширинган рамзларга эътибор берилса, ёзувчи нияти ойдинлашади.

Шаҳар лойиҳасини чизган меъмор шундай дейди: “Дунёда энг улкан ва одамзод ҳали хаёлига келтирмаган шаҳар қурамиз”, -деб хитоб қиласарди. Бу коммунизм қуриш ғоясини эслагмайдими? Айнаи ўзи. Бу совет тузумининг бирдан бир ғояси эди. Унга интилган сари ёмонлаша бошлади. Кейинчалик эса бутун дунёда социализм қуриш ҳаракати бошлианди. Бунинг натижаси аянчли бўлди. Бу чиркин ғоя, чиркин фалсафа эди. Демак, шаҳардан келаётган бадбўй хид бу тоталитар тузум сиёсати, мафкурасидир. Чукур ўйланмаган, диалектик қонунига асосланмай қурилган, валюнтаристик сиёсат олиб борилган тузумининг келажаги йўқдир. Бундай тузум ўзини ўзи емириб боради. Шундай ҳам бўлди. “Тобут” бу кечаги социалистик тузумдир.

“Тўзон” ҳикоясининг замиридаги ёзувчи китобхонга етказмоқчи бўлган фикрни англаб олиш қийин.

Ҳикоя шундай бошланади: “Яқинда бир танишим бир тўда қўлэзма кўтариб, ” Шу қўлэзмаларни бир кўздан кечирсангиз. Муаллиф икки ой бурун қазо қилди. Жуда ёш эди, тўйлам қилишга ҳам улгурмаган экан. Нимадан ўлганини ҳам аниqlашганча йўқ” (132-бет).

У икки ойдан сўнг қўлэзмани ўқий бошлайди. Олдин ҳам марҳумни икки-учта ҳикоясини ўқиганини эслайди. Бу эслаш марҳум хусусида таассурот уйготади. У ҳақида шундай дейди: “Муаллиф тушкунилик, умидсизлик, иккиланиш, журъатсиз, хижолат, хавотир ва мавхумликлар аро ўзига шундай йўл очиб олганники, уни энди бу йўлдан суриб чиқариш мумкин эмасдай бўлиб туолганди менга ” (132-бет). Қўлэзма ҳақида ҳам жуда кўтаринки фикр билдиради, яъни “мажозлари, манзаралари ва рамзлари менинг қўнглимни лопиллаб ёритиб юборган”, -дейди. Бу рамзлар куйидагилардир: “... қўчаларда ўлжа излаб, увиллаб юрган ўлим, қабрлари очилиб ётган мозористон, охирни жарлик билан тугайдиган йўл, қайгадир шошиб кетишаётган бошсиз одамлар, кўзлари чинча кўр боболари изидан ок қасрни излаб боришаётган болалар, факат қўзичоқ тугадиган аёл, эгасиз ва қаровсиз дайдиб юрган отлар, умр бўйи ҳеч ким

сотиб олмайдиган ҳанжар ясаб ўтирган уста, донишманднинг бошини коптот қилиб тепишаётган оломон ҳақида сўз борар ва улар одамнинг кўнглида аччиқ хўрсиниқ уйғотар эди” (133-бет). Кўриниб турибдики, ҳар бир жумла рамзийликка эга. Бунинг тагига етиш учун мушоҳада ва яқин ўтмишини кўз олдига келтирмоқ лозим. Кўчаларда ўлжа излаб, увиллаб юрган ўлим — бу кишини ўзлигидан маҳрум этган, маънавий ўлдирган тоталитар тузум сиёсати, мафкураси, “қабрлари очи-либ ётган мозор” – миллий урф-одат, диний эътиқоддан жудо-ликдан қалбнинг вайрон бўлиши. Жарлик билан тугайдиган йўл-тузумнинг олиб бораётган йўлининг ниҳояси таназзул. Қайгадир шошиб кетаётган бошсиз одамлар – фикрлашдан маҳрум, ўз фикрига эга бўлмаган омма, оқ қаср эса – адолат, нажот, фаровонлик рамзи. Унга мұяссар бўлишга боболар интилган эди. Энди янги авлод интиляпти. Маълумки, факат интилиш билан унга эришиб бўлмайди. Кўзичоқ туғадиган аёл – мутеълик руҳиятини юзага келтирган машина – жамият. Отлар эса шиҷоаткорлик рамзи, уларнинг дайдиб юриши, бу туйғунинг сўниши, яъни қанотнинг қайрилиши. Ҳанжар ясаётган уста ахволида эса – халқ амалий санъатига эътиборсизлик, уни сўндириш. Яроқсиз бир матоҳга айлантириш, миллатни қиёфасизлантириш, миллий қадриятларидан маҳрум қилишдир. Донишмандга бўлган муносабатда – маърифатсизлик ифодаси. Буни англаш кечаги тузумни бутун қиёфаси билан кўз олдига келтирмоқлиқдир.

Маълумки, инсонийликка зид бўлган иллатларнинг вужудга келишига факат жамият, тузум айбор эмас, балки инсонларнинг ўзи ҳам сабабчидир. Ҳикояда бу ҳақиқат рамзда эмас, ҳақиқий ҳаётий тасвирда ўз ифодасини топган. Қўлёзмада шундай ёзилади: “Бугун ёзувчи А. билан учрашув бўлди, зал одамга тўлиб кетди: “Ганикли ёзувчилар А.ни... устоз, деб мақтади... касаллигим учун бугун мени ишдан бўшатиши. Миямда ўзгариш бор экан”.

Қўлёзмада ўз даври учун дастуриламал бўлган китоб ҳақида ёзилади. У ҳақида шундай дейилади: “Китобда айтарли ҳеч воқеа йўқ, тил ҳам занглаган косов каби қуруқ, жозиба ва нафосатдан холи, дағдага ва ваҳм тўла манзаралар жой олган, кўримсиз, айтиш мумкинки, ғоятда дағаллик билан ёзилган зил-замбил жумлалардан иборат эди”.

Бу китоб ўша даврда барча билиши зарур бўлган, лекин шуурга шуур қўшиш ўрнига мияни ғалвирак қиласидиган “КПСС

тариҳи” ва “Илмий коммунизм” дарслеклари дир. Мазкур китобларни мияхўр деса ҳам бўлади. Чунки у онгдаги илмий фикрларни, илм базасини сиқиб чиқаради. Оқибатда мия фикрлаш ўрнига, унда тўзон ўйнайди. Бу тўзон кўп нарсани домига тортади. Ундан фикрловчи одамнинг омон қолиши душвор. Кўлёзма муаллифи ҳам қололмаган.

“Ўлик мавсум” ҳикояси, дастлаб, анъанавий усулда ёзилганда туюлади. Воқеалар аниқ ҳаётдагидек. Талабалар озгин, қилтириқ домласининг маърузаларини яхши кўришади. Унинг тингловчилар сафи кундан-кунга кўпайиб боради. Чунки бошқа факультетлардан домланинг маърузасини тинглагани талабалар келишади.

Домлага саволлар беришар, баҳслашарди. Талабалар ҳар сафар домланинг мантиқий жавобларига тан беришарди. Шундан у талабалар кўнглидан шунчалик жой оладики, унга бағишлаб шеърлар ёзишади. Ёзги таътилда қаҳвахонадаги йигинга устозни таклиф қилиб, у билан яқиндан танишиб олиш гояси туғилади. Унинг уйини ҳеч ким билмасди. Ходимлар бўлимидан манзилини зўрга аниқлаб, у ерга борганда, қабристон тепасидаги рақам устоз уйи кўрсатилган рақам бўлиб чиқади.

Демак, талабаларга ўлик устозлик қилган экан. Улар ўликка меҳр қўйишган. Шундай бўлиши мумкинми?! Сиртдан қараса, гайритабиий ҳол. Мушоҳада қилинса, ҳақиқатга яқинлигини сезамиз, ҳатто ҳақиқат дейишига асос бор. Биз билимни, маърифат ва маънавиятни фақат жисмоний тирик одамлардан олмаймиз. Агар шундай бўлганда, илмимиз кўлами торайиб қоларди. Бизга кенг миқёсда фикрлашга изн берадиган восита китоб ва тарихий маибалардир. Уларни ёзганлар эса аллақачон дунёдан ўтиб кетишган. Лекин уларнинг фикрлари ҳаёт ҳодисаларини идрок этишга, моҳиятини англашга дастуриламал бўлиб келяпти. Чунки тўғри фалсафий ҳақиқат ҳеч қачон ўлмайди. Шу маънода, улар бир қадар устозлик ролини ўташади. Ёзувчи ҳикояда шу ҳақиқатни назарда тутиб, “Ўлик устозлик қилибди”, – деганда бир қадар ҳақ. Ҳақиқатан ҳам, қатағонга учраганлар: Беҳбудий, Фитраг, Сотти Ҳусайн, Отаён Ҳошим, Вадуд Маҳмуд ва бошқаларнинг илмий-тадқиқот ишлари бугунги кунда ҳақиқатни англашда кўл келяпти, яъни устозлик ролини ўтаяпти. Ёзувчи шуларни назарда тутгани эҳтимолдан ҳоли эмас.

“Огриқ лаззати” ҳикояси полифоник хусусиятга эга. Унинг леймотивини битта фикр ёки ғоя билан изоҳлаб бўлмайди. Ҳикоянинг қисқа сюжети шундай. Устилари увада-чувада, таналари яра-чақа маҳкумлар ҳар қандай қийноққа солинмасин, гинг дейишмайди, қайтага юзида ним табассум пайдо бўлади.

Мазкур ҳикояга икки томонлама, яъни дунёвий ва нақлий тафаккур жиҳатдан ёндашиш лозим. Дунёвий илм жиҳатдан ёндашганда қийноққа солинган маҳкумлар тимсолида ҳаётда, жамиятда рўй берәётган воқеа-ҳодисалар моҳиятини тे-ран идрок этишга қодир шахсларнинг изтироби инкишоф қилинган, деган хуносага келиш мумкин. Маълумки, жисмоний оғриқ тузалади. Руҳий изтироб эса абадий, айниқса, тоталитар жамиятда оғир кечади. Маҳкумларнинг қийноқларга қарамай, табассум қилиши эса икки марта қатагонлик (ҳатто уч марта дейиш мумкин)ни бошидан кечирган зиёлиларнинг ахволи ва қиёфасига ишорадир. Шунингдек, уларнинг қандай азобларга дучор бўлганликларининг ёрқин манзараси ҳамdir.

Нақлий жиҳатдан эса ёруғ дунё азобларига бардош беришлик Аллоҳнинг синовидан ўтиб, охират саодатига эришмоқлиkdir. Синовларга бардош беришлик, руҳий покланған одамнинг бокий дунёдаги макони жаннатдир. Гулларга кўмилиши шунга ишорадир. Ҳикоя мана шундай дунёвий ва илоҳий ҳақиқатни англатиши билан аҳамиятлидир.

Саломат Вафо ҳикояларида ҳам модерн йўналишига мойиллик кучли. Унинг ҳикоялари руҳият тасвирининг қуюқлиги, аёллар олами, қисмати, тақдири таъсирчан ёритилгани, шунингдек, фикр ва ғояда ислом фалсафасига суюнганлиги билан ажralиб туради. “Қора бева” шу тамойилдаги ҳикоядир. Маълумки, кишининг оиласи бахти, ундан мамнунлик, унинг умумҳаётй бахтини, жамиятда қозонадиган мавқенини ҳам белгилайди. Чунки бундай одамнинг кўнгли кўтаринки, руҳий тетик бўлади. Ёлғизликка маҳкум кишининг эса кўнгли доим синик, руҳияти эса маҳзундир. Бундай кайфиятдаги одамнинг ишонч туйғуси сўниқ бўлади, келажагига кўп ҳам умид қилмайди. Бундай руҳдаги одам мавқе поғоналаридан кўтарилиш ўрнига, тобора пастлашиб боради. Унинг оқибати эса ҳам маънавий, ҳам жисмоний таназзулдир. Ҳикояда бу фалсафий ва ҳаётий ҳақиқат кўшиқчи аёлнинг руҳий кечинмалари тасвирида инкишоф этилган.

Ҳикоя шундай якун топади: “Бека ҳаво етишмаётгандай атрофга аланглади, кўллари билан пайпаслади... япасқи шиша илашиб чиқди, атири шишасини бор кучи билан кўзгуга отди... кўзгу ҳам тақдирга тан бергандай “чил-чил” бўлди. Сукунат, хотир, кулгу ва хансироқ майдаланиб кетди. Айвоннинг оқариб қолган деразаси қора мазутдай ялтираётган шиша зириллаб, қайдадир хўрот қичқирди, қайдадир баланд пардада палағда кўшиқ янгради. Акация инграётгандай сонсиз бармоқларини илтижо ва ўкинч билан дераза томонга чўзди” (173-бет)¹.

Бу ҳолат тасвири кўп рамзларга эга. Кўзгу – бу аёлнинг ўтмиш ҳаётининг рамзи. Унинг синдирилиши – ўтмиши билан хайрлашишига ишора. Палағда кўшиқ айтиётган кимса эса фаррош аёл. У ҳаётда катта мавқега эга бўлмаса-да, турмуш тарзидан мамнун. Кўшиқ айтиши кўрсатади. Акация дарахти эса ёлгизликни ифодалайди. У бека деразаси қаршисида ёлғиз ўсади. Унинг ҳаёти ва изтиробларидан хабардор. Ўзи ёлғиз ўсгани учун ёлғизлик оламини теран ҳис қиласи. Бармоқларини илтижо ва ўкинч билан чўзишининг боиси шундан. Ҳикоянинг “Қора бева” дейилиши беванинг қисмати ва ҳаётининг зулматда кечганига ишорадир.

Куръони каримнинг “Зумар” сурасини 53-оятида шундай дейилади: “Эй, Мұхаммад, турли гуноҳ-марсиялар қилиш билан менинг ўз жонларига жиноят қилган бандаларимга айтинг: “Оллоҳнинг раҳмат-марҳаматидан ноумид бўлмангиз! Албатта, Оллоҳ (ўзи хоҳлаган бандаларининг) барча гуноҳларини мағфират қилур. Албатта, Унинг ўзигагина мағфиратли, меҳрибондир”. Яна бир ўринда эса, “Зулм йўлини тутган кимсаларга берилиб кетманглар (эргашманглар) акс ҳолда сизларга дўзах ўти ётар... Албатта, яхши амаллар ёмонлик-гуноҳларни кетказур” (“Худ” сураси, 113-114-оятлар), дейилган.

Саломат Вафонинг “Қайтиш” ҳикояси исломий фалсафага суюниб ёзилган. Ҳикоя сюжети шундай. Бир оила – икки қиз, ота тонгда тоққа чиқишиб, на манзилга етади, на ўз маконини топа олади. Ҳикоя воқеасида исми айтилмаган кимса шундай дейди: “Эрталабдан отам, синглим ва мен икки-уч маротаба талашиб, уришиб олган эдик”. Бу гап уларнинг саргардон-лигининг сабабини очиб беради. Улар миллатимизнинг умуминсоний ахлоқига зид йўл тутишган. Ҳикоя фақат мазкур

¹ Саломат Вафо. Тилсим салтанати. – Т.: Шарқ, 2004 йил. Бундан кейинги мисоллар ҳам шу нашрдан олинади ва факат бети кўрсатилади.

оиланинг ҳаёти билан чекланиб қолмайди. Унинг воситасида бошқа одамлар қисматига тўхталади. Оқибатда ҳикояга юклатилган фикр тоши ортиб боради.

Улар қабрларга дуч келади. Ота тиловат туширади. Бу ҳақда ҳар ким ҳар қанақа фикрлар айтади. Аслида эса, улар ёмонликка ёмонлик билан курашган одамлар қисматидир. Ҳикоя сўнгида оила ўз йўлини топиб, маконига етиб келишади. Сабаби улар қўрқинчли ҳодисалар олдида довдираб, ўзлигини йўқотиб қўйишмади, баъзи одамлар қисматидан таъсирланиб, ўзларига зулм қилмадилар. Балки Аллоҳнинг раҳматидан ноумид бўлишмади. Шундан яратган уларга мағфират кўрсатди. Ёзувчининг ҳикоя воқеасидан келтириб чиқарадиган хуросаси шудир. Бу миллий маънавият ва нақлий билим нуқтаи назаридан ёндашганда тўғридир.

Лекин Салома Бафонинг ҳикояларини Назар Эшонкул ҳикояларига тенглаштира олмаймиз. Чунки рамзларда берилган масала барча ўринларда ҳам ҳикоянинг умум сюжетига сингишиб кетмаган, шунингдек, улар теран ижтимоийликка эга бўлмагани учун фикрлашга даъват этадиган кенг кўламга ҳам эга эмас. Шундан китобхон фикрини бир нуқтага жалб қилиши қийин кечади, ечим эса осон. Бундан кўриняптики, ёзувчи модерн йўналиш тамойилларини ўзлаштириш учун анча меҳнат қилиши лозимдир.

Текшириши саволлари:

1. Модерн руҳидаги ҳикояларнинг юзага келишида қандай омиллар роль ййнаган?
2. Модерн руҳидаги ҳикоялар қандай хусусиятга эга?
3. Тоталитар тузумда модерн руҳидаги асарларнинг кенг қулоч ёзмаганлигига асосий сабаб нима?
4. “Маймун етаклаган одам” ҳикоясида давр қандай ўз ифодасини топган?
5. “Тобут” ҳикояси қандай рамзларга эга?
6. “Тўзон”, “Ўлик мавсум” ҳикоялари қандай моҳиятга эга?
7. “Оғриқ лаззати”, “Қора бева”, “Қайтиш” ҳикояларида қандай гоя илгари сурилган?

Таяниш тушунчалар

Тоталитар – зўравонлик билан характерланадиган, демократик озодлик ва шахс эркинлигиги бостиришига қаратилган тузум, режим.

Моҳият – туб, энг муҳим маъно, ички мазмун, магиз.

Оқим – маълум бир йўналиш жараёни; ижтимоий фаолият, илм-фан, назария соҳасидаги йўналиш, қараиш.

IV БОБ. ҲОЗИРГИ ЎЗБЕК ҚИССАЧИЛИГИНинг ҚИРРАЛАРИ

4. 1. Ижтимоий-инсоний иллатлар ифодаси

Режа:

1. Эркин Аъзамов қиссаларида ижтимоий ва инсоний иллатлар ифодаси.
2. Одамлар фаолиятини англамай уларга ҳавас қилишликнинг абсурдлиги.
3. “Шоирнинг тўйи” қиссасида рўё билан ҳақиқат тўқнашуви.
4. “Чапаклар ва чалпаклар мамлакати” қиссасида кечаги тузумимиз қиёфаси ифодаси.
5. “Тимсоҳнинг кўз ёшлари” қиссасининг гояси.
6. “Отчопар ёхуд ўн учинчи уй” қиссасида бозор иқтисоди ва одамлар қиёфаси.
7. Образларнинг хатти-ҳаракати аждодларимиз ахлоқи ва миллий қадриятларга зидлиги.
8. Қишлоқдаги ночор манзаралар одамларнинг феълига ярашалиги.
9. Табиат манзарасининг инсон табиатига таъсири.
10. “Шоҳона совға” қиссасидаги фожиа жамият фожиаси эканлиги.

Адабиёт:

- Адабий жанрлар ва турлар. I жилд. – Т.: Фан, 1991.
- Э. Аъзамов. Пакананинг ошиқ кўнгли. – Т.: Маънавият, 2001
- Абдуқаюм Йўлдош. Тимсоҳнинг кўз ёшлиари. – Т.: Янги аср авлоди, 2003.
- Шойим Бўтаев. Кўчада қолган овоз. – Т.: Маънавият, 2005.
- Ҳ. Каримов. Жанрми ёки услуб. – Т.: Фан, 1991.
- Ҳ. Каримов. Ҷавр ва инсон. – Т.: Фан, 1992.
- Ҳ. Каримов. Истиқлом даври насли. – Т.: Зарқалам, 2007.

Ф. Олим. Миллий сўз. – Т.: Ёзувчи, 1999.

И. Мирзаев. Насримиз бадиий олами. – Т.: “Faafur Fулом”
нашриёти, 1991.

Шарқ алломаларининг фикрига кўра, инсон аъмоли билан гўзал. Яхши аъмолнинг натижаси эса эзгуликдир. Киши эзгулик туфайли баҳт-саодатга эришади. Киши жисмонан камчиликдан эмас, ноинсоний хатти-ҳаракатидан ҳижолат тортмоғи керак. Қуръони каримнинг “Хужурот” сурасининг 13- оятида: “Биз сизларни бир эркак (Одам) ва бир аёл (Ҳаво) дан яратдик ҳамда бир-бирларингиз билан танишинглар (дўст-биродар бўлинглар) учун сизларни (турли-туман) ҳалқлар ва қабила-элатлар қилиб кўйдик. Албатта, сизларнинг Оллоҳ назидаги энг ҳурматлироғингиз – тақводорларингиздир”, – дейилади. Демак, барча инсон тенг. Эркин Аъзамовнинг “Пакананинг ошиқ кўнгли” (Тошкент: Маънавият, 2001) номли тўпламидаги шу номдаги қиссада ҳудди мана шу ҳақиқат Пакана тимсоли орқали инкишоф қилинади. Асар ғояси фақат шу билан чекланиб қолмайди, ёрдамчи образлар фаолиятида жамиятдаги қатор ижтимоий ва инсоний иллатлар очиб ташланади. Иллатларни бартараф қилмасликнинг натижаси эса фожия эканлигига кишини қатъий ишонтиради.

Маълумки, ақл ислом дини назарида энг шарафдир. У икки нақлий (диний) ва ақлий илмлар асосида юзага келади. Бир-бirisiz юзага келган ақл кемтиқдир. Пакананинг ақли шундай. Чунки у фақат ақлий (касбий) илмга эгадир. Уни ҳам бўлса чала ўзлаштирган. Шу туфайли унинг иймон, эътиқоди суст. Инсон маънавиятида илм ва амалиётнинг бирлиги катта аҳамиятга эга. Шундай бўлгандагина, киши амалиёти эзгуликка йўғилган бўлади. Қиссада бу ҳаётий ҳақиқат яхши очиб берилган. Пакана ўз касбий амалиётига қўл урганда одамлар иззатига муюссар бўлади, ҳеч ким уни камситмайди. Ҳатто ҳақиқий ижод намунасини, яъни “Орзу” аталмиш портрет яратганда бир бора машҳур ҳам бўлади, ижоди кўплаб журналларда босилади. У Леон амакига яқинлашиб, ўз аъмоли билан дардига малҳам бўлганда, унинг ёрдамида уйлижойли бўлади. Лекин кемтиқ аклга эга бўлган Пакана эзгу амалиёт самарасини ўз ҳаётида қўрган бўлса-да, бу хусусида кенг мушоҳада қилмайди. Ҳаётдаги омадсизлигини, паст бўйли одамга айланиб қолганийгининг сабабини ўз касбий

фаолиятсизлигидан, ижодий изланмаслиқдан эмас, жисмоний нуқсонидан, яъни паканалигидан кўриб, жуда юзаки фикрлайди. Демак, киши ҳаётда омадга эмас, билимга суюниши керак. Ана ўшандагина киши мақсадига эришади, ҳаётда ўз ўрнини топади, ўз қиёфасига эга бўлади. Пакана эса ундан қилмайди. У нарса-ҳодисанинг ботиний эмас, зоҳирий томонига эътибор беради. Оқибатда у фаолияти билан ҳақиқат устига кул сепади.

Адиб ўрни-ўрни билан кишини аксиомага рўпара қиласи. Пакана ўз аъмоллари орқали фаолиятлари жуда катта тарихга айланган шахсларни қайд қиласи. Яъни Наполеон, Нерон, Пушкин, Ганди, Сталинларни. Буларнинг бўйи паст бўлган, лекин шунга қарамай, машхурдирлар. Сабаби улар маълум бир эътиқодга эга бўлганлар ва ўз билимларини амалга оширишга йўналтиришган. Улар омадга эмас, ўз билими кучига ишонишган. Улар учун бўйнинг наст-баландлиги эмас, ақлзаковатнинг кучлилиги биринчи ўринда турган. Шундан улар ҳаётда ўрнини топишган. Пакана эса улар муваффақиятнинг сабабини омадда деб нотўғри фикрлайди. Уни отахон драматург, новча, келишган Нурали, Тўлиқжонлар ҳаётига ҳавас қилиши ҳам абсурдликdir.

“Шоирнинг тўйи” қиссасида айтилган фикрлар айни ҳақиқатдир. Биз унда рўё билан ҳақиқатнинг тўқнашувини кўрамиз. Шуниси ажабки, кечаги кунда ҳамиша риё галаба қилган. Риёкорларнинг ошиғи олчи бўлган. Асарда гарчи номи тилга олинмай, бажарган вазифаси, кимга кимнинг алоқадорлигини қайд килинган бўлса-да, китобхон уларнинг асл кимлигини аниқ сезади. Оташқалб шоирни ўзлари даф қилиб, бугун унинг юбилейида энг яқин қадрдонлари эканлиги хусусида гапираётганлари бари ёлғон эканлигини жуда яхши билишади. Лекин бир-бирини қувватлашади. Чунки уларнинг фаолияти риё асосига қурилган. Риё барибир ҳақиқатга дош бера олмайди. Оқсоқол домланинг сирли ўлими шундан далолатдир. Узок йиллардан сўнг ҳам ҳақиқатга рўпара бўлганда юраги чидаш беролмади. Демак, инсон ўз ҳаётини риёга эмас, ҳақиқат асосига курмоги лозим. Стендал: “Адабиёт – катта йўлга қўйилган кўзгу”, – дейди. “Чапаклар ва чалпаклар мамлакати” қиссасини ўқиган киши буни ёрқин ҳис қиласи. Чунки унда кечаги тузумимиз қиёфаси гўё кўзгуда акс этгандек ўз ифодасини топган. “Бирор-бир жамиятни тўғри тасвирламоқ

учун, аввало, унинг мохиятини, хусусиятини тушуммок керак. Бунга эса жамиятни тутиб турган барча қоидаларни яхши билиб олиш ва уни фалсафий равишда мулоҳаза қилишдан бошқа йўл билан эришиш мумкин эмас”, – дейди Белинский (Танланган асарлар. – Т., 1959, 385-бет). Қисса қаҳрамонлари Эркин ва Бахтиёрлар бу тузумнинг бутун сир-асорларидан хабардор. Уларнинг касби – журналист. Қаҳрамонларнинг бундай касбни танлаши бежиз эмас. Улар кузатувчан ва ҳар нарсанинг туб мохиятига етишга қизикувчан бўлишади. Бу ҳол адилнинг ўз мақсадини ёрқин ифодалашда қўл келган. Адид ўз фикрини оғзаки баён қилмайди, балки тасвир орқали кўрсатади. Асар қаҳрамонлари ўн кун Бўриёти мамлакатига бўлишади. Бу ерда социалистик тузум хукмрон. Ҳамма нарса мазкур тузумнинг афзаллигини англатишга, уни киши онгига сингдиришга қаратилган. Барча нарса чекланган. Хоҳлаган жойга бориш, истаган нарсани сўраш, эркин гапириш мумкин эмас. Мажаллий аҳоли мулоқотдан қочади. Агар бирор гап сўрасангиз, атрофга олазарак қараб, қалтирашиб жавоб беришади ва кўздан гойиб бўлишади. Барча нарса батартиб, лекин худди кўргазмага қўйилгандек ҳиссиз. Шунинг учун уларда илиқлик йўқ. Умуман, мамлакат рухиятида қандайдир бир совуқлик хукмрон. Мамлакат билан унинг раҳбарини ажратиб бўлмайди. Бутун бир мамлакат унинг даҳолигини кўрсатиш учун ишлайди.

Француз адаби Бернанос: “...Қаердаки одамларнинг қонуний ҳимояси йўқ экан, уларнинг хаёлига ёки ўлимiga давлат ҳукуки ҳимоячилари томонидан берилган, аслида, уларни бўлган имкониятларидан маҳрум этилган ҳар қандай тузумни мен террор деб атайман. Мен террор ҳокимияти деб шубҳа остига қолганлар ҳокимиятини биламан. Шундай қилиб, шубҳа остига қолганлар тузуми бу айғоқчиликка аосланган тузумдир” (Ж. Бернанос. Сохранят достоинства. – М., 1988. С. 298). Эркин Аъзам тасвирлаган тузум шундай тузумдир. У кечагина яшаган тузумимиз ифодасидир. У тузумнинг мохиятини очиб беришлик бугунги ҳаётнинг қадрига етишга ундейди. Қиссанинг аҳамияти – худди ана шунда.

Инсоният олами ҳамиша икки нарсага – маданият ва маънавият мукаммаллигига талпинади. Негаки маданият фарогатли турмушни юзага келтирса, маънавият инсон комиллигини таъминлайди. Лекин бу нарса ўз-ўзидан юзага келмайди. У

инсон фаолиятига боғлиқ. Инсонни англаш ҳаётни англаш, унинг барча жабҳа ва пучмоқларининг қаърига кирмоқ демакдир. Негаки инсоннинг аъмолисиз ҳаёт — жамиятда (табиатда эмас) ҳеч нарса содир бўлмайди. Бугунги адабиётнинг замирида худди шу ҳақиқат ётади. Абдуқаюм Йўлдошнинг “Тимсоҳнинг кўз ёшлари” (“Янги аср авлоди” нашриёти, 2003) номли қиссаси бунга яққол мисолдир.

Абдуқаюм Йўлдошнинг қиссалари асосида одамлар қисмати — уларнинг қувонч-дардлари, алам ва фожиалари, ҳаётга қараши туради. Қаҳрамонлари ҳам олдинги асарлар қаҳрамонларидан фарқ қиласди. Уларни ҳаётдагидек яхши ва ёмонга ажратиш қийин. Одамнинг сирли олам эканлиги ҳам шундан.

“Тимсоҳнинг кўз ёшлари” қиссаси қаҳрамонларининг барчasi зиёлилар. Ҳаёт ҳақиқатидан маълумки, мазкур қатламнинг соғлом фикрлаши,adolat учун кураши жамиятнинг халқ манфаатига қаратилган тўғри йўналишини белгилайди. Агар уларнинг ҳаётга қараши, уни идрок этиши ҳақиқатдан йироқ, шахсий манфаатга қаратилган бўлса, ҳаёт — жамият олға силжиш ўрнига, тобора таназзулга юз тутиб боради. Қисса қаҳрамонлари — мана шу иккинчи тоифага мансуб шахслар. Ёзувчи бу ҳақда гапирмайди, деталларда ва тутган ишида кўрсатади.

Белинский ўзининг машҳур “М. Ю. Лермонтов шеърлари” мақоласида қуидаги фикрларни билдирганди: “Нимаки мазмунда бўлса, шаклда ўз ифодасини топади. Мана бу одам-нинг мудроқ, тунд кўзларига, бўртиб тўйиб олгандан ҳарсиллаб қолган, бақ-бақалоқ лаванг турқига назар ташланг. Нақадар ҳайвоний қиёфа! Энди мана бунисига разм солинг. Бу озгин, рангпар кишининг кўзларидан ўт қандай чақнайди. У нақадар ҳаракатчан, унинг овозида қанчалик эҳтирос бор! Биринчиси – ўлик, иккинчисида эса ҳаёт яшнайди, тўғри эмасми?!”. Бу фикр худди Абдуқаюм Йўлдошнинг қаҳрамонларига нисбатан айтилгандек. Унинг қаҳрамонларидан бири Саломат опа худди биринчи тоифадаги шахсга ўхшайди. ўзини старши корректор деб атайдиган бу опанинг овқат ейишу тушларнинг таъбирини ўқишдан бошқа машқи йўқ. Шу кичик ишидан ҳам таъмагирлик қиласди.

Саломат опа билан бир хонада Муниса исмли қиз ўтиради. Унинг жисмида ҳаёт яшнайди. У шеър ёзади. Баъзи бирлари

газета-журналларда чиққан. Ўзи – аллақайси тупканинг ту-
бидаги жойдан. Оиласи ночор. Оилада уч қиз. Йккита опаси
турмушга чиқиб кетган. Ота – пенсияда. Она инсульт бўлган.
Шундан топганини уйига жўнатади, гоҳ ўзи оборади. Ёши –
йигирма олтида. Она шу қизга: “Тушида тимсоҳ кўриб чиққан
қиз шу куниёқ ўзининг шахзодасини учратади”, – деб миасига
куяди. Бу синовлардан ўтавериб-ўтавериб, “қонунга айланаб
қолган” сўзини кўшиб қўйиб ишончини орттиради. ўзим шун-
дай бўлганман, деб уни ҳақиқатга айлантиради. Маълумки,
хар бир қиз бу даврда оилавий орзуда юриши табиий ҳол. Му-
ниса ҳам бундан мустасно эмас. Опанинг ишонч билан айтган
сўзига ишона боради. Бора-бора эътиқодга айланади. Ҳаётий
заминга эга бўлмаган эътиқод эса фикрни сўндиради, чун-
ки фанатизмга айланади. Мунисада ҳам шу ҳол рўй беради.
Шундай бўлишга муҳит таъсир қиласи. Ҳар кун туш кўришини
орзу қиласи. Саломат опа бўлса қандай ҳолда ухласа, у нар-
са содир бўлишини ўргатади. Бу ҳодиса ахири рўй беради,
яъни Муниса тимсоҳни туш кўради. Уни эшикдан яшнаб ки-
риб келганидан, ҳафтафаҳмроқ Саломат опа ҳам англайди.
Шахзоданинг кириб келишини ҳаяжон билан кутишади. Бир
маҳал эшик тақиллади. Улар сергак тортишади. Опанинг
жиддий “Марҳамат” деганидан сўнг, остоноада бир йигит пай-
до бўлади. Маълумки, соғлом фикрдан холи, ҳаётий мантиқка
асосланмаган тасаввурнинг самараси ҳам рўё бўлади. Бу йигит
ҳам одам кўринишидаги маҳлук эди.

Унинг кимлигини бу хонада ўтирган, олий маълумотли
журналист (асарда номи айтилмаган, кисса воеаси унинг ти-
лидан ҳикоя қилинади) билади, лекин айтмайди. Чуки тили
қисиқ. Жиянларининг олдида ўз дўстини танимайман, деб
ёлгон гапирган. Келган йигит қаллоб эди. У ўзининг участ-
кавой ёрдамчиси эканлигини айтиб, шартномасиз квартира-
да туриш масаласини текшираётганлигини, шу ерда ишлаёт-
ган қиз ҳам шунака эканлигини айтиб, Муниса фамилиясини
тилга олади. Қиз болалар турган уйга бостириб боришни эп
кўрмаганлигини ҳам қўшиб қўяди. Саломат опа ва Муниса
унинг гапларига чинпа-чин ишонишади. Саломат опа Мунис-
сани таништиргач, у битта тушунтириш хати ёзib беришини
айтганда, опа ялтоқланиб, ундан қилмасликни, якшанба куни
Мунисахонларникига боришини, ўша ерда бафуржа гапла-
шишни айтади. Қаллобга шу керак эди. У мақсадга эришади.

“Посбон” ўша ўтиришдан кейин, кўп ўтмай, бир ўртогим туғилган кунини дачада ўтказяпти, деб Мунисахонни токқа етаклайди, ақлига куя тушган Саломат опа буни қўллаб-қувватлайди, виждони мудроқ журналист оқибати нима бўлишига ақли етган ҳолда индамайди. Бу таклиф нима билан тугаганини ёзувчи Муниса аҳволининг тасвирида англатади.

Муниса кундан-кунга сўлиб боради. Аввалги тийрак, ҳаётга завқли қарайдиган кўзларидаги ёлқин сўнади. Иисон ўзининг қилган хатосидан қаттиқ ўкинса, изтиробга тушса, бошидан кечеётган азоблар, таҳқирлар ҳакида бировга айта олмаса, бирор мададкори бўлмаса, ҳамма нарсадан кўнгли қолади, безади. Оқибатда фикрлаш қобилиятини йўқотади, бўйсунувчан, мутеъ бир кимсага айланади. Муниса шу ҳолга тушади. “Посбонбой”нинг тазиики билан тўрт ойлик ҳомиласини олдиради. Бу нарса оғир кечади. Мазкур изтироблар изсиз кечмади. Натижада руҳий касалхонага тушади. Унинг ўрнига бошқа қиз – Мунира келади. Саломат опа яна туш ҳакида гапиради, журналист эса ичида эътиroz билдиради. Аянчли хотима...

Хўш, нимага қисса “Тимсоҳнинг кўз ёшлари” деб аталади? Журналист Мунисанинг руҳий беморлар касалхонасига борганди, у шундай дейди: “ўшанда... ўшанда тимсоҳ... йифлаётганди... Мени еб кўйиб йифлаётганди”. Тимсоҳ – бу Саломат опа, “Посбонбой”, журналист. Лекин улар қилмишидан ўкинишмайди, яъни кўз ёш тўкишмайди. Демак, бундай кимсалар тимсоҳдан ҳам баттардир. Шундай одамларни кишиларнинг кўз олдига рўпара қилиш билан инсониятни огоҳлантиради, бундайларга нисбатан пафрат уйготади. Бу ҳол, ўз навбатида, инсонларни ёмонликдан қайтаради. Қиссанинг аҳамияти шундадир.

Куръони каримнинг “Оли имрон” сурасида: “Эй, мўминлар, ўзларингни қўйиб, мунофиқларни сирдош, дўст тутманглар! Улар сизларга зарар етказишда ўз кучларини аямайдилар ва ёмон ҳолга тушишингизни орзу қиласидилар. Уларнинг сизларни ёмон қўришлари оғизларидан ошкор бўлади. Диляридаги адоватлари эса янада каттадир (118-оят)... Ҳой (мўминлар), сизлар уларни яхши кўрасизлар-у, улар сизларни сўймайдилар... ўзлари холи қолишганда эса, сизларни қаттиқ ёмон қўрганлари сабабли бармоқларини тишлайдилар” (119-оят), – дейилади. “Отчопар ёхуд ўн учинчи уй” қиссанини ўқиган киши бунинг ҳақиқат эканига иймон келтиради. Адиб уни шунчаки баён

қилмайди, балки бугунги кун одамлари турмушида, уларнинг ахлоқий фаолиятида, зоҳирий ва ботиний оламининг теран хаётий тасвирида кўрсатади. Тўғрироғи, бугунги кунда барчага таниш манзара – кўп қаватли уйлардаги бекорчи аёллар оламининг инкишофида очиб беради.

Бош қаҳрамон Нозима дастлаб киши қалбига унча ўтиришмайди. Ҳатто унга бир қадар адоват билан қаралади. Чунки унинг юриш-туриши, ўзини тутиши анча эркин бўлиб, сал беибороқ. Касби ҳам ўзига нисбатан ҳурмат уйғотмайди. У – тижоратчи. Отчопарда ўзининг растаси бор, ўн учинчи уйининг тўққизинчи қаватида эри Самад билан ижарада туради. Хуллас, 13-уйнинг бекорчи хотинларига юмуш топилади. Уларнинг кунлари Нозимани кузатиш-ўрганиш билан ўта бошлияди. Ҳаётига соя ташлайдиган бирор нарса топишса, уларнинг зимистон кўнгли яйраб кетади. Айникса, Осиё опа хурсандлигининг чеки бўлмайди. Ютуғидан эса қора кўнгилларни янада қораяди. Адіб бу холатни ҳам жуда асосли кўрсатади. Нозима уйга гилам олганда, шу баҳона кўшини хотинларни уйига чақиради. Бу борада ёзувчи шундай ёзади: “... янги сотиб олингган бельгия гилами шарафига берилган кичкина зиёфат маҳали номига тишининг оқини кўрсатиб ўтирган Осиё опа кўй гўштига қилинган бир коса қайнатма шўрвага қўшиб бир ликопча пўсти арчилган помидорни гўёки бехосдан столдан ағдариб юбориб, янги гиламни расво қиласкан, ўҳшатиб аламини ололгани боис, ҳатто оёғи куйиб қолганини ҳам сезмайдиган даражада роҳат-фарогат оғушига фарқ бўлди”.

Бу аёлларнинг, айникса, Осиё опанинг беҳаёлиги шундаки, Нозима яхшилик қилгани сари уларнинг алами ошиб боради. Нозиманинг уйига Флора исмли дугонаси келади. Нозима бор сармоясини Ҳиндистондан мол олиб келиши учун мана шу дугонасининг қўлига тутқазади. Лекин Чимкентдан учган самолётнинг Ҳиндистонга қўниш пайтида портлаб кетганлигини Москвадан кўрсатади.

Қиссани ўқиган сари китобхонининг Нозимага нисбатан қарashi ўзгариб боради. Унга нисбатан меҳри товланса, давра аёлларига нисбатан нафрати орта боради. Бунга сабаб Нозимадаги инсоний аъмоллардир. У беш минг долларнинг куйиб кетганидан кўра, Флоранинг фожиали ўлимига ачинади. Флорага берилган пулларнинг ҳаммаси ўзиники эмасди. Таниш тижоратчилардан фоиз ҳисобига қарз кўтарганди. Улар

сўраб кела бошлайди. Нозима ўзини қўлга олади. Негаки оҳ-воҳ қилиш билан ҳеч нарсага эришиб бўлмаслигини шуури ила англаб етади. У ўзини анча олдириб кўйганди. Бир куни ўрнидан дадил турди-да: “Ишлаймиз, Самаджон ака, ишлаймиз. Қарзниям қайтарамиз... Бечора Флоранинг уйигаям ёрдам бериб турамиз”, – деди. Шундан кейин ишга киришиб кетди. Нозима фаолияти орқали тижоратчилар олами, бозор иқтисоди асрорлари билан танишиб борамиз. Улар фаолияти ҳақида кенгроқ тасаввурга эга бўламиз. Ва уларниң бошқалардан дуруст яшаши ўз-ўзидан бўлмаслиги, жисми, асабларининг ҳам ниҳоятда зўриқиши эвазига эканлигига икror бўламиз.

Нозима каттароқ даромад қилиш учун бир ой ичида ўн фоиз кўшиб қайтариш шарти билан уч минг доллар қарз кўтариб, дугоналари қуршовида Алматига йўл олди. Лекин арzonгаровга олинган сарёғ ва қуюлтирилган сут қадоқланган яшикларда кўрсатилган ишлаб чиқариш муддатининг сохталиги божхонада аниқ бўлиб қолади. Шунингдек, “Лайли-Мажнун” деб аталган сигареталарининг акциз маркалари ҳам сохта экан. Божхона жами маҳсулотларни мусодара қиласди. Оқибатда Нозима тўлиқ банкрот бўлади. Бунинг устига, кўшнилар ҳам олган қарzlарини беришмайди.

Нозиманинг аҳволи танг бўлиб, бошқа иложи қолмагач, ўзи жини суймаган, кўпдан бери суқланиб кўзини узмайдиган мўндидаи қора Кўзибойдан минг андиша билан қарз сўрашга мажбур бўлади. Бундан оғзи қулогига етиб, тамом бошқа хаёлга бориб, Нозиманинг қарз устига кўйиладиган фоизни назарда тутиб, “Ойига қанча?” – деганига шундай жавоб беради: “Биз ҳар куни ўн марта дессангиз ҳам, тайёрмиз, акаси жонидан, аммо ўзингизга қаранг. Ҳафтасига икки мартадан камига кўнадиган аҳмоқ йўқ. Кейин бу ерда эмас, алоҳида квартирамиз бор...”

Нозима аввалига гапининг моҳиятини англамайди. Англагач, хўрлиги ва ғазаби келди. “Ифлос кўлингни менга теккизишини эса хаёлингга ҳам келтира кўрма, ҳатто онамни тирилтириб келганингдаям!” – деди ғазаб билан. Кўзибой айтганимнинг устидан чиқаман, деб энг разил ишларга қўл урди. Нозиманинг моллари сакланадиган омборга ўт кўйдирди, эри Самадни ўласи қилиб урдирди.

Бу разилликлар натижа бермаган бир пайтда, Осиё опа уни мақсадига етказиш учун ўз хизматини таклиф этади. Отчо-

парга калиш харид қилгани борган Санобархон Нозима билан Қўзибой ўртасида бўлган можародан хабар берганди. Бироннинг баҳтидан эмас, фожиасидан хурсанд бўладиган Осиё опа Қўзибойни мақсадига эриштирасам, бир нимали бўлиб қоламан, деб келганди. У ҳам ваъдани жуда катта берди, яъни битта енгил машинали бўласиз, деди. ўша кундан бошлаб, Нозимани ночор аҳволдан Қўзибой қутқариши мумкинлигини уқтиришга киришди, бу йўлда қўшни аёлларни ҳам ишга солди. Нозима зийрак аёл эди. Осиё опанинг ҳаракатини, интилишини, унга меҳрибончилигининг сабабини англаб етганди, лекин андишага бориб, ўзининг ёғига ўзи қоврилиб юрди. Ахири жонидан ўтиб кетганда, опага қарата шундай дейди: "...отами, синглимни, жиянларимни ўртага қўйиб қасам ичаман, шу кунгача менинг баданимга Самаджон акамдан бошқа бирорта эркакнинг қўли тегмаган. Худо хоҳласа, бундан кейин ҳам тегмайди! ...бошқа мамлакатнинг қор кўмиб ташлаган бегона бир кўчасида бир тийинсиз қолиб кетганмиз, шунда ҳам хиёнат қилишни хаёлимга келтирмаганман. Эр-хотин идиш-товоқ ювганимиз, сассиқ омборхонада, каламушлар орасида уч кечакундуз чириган карам еб ётганмиз, лекин қайтиш пулини ҳалол ишлаб топганмиз, ўғрилик қилмаганмиз, гарлик қилмаганмиз. Келиб-келиб, энди ёмон йўлга юраманми?!. Ахир... ахир, бу... бир одамнинг бўйнидан судраб, бошқанинг тўшагига олиб бориб ташлаш кўшмачилик эмасми... Уят эмасми... Шармандалиқ эмасми..." Нозима бу сўзларни йиглаб айтади. Бу эътирофга инсон номига лойик кимсанинг кўнгли юмшаб, Нозимага нисбатан хайриҳоҳлик билдиради, уни эъзозлайди. Лекин жисми руҳидан устун икки нафс бандаси бошқача режа тузишади. Флора тирик экан, Қўзибой ўз кўзи билан кўрибди, деган гап чиқаришади. Нозима ақлли эди, сўзсиз, у бу гапга ишонмайди. Лекин кундан-кунга янги далилларни қалаштира берган Осиё опага Нозима олдидан бир қадам силжимаслик ваъдасини олиб, боришга қарор қиласди. Бироқ бу мунҳат одам олиб борган уйига Нозимани ёлгиз қолдириб, эшикни оркасидан қулфлайди. Қўзибой Нозиманинг устидан доллар сочса ҳам рози бўлмайди. Шунда Қўзибойга алам қиласди ва қўлига илинган кетмон даста билан савалай бошлайди. Сўнг қолдан тойган Нозимани кроватга бοғлаб, мақсадига эришади. Қўлини бўшатиб олган Нозима ўз қилмишидан мамиун ўтирган Қўзибойнинг оркасидан бориб, огир чўян това билан унинг

миясига солади. Ўзининг хорланганлиги, хўрланганлигининг аламига ураверди. Уй ичи тинчиб қолганидан ички қониқиши, яъни Қўзибайдан бир нарса унмаса ҳам, Нозиманинг тилини қисиб олдим, соғиб юраман, деган хаёлда эшик очган эди, у ердаги манзарадан сочилиб ётган доллар ҳам кўзига кўринмай қочиб қолади. Бошида ўй — қандай қилиб куруқ чиқиш эди. У уйига ҳовлиқиб келганда, Нозиманинг қаерга кетганини биломай хавотирдан кўчада кутиб турган Самадга дуч келади. Унинг Нозимани кўрмадингизми, деган саволига Фалон жойдан ўтиб кетаётган эдим, қоп-қора бир одам билан уйга кириб кетаётганига кўзим тушгандай бўлди, деб жавоб беради.

Осиё опа кейинги кунларини милиция кириб келишидан кўркиб яшади. Йўқ, хеч ким келмади. Ҳамма ишни эри бўйнига олиб, узоқ муддатга кесилиб кетибди, деган гапни эшишиб, сал ўзига келгач, шунча ишни қилиб, хеч нарсага эга бўлмагани, сочилиб кетган долларни олмаганлик алами миясини кемириб, руҳий касалхонага тушади. Даврабошиликни Салима опа олади. У сабиқ даврабошини касалхонага кузатиб борганда, Нозимани ҳам ўша ерда эканлигидан дарак топади. Қисса ана шундай қисмат ва фожиа билан якун топади. Хўш, қисса бизга нимаси ва қандай янгилиги билан ибрат мактабини ўтайди, адабиётда тутган ўрни нимада?

Биринчидан, инсонни билиш қийин, у мураккаб ҳилқат деган ҳақиқат очиб берилганлиги, у инсоний фаолият, хатти-ҳаракат орқали ниҳоятда ҳаётий тасвирланганлиги, иккинчидан, бекорчи аёллар оламини, улар табиатидаги аламзадалик руҳиятини бетакрор инкишоф қилинганлиги, учинчидан, тижоратчилар дунёси билан ошно қилганлиги ва айниқса, аёл тижоратчилар ҳакида салбий қарашларни ўзгартириб, ачиниш туйгусини уйготганлиги, тўртингидан, қаҳрамонлари қисмати ва фожиаси орқали инсон қалбининг покланиши билан ибратлидир. Чунки ўта кучли фожиавийлик кишининг дилидагини тилига чиқаради. Бир қадар кўнглини поклаб, ўзи ва яқинларининг қисматини, шаънини ўйлашга даъват этади. Аристотель буни катарсис деб атаган. Биз таъкидлаган фазилатлари билан истиқлол даври адабиётида алоҳида ўрин тулади.

Киши онгида, дунёқарашида ўзгариш бўлмас экан, ҳаётида, турмуш тарзида, табиатида ҳам ўзгариш бўлмайди. Бундай шахслар нурли чўққилар сари кўтариilmайди, балки зулмат

ботқоқ қаърига бота боради. Қалбида инсонликни таъминлайдиган туйгулар сўниб, куфр уруғи сепила бошлиайди. Бу ҳол инсониятнинг ўзинигина эмас, жамиятни ҳам тараққиётдан қолдиради. Чунки барча ўзгариш инсоннинг саъй-ҳаракатига боғлик. Қатор хикоя ва қиссалари билан ўз ўқувчисини топган, эътиборини қозонган ёзувчи Шойим Бўтаевнинг “Кўчада колган овоз” (Тошкент: Маънавият, 2005) номли тўпламига кирган “Бир кунлик мәҳмон” қиссасида ҳудди шу нарса ўзининг бадний ифодасини тонган. Ёзувчи буни воқеалар оламида кўрсатади ва асосслайди. Қисса сюжетини бир куплик воқеа ташкил қиласди. Ана шу бир кунлик воқеа тасвирида умуман тараққиётдан орқада қолган қишлоқ ва унинг одамларининг қиёфасини гавдалантиради. Асар шаҳарда вазирлиқда кичик бир лавозимда ишлайдиган Саидмурод Олимовнинг қишлоқдаги курсдоши Холмўминни йўқлаб келиш воқеасидан бошлианди. Сиртдан қараганда, одатдаги ҳол. Лекин у мақсад сари йўналтирилгани учун аҳамиятлидир. Ёзувчи бу мақсад ҳақида бир оғиз ҳам гапирмайди, балки ҳолатни аниқ кўрсатади. Бунда у деталларга катта эътибор беради.

Холмўминнинг ҳар бир хатти-ҳаракати аждодларимиз ахлоқи ва қадриятларига зиддир. У дастурхон ёзилмасдан иккнишиша ароқ кўтариб киради, чой қуийлмасдан, эргалабдан ароқ куяди. Чунки меҳмончиликни шундай тушунади. Уни удумга айлантириб олган. Унинг ҳамқишлоқ-дўстларининг тушунчаси ҳам шундай.

Қишлоқ одамлари содда, ҳалол, диёнатли бўлади, деган қараш аввалги қишлоқларга тегишилди. Ҳозир ундан эмас, чунки миллат табиатига анча-муинча номатлуб иллатлар кириб келган. Бу нарса “Сўни” лақабини олган кишининг хатти-ҳаракатида ёрқин очиб берилган. У Оллохни ҳам алдайман деб уйлайди. Одамларнинг ҳақига хиёнат қиласди, яъни тегирмонга олиб келинган ғалладан ўмарид олади. Сўни шу қадар насткашки, келини ножӯя қадам ташлашини билган ҳолда уни жазолаш ўрнига, мақсади йўлида фойдаланади.

Қисса охирида Сўнининг уйига ўт кетади, ароқдан безган, бутун вужуди қақшаган меҳмон – Саидмурод қишлоқни тарқ этади. Бу ҳол ҳам катта фалсафага эга. Қуръони каримда шундай дейилади: “Дилларингиздаги нарсани хоҳ яширинг, хоҳ ошкор қилинг, Оллоҳ билур. Ва (шунингдек, У зот) осмонлар ва Ердаги бор нарсани билур. Оллоҳ ҳамма нарсага

қодирдир. Ҳар бир жон ўзи қилган амалларни ҳозиру нозир ҳолда кўрадиган, ёмон амалларининг эса олис-олисларида қолиб кетишини истайдиган кунни (эсланглар)! Оллоҳ сизларни ўзининг (азобидан) огоҳ қилур”. (“Оли Имрон” сураси, 29-, 30-, 31- оятлар). Ҳа, имонсизлар, албатта, жазосини топади. Сўпининг уйига ўт кетиши Оллоҳнинг жазосидир. Номатлуб ишларга кўл урганлар бошига ҳам шундай кунлар тушиши муқаррардир. Қиссада шу ҳақиқат ўзининг мукаммал бадиий ифодасини топган.

Кейинги давр адабиётида воқса-ходисалар, ижтимоий муаммолар тасвиридан кўра, инсоннинг руҳий олами, руҳий кечинмалари, дард ва изтиробларини тасвирлаш етакчилик қилияпти. Чунки барча ҳаётий масалалар, муаммолар инсон хатти-харакатига бориб тақалади. Бу борада, айниқса, инсоннинг инсонийлигини белгилайдиган эътиқод, ҳалоллик, поклик, ахлоқий масалалар муҳимдир. Шойим Бўтаевнинг иккинчи қиссаси “Шоҳона совға”нинг лейтмотивини шу ташкил қиласди. Сиртдан караганда, бир шахснинг, яъни узок вақт юқори лавозимда давлатнинг тийинига хиёнат қилмай, бойлика ружу қўймай, ҳалол ишлаган, ўз эътиқоди, виждонига сира қарши бормаган одамнинг шаллақи бир аёлнинг қўлида ўлиб кетиши – фожиасига бағишлилангандай. Қиссани ўқиган кўпчилик шундай англаши муқаррар. Тўғри, бу – фожиа, лекин фақат диёнатли, чин вазир – инсоннинг фожиаси эмас, Балки, ундаи одамнинг қадрига етмаган одамларнинг – вазирнинг ўғил-қизининг, қариндоши Қобилнинг, инсоний хислатлардан маҳрум Гавҳарнинг, қолаверса, жамиятнинг фожиасидир. Ёзувчи буни инсонлар табиати ва руҳий оламида жуда таъсиран бадиий акс эттира олган. Адид бирорга қаҳрамоннинг тутган ишига, хатти-харакатига аралашмайди, изоҳ бермайди, тасвирда кўрсатади.

Текшириш саволлари:

1. Э. Аъзамов қиссаларида ижтимоий ва инсоний иллатлар қандай ўз ифодасини топган?
2. Одамлар фаолияти моҳиятини англамай уларга ҳавас қилишининг абсурдлиги нимада?
3. “Чапаклар ва чалпаклар мамлакати” қиссасида кечаги тузумимиз қандай ифодаланган?
4. “Тимсоҳнинг кўз ёшлари” қиссасида қандай ғоя илгари сурилган?

5. “Отчопар ёхуд ўн учинчи уй” қиссасида бозор иқтисоди түгдирган муаммолар қандай ёритилган?

6. Қишлоқдаги ночор манзаралар одамларнинг феълига ярашалиги нимада кўринади?

7. “Шоҳона совға” қиссасидаги фожия нима учун жамият фожиаси дейилади?

Таянч тушунчалар

Бадий тафаккур – изжодкорнинг ҳаёт, жамият, кунлик турмуш, инсон хусусидаги индивидуал ўй-фикрлари, мулоҳазаларини бадий асар воқеалари қаҳрамони хатти-ҳаракати, фаолияти орқали ифодаланиши.

Эпизод – нисбий мустакилликка эга бўлган асар воқеаси; бадий асарнинг бўлинмайдиган энг кичик қисми; асар сюжетининг узвий ҳалқаси, асосий таркибий қисми; ёрдамчи сюжет чизигида учрайдиган характерларнинг айрим қирраларини ёритишга хизмат қиласидиган қисм.

4. 2. Мутелик руҳиятиниң туб асослари

Режа:

1. Истиқлол ҳаётий жараёнига тўғри ёндашишнинг моҳияти.

2. Оилавий ахлоқ ва маънавиятнинг инсон табиатига таъсири.

3. Ёмонлик илдизининг бадий ифодаси.

4. Инсонга нисбатан мутелик тубанлик эканлигининг бадий талқини.

5. Одамнинг тубан кетиши муайян шарт-шароитга боғлиқлиги.

6. “Уйшун ота гори” қиссасида ҳалқ тарихи билан тоталитар тузум иллатлари тасвири уйғуналашиб кетганлиги.

7. Эзгулик йўлида шафқатсизлик билан қилинган хатти-ҳаракат самарасиз эканлиги.

Адабиёт:

Ҳ. Каримов. Ўзликни англатувчи қисса. “Ёзувчи” газетаси. 1999 йил, 15 сентябрь.

Ҳ. Каримов. Одам ва одам ҳақиқати. Моҳият. 2002 йил, 18 январь.

Т. Жўраев. Онг оқими ва тасвирийлик. – Т.: Фан, 1994 йил.
Ф. Олимов. Миллий сўз. – Т.: Ёзувчи, 1999.
А. Улуғов. Қиссачилигимиз қирралари. – Т.: Ўқитувчи, 1991.

Муҳаммад Солих Муҳаммад Юсуф. Имон. – Камалак, 1991.
Шоим Бўтаев. Шўродан қолган одамлар. Шарқ ўлдузи, 1998 йил, 5-6-сонлар.

Илҳом Зойиров. Елнатак. Шарқ ўлдузи. 1992 йил, 2-сон.

Ғафур Йўлдошев. Уйшун ота гори. Шарқ ўлдузи. 1993 йил, 9-сон.

“Сиёsat эркинликка эга бўлмаган халқда адабиёт шундай бир ягона минбарки, унинг юксаклигидан туриб, халқ ўз норозилигини ва вижданнинг фарёдини эшигтириш мумкин”¹.

Афсуски, Шўро даври адабиёти бундай вазифани бажара олмади. Қайтага, тоталитар тузум, унинг асосчиси коммунистик партиянинг турмушни ҳам, инсонни ҳам бир қолипга соловчи сиёsatини изчиллик билан кўллаб-куvvатлади ва уни ўзининг бош мақсади қилиб олди. Бу сиёsat таркибига тузум манфаатига мос келадиган шахсларни шакллантириш ҳам киради.

Истиқлол ҳаётий жараёнига тўғри ёндашиш, инсонийлик, маънавий баркамолликнинг туб асосини инкишоф этиш, шўро давлатининг ҳақиқий қиёфасини ёритиш имконини берди. Шойим Бўтаевнинг “Шўродан қолган одамлар” қиссаси шундай асарлар сирасига киради.

Қисса шафқатсиз реалистик услубда ёзилган. Тўғри, бу терминни биз илгари ҳам ишлатардик. Энди ўйлаб кўрсак, бу терминни нотўғри кўллаган эканмиз. Чунки биз шафқатсиз реалистик асар деганларимиз, аслида, ярим реалистик асарлар эди. Тоғай Муроднинг “Отамдан қолган далалар” романини ва мазкур қиссани ўқиган киши бунга ишонч ҳосил қиласди.

Қисса икки қисм ва олти бобдан иборат. Биринчи қисм “Бахтсиз оила” деб аталади. Унда худди шу баҳтсизликнинг сабаби ва туб моҳияти очиб берилади. Ёзувчи буни йигирма ёшида қулогига аzon билан айтилган Мусо исменин армиядаги хизмати пайтида Мэлс исмига алмаштириб, олқиши олган, ҳатто газетага чиқкан қамоқхона назоратчиси оиласи мисолида инкишоф қиласди. Лекин оиладаги муҳит, шароит, унда рўй

¹ Герцен Л. И. Об искусстве. – М.: Искусство, 1953. 193 стр.

берадиган воқелик, аъзолари табиати битта бу оиласа тегишли эмас, у умумлашма характерга эга. Унинг тимсолида бутун бир шўро даври ҳаёти кўз олдимизга гавдаланади.

Оиладаги ахлоқий, маънавий асосни белгилайдиган шахснинг табиати қуйидаги хусусиятга эга: “Кампир тушмагур шунаقا кампир эдики, бунақасини етти иқлимда саҳро кезиб, сув кечиб ҳам қидириб топиб бўлмасди. Ўзи қўриб-билиб турсаям, ўзининг қўриб-билганига эмас, бирорнинг айтганига ишониб кетаверарди. Унинг кўзи, кўнгли билан тилининг орасида тузук муносабат ўрнатилмаган эди-ю, лекин қулоги билан тили жуда топишган, апоқ-чапоқ бўлиб кетишган,.gov бўла олгулик барча унсурларни ўртадан кўтариб ташлаган эди”. Ана шу кампирнинг икки ўғил бир-бири билан гаплашмайди. Юз кўрмас бўлишган. Кичиги қайнотасиникига кўчиб кетганидан бўён борди-келди йўқ.

Биз аждодларимиз бўлган Нигоройим, Офтобойим, жиндек думбуллигига қарамай, диёнатли, ўқтам Ўзбекойимларни эсласак, меҳр ва инсонийликнинг илдизи қаерда эканлигини англаб етамиз. Унинг фаолияти ва гап-сўзи, хатти-ҳаракати кўнглимизни равшан қиласди. Ҳа, улар ўтмиш одамлари эди. Нима ҳам дердик, бу кампир тушмагур – шўро одами. Шундан у қўрганига эмас, эшиганига, айтилганига ишонади. Кампирнинг катта невараси, назоратчининг ўғли Тошмурод. У – мустақиллик шабадалари миллий қадриятлар устидаги губорларни учираётган давр фарзанди. Шундан қалбida инсоний қадр куртаги атроф-мухит, ўқиган китоблари туфайли ниш урганидан, бутунлай ўзлигини йўқотган, темир одамга айланган отасига шундай дейди: “Умр бўйи полиз қўриқчисига ўхшаб битга таёқ ушлаб ўтасизми, ота?!” Бу гап эвазидан у шапалоқ зарбидан ерга қулаб, хушидан кетади. Сабаби бу гап қаттиқ тегди, чунки у ўз ишини, яъни вишкага устида ҳар қандай фаслда ҳам қаққайиб туришни шунчалик юксак санарди-ки, унинг олдида экин-текин қилиш, турмуш ташвишлари арзимас нарса. Негаки унга бу ишни ҳукумат топширган, ҳукумат унга ишонади. У – ҳукумат одами. “Эгнида ҳамиша жигарранг мундир. Белидаги камарда ваҳимали тарзда осилиб турган тўйипонча гилофи” тарзида юришдан фахрланади. Чунки шундай юрса ҳукумат одами эканлиги билинади”

Ука ҳам акадан қолишмайди. Бу борада ёзувчи ёзади: “Кечани билмасдилар, хотирлай олмасдилар, унинг қоронги осмони қабатларида чақнаган миллионлаб шўълавор юлдузларидан, сутдай тошиб долгаланганд ойларидан ғофил эдилар; дунёлар насимларидан кўнгиллари бебаҳра, наинки бебаҳра, кўнгилнинг ўзи ҳали таваллуд топмаганди...”

Шу одамнинг танаси ўгриланади. Уларнинг ичидаги жияни Тошмурод ҳам бор эди. Буни эшигтганда амаки суюнади. Чунки акасидан ўч олишга имкон туғилганди.

Маълумки, ёмонликнинг илдизи адолатсизлик ва ҳаётда ўз ўрнини тополмай, унга ўзини эмас, ўзгани айбдор санаши. Бу ҳақиқатни адив мол ўғрилаган йигитчалар ҳаёти орқали очиб беради. Улар фаолияти билан боғлиқ воқелик заминида нафақат улар фожиасидан, балки давр иллатларидан ҳам воқиф бўламиз.

Тошмуроднинг шерикларидан бирорининг отаси маккажўхори орасига эккан бир туп гиёҳи ўсимлик билан қўлга тушиб, камалиб кетган. Уни қамамоқчи бўлганлар унга бу уругни ким берганligини яхши билишади. У одамнинг номини ҳурмат билан тилга олишади, “қўлларига оз-моз қистириб юборса, олам гулистон” бўлишига такрор-такрор шама қилишади. Улар шу гиёҳ орқали айқириб юрганларни билишса-да, уларга нисбатан ҳеч қандай чора кўрмай юришганига ота чидаёлмай, жазавага тушади. Аламига болаларини уради, сўнг милицияга ёпишади, хукуматга тил теккизади. Оқибатда узоқ муддатга кесилади. Худди шу ҳолат Тошмуродлар қисмати билан ҳам рўй беради. Авваламбор, суд раиси масалага ниҳоятда бефарқ, лоқайдлик билан ёндашади. Уни болаларнинг тақдири тариқча қизиқтирумайди. Уларнинг ҳужжатларида нима ёзилган бўлса, ҳеч бир мулоҳазасиз тасдиқлайберади. Ваҳоланки, ҳужжатларга улар содир қилмаган ишлар, яъни қишлоқда йўқолган молларнинг барчаси уларга тўнкалган эди.

Эчкисини йўқотган чолнинг “Мани эчкимни бу болалар ўғирлашмаган... Ман хабарни топдим, эчким Назар чўпоннинг сурувига қўшилиб кетган экан”, – деганини инобатга олмай, кесиб юборади. Сабаби улардан ҳеч нарса унмаган эди. Бу инсофсизлик фақат Тошмуродларга тегишли эмас, у ижтимоий адолатсизликнинг бир кўринишидир.

Имонсизлар дунёси, руҳий олами, уларнинг шу ҳолатга келиш сабаблари иккита қисмда ота ва бола тимсолида янада

ёркин очиб берилади. Назоратчи қамалиб чиққанлардан нафратланади. “Аблаҳликлари алайно-ошкор кўриниб турибди”, – дерди. “Бундай фикр жамият томонидан қўллаб-куватланиши, ҳайбаракалла қилиниши назоратчини баттар ҳовлиқтирас”ди. Уларнинг ҳаммасини отиб ташлаш лозим. Шундагина “...уларсиз ер юзини беҳиштдек тасаввур қилиш мумкин бўларди”, – дейди. Ўзи билан эса иши йўқ. Аслида, жамиятнинг бузилишига улар эмас, балки инсон қалбидан жуда усталик билан имон, инсоний ҳамият, гурурини олиб қўйиб, унинг мутелик туйғусини солиб қўйган, ўз тарихидан жудо қилиб, ўзлигини билдирмаган жамият эканлигини англашга ақли ноқисидир. Ваҳоланки, ҳар хил муддатда қамоқхона тупроғини ялаб чиқкан Суннат унинг моҳиятини англайди.

Қиши кунининг бирида назоратчи навбатчилигини топшириб, йўлда кетаётган эди, бир машина келиб, олдида тўхтади ва машинага чиқишни таклиф қилди. У Суннат ўғри эди. Йўлда Суннат томдан тараша тушгандай савол ташлади: “Айтмоқчи, сиз ўзингиз ишлаётган қамоқхонани ким қурганини биласизми?”

- Биламан, Чўянбой Кулманов қурган...
- Ҳа-а, Чўянбой Кулманов, – деди ва яна: – Қандай қилиб қурган? – деб сўради.
- Қурган-да!
- Материални қаердан олган?
- Қамоқхонанинг тўғрисидаги тепаликда бир мадраса бўлган экан... Ўша мадрасани буздириб, ғиштларини ташиб келган.
- Шу устозингизнинг қандай ўлганини биласизми?
- Биламан, биламан... Хотинлари ўлгач, болаларию келинлари бирикиб уйдан ҳайдаб чиқаришган экан...
- Махсумнинг чойхонасида уни исқирт ҳолатда, кирчир устбошда исириқ тутатиб, тиланчилик қилиб юрганини мен ҳам кўрганман, – деди Суннат ошкора нафрат билан”. Ваҳоланки, унга бошпана берган Махсумнинг отасини бир маҳаллар Чўян Кулманов қамоқхонада азоблаб ўлдириб юборган эди. Кейинчалик у ўзини осган. Суннат назоратчининг ўғлидан гап очганди, “Менинг унақа ўғлим йўқ!” – деди. Шунда Суннат “Ундай деманг. Чўянбой Кулмановнинг куни бошингизга тушиб қолмасин тағин, начайни... У, мадрасани бузиб, одамларга азоб бергани учун жазосини олди. Сиз-чи? Сиз оддий қўриқчисиз...”

Суннат ўғрининг гапи давомини эшлишига назоратчининг тоқати бўлмади. Фарч-гурч қор босиб кета бошлади”.

Назоратчининг уйда катта қўнгилсизлик кутаётганди. Хотини ўлим тўшагида ётган эди. Бу муштипар аёлни эрининг мутассил зугуми, уйдаги стишмовчилик, устига-устак ўғлининг дарди йиқитган эди. Хотинининг устида ўтирган кампир: “Ўғлимни опке”, – деяпти”, – деди. Назоратчи бироз афрайиб турди-да, орқасига қайтди. Соат ўн бирларда у қамоқхонага ранги ўчган ҳолда кириб келди. Бошлиқ олдига кириб, “Назоратчи қўли билан камералар томонга ишора қилиб қўйди ва нима деярини билмаётгандек:

- Онаси ўляпти, - деди базўр. Бошлиқ тушунмади.
- Кимнинг онаси ўляпти?..
- Тўқсон олтиинчининг...
- Аниқроқ айтинг.
- Нўмер тўқсон олтиинчининг онаси ўляпти.
- Ким экан у?
- Тошмурод.
- Ўғлингизми?

Ўғли қамоқхонада ётгандан бери бирор марта, имконияти бўлишга қарамай, уни кириб кўрмаган эди. Хотини ҳар куни оғзини пойларди. Индамагач, ич-ичидан эзилар эди. Охири бу нарса ўз ишини қилди, у йиқилди. Айниқса, назоратчининг ўғлига конвой қилиб, бирга жўнатгандаги хатти-харакати унинг кимлигини ёрқин кўрсатди:

– Бошлиқ эндигина жойига ўтирган ҳам эдики, назоратчи ховлиқканча қайтиб кириб келди:

- Начайлик...
- Нима гап?
- Тўппонча йўқ-ку! – назоратчи белидаги бўш ғилофнинг устига уриб.

– Э, э, ким билиб ўтирибди ғилофда тўпионча йўқлигини? Сиз бор денг. Ўзингизни шундай кўрсатинг...

– Қочиб кетмоқчи бўлса-чи?

– Ана, холос! – бошлиқ бармогини пешонасига нуқиб, пармалади. – Қочмоқчи бўлса отармидингиз?”

Ўз фарзандига нисбатан шундай ўйга борган ва ижросига шай турган одам инсон эмас, манқуртдир. Бундайлар шўро дарахтининг меваси эканлиги шубҳасиздир. У хотинининг жанозасида ҳам маъракада эмас, постда тургандек

уст-бошда, камари қисиб боғланган ҳолда туради. Зимдан маҳбус – Тошмуродга қараб қўяди. Хотинининг қабрига тупроқ тортилиб, мулланингтиловатидан сўнг барчатарқалгач, назоратчи ўзини бошқача ҳис қилади. Унинг ичи бирдан бўшашиб, қандайдир оғир юқдан халос бўлади. У ўғлининг “Ота, юринг энди-и...” деганига қандайдир итоатгўйлик билан “Ҳозир, ўғлим”, – дейди. Ҳа, унинг қалбига шўролар томонидан кўрғошиндек қуялган бурч, вазифа, масъулият ўрнини бир зум имон эгаллаган эди. Чунки назоратчи биринчи марта охиратни ўйлаган эди.

Халқда “Киши ўз айбини билса, юраги ёрилиб ўлади”, – деган нақл бор. Мазкур қисса нафақат кишининг айбини, балки кечаги кунимиз иллатларини ва шу иллатларнинг инсон руҳиятига, табиатига таъсири моҳиятини ҳам англатади.

Аллоҳга эмас, тубан инсонга мутелик ўта тубанликдир. Бу борада Чингиз Айтматов шундай фикр юритади: “Ҳаёт ҳақиқати китобхонларни овутадиган эртак эмас, балки уларнинг кўзларини очиб қўядиган аччиқ, шафқатсиз сабоқдир... Жамият кишилар тақдири учун жавобгардир, одамнинг тубан кетишига муайян шарт-шароит таъсир кўрсатади. Ижодкор эса бунга бефарқ қараши мумкин эмас”¹. Илҳом Зоиров шундай қилган, яъни бефарқ қарамаган. У ўзининг “Елпatak” номли қиссасида (Шарқ ўлдузи. 1992 йил, 2-сон) буюк ёзувчининг фикри ҳақиқат эканлигини асар қаҳрамони хатти-харакатида бадиий талқин қилган.

Қиссанинг қаҳрамони – Мамат. Асарнинг номидан сезилиб тургандек, у ўта кетган лаганбардор, хўжайин нимага қизикса, у ҳам шунга мойиллик билдиради, уйида жорий қилади. Адид унинг шу тоифадаги шахс эканлигини ўзи таърифламайди, тасвирда кўрсатади, қиёфасини янада ёрқинроқ очиш учун хотини Зарифани “ёрдамга” чақириб туради. Бу нарса асарни ўқишли қилган, қаҳрамонга индивидуаллик бағишилган. Шундан бундай типдаги шахс қиёфасини Немат Аминов “Елви-зак” асарида Зайнинцев тимсолида қиёмига етказиб тасвирланган бўлишига қарамай, ўз жозибасига эга. Буни реал, меъёрдан чиқмаган тасвир таъминлаган. Демак, мақсадга йўналтирилган тасвир асар бадиийлигини таъминлашда катта роль ўйнайди.

Қисса Маматнинг бир пой туфлисини тополмай, хотини Зарифани чакиришдан бошланади. Улар ўргасидаги гандан

¹ Қаранг: Советский многогнациональный роман. Сб.Статей. –М.: 1985, ср 182.

ҳамма нарса ойдинлашади, яъни Маматни кеча маст ҳолда бир пой туфлида келганини, унинг қандай одамлиги тасвирларда аниқлик киритилади. “Мамат хотини олиб келган ўкчаси йиртиқ калишни оёғига илиб ҳовлига чиқди. Бир парча ҳаром гўштни талашиб, қақиллаб юрган иккита-учта олачипор хўрзларга қараб ижирганиб кетди. Бу хўрзларни у собиқ хўжайини Боқи Мардоновичга тақлид қилиб сотиб олган эди. Боқи Мардонович билан оралари бузилди-ю, булар ҳам кўзига балодай қўринадиган бўлиб қолди... Мамат хотинига қаратат: “Паррандаларнинг ичида энг ифлоси – шу, қиладиган иши – фақат гўнг титиш. Боқи Мардоновичнинг ҳам феъли шунаقا эди. Биласанми энди нима боқамиз? – Зарифа “нима” дегандек қараб қолди. Мамат гапини давом эттирди. – Кўй боқамиз. Хидирхон акамларнинг қўйига ишқибозлик жойлари бор экан”¹. Бундан Маматнинг қиёфасию табиати яққол намоён бўлади. Яна Зарифа тилидан ҳар фарзанди тугилгандা, уларга хўжайнинларининг исмини қўйганини ҳам англатади. Зарифанинг ой куни яқин эди. У ўғил тұғса, янги хўжайнининг исмини қўйишидан Маматнинг оғзи қулоғида. Лекин Зарифа тишириноғи билан бунга қарши. Чунки у – ўз қиёфаси, ўзлигига эга аёл. Негаки ҳаётда ўз ўрнига, мавқега хўжайнинг яқинлик, хушомадгўйлик, лаганбардорлик билан эмас, тўгрилик, ҳалол меҳнат ва аъмоллари билан эришиш чин инсонлик эканлигини идрок этади. Бундай тўгри фикр юритиши кўп ўқиганлиги ва китоб билан ошнолигининг самарасидир. Зарифа эрининг қилмишидан нафратланади.

“Ўйламасдан учратмас”, деганларида Райсобес бошлиги Хидир Хидирович айнан Маматнинг ўзи. У қайнотаси туфайли амал погоналаридан кўтарилиб юради. Сўзни сўзга улаб дурустроқ фикр айтолмас, ёзолмаслигига қарамай, давлатнинг пулини ўмаришга устаси фаранг эди. Қайнотаси Соли Солиевич шундай одамни депутат қилиш ҳаракатларини бошлаб юборади. Унинг бу борада ўз фалсафаси бор. У шундай дейди: “Ҳозирги олаговур замонда тагингиздаги курсини сақлаб қолишнинг бирдан-бир йўли шу – депутатликка сайланиш. Депутатни ҳеч ким ишдан ололмайди... Ҳозир пул билан мансабни сақлаб бўлмайди, олдинги тераклар кесилиб кетди. Ҳозир пулни кимга беришни ҳам билмайсан киши, ҳамма бир-

¹ Илҳом Зоиров. Елпатақ. Шарқ юлдузи, 1992 йил, 2-сон. 36-бет. Бундай кейинги мисоллар шу нашрдан олинади ва фақат бети қўрсатилади.

биридан қўрқади, шунинг учун депутатликка ҳаракат қилиш керак”. Бу сўз умумлашма характерга эга. Чунки унда ҳаёт ҳақиқати ўз ифодасини топган бўлиб, кечаги ва бугунги жамият иллати акс этган.

Маматнинг Тошкентдан келган циркка хотинининг илтижоларига иши зарурлигини баҳона қилиб, ўз болаларини эмас, Хидирхон акасининг набирасини олиб тушиши, у ерда Зарифага рўпара келиш ҳолатларини, Хидир Хидирович сайловчилар билан учрашувда айтадиган сўзларини Маматнинг хотинига ёздириши, ўша куни Мамат доклад ўрнига хотинининг китобхонлар конференцияси учун тузган режасини олиб келиш эпизодларини ўқиган китобхон мириқиб кулади ва ичдан яйрайди. Негаки китобхон кулги орқали нонормал воқеага ўз муносабатини билдиради. Сабаби бу кулгу ижобий хусусиятга эга бўлиб, ёзувчи унда ўз эстетик идеалини ифодалаган. Шундан замиридаги эзгулик фояси кишига ҳузур бағишлайди ва соғлом фикрлашга даъват этади.

Маматнинг сайловчиларга тарқатилган гўшт етмай қолганда, ўз уйидаги кўйини сўйиб тарқатиши, Хидир Хидировичнинг ишхона ҳисобидан дала ҳовлисига сарф қилган ҳаражатнинг сири очилиб қолганда, уни даф қилиш учун иккаласи қилган ҳаракатларида катта ижтимоий ҳақиқат ва иллат ётади, шунингдек, “Қинғир иш қирқ йилдан кейин ҳам очилади”, деган фалсафий ҳақиқатнинг моҳияти ўз исботини топади.

Қиссанинг охирида Маматнинг кўзи очилади, ўзининг хатти-ҳаракати билан ҳеч нарсага эришиб бўлмаслиги, бундай йўл инсонни ҳар томонлама ташазулга олиб келиши муқаррар эканлиги шуурига ўрнашади. Бунга ёзувчи Соли Солиевич ва Хидир Хидирович қисматлари (Соли Солиевич ишдан олиниади, Хидир Хидирович жавобгарликка тортилади) ва хотини Зарифа маънавиятининг асосли ҳамда таъсирчан тасвири орқали эришган. Шундан қисса воқеаларидан келиб чиқадиган таг маъно бита Маматга тегишли эмас, барчага тааллуқлидир. Чунки у умумлашма характерга эгадир. Қисса шундай якун топади. Зарифа яна ўғил кўради. Туғруқхона ойнасидан қараган Зарифага Мамат куйидагича мурожаат қиласди:

“Яхшимисан? Польоннинг аҳволи қандай?

— Раҳмат! Ўзингиз яхши юрибсизми? Уйдагилар яхшими?

— Ҳаммаси яхши! Польоннинг исмини нима қўямиз? — кичқирди Мамат.

— Билмасам, — Зарифа бироз ўйланиб турди-да, — Хидирвой қўймоқчи эдингиз-ку, — деди гина аралаш.

— Хидирвой ҳам исм бўлибдими? — Мамат пешонасини тиришириб, бирдан олтин топган гадойдек қувониб кетди.
— Йсмини Каримжон қўямиз, Зарифа, Каримжон!..” Каримжон — бу ҳалол, виждонли, диёнатли, қингир иш қилмайдиган, истеъододли мухандис. Демак, Мамат яхшиларга эргашишга қарор қиласди. Маълумки, яхшиларга эргашиш муродга етказади. Бу қисса воқеалари заминидаги устивор фикрdir.

Афсоналар ҳар қанча гайритабиий бўлмасин, кишини эзгуликка чорлайди, ҳақиқатга туйнук очиб, ҳаётга ўзгача нигоҳ билан боқишга даъват этади. Чунки ҳар қандай афсона заминида ҳақиқат ётади. Ёш ёзувчи Ғафур Йўлдошевнинг “Уйшун ота гори” (Шарқ юлдузи, 1993 йил, 9-сон) қисссасини ўқиган киши бунга яна бир карра ишонч ҳосил қиласди. Қиссада ўтмишдаги халқимиз тарихи билан тоталитар тузум иллатлари тасвири омухталалиб кетган.

Қисса Уйшун ота билан боғлиқ афсонадан бошланади. Сўнг Ёвбосар гўшкетгининг болалари фожиаси, Улжамол, Чўғол фаолияти билан боғлиқ воқеаларга ўтилади. Сиртдан қараганда, бу воқеалар ҳеч бир-бирига алоқаси йўқдек, ўзаро боғланмагандек туюлади. Аслида, ундей эмас. Балки икала воқелик ҳам ҳаёт ҳақиқати заминига курилган бўлиб, бирининг юзага келишининг туб асосларини ва моҳиятини иккинчиси очиб беради.

Уйшун ота афсонасини адаб қўйидагича ҳикоя қиласди: “Қадим замонларда бу ерларда ўзига тўқ бир элат яшар экан. Йигитлари барно, қизлари сулув. Одамларнинг кўзида ҳаё, сўзида ибо, кексаларнинг тилида дуо экан”. Юзаки қараганда, бу бир эртақдек туюлади. Лекин мушоҳада қилинса, адаб ҳақиқатни сўзлаётганига, яъни тарихимиз хусусида фикр юритаётганилигига ишонч ҳосил қиласди. Ҳақиқатан ҳам, ўтмишда ота-боболаримиз қиссада тасвирлангандек яшашган. Лекин ёзувчи ёзгандек, “Бир куни ёмон шамол келибди. Эл оралаб бир эсишдаёқ одамларнинг кўксисида кибру ҳаво пайдо килибди. Эркаклар ўз аёллари қолиб, қўшни келинчакларга ола қарайдиган, қиз-жуонларнинг кўзлари сумбати келишган эркакларни кўрганда йилтирайдиган бўлибди”. Бу оддий шамол эмас. У рамзий маънога эга бўлиб, Чор Россияси ўлкамизни босиб олгандан кейин юз берган ҳолатга ишорадир.

Қиссадаги ҳар бир воқеа жумбокли. Уни ечиш учун мушохада юргизиш керак. Чўғол уч марта уйланади-ю, фарзанд кўрмайди. Қишлоғидан Холнисога уйлангач, фарзандли бўлади. Ёзувчи бунинг моҳиятини икки оғиз жумлада англатади: “Холнисо ниҳоятда покиза аёл эди. Андишали, уятчан. Мана, турмуш қурганларига сал кам йил бўляпти, ҳалигача баданини тузукроқ кўрган эмас. Олдингилари шир ялангоч тўрсайиб ётишаверарди”. Демак, аввалгилари собиқ социалистик тузум хотин-қизларни паранжидан озод қилиб, юзини очиб, эркаклар билан тенг хукуқли қиласиз, деб арzon ишчи кучига айлантирган, аёллик тароватини йўқотишга олиб келган сиёсатининг моҳиятини тушунмай, англамай ундан хурсанд бўлиб, бу сиёсатга бутунлай берилган аёллар. Оқибатда улар аёл бўлиб аёл эмас, эркак бўлиб эркак эмас, аросатда колган кимсалар бўлган. Бундайлар ўзларини ниҳоятда маданиятли санайди, лекин ўзларининг фожиасидан бехабар бўладилар. Холниса эса уларнинг акси. Унинг жисмини имон, эътиқод, андиша тарқ этмаган. Сабаби у яшаётган гўшида ўтмиш қадрияларига хурмат бор, қадимги ақидалар бутунлай йўқолиб кетмаган.

Қиссада акс этган деярли барча воқеаларда даврнинг иллатлари ўз ифодасини топган. Ёвбосар гўшкетти – бой одам. Қасрга ўхшаган уйларга, “Газ – 24” машинага эга. Лекин ниҳоятда диёнатсиз, худбин, одамнинг факат ўзимга бўлсин деган хилидан. Икки фарзандининг ўлимига ўзи сабабчи.

Ёвбосар жамиятга фойдаси тегмай яшайди. Кўлидан иш келиб, бўй етиб қолган фарзандларининг даҳшатли ўлимига сабабчи бўлади. Лекин бой яшайди. Чўғол бўлса колхоз бедазорини итдай кўриклаб, жамоа чорвасининг кўпайинига хисса кўшишига, жуда болажонлигига, доимо ўзгалар манфаатини кўзлаб жабр тортиб юришига қарамай, бечораҳол. Сабаби киши меҳнатига яраша ҳақ олмайди, ҳалол одам қадрланмайди. Чўғолнинг кинғирликка қарши қонун йўли билан эмас, куч ишлатиб эришишга интилишда ҳам рамзийлик бор. Чунки собиқ жамиятда қонун йўли билан ҳеч нарсага эришиб бўлмасди. Жамиятнинг ўзи қонунсиз, зўравонлик асосига курилгани учун унда қонунсизлик хукм сурарди.

Қиссадаги Улжамол образида болаликнинг бегубор туйгуси ажаб бир ҳаяжон билан инкишоф қилинганди. Бу туйгуя ёвуз куч хавф солиб туради. Буни ёзувчи илон тимсолида беради.

Илон рамзий характерга эга. Аслида, Ёвбосарнинг ёвузылиги ишорадир. У ёвузылиги билан Улжамолнинг умрига ҳам завол бўлади. Адиб бу жараённи ҳам мантиқий, ҳам психологик жиҳатдан асослайди. Улжамол Ёвбосарнинг ўғли Фатҳиддинга бутун вужуди билан меҳр қўйган. Лекин буни бошқача эътироф қилишга шарқона ахлоқ, қизлик гурури йўл қўймайди. Улжамол туйғулари ҳаё пардасига ўралган. Чунки унинг онаси шундай иболи аёл. Лекин киши туйғусини ҳар қанча пинхона тутмасин, вазият туғилгандা у ошкор бўлади. Улжамол фаолиятида ҳам шундай ҳолат рўй беради. Дугонаси Мавжуда: “Нима йўқ? Унда бечора йигит ўлиб кетаверар эканда? Ичингиз ачимайдими-а?” – деганига “Йўқ, ўлмасин,... унда мен ҳам ўзимни ўлдираман”, – деб ички туйғусини ошкор қилиб қўяди. У Фатҳиддиндан хавотирда, унинг хаёли билан юрган куни томорқада илон даф қиласди. Руҳий изтиробда бўлган қалбга бу ҳолат ўзгача таъсир қиласди. Эрталаб бир аҳволда бўлган Улжамол Фатҳиддиннинг ўлимини эшитиб, хангуманг бўлади. Бунга фақат ўзини айбдор деб билади. Шунда Фатҳиддиннинг уйига қандай бориб қолганини билмай қолади. Унинг аҳволини кўргач, юраги чидаш бермайди.

Чўғоннинг касалга тез етиб бориш ўрнига, бамайлихотир доmino ўйнаб ўтирган шоффёрни, касални кўришга бориш ўрнига, оқ ҳалат билан иш пайтида фахш иш билан шуғулланган врачи қизи Улжамолнинг ўлимидан кейин чавоқлаб ташлаши, ёвузылик тимсоли бўлган Ёвбосарни даф қилиш учун қувиб, Уйшун ота горига кириши, лекин у ердан иккаласининг ҳам кайтиб чиқмаслиги ҳам рамзий маънога эга.

Чўғол инсонийликда муҳим иллат саналган шафқатсизлик ва лоқайдлик психологисига қарши индивидуал курашди. Лекин бу йўлда қон тўқди. Бу билан гарчи хатти-харакати эзгулик йўлида бўлса-да, катта гуноҳ қилди. Шунинг учун ҳам уни Ёвбосар билан бирга Уйшун ота гори ютди.

Уйшун ота гори – эзгулик рамзи. У ҳалол, пок одамлардан ўз марҳаматини аямайди. Ёвуз, нопокларга эса шафқатсиз. Шундан ундан чиқаётган шифобахш сув ҳаммага нафли эмас.

Хулоса қилиб айтсак, адид афсона ва рамзлар замирида ҳақиқатни акс эттирган, шунингдек, азалий урф-одатларга, қадриятларга ҳурмат билан қарашга даъват қилган. Қиссанинг аҳамияти шундадир.

Текшириши саволлари:

1. Истиқтол ҳаётий жараёнига тўғри ёндашишнинг моҳияти нимада?
2. Инсон табиатига оилавий ва маънавиятнинг таъсирини аниқ асар мисолида асосланг.
3. Ёмонлик илдизи Ш. Бўтаев қиссасида қандай бадиий ифодаланган?
4. Тубанлик моҳияти Илҳом Зойиров қиссасида қандай очиб берилган?
5. “Уйшун ота гори” қиссасида қандай ғоя илгари сурилган ва унинг ахамияти нимада кўринади?

Таянч тушунчалар

Плюрализм – оламнинг асосида кўп нарсалар ётиши ҳақидаги ғояларни илгари сурувчи таълимот; фикрлар хилма-хиллиги ва қарашларни ранг-баранглиги.

Фоя – инсон тафаккури маҳсули.

Миллий ғоя – миллат мағкурасининг маҳсули; инсон ва жамият ҳаётига маъно-мазмун бахш этадиган, уни эзгу мақсад сари етаклайдиган фикрлар мажмуи.

4. 3. Маънавий-ахлоқий ва фожийликнинг бадиий ифодаси

Режа:

1. Фосиқлик дунёси ва мунҳатликнинг илдизи.
2. “Зубайда” қиссасининг янги тамоили.
3. Қийин, мураккаб вазият тасвирида қисмат ифодаси.
4. Нормурод, Матлаб, Ҳикматуллоларнинг образи талқинида фосиқлик ва мунҳатликнинг фош қилиниши.
6. Зубайда ва Курбонгуллар фожиасининг моҳияти.
7. Жўмардлик фалсафаси ва унинг асоси.
8. Эрназар полвон билан Сами чўлқ ўртасидаги зиддият тасвирида давр ифодаси ва маънавият.

Адабиётлар:

Аристотель. Поэтика. – Т.: “Faafur Fулом” нашриёти, 1980.

И. Мирзаев. Насримиз бадиий олами. – Т., 1991.

К. Йўлдошев. Насримиз уфқлари. – Т.: Ёзувчи, 1999 й., 5 май.

Нормурод Норқобилов. Бекатдаги оқ уйча. – Т.: Шарқ, 2000.
Жамила Эргашева. Зубайда. – Т.: Шарқ юлдузи, 1996 йил,
5-сон.

Х. Каримов. Истиқлол даври насри. – Т.: Зарқалам, 2007.

Жамила Эргашеванинг “Зубайда” номли қиссаси янги та-
мойил йўналишида ёзилган. Унда тоталитар тузум пайтида чоп
этилган кўпчилик асарларидағи каби қаҳрамонлари ўша дав-
ринг етакчи мафкураси измида ҳаракат қилмайди, уларнинг
барча фаолиятлари: туйғулари, хиссиётлари, ўй-фикрлари,
орзу-умидлари, янгилишлари, хатти-ҳаракатлари ўта табийи,
жонли, ҳаётийдир. Шунингдек, унда воқелик эмас, инсоннинг
қисмати, фожеаси, дардлари, фосиқлик туфайли юзага келган
қалб оғриқлари – сувайдо етакчилик қиласди. Бу ҳол, сўзсиз,
асарга маҳзунлик касб этган. Мазкур маҳзунлик қиссани ўқиш
давомида китобхон қалбига ҳам кўчади. Оғриқ пайдо қиласди.
Қиссани ўқиб тугатгач, кишининг хотирасига Навоийнинг “Не
балодур, ким фалак ҳар кимга чекса тифи кийи”, деб ҳаётдан
чекан фарёди келади. Китобхон ҳам дунё фосиқлигидан,
тўғрироғи, уни юзага келтирган мунҳат каслар қилмишидан
изтироб чекади. Демак, қалбига дард, оғриқ киради. Маълум-
ки, дард, оғриққа инсон чора қидиради, уни тузатади. Китоб-
хон ҳам чора излайди. Яъни ўзини англаш орқали одам ва олам
дунёсини англай бошлайди.

Қисса воқеалари эзгулик ва фосиқлик дунёсининг илкишо-
фи асосига курилган. Эзгулик оламини Зубайдада, Курбонгуллар
ташкил қиласа, фосиқлик, мунҳатлик дунёси Нормурод,
Ҳикматулло, Матлаблар фаолиятида ўз ифодасини топади.

Қисса воқеаси бош қаҳрамон Зубайданинг ўзига оро бе-
риш ҳолатидан бошланади. Барча сюжет чизиги унинг фа-
олияти билан bogланади. Маълумки, аёл киши икки ҳолатда
ўзига оро беради. Бири ўзини бозорга солиш учун, иккинчи-
си оламни кутқариш учун. Биринчисининг оро беришдаги
хатти-ҳаракатида, ородан сўнгги юзага келган кўринишида
нияти сезилиб турганидан кишининг ихлосини қайтаради,
кўнглида қандайдир нохушлик кайфиятини туғдиради, ик-
кинчисининг ҳаракатида назокат бўлгани учун жозибадор-
дир. Чунки назокатнинг асоси ўз турмушидан мамнунлик, по-
клиkdir. Қисса қаҳрамони Зубайда иккинчи тоифага мансуб
аёлдир: “... Айвон токчасидаги хорижий телефон эрмакнамо

хуштак чалиб, соҳибасини чорлаганда, Зубайда соchlарининг қора рангига қоникмай, қизғиши орзусида бошини хинолаб ўтирган эди”. Бу қўнғироқ Зубайданинг ҳаётдаги бутун кувончининг сабабчиси, бутун орзуларининг аъмоли бўлган эри Ўташбекнинг касалхонага тушганини хабар қиласди. У хиноли сочини чала-чулпа ювиб, касалхонага отланганда, йўлда таниш машинани учратади: “Зубайда енгил нафас олди. Орқа ўриндиқда Ўташбекнинг йўқлигига ҳам, машина ортидан изма-из келаётган қизил белбоғли оқ машинага ҳам эътибор бермади. Негадир машина тўхтамай ўтган бўлса-да, Мўмин унинг кўнглини тинчтитувчи бир хабар олиб келганлигига умид қилиб ортига қайтди.

Иккала машина ҳам дарвозалари олдида кетма-кет тўхтаб, қизил белбоғли машинадан Бектош aka бўкириб йиглаб тушди. Бу машинада Ўташбекнинг жасадини олиб келишганди. Эрталаб “Термизда катта йигин бор”, деб кетган Ўташбек юрак хуружидан фоний дунёдан бокий дунёга рихлат қилган эди.

Ўташбек ҳаётлигига олам Зубайда кўзига ғоят гўзал, одамларнинг барчаси маъсум кўринарди. Фосиқлик дунёсига дуч келмаганидан бутун олами эзгулик чулғаган деб биларди. Чунки унинг ўзи ва эри Ўташбек покдамон хилқатлар эди. Лекин ҳаёт Зубайда ўйлаганча эмас, айниқса, 70 йиллик замон ҳазрат Навоий айтганидек, “Ёмонга гул берди, яхшига деб хор... ёмонга баҳт берди, яхшига баҳбаҳт” эди. Қиссада худди шу ҳақиқат Зубайда ва Курбонгул қисматида ўз ифодасини топади.

Зубайда эри вафотига уч ой бўлганда фосиқлик дунёсига дуч келди. “Бир куни нафаси қайтиб уйғониб кетди, аммо елкаларидан босиб турган икки қўл ўрнидан туришга қўймасди:

- Янга, жим! Болалар уйғониб кетади...
- Нормурод! Сиз...
- Ҳа, мен. Менман, янга, кўрқманг, – у ҳансираф, ўпмоққа уринарди...

Зубайданинг нафаси қайтиб кетди. – Аҳмоқ, ифлос! – у катта-катта давраларда соврин олиб юрган полвонни елкасидан ошириб ташлашга зўр бериб уринар эди. – Виждонсиз! Ҳали акангнинг тупроғи совумасдан туриб...

Зубайда унинг бу ифлослигини ичига ютди. Эрига кўп яхшиликлар қилган қайногаси Бектош акадан андиша қиласди. Ҳозир яшаб турган уйининг пулинини ҳам у тўлаган эди. Қайниси

Нормуроднинг бу ифлослигидан озор топган қалб оғриги бо- силмай, бу воқеа бўлганига кўп ўтмай, уйига овсини – Бектош аканинг хотини Фотима опа кириб келди. Гапни келинларидан очиб: “Биласиз, Нормурод укангизга уй куряпмиз. Шу уий бит- гунча бир йилми, икки йилми сизникида туриб турса”, – деди. “Ярим тунда Зубайданинг кўкрагидан босган юк энди юз ба- робар бўлиб, елкасига ортилган эди. Нима десин? “Сизники”, деган ҳовли – уларники. Хўп деса, Нормурод!”

Адиба қаҳрамонларини мана шундай қийин, мураккаб ва- зиятдаги қисмати тасвирида уларнинг қандай шахс эканлигини очиб беради. Шунинг учун улар тақдири кишини бефарқ қолдирмайди, қалбида оғриқ, дард пайдо қиласди. Демак, асар- нинг иккинчи умри китобхон қалбида бошланади.

Ўз одоби билан тилга тушган Курбонгулга бўй етгандада со- вчилар дўлдек ёғилди. Лекин у ҳаммасини бирин-кетин рад эта- ди. Ажабки, Ўташбекнинг шофёри Мўминжоннинг ўзи юзма- юз гаплашганда, онам билади, деб жавоб берди. Мўминжонни онаси Қулфин хола совчиликка келгач, шу гапни айтганда, Курбонгулнинг онаси Омонгул хола ҳайрон бўлди. “Нон ушатилиб олингач”, Курбонгул бирдан ўзгариб қолди. Бун- дай ҳолга тушишига сабаб, норасида пайтида мунҳатликнинг курбони бўлганди. Уни ўз Банги отаси, яъни Матлаб Банги ўн тўрт ёшида “онаси кичкина укаси билан касалхонага тушганда” бадном қилганди.

Курбонгул Мўминжонга розилик берганда бу шарманда- ликдан кутилиш йўлини ўйлаганди, лекин виждони бунга йўл қўймади. Ўташбекнинг вафотидан уч ой ўтгач, Бектош аканинг олдидан ўтиб тўй бўлди. Ўз-ўзидан аниқки, тўйда Курбонгул келинлик либосида эмас, ўзини гўё шарман- далик либосида ўтирганидай ҳис қилди. Чимилдиқли уйда ёлғиз қолишганда ўзини бокира эмаслигини айтди. Мўмин Курбонгулни инсонийлик қилиб эмас, тўй ҳаражатларини ўйлаб ҳайдамади. Унинг бу иши Курбонгулга жуда қимматга тушишини ҳали билмасди. Икки ўртада жарликни “на юмшоқ тўшак, на қайноқ бағир кўмиб юбора олмади”. Мўминнинг қалбини шубҳа емиради. Аламини эса Курбонгулдан олар- ди. Унинг ҳар қадамини тергарди. Шўринг қурғур бегуноҳ Курбонгул ўзининг гўзал хилқатлигига, мағрурлигига карамай, шубҳаларни тарқатишга эринмай хисобог берарди. Одатда, бундай оғирлик фарзанд, айниқса, ўғил кўрилганда ўз

йўлига тушиб кетади. Бироқ Курбонгулда ундай бўлмади. Дунёниг кажрафторлигини қарангки, қайтага Мўминжоннинг шубҳалари тасдиқлангандай бўлди. Чунки “Боланинг сочлари сап-сарик, қўзлари мовий эди!” Қулфии холанинг: “Қайнотангнинг бобосини ҳам одамлар отини айтмай “кўккўз бобо” дейишар экан. Қайнотанг раҳматли “бизнинг томири-мизда ўриснинг қони бўлса керак”, деб юрарди доим”, – деган сўзи ҳам бу шубҳани тарқатолмасди. Иккинчи фарзанд қиз тугилди. У Курбонгулнинг ўзи эди. Мўмин эса касалхонага ҳам бормади, келгач, болани қўлига ҳам олмади.

Йиллар ўта бошлади, фосиқлик дунёси Курбонгулнинг асабарини кемириб борарди. Бу охири ўз ишини қилди. Чунки ҳамма нарсанинг ибтидоси ва интихоси бўлгандек, хўрлик ва маломатга чидашнинг ҳам чегараси бор. Ички изтиробдан қалбнинг чакиллаб томган қон йиғилиб, бир кун юракдан отилиб чиқиши табиий холдир. Шундай кун келди. Бундай бўлишга, сўзсиз, Мўминнинг Курбонгулга нисбатан ишончсизлиги ва тинимсиз дашномлари катта роль ўйнади. Бу эса, ўз навбатида, Курбонгулнинг хатти-харакатини асосслайди: “Ўша куни Санжар мактабдан янги гап топиб келди: – Муаллимимиз, эргата ота-оналар йиғилиши эмас, оталар йиғилиши бўлади, деди...

Мўмин телевизиордан кўзини олмай буюрди:

- Онангга айт!
- Йў-ўқ? Оталаринг келсин, деди.
- Онангга айт, деяпман-ку сенга! Бор, нарироқ бор, бошимни оғритма.

Курбонгулнинг ранги оқариб кетди. У эрининг гапини, “Онангга айт, отангни топиб беради”, деб тушунди.

Бола яна “Ота...” деб ғинший бошлаган эди, у ўрнидан сакраб туриб, бор аламини кафтига жойлаб, қулочкачлаб бир тарсаки тушириди:

Эрининг уни қайтармасдан индамай ётгани, боланинг кўркув ва ҳайрат билан катта-катта бўлиб кетган кўм-кўк кўзлари буткул кутуртириб юборди.

– Сенга ота керакми? Мана!.. Мана сенга ота! Энди у гужанак бўлиб ўтириб қолган болани тепа бошлади. “Онажон, онажон!..” илтижо қилаётган бола ҳолдан тойиб, товуши чиқмай қолгач, ичкарига кириб, девор юзига илинган қалин гилам четига осиғлиқ турган қайнотасидан қолган пичоқни

олди”. Тўғри уйига келиб, “Онажон, Санжар ўлиб қолди, тез чопинг Мен дори топиб, изингиздан етиб оламан”, – деб онасини жўнатгач, отаси Банги Матлабни пичоқлаб, фосиқлик дунёси келтирган азобларига барҳам берди. Лекин фосиқлик дунёсининг коронги бурчаги кўпдир...

“Нафс итини забун қилолмаган” (Навоий) Нормурод Зубайдани забт этиш, уни ўз жазманига айлантиришга уйга кўчиб келган кундан бошлаб режа туза бошлади. Онасикига ётиб қолиш учун изн сўраган хотини Бибинорга рухсат бергач, шундай кун келганидан курсанд бўлди. Ишдан вақтлик келиб, Зубайдани пойлади. Ҳеч нарсадан бехабар Зубайда ошхонада хамир қораётганда, эшикни беркитиб, унга ташланди. “Шахд билан олдинга ўтиб, ўқлов ўқталаётган нозиккина вужудни бағрига босди”. Худди шу он эса Бибинор келиб қолди.

Тасаввур қилинг. Эрининг йили ушатилган бўлса-да, устидан кўкини ташламаган, назарида, эри ҳар қадамда кузатиб тургандай ҳис қилган, унинг руҳига хиёнат қилмасликка аҳд қилган, бу саъй-ҳаракатига барча таҳсинлар ўқиган аёлнинг қай аҳволга тушишини. Зубайда шу аҳволга тушди. Эрининг руҳи олдида қилган бутун тоат-ибодатлари бита фосиқ деб бир пул бўлди. Айниқса, “Буни кўргандан нимага тумтайиб олади десам, мен анқовни чалғитиш учун артистлик қилиб юрган экансиз-да!.. Кўккинангни кийиб, мен ҳам укангга ўйнаш бўлай!” – деган гапи Зубайдани адойи тамом қилди. Энди бу уйда туриш ҳам, устидан кўкки билан юриш ҳам мумкин эмас эди. Бу ҳол пок инсонлар учун катта фожиадир. Маъсум Зубайда бошига аввалги фожиаси етмагандек, яна бу маломат! Қиссанинг шу ўринлари киши қалбини титратади, фосиқлар дунёсининг найрангларидан огоҳ бўлиб, қалби ўртанади, инсонийлик сари бир қадам олға ташлайди.

Қиссада фосиқлар дунёси бу билан чекланмайди. Ҳаётда яшашиб синов дегандай, Зубайда яна фосиқлик дунёсига дуч келади. Юқоридаги воқеадан сўнг, Зубайда ўзи ич-иҷидан истаса ҳам, энди Ўташбекка тутган азасини давом эттира олмасди. Шундан ҳам онасикининг қистови билан эгнидаги кўкни алмаштирганда азиз одамини йўқотгани учун эмас, гўё одамлардан уялгани учун шундай йўл тутгандай туюлиб кетди. Чунки уни Нормурод орқали елкасига ортилган маломат тоши ҳамон эзиз турарди.

Тўрт йилдан бери мотамсаро ҳолда кўрган онасикининг янги кийимда яшнаб кетганини биринчи ўғли Отабек сезди: “Она-

жон, бугун тўйга борасизми?.. Чиройли бўпсиз. Энди ҳар доим шундай бўп юринг, хўпми?” – деди. Зубайда “ўғлиниң кўзларидаги завқни ҳамкасларининг қарашларида ҳам кўрди. Кўшни бўлимда ишлайдиган Ҳикматилло деган йигит, нимадир сўраб ёнига кирди-да, бир чукур нафас олиб: “Маъкул иш килибсиз. Одамзод ўзи учун ҳам яшаши, кийиниши керак”, – деди.”

Ҳикматилло Зубайдага ҳақиқий ошиқ, унинг шикаста кўнглига малҳам бўлишга ишонтиришга интилганда, катта мақсадни кўзда тутганди. Яъни Ўташибекдан қолган ҳовлини соттириб, машинага эга бўлиш ва таралабедод қилиб юришни. Зубайда эса унинг илтижо ва ваъдаларини кескин рад эта олмади. Нормурод билан бўлган воқсадан кейин рад ҳам эта олмасди. Чунки шундай қилинлик энди сунъийдек туюларди. Адиба қаҳрамонлари хатти-харакатини ана шундай мантиқий асослайди. Шундан Зубайданинг Ҳикматуллога турмушга чиқиши кишида эътиroz туғдирмайди.

Ҳикматулло никоҳдан ўтиб, Термизга кўчиб келишгандан кўп ўтмай, мақсадга кўчди. Олдин уйни суриштириди, сўнг кескин мақсадга ўтди. Сўзсиз, Зубайда бу гапдан гангиб қолди. “Зубайда юз бериши мумкин бўлган шармандачиликдан кўрқиб, омонат ёлғоннинг панасиға беркинди”, – деб ёзади адiba. Зубайда Ҳикматуллонинг масалани кўндаланг кўйганига кўра, “Сотаман деб ваъда берганига қарамай, ҳар шанба “кўзкориндай бир-бирига ўхшаш баҳоналарни кўлтиқлаб келаверди”. У: “Қизингиз теккан жувормагининг катта хотини ўз оғзи билан айтибди. У жувормаг онасиға: “Нози кўп экан, машина олиб олай, жавобини бериб юбораман”, деган ҳақиқатни Бектош аканинг қизи орқали эшитгач, тақдиридан фифон чекди. Бу фифон фақат Зубайданинг фифони эмас, эзгулик олами-нинг фифонидир.

Жамила Эргашева ёзади: “У (Зубайда) йўлакка кириши билан момақалдироқ гумбурлади. Осмонининг коп-қора булут коплаган кўксига чакин ўтли ханжарини сапчди. Огриқданми, аламданми, осмон “дод” деб юборди. Сўнг узоқ ийғлади”.

Кўзларига кўнган бор гардлар, юрагига тошдек ботиб ётган дардлар, кенглиқда қиёси йўқ кўксини коплаган гала-гала қора булууглар – ҳаммаси ёш бўлиб, ёмғир бўлиб оқди, оқаверди. Эрга тонгда тип-тиник зангори осмонни кўриб, қуёшининг кўзлари ёниб кетди. Янги, ёруғ бир кун дунёга келди. Ҳа, эз-

гулик ғалаба қилди. Зубайдада жисмидаги ташқи губорни табиат ювиб туширди, фосиқлар оламининг турфа найрангларига ишончдан туғилган сувайдони эса пок қалбнинг тиник булоғидан сизиб чиқкан ёшлар ювиб юборди. Эзгулик, яъни Курбонгулдаги жўмардлик, поклик Мўминни ҳам ўзига келтирди. Курбонгул қамалгач, эрига ҳақиқатни айтди. Мўмин Зубайдани учратганда шундай дейди: “Эсим оғиб, тентак бўлиб қолай дедим... Болаларимни ўйлаяпман. Онаси бундай бўлгач, букилиб қолиши. Шулар хўрланмасидан, бирон жойларга кўчиб кетайлик”. Бу гапда рамзийлик бор, у бутунлай поклик оламига қадам кўймоқчи. Бундай йўл тутишга Зубайдада, Курбонгулларнинг оппоқ қалб дафтарида фосиқлик дунёси қолдирган сувайдо ундали. Чунки ўта нафрат кишини ўша нарсадан фориғ бўлишига қатъий ундаиди. Мазкур қисса воқеалари ҳам шундай кучга эга. У фосиқлик дунёси, фосиқ, мунҳатлар оламига нафрат уйғотиш, унинг турфа найрангларидан огоҳ қилиш орқали эзгулик оламига олиб кириш билан кишини комил инсон бўлиш сари даъват этади. Қиссанинг муҳим аҳамияти ва адабиёт оламида тутган ўрни шундадир.

Ички кечинмалар, туйғулар, ҳислар инъикоси орқали инсон қиёфасининг тўла намоён бўлиши бадиийликнинг муҳим мезонидир. Бу ҳол, ўз навбатида, истиқлол адабиётининг ўзига хослигини белгилайди. Нормурод Норқобиловнинг “Қоялар ҳам йиглайди”, “Тоғ одами”¹ қиссалари буниинг ёрқин мисолидир. Қисса қаҳрамонлари жўмард одамлар. Маълумки, жўмардликнинг мезони мардлик, адолатлилик, поклик, ватанпарварлик. Эрназар полвон ҳам (“Қоялар ҳам йиглайди”), Жондош (“Тоғ одами”) ҳам оддий меҳнаткаш, катта амалга, юксак билимга ҳам эга эмас кишилар. Шундай бўлса-да, киши уларга меҳр қўяди, севиб қолади, хатти-ҳаракатларини қўллаб-куvvатлайди. Сабаби уларнинг қалблари поклик, ҳалоллик, диёнатлилик билан йўғрилган. Шундан уларнинг фаолияти кишиларни ўз қилмишларини тарози палласига бир солиб кўришга ундаиди. Ҳаёт фалсафасидан маълумки, шундай қилганда, киши ўзини қандай шахс эканлигини англайди. Бу эса яхшиликка, эзгуликка ташланган қадамдир. Демак, ҳаёт, турмуш ва инсон нима учун яшаётганини фақат катта сиёсат-дон олимлар эмас, ҳаётнинг ўзиdek мусаффо қалб одамлар ҳам

¹ Нормурод Норқобилов. Бесатдаги оқ уйча. – Т.: Шарқ, 2000. 297 – 383-бетлар.

² Нормурод Норқобилов. Овул оралаган бўри. – Т.: Шарқ, 2005. 66 – 161-бетлар.

англатиши мумкин. Англатганда ҳам жуда тушунарли, кишиларнинг қон томиридан қалбига уриладиган тарзда англатади. Бундай килишиликни бадиий асар уддасидан чиқади. Қочопки истеъододли ёзувчи томонидан ёзилса. Мазкур қиссалар ҳам шундай аҳамиятга эгадир.

Эрназар полвоннинг ҳар бир ҳаракати: қадам босиши, ўтириши, атрофга нигоҳ солиши, гапириш манераси мақсад сари йўналтирилган. Яъни бу нарсалар унинг қандай шахс эканлигидан далолат беради. У – ўз эътиқоди ва ақидасига эга шахс. Унингча, жўмардликнинг асоси – оила. Шундан унга қилча хиёнат аралashi керак эмас. Ўшандагина насл тоза бўлади. Насли тоза инсон ўз гўшасига меҳр кўяди, уни муқаддас деб билади, иродаси кучли, руҳан соғлом бўлиб етишади. Унинг етти пушти шу ақидага амал қилган. Бу ақидани бузиш унинг аждодлари руҳига хиёнатдир. Лекин инсоннинг барча ўйлагани ҳам бўлавермайди, ҳаёт ҳам бирдай қолмайди. Овдан келаётган Эрназар полвонга дуч келган Сами чўлоқнинг: “Сомсаҳонадаги жувонлардан бирини улингизга иккинчи хотин қип ижобламасангиз, деб қўрқаман. Ўсарвойнинг қадам олишлари чатоқроқ. Лекин шаҳарди қизларидан сал ҳазр бўнг, енгиздан кириб, ёқангиздан чиқади-я”, – деганидан унинг тинчи бузилади. Бунинг сабаби бири ўғли Ўсарнинг гулдай хотини бўлиб, ножӯя қадам ташлаб, етти пуштининг ақидасини бузгани бўлса, иккинчиси, шу гапни Сами чўлоқнинг айтгани эди.

Қиссада бир воқеа иккинчи воқеанинг юзага келишига имкон яратади. Сами чўлоқ бекорга тилга олинмайди. У икки мақсадга хизмат қиласди. Биринчиси, Сами чўлоқ ҳатти-харакати орқали тоталитар тузум сиёсатининг мантиқсизлиги, волюнтаристик характерга эгалиги, инсон ҳақ-хуқуқининг поймол қилиниши фош қилинса, иккинчиси, Эрназар полвоннинг тутган иши орқали унинг қандай инсон эканлигини намоён қилинади.

Сами раислик пайтида тоғ бағрига жойлашган қишлоқ аҳлини чўлга оммавий равишда кўчишга даъват қиласди. Эрназар полвон биринчи бўлиб бу мажбуриятга қарши чиқади. Самининг дўқ-пўписасига қарши ҳатто уни дўйпослайди. Оқибатда қамалади. Унга дўсти Гайбулла ҳам эргашади. Раисни мен урганман, деб туриб олади. Чунки Эрназар полвон қишлоқ аҳлининг манфаатини кўзлаб шу ишни тутган бўлса-

да, уни олиб кетаётганда бирор одам ёнига тушмайди. Бу ҳол Эрназар каби жўмардларнинг одамлардан кўнглини қолдириб, ҳаётдан қўл силташга олиб келиши мумкин бўлган вазиятдир. Бундай шахсларнинг биттасининг ҳаётдан қўл силташи, минглаб фосиқлар дунёсининг тегирмонига сув қўйиши билан баробардир. Файбулла буни ҳис қиласди. У ўзининг тутган бу иши билан одамлар кўз ўнгига улугворлик касб этади. Ёзувчининг нияти ҳам шу.

Қамоқда ҳам икки дўст гурурини оёқ ости қилишмайди. Эрназар полвон қамоқдан чиққач, тўғри қишлоғига келди. Ўзи яшаган уйни ташлаб, ўзига ўзга бошпана қурди. “Остонаси булғанган бу уй энди менга ҳаром, деб ўйлади. Чунки унинг ақидаси бўйича, йигит ўз қўли билан солган кулба остонасидан “биринчи бўлиб келин хатламоги лозим эди. Аммо, минг афсус, бўсағада тумшуғи қирилган хром этик пайдо бўлди”.

Эрназар полвондан сўнг қишлоқнинг деярли ярим аҳолиси қайтиб, у яна вайронадан обод масканга айланди. Қишлоққа асос солгани ва жўмардлиги учун Эрназар полвон қишлоқ кайвонасига айланди. У ўғли Ўсар хусусидаги гапдан кейин ўзини қўярга жой тополмайди. Бошқалардан покликни талаб қилса-ку, ўз зурриёти эса... Лекин у бирор нарсага ўзи ишонч ҳосил қилмагунча, амалиётга киришмайди. У район ошхонасидаги аёлни ўз қўзи билан кўради, сухбатлашади. Ёзувчи бу ўринда ҳам Эрназар полвон хатти-харакатидан тўғри фикрни олга суради. Яъни қиссада, одат тусига кириб қолгандек, бу борада аёл айбланмайди. Эрназар полвон ўғлини, яъни эркакни айблайди. Бу билан ҳаёт ҳақиқатидан тўғри дарс беради.

Ҳақиқатни билгач, Эрназар полвон ўғлига шундай деди: “Ўша аёлда кўнглинг бор экан, буйтиб яшириб юрмай, Аҳад полвондай эл-юртга билдириб, ҳалоллаб олмайсанми? Агар келин томондан хавотиринг бўлса, мана мен бор. Гаплашман, тушунтираман. Хўш, нега индамайсан, ҳалоллаш ниятинг борми ўзи? Лекин Ўсар бош чайқади. Отанинг “... ҳалоллайсан энди”, деган қатъий талабига “Кимлардир исказ кетганини-я”, – деди. Бу гапдан ота англади-ки, ўғлининг қонига шайтоннинг ин қурганига анча бўлган экан. Бу борада ёзувчи шундай ёзди: “У ҳаёлини чалғитиш учун ўғлининг елкаси оша қаршига, арчазорга, сўнг каттакон харсангтошга термулди, Жувоннинг гуноҳкорона сиймоси харсанг қатидан силқиб чиққандай туялди. Кўзларини чирт юмиб, бошини ўнгга бурди. Кўз очиб,

тик қояни кўрди. Қоя бети инсон чехрасига ўхшаб кетишини энди пайқагандек, унга диққат билан тикилди. Қоя юзида нам кўрди. Тунда қўнгани қалин шудринг қуёш тифида эриб, қоя бети бўйлаб сизмокда эди... Шу топда қаршисида ўғли эмас, Файбулла чол ўтирганда, тўсатдан миясига келган фикрни яширмаган, қаранг, қоя йиглайти, деган бўларди”.

Бу фикр катта рамзий маънога эга. Маълумки, инсоннинг тириклигини таъминлайдиган сув тоғу топи, қоялардан сирқиб чиқади. Улар ўз багриларида кир-чир, ғуборларни олиб қолиб, инсонга мусаффо, барча иллатлардан ҳоли обизамзамни оқизади. Бундай бўлиши бежиз эмас, у Аллоҳнинг инсонга инояти ва, ўз навбатида, талаб-истагидир. Яъни ҳар емишнинг мусаффо обизамзамдан бунёд бўлар экан, тананг ҳам, руҳинг ҳам шундай бўлмоғи даркордир. Маълумки, пок, тоза қонда шайтонга ўрин йўқдир. Лекин тоза қонни булғаб (Ўсарнинг ичимликка мойиллиги), шайтонга макон беришидан, қоялар ўз меҳнатини беҳуда кетганлигидан йиглайди. Бу йиги Аллоҳнинг бандасидан ўқинчидир.

Эрназар полвон дўсти Файбулла чолнинг маслаҳати билан Ўсарнинг жисмидан калтак орқали шайтонни ҳайдамоқчи эди. Лекин Ўсар отасига бўйин бермай, унга қўл кўтарди. Ота ғазабидан қочиб, тоғ ошиб, қишлоққа кетмоқчи эди, аммо қилмишидан қоялар газабга келиб, кўчкисини кўчирди, калладай тошлардан бири уни йикитди. Сўнг чоғрок харсанг белидан босди. Салдан сўнг Ўсар тошлар оқими орасида бутунлай кўздан йўқолди.

Қиссада Ўсар билан Сами чўлоқнинг кисматида муҳим ҳаётий фалсафа ўз ифодасини топган. Яъни ёмонлик жижжиз қолмаслиги. Ўсарнинг жазосини қоялар берган бўлса, кейинги йилларда мосуво, адойи-тамом бўлиб, ҳалқ назаридан қолган Сами чўлоқнинг жазосини қоялар яратган хилқат – Эрназар полвон беради. Бу ҳол, ўз навбатида, такдири азалдир. Қисса мана шундай ҳаётий ҳақиқатнинг бадиий талқини воситасида инсонийлик фалсафасидан сабок берар экан, кишини кўп нарсадан огоҳ қиласди. Унинг маънавият оламида тутган ўрин ва ижтимоий аҳамияти худди мана шундадир.

Текшириши саволлари:

1. “Зубайда” қиссасида фосиқлик ва мунҳатзининг шадоми қаерда?

2. Зубайда ва Курбонгуллар фожиасининг моҳияти нимада?
3. Жўмардликнинг асосида нима ётади?
4. Эриазар полвон ва Сами чўлоқ ўртасидаги зиддият тасвирида нима ётади?
5. Фожийликнинг моҳияти нима?

Таянч тушунчалар

Жўмард – мард, ботир, довюрак, олихиммат, хотам.

Пафос – ижодда фикр ва хиссанинг бирлиги; бадиий асарининг асосий гояси; ёзувчи ижодининг умумий йўналиши.

Фожийлик – алам, дард, баҳтсиз, фалокат, ўлимнинг ижтимоий муҳит ва сабаблар билан уйғунлашиб кетиши.

4. 4. Детектив йўналишдаги қиссалар

Режа:

1. Детектив асарининг хусусияти.
2. “Йўлбарс терисини ёпинган тулкилар” қиссасидаги сирли воқеалар ечими.
3. Терговчи Халиловнинг хатоси.
4. Фарб детектив асарларидаи миллый детективнинг фарқи.
5. Фарб адабиётида детектив турдаги асарларнинг етакчилигининг сабаби.
6. “Латофат” дўконидаги қатл” қиссасининг моҳияти.
7. Индуктив ва дедуктив методларининг моҳияти.
8. Абдумўмин образида ёзувчи гоясининг ифодаси.
9. Комила қисматининг аҳамияти.

Адабиётлар:

Ҳ. Каримов. Фош этишнинг қалити – тафаккур. ЎзАС. 1999 йил, 13 ноябр.

М. Мансуров. Асадбек фожиаси. Т. Малик. Шайтанат. З-китоб. 368 – 381-бетлар.

Т. Шермуродов. Ҳидоятнинг машаққатли йўли. ЎзАС. 1998 йил, 30 октябр.

А. Дилмурод. Дил яхшироқ ҳамхона. ЎзАС. 1999 йил, 23 июн.

А. Улуғов. Ман қилинган майдондагилар. ЎзАС. 1998 йил, 17 июнь.

И. Мирзаев. Чин сўз эҳтиёжи. ЎзАС. 1997 йил, 3 январь.

Ф. Киличев. Бургут чангалида. – Т., 1998.

А. Ибодинов. “Латофат” дўконидаги қатл. – Т.: 2001.

Детектив асар воқеалари жуда катта мантиқ асоси-
га курилмоғи ва унинг моҳияти кучли фалсафий тафаккур
орқали очилмоғи даркор. Ана ўшандагина асар жиноят хусу-
сида ёзилган лавҳа, бадиий ва ҳужжатли очерклардан фарқ
қилиб, бадиий асарга айланади. Таникли хукуқшунос ёзувчи
Файзулла Қиличевининг “Бургут чангалида” (“Адолат” нашири-
ёти, 1998 йил) номли китобига кирган қиссалари ана шундай
хусусиятга эгалиги билан кишини мамнун қиласди. Маълумки,
детектив атамаси лотинча фош этиш, инглизча очилиш, жо-
сус деган маъноларни англатади. Бундан кўринадики, мазкур
жанрдаги асар воқеалари бирор жиноят ишни фош қилишдаги
саъй-ҳаракат асосига куриласди. Лекин у шунинг ўзи билан че-
кланиб қолиш керак эмас, балки шу жиноятининг келиб чиқиш
сабабларини, моҳиятини, ижтимоий-социал асосларини ҳам
очиб бермоғи даркор. Шундагина бундай асарлар жамияг-
ни энг хавфли иллатларидан фориғ қилишига, инсон қалбини,
рухини пучмоқлардан тозаланишига, бир сўз билан айтганда,
маънавиятта хизмат қиласди. Мазкур китобдаги асарларни
ўқиган киши муаллифининг мазкур жанр талабини жуда яхин
аглашини ҳис қиласди.

“Йўлбарс терисини ёнигани тулқилар” номли киссани буни-
га яққол мисолдир. Қисса республикамизда якни йилларда
булиб ўтган воқеалардан хикоя қиласди. Воқеаларниң кечини,
каҳрамонларининг номи шунчалик танини, қиссани ўқинига
киришигани китобхон, унда ҳақиқий бўған воқеалар ёзилиши-
ми ёки у ёзувчининг бадиий тўқимасими эди ингени асрата
олмай қолади. Лекин бироз муниоҳада юриғач, масаланинг
моҳиятини англаб етади. Яъни асардаги воқеалар ёзувчининг
ҳаётий ҳодисалардан чиқарган кайта бадиий умумланмаси
эканилигини. Чунки китобхон бу воқеалар заминидан катта
ҳақиқатни англаб етади. Яъни республикада руй берган ва
авж олган жиноятларининг асли илдизи қаерда очанилигини. Бу
масала қиссада полковник Нирсов, Нантев каби амандорлар
образи орқали иккитаф килиниади. Ми ници манери, пенте-
нантги мунидирдаги тўда бетуноҳ зданининг ўз меҳнати овз-
зига тоғлан бойликларини сарнебдан кин сугургандек, жуда

осонлик билан қўрқитув асосида шилиб келишади. Ва сувга тушган тошдек, изсиз ғойиб ҳам бўлишади. Ҳар бир нарса ибтидосининг интиҳоси ҳам бўлгандек, мазкур тўда ҳам ўз интиҳосини топади. Жабрланган Бекпўлатовнинг ўз қисмати хусусида милицияга мурожаат қилиши, оғир жиноятларни тергов қилиш бўйича маҳсус ихтисослашган Ортиқбой Қосимов раҳбарлигидаги “Чакмок” деб номланган тергов-қидирув ишининг тадбирли ва тафаккур кучига суюнга ҳолда олиб борилиши оқибатида Бугаев раҳбарлигидаги тўда қўлга олинади. Бироқ Бугаев қамоқхонада ўз жонига қасд қиласди. Ваҳоланки, Бугаевнинг келиб чиқишига, унинг ҳаёт фаолиятига мантиқ жиҳатдан ёндашилса, унинг бундай йўл тутиши ихтиёрий бўлиши шубҳалидир. Табиийки, тергов олиб борган Ортиқбой Қосимов ва шу иш билан танишган Шерматжон Холматов ҳам ўлими ихтиёрий бўлишига ишонмайдилар. Қиссанинг иккинчи қисмида энди воқеа-ходисалар эмас, мантиқий тафаккур етакчилик қиласди. Агар иккинчи хил қилиб айтсақ, воқеалар тизими, йўналиш детектив жанр талаби ўзанига тушади.

Шерматжон бу борадаги мулоҳазаларини ўз раҳбари канпитан Мамаюсуф Мирзаевга айтгач, жиноят ишларининг ўқ илдизи қаерда эканлиги сезила бошлайди. Лекин кўп ўтмай Мирзаев ўз уйи зинасида ўлдириб кетилади. Бу ҳодиса Шерматжонни огоҳлантиришига ва шу билан бирга, устозининг руҳи олдидаги инсоний бурчини бажаришга даъват бўлиб хизмат қиласди.

Шерматжон ҳар бир воқеанинг кичкина деталигача тафаккур элагидан ўтказади. Ўз хулосаларига мантиқий далиллар, асослар топгач, бир тўхтамга келади ва амалий ишга ўтади. Мирзаев иши бўйича терговни Республика прокуратураси тергов юритиш бошқармасининг бошлиги Лаптев Юрий Леопольдовга топширилади. Унинг бу ишга ўта лоқайдлиги Шерматжонда шубҳа уйготади. Лекин бу ҳақда чурқ этмайди. Ўз одатига кўра, онгини мазкур шубҳани асослашга йўналтиради. Орадан кўп ўтмай Ш. Холматов Мирзаевнинг ўлдирилишига оид материалларни – сўроқ баённомалари, экспертиза хулосалари, турли маълумотларни олиб, Лаптев олдига кирганда, у бу материалларга қизиқмайди ҳам, телефонда ким биландир “боши ёрулгудек бўлаётганлигини, тезроқ ишхонадан “арқонни узиш кераклиги” ҳакида гапини давом эттиради. Телефондан сал бўшаганидан фойдаланиб, ахборотини да-

вом эттирмоқчи бўлганда, у: "...Бошқа ишлардан сал қўлим бўшасин, ўзим киришаман. Хотини эрининг қотили эканлигини бўйнига қўяман. Ҳозирча эса буларни қўя тур, бошқа гап чиқиб турибди", – дейди. Ва Шерматжонга бугун бир жойга бориши, шунга совфа тайёрлашини буоради. Қечқурун совғани қўттарган ҳолда Лаптев айтган жойга боришганда, хонадон эгаси полковник Савелий Пирсовни кўрганда, ўзининг детектив методи асосида ясаган хulosалари асосли эканига тўла ишонч ҳосил қиласди. Айниқса, у залга киравериша, эшик олдидаги полга солинган кулранг айик терисига, унинг чап биқинидаги, ўқдан қолган из – тешикка кўзи тушганда, жиноятчиларнинг раҳнамоси ва Бугаевнинг сирли ўлими сабабчиси кимлигини аниқ ҳис қиласди. Чунки тери Отахоновнинг уйидан Бугаевлар тўдаси томонидан олиб кетилган айик териси эди. Бундан ташқари, қимматбаҳо буюмларнинг кўпчилиги унга таниш эди. Лекин Пирсовни жиноятччи сифатида дарров қўлга олиш осон эмас. Агар у буни учини сезиб қолса, Ш. Холматовнинг бошига ҳам Мирзаевнинг куни тушиши ёки жиноятчи сифатида қамалиб, йўқ бўлиб кетиши ҳеч гап эмасди. Ф. Қиличев бу борада ҳақиқий ҳукуқшунос, философ ёзувчи сифатида иш кўради. Яъни ҳар бир детал устида бош қотиради, қўл етмас жиноятчиларнинг жиноятларини фош килиш йўлларининг мантикий асосларини қонунлаштиради. Маълумки, жиноятнинг фош этилиши, адолатнинг тантана қилиши калини тафаккурдадир. Тафаккурнинг асоси эса катта, чуқур билдири. Ҳар бир касб эгаси, ўз касби бўйича профессионал билдирига эса бўлмаса, ундан жамият наф кўрмай, кишилар қалби шикаст топади. Қалби шикаст топган киши одамларга ишонмайди, у ҳаётга лоқайд қарайди. Лоқайдлик эса барча илмазларнинг юзага келиш маконидир. "Занжир" қиссасида ана шу ҳаётий ҳакиқат воқеалар силсиласида, қаҳрамонлари фаолиятида асослаб берилади.

Қисса ўз жанрига кўра жиноят тасвиридан бошлиниади. Яъни икки киши бир кишининг бошига алланарса билан уриб, сувга ташлаб юборишади. Ўлдирилган Тўлаган Оқназаров деган шахс эди. Жиноятни очиш терговчи Халиловга топширилади. Лекин у ишни мутахассисликка хос синчковлик, чуқур тафаккур асосида эмас, нарса ва ҳодисаларнинг зохирий асосига суюнган ҳолда иш кўради. Яъни жиноят содир бўлган жойга борган мотоцикл маркасига, ўлимдан олдин бўлган жанжал-

га, уйдан топилган болтага орқа қилган ҳолда Оқназаровнинг собиқ хотинипинг эри – бегуноҳ Арниёзовни кўлга олади. Ўзи эса гўё жиноятни тезда очганидан мамнун бўлади. Лекин вилоят терговчиси Муроджон Азизовнинг мутахассислик билими, чуқур тафаккури асосида ишга ёндашганлиги туфайли адолат қарор топади. Нафақат адолат, балки Оқназаров ила боғлик жиноят билан яна икки жиноят – савдо базаси директо-ри Мирвоқиловнинг қотили ва қабристондаги эски қабрларни сотиш операцияси фош қилинади.

Азизовнинг жиноятнинг фош қилиш йўлида олиб борган ишлари, ҳар бир ҳодисани таҳлил қилишдаги тафаккури ин-кишофини ўқиган киши атрофдаги воқеаларни ўзи ҳам таҳлил қилиш йўлига кириб кетганини сезмай қолади. Демак, киши хушёр тортади. Бу эса, иллатларининг, жиноятларнинг илдизи қирқилишининг асосларидан биридир. Қиссанинг қиммати, маънавият оламида тутган ўрни худди ана шундадир.

“Мўйна пўстин” қиссаси Фарб детектив асарларидан биз-нинг миллый детективимиз кескин фарқ қилишини кўрсатадиган асардир. Маълумки, чет эл детективларида жиноятга бўлган ёзувчининг муносабати аниқ бўлмайди. Уларда жиноятни фош қилиш йўлида полицейларнинг кўрсатган жа-сорати, топқирлиги биринчи планда туради-ю, муаллифнинг жиноятга муносабати сезилмайди. Унинг келиб чиқиш сабаблари таҳлил қилинмайди. Оқибатда жиноятчиларнинг ишига қизиқиш кучаяди. Бунинг нималарга олиб келишини ҳаёт кўрсатяпти. Ф. Қиличевнинг асарларида жиноят шафқатсиз қораланиши жиноятчиларга нисбатан нафрат уйготиш билан муҳимдир. “Мўйна пўстин” қиссасида Темиржоннинг ёлғиз онасидан жудо қилинганлигини, унинг кимсасиз қолган уйга сигмай, унга киришга юраги бетламай, узоқларда ишлаб юриш, мунгайишларини ўқиган китобхон жиноятчиларининг ҳам қалбига таъсир қилиб, шафқат туйгусини туғдиришига киши ишонади.

Алишер Ибодиновнинг “Латофат” дўконидаги қатл” (“Шарқ” нашриёт-матбаа акциядорлик компанияси Бош таҳририяти. – Т., 2001) тўпламига кирган қиссалари детектив йўналишдаги биринчи асарларидир. Маълумки, адабиётшунослик илми детектив асарлар олдига қатор таъиблар кўйган. Детектив асар саналиши учун, биринчи навбатда, асар сюже-тини сирли воқеа асосига қурилиши, тугун кетидан тугуннинг

юзага келиши, онг сирни очиш, тугунни ечишга йўналиши, мияни “чатнаш” даражада фаолиятга ундаши, тасвир суръатининг шиддаткорлиги, фош этишда тафаккурга суюнилиши, буларнинг барчаси жиноятни очиш жараёнида рўй бермоғи даркор. Энг муҳими, асарнинг замиридаги фоя жиноятчиликка қарши курашнинг бадиий-эстетик қуролига айланмоғи керак. Яна бир хусусияти асар ички оламидаги интеллектуалликкага кучлилиги, яъни жиноятни фош қилишда тафаккурнинг бекиёс имкониятлари ишга солиниши, шунингдек, ички туйгу асосида мантиқий тафаккурга таяниб хулоса чиқариш ҳолати устунлиги детективнинг олдига кўйилган талаблар саналади.

А. Ибодиновнинг “Латофат” дўйонидаги қатл” қиссасига шу нуктаи назардан ёндашсак, қатор эътиrozлар туғилади. Қисса детектив талабига риоя қилинмай, яъни жиноят тугуни ўрнига қишлоқда баҳоли қудрат тирикчилигини ўтказиб юрган, ширингина оиласи ва икки фарзандга эга бўлган Ахроржоннинг шаҳардаги ишбилармон, бадавлат тоғаси таклифи билан шаҳарга келиб, ташқариси сунъий оқ мармар кошин билан безатилиб, пештоқига ҳозирги ва араб алифбосида “Латофат” дея ёзилган дўкон хизматчисига айланганидан бошланади. Ундан кейин Ахроржоннинг Латофатни севиб қолиши тарихига ўтилади. Латофатнинг Ахроржонни ўзига мафтун қилишдан мақсад наркотик олиб ўтишга воситачи қилиш эканлиги маълум бўлади. Бу воқеа ҳам қайси тўсиқдан олиб ўтиши, у тўсиққа чап беришда Ахроржон қандай имтиёзга эгалиги мантиқли ва асосли кўрсатишимагани учун ўзини оқламаган.

Асарда баён қилинишига кўра (ҳа, воқеаларнинг мантиқий ва асосли тасвирда эмас), наркотик билан шуғулланадиган тўда наркотикларни асал солинган банка ичига солишиб тарқатишади. Асарда бу ҳол ҳам тасвирда кўрсатилмасдан, баён қилинса ҳам, уларни анча устамон тўда эканлиги сензилади. Зероки, шундай устамонлик йўлини топишганлар, тўсиқлардан ўтиш каналларини ҳам билиши, шубҳасиз. Ёзувчи шуларни кўрсатиб, битта, лекин ҳар ким англаб оломайдиган эҳтиётсизлик туфайли сирлари фош бўлиши, уни орган ходимларидан бири англаб, индуктив йўл билан жиноят изига тушгандага детектив талабига жавоб берган бўларди.

Ахроржоннинг Афғонистон чегарасига бориб наркотик олиб келиш воқеаси А. Ибодинов, асли, истеъдодли ёзувчи

бўлгани учун тоғ манзаралари, йўл ҳодисалари анча жонли тасвирланган. Лекин шундай бўлишига қарамай, кишини ҳаяжонга солмайди, ўзига жалб қилмайди. Сабаб уларни қўркув ва ҳадиксирашга мажбур қиладиган асосдан мавхум.

Латофатнинг фожиаси ҳам ишонарли кучга эга эмас. Чунки шармандали ҳолдан сўнг, ҳеч бир аёл ўзига кўнгил қўйган одамдан умидвор бўлолмайди. Зероки, шундай экан, унинг дўконига келиши атайнликдан бошқа нарса эмас. Аслида, унинг ўлдирилишига ҳам асос ўйқу. Хулоса қилиб айтсак, мазкур асар юқоридаги асосларга кўра детективлик талабларига жавоб бера олмайди.

Поэтик ном билан аталган “Деразангни чертганда ёмғиру шамол” деб номланган иккинчи қиссаси хусусида бундай гапни айта олмаймиз. Чунки у детектив асар талабига риоя қилинган ҳолда ёзилган. Асар сирли тугун, яъни рўй берган жиноят изи – одам калласи топилишидан бошланади. Терговчи Ҳамиджоннинг индуктив ва дедектив методнинг уйғунлигига олиб борган қидирув ишлари тезда натижа беради. Калла Сарсонкўч қишлоғидаги меҳнатдан обрў топган, ували-жували Эсон аканинг укаси Абдумўминники бўлиб чиқади. Калла танасининг қидируви жараёнида иккинчи ўлик – Ҳабиба Эркинова жасадига дуч келинади. Оқибатда жиноят уфқи кенгаяди. Ҳаёт ҳақиқатидан маълумки, ҳар қандай жиноят асосида инсоннинг қисмати, тақдири, фожиаси ётади. Унинг моҳиятини очиб бериш, фожиага олиб келадиган ҳолатларни ўрганиш инсониятнинг ботиний ва зоҳирий дунёсига рўпара келиш демакдир. У эса одам руҳиятида катарсис ҳодисасини юзага келтиради, яъни қалбида покланиш жараёни юз беришга имкон туғдиради. Қиссада шундай ҳодиса рўй беради. Биз Абдумўмин фаолияти орқали турли тақдирларга дуч келамиз. Оқибатда бир фалсафий ва ҳаётий ҳақиқатнинг моҳиятини, яъни инсон ҳаёти равон, нурли йўллардан кетиши ёки қоронги жинқўчаларда тентираб, ёруғликни кўролмай, жарликка қулаши ўз кечирган турмуш тарзи ва қилмишига боғлиқлигини. Буни ёзувчи тергов жараёнида терговчи Ҳамиджон учрашган, сұхбатда бўлган ҳар бир персонажнинг фаолияти, қисмати тасвирида киши онгига сингдиради.

Абдумўмин образида киши боши ҳаётнинг тор кўчаларидан кенг, равон йўлига тушиб олмаса, умр бўйи ўша тор кўчада қолиб, кенг оламни кўра олмаслиги, тор кўча масофаси жуда

қисқа бўлганидек, бундай одамнинг умр йўли ҳам фоятда қисқа бўлишини англаатади.

Ҳабиба хатти-ҳаракатидан киши кўп сабоқ олади. Матъумки, кишида биринчи ҳиссиёт туйғуси шаклланади ва тез ривож топади. Уни тезда ақл билан жиловлаб, бошқа туйғуларни: уят, андиша, ирода, эътиқод карор толишига йўналтирилмаса, кишини кўп алғов-далғовга дучор қиласи. Чунки ҳиссиёт туйғусида, маънавий эҳтиёждан кўра, табиий эҳтиёжни қондириш устун туради. Ҳабиба ҳиссиётига эрк беради, уни ақлига бўйсундирмайди. Ота-она эса бундай қобилиятини юзага келтиришга кўмак бермади, бепарво бўлди. Натижаси ачинарли ва қонуний қисматга дучор бўлишдир.

Ҳар қандай қабиҳ одам агар фикрлаш қобилиятига эга бўлса, вақти келиб, ўзининг қабиҳ ишларини яхшилик билан ювишга интилади. Мўйдин Холматов образида шу ҳакиқат инкишоф қилинган. Қалбидан яхшилик куртаклари уна бошлигани учун қизи Мунира Камоловани ортиқча ташвишлардан ҳоли қилиш йўлида жиноятга қўл уради ва ўзини мардларча ўлимга маҳкум этади.

Мунира Камолованинг хатти-ҳаракати, фаолияти уни бемалол бугуннинг қаҳрамони дейишга изн беради. Қисса биз санааб ўтган фазилатларига кўра аҳамиятга моликдир.

Алишер Ибодиновнинг қиссаларини ўқиганда киши бир нарсани, яъни қиссадан қиссага ўтган сари детектив асар талабларини ўзлаштириб борганини, ҳатто замон хусусиятидан келиб чиқиб, уни ўзида ифодалайдиган йўналиш тоғланлигини сезади. Бундай хуносага келишига асарлари имкон беради. “Алберт бағоят аччиғи чиққанидан нишқириб юборди. Бу абллаҳ, ёллаган қотил, ифлос басурман Албертнинг кимлигини билиб кўйсин! Алберт кўмир ичида туриб чўғга айланган оташкуракни олди ва қип-қизил оташкурак учини Ренатнинг юзига яқинлаштириди. Ренат тутаб турган оташкуракка даҳшат билан термуларди. Алберт қўлинни илкис силтади. Оташкурак учидаги қип-қизил нуқта Ренатнинг ўнг кўзига шиддат билан санчилди! У чаи кўзи билан бурни устида пуфаклар саҷраганини кўрди”. Мазкур фожиа “Бу қаро тун – дунё” қиссаси воқеаси тасвиридир. Ренат бир вақтлар бир-бирига кўнгил кўйган, ҳозирда шириналлар кироли Алберт Вагановнинг хотини, гўзал Ирен билан тил бириктириб, эрини ўлдиришга келганда кўлга тушиб қолгандан кейинги бошига тушган савдодир.

Қиссадаги кўп воқеалар бир-биридан мана шундай даҳшатли ва шиддаткордир. Лекин улар ўз-ўзидан содир бўлмайди. Буни ниҳоятда катта қудратга эга бўлган куч бошқаради, қонли ишларни содир қилишга даъват этади. Бу куч олдида қариндошуруг ришталари, иймон-эътиқод, диёнат туйгулари ҳеч қандай аҳамиятга эга эмас. Бу куч мол-мулкка бўлган ҳирс, нафсониятдир. Биз бу фикрни кўп эшигганмиз. Лекин унинг аъмолини инсонлар қисматида аниқ кўриб, унга ишонч ҳосил қилишга мусассар бўлмаганмиз. Қисса худди шу бўшлиқни тўлдиради. Шу бойлик йўлида хотин эрига ўқ узиб, ўлиги кўмир ловуллаб турган қозонхона ўчогига итқитилган бўлса, гўзал дилдора – Ирен акаси томонидан унинг ва эрининг миллионларига эга бўлиш учун тириклиайн ўчоққа итариб юборилади.

Маълумки, бугунги кунда энг авж олган нарса – мафия. Биз мафия деганда фирма ва хусусий мулк эгаларидан кўрқитув, зўравонлик йўли билан ҳақ ундириш, бунинг мунтазамлигини таъминлашни англаймиз. Ҳақиқатан ҳам, шундай эди. Қиссада эса ҳали кўпчиликка аён бўлмаган унинг янги шакли қаламга олиниб, ундан кўпчиликни огоҳ қиласи. Бу янги шакл шундан иборатки, кўп сармояга эга бўлган фирмалар маблағларига ниҳоятда усталик билан қонун асосида эга бўлиш. Бундай устаси фаранглар Артурни йўлдан уриб, унинг кўли билан синглиси ва куёви – ширинликлар қироли Алберт Вагановни ўлдиртириб, миллионларни бир одамнинг кўлига ўтказишига бўлса, энди унга эга бўлишга интилишиади. Чунки унга тутридан-тўтри эга бўлишининг иложи йўқ. Шунинг учун улар бир вактилар катта вазифаларда ишлаб, замонининг алговлашови туфайли ишдан кетиб, амалдорлик пайтида кинилогида курдириб қўйган уйда янги оиласи билан камтарона яшаштаги узбекистонлик Акбар Ибрагимовиччининг тонишиб, ўли Артурга карши даъво аризаси беришга кўндиришади. Акбар Ибрагимович бундай қиласликка иложи ҳам йўқ эди. Улар ўзларини шундай танишитиради: “Мен Москвада энг кучли адвокатлардан бириман. Агар Ирен мулкига мерос даъво қилиб судга ариза ёсангиз, ютиб чиқшишигиз учун барча ишни қиласман ва биз, албаттга, ютиб чиқамиз”.

Олдин жўн таклифдан бошланган иш кейинчалик тўғридан-тўғри тазийикка кўчади. Улар шундай дейиншиади: “Айтиб қўйай, агар тиҳирлик кипсангиз, ўлигинигиз Москва ахлатхоналаридан биринда абдий колиб кетади. Нафакат сиз, балки қинчлоқдаги

хотин, ўғилларингиз ҳам нобуд бўлади. Ақлли одамсиз, ўйланг. Гап миллион-милион доллар устида кетаётир”. Уларнинг судда ютиб чиқиши йўлида ишлатган найранглари, топган сохта далилларини ўқиган киши, “Ё, алхазар! Инесон мунча фитнага уста бўлмаса”, деб юборганини сезмай қолади. Лекин шунчак уринишларнинг ҳаммаси беҳуда кетгани, яъни бу йўлда фаолият кўрсатганлар бир-бирининг кушандасига айланганликла-ри, Артур эса виждан азобига тушиб, ўзини-ўзи отганининг гувоҳи бўлган киши: “Инесон Аллоҳ берган ўз умрини тўлиқ кечириши учун иймон-эътиқодли бўлмоғи даркор. Шундагина у ҳаётда виждони қийналмай яшайди ва унинг бугуни ҳамда охирати ҳам бўлади”, деган холосага келади. Бундай тўғри ху-лосага келиши, қиссадаги даҳшатли фожиалар қалбининг по-кланишидир. Қиссанинг аҳамияти худди ана шундадир.

Инесон қалби ҳамиша меҳрга ташна. Шундан у ташналини қондиришга имкон берадиган булоқли гўшага талпинади. Унга мұяссар бўлганда елкасидан босиб турган бутун олам ташвишидан – қайғудан фориг бўлиб, қушдек енгил тортиб, гўё фаришталардек қанот чиқариб, кўкка парвоз қиласиди, ойдин тараалётган покдик нурларига қоришиб кетади. Лекин бунга барча ҳам мұяссар бўлмайди. Қачонки у қалбига по-клик нуриппи жо қилиб кўжининг зиёсидан баҳраманд бўлган ҳолда бу қасрга қадам ташласагина, унинг ҳаёти ташвишсиз, қайғусиз бўлади. Башарти у булоқдан, ўғринча сув ичиб, ташналигини қондирса, у қалб ғуборидан елкадаги қайғудан ҳоли бўлиш ўрнига, унга ўн баробар қўшилади, ҳатто умрининг за-воли бўлади. Тўпламдаги асар “Қайғусиз қаср”да шу ҳақиқат ўз инкишофини топган.

Ёзувчи буни покдамон қиз Комила қисматида очиб бера-ди. Унинг олти акаси бўлиб, улар унинг атрофидаги олти калья эди. Шундан “Комиланинг дугоналари севиш-севилиш деб атал-миш ёшлиқ бөгининг хилват тўқайзорларига бош сукканлари ҳам учрар, аммо бундай саргузаштлар Комила учун муҳаббат ҳақидаги китобдай ёки кинодай, ширин эртак-дай бир нарса эди, холос. Кўнгил шу боққа талпинса-да, аммо киришга иложсиз – ўз ёшлигининг бундай кемтик қисматини мағрурлик пардаси ила ёпган эди”. Ҳаё пардасида вояга ет-ган қиз ўзининг ҳаёли-қасри, ўзи ном қўйиб олган “Қайғусиз қаср” орзусида яшади. Надоматлар бўлсинки, у бунга мұяссар бўлмади. Уни тақдир “Гуляга уйланаман, уни отам олиб бер-

маса, Надя (Нодира) бор, деб режа тузиб юрган мансабдор Карим Солиевичнинг эрка ўгли Ўқтамга рўпара қилди. Комила уйида ўзгача тарбия кўргани учун бор-борлиги билан ўзини оиласа фидо қилди. Лекин буни Ўқтам қадрламади. У ҳамон ўша шалақ юришини ташламади. Бу ҳол Комиланинг кўнглини ўкситарди. Унинг қалби меҳр, қадрга ташна эди. У қалб ташналигини эрининг ўртоғи Мансурдан топгандай бўлди. Аввалига эрининг туттган ишига қасдма-қасдга ташланган қадам, кейинчалик эса ташналикини қондириш воситасига айланди. Лекин Комила бу қилмишини ҳар қанча оқламасин, бу хиёнат эди. Оила ва акаларининг шаънини ерга уриш, юзини ерга қаратиш, шунингдек, болаларига нисбатан қабоҳатликдир”. Ҳаёт ҳақиқатидан маълумки, бу нарса жазосиз қолмайди.

Навбатдаги қалб ташналигини ўғринча қондириш учун Чимёндаги аммасиникига бориш баҳонасида шаҳардан ташқаридаги ўрикзорга боришганда, Комила аzonда булоқقا ювинишга кетган чоги номаълум шахслар Мансурни ўлдириб кетишиади. Қисса худди мана шу воқеадан бошланади. Китобхон қотилларнинг кимлигини билишга қанчалик қизиқса, Комила тақдирни нима бўлишини ўйлаб, шунчалик ҳаяжонга тушади. Чунки Мансур машинасидан топилган аёл соч толаси билан ўрикзордаги тўшакдан топилган соч толаси айнан эканлиги аниқлагач, у ниҳоятда қалтис ва номусли вазиятга тушиб қолганди. Ёзувчи қиссанинг охиригача қотилларнинг кимлигини, Мансурнинг ўлеми қандай рўй берганини сир тутади. Комиланинг номус доғини қандай ювиш, яъни туйғуларга эрк беришнинг оқибатини қандай яшириш йўлида торғтан изтиробларидан шунчалик ҳаяжонга тушади. Оқибатда китобхонни асар бошида бошлаган ҳаяжони, қисса ниҳоясида ечилган тугундан кейин босилади. Демак, ёзувчи детектив йўналиш сирларини яхши ўзлаштириб, маҳорат кўрсатган.

Мансур Олимов жуда катта жинояткор Николай Семёновнинг хилватдаги навбатдаги қотиллиги гувоҳи бўлганидан ўлим топади. Сиртдан қараганда, Мансурнинг ўлеми тасодифдек туюлади. Аслида, ундан эмас. Ҳаётнинг дастлабки поғоналарида ёк хиёнат йўлига кирганинг жазосидир. Комила эса виждан азобига, номусига дош беролмай, ўзини Шоҳимардан кўлинига ташлаб ҳалок қиласади. Демак, ҳар қандай нопоклик умрнини заволидир.

Қиссалар мана шундай умуминсоний ахлоқий масалалар илгари сурилганлиги билан маънавият дунёсига қўшилган мухим ҳисса ва катта аҳамиятга моликдир.

Текшириш саволлари:

1. Детектив асарлар қандай хусусиятга эга?
2. “Йўлбарс терисини ёпинган тулкилар” қиссанасида сирли воқеалар қандай ечилади?
3. Нима учун жиноятни ечиш калити тафаккур деб аталади?
4. Терговчи Халиловнинг хатоси нимада?
5. Фарб детектив асарлардан миллий детектив асарларининг фарқи нимада?
6. “Латофат” дўконидаги қатл” қиссанининг камчилиги нимада?
7. Индуктив билан детуктив методларининг фарқи нимада?
8. Абдумўмин образида ёзувчи қандай ғояни илгари сурган?
9. Комила қисматининг аҳамияти нимада?

Таянч тушунчалар

Детектив – лотинча – фош этиш; инглизча – очилиш, жосус деган маънони англатади.

Дедуктив – умумий ҳолатдан хусусий ҳолатга ўтиб муҳокама юритиш.

Индуктив – жузъий ҳодисалардан умумий натижа чиқариш; айрим фактлардан умумий хulosага келиш.

У БОБ. БУГУНГИ ЎЗБЕК РОМАНЛАРИДА ДАВР, ТАРИХ, ЗАМОН МАСАЛАСИ ВА ЯНГИ ТАМОЙИЛЛАР

Ҳар бир давр ўз муаммоси, концепцияси, поэзияси ва киёфасига эга бўлади. Бу ҳол нафақат одам, балки жамият фаолиятига ҳам таъсир қилиб, унинг йўналишини ҳам белгилайди. Маълумки, ҳаётдаги ҳар бир ўзгариш инсон фаолиятисиз кечмайди. Бу ўзгаришлар, яратишлар инсон саъй-ҳаракати, унинг дунёқарashi, концепциясига bogliq. Академик Д. С. Лихачев қайд этгандек, “давр инсонни четлаб, ҳеч нарса яратада олмайди. Давр инсон ва унинг мақсади орқали тасвир омилига айланади. Бунда у ҳар кимга ҳар хил таъсир этади. Чунки турли даврда инсонларнинг жамиятда тутган ўрни турличадир”¹. Бу жараёндаги ютуқ ва камчиликларни, сиёсий маърифий ва маънавий қарашларни инсон қалб туғёнисиз, изтиробсиз, маънавий дунёсиз тасаввур қилиш мумкин эмас. Инсон – бу умумий тушунча. Инсон деганда биз кўпроқ унда мужассамлашган умуминсоний, абадиятга дахлдор томонларни назарда тутамиз. Бундай томонлардан бири ва энг муҳими – тафаккур. Инсон тафаккурида ўзгариш бўлмас экан, ҳеч бир ижтимоий нарсада ўзгариш бўлиши душвордир. Инсон тафаккуридаги ўзгариш давр ва жамиятдаги ўзгариш таъсирида бўлиши табиий ҳол, ўз навбатида, жамиятнинг тўғри йўналишини белгилаш билан бирга, ўзининг ҳаётдаги ўрни ва мавқенини ҳам намоён ҳамда инсоният дикқатини жалб қиласиди. Бу нарса ўзбек романларида ўз ифодасини топяпти. Демак, уларда воқеа-ходисалар эмас, инсоннинг ўзи, унинг ўй-фикрлари, аламлари, изтироблари, руҳияти, руҳий олами етакчилик қиляпти, тасвирланяпти, очиб бериляпти.

¹ Лихачев Д. С. Текстология: На материалах русской литературы X – XV веков. – Л., 1983. с.37.

5.1. Давр, муҳит ва инсон фожиасининг бадиий ифодаси

Режа:

1. Туркий қавмдагиларни дўст-биродар бўлишининг туб асослари.
2. Шафқатсизлик ва унинг бадиий ифодаси.
3. Фожийликнинг моҳияти.
4. Жамиятдаги адолатсизликнинг бадиий талқини
5. Ботир фирмә коммунист раҳбарларнинг умумлашма тимсоли эканлиги.
6. Туйғулари поймол қилингандар кисматининг бадиий тасвири.
7. Эътиқод масаласи ва унинг бадиий ифодаси.
8. Инсон ва давр муаммоси.

Адабиёт:

- Адабий гурлар ва жанрлар. – Т.: Фан, 1991.
Ҳ. Каримов. Инсон ва давр. – Т.: Фан, 1992.
Ҳ. Каримов. Шукур Холмирзаев. – Т.: “Қатортол”, “Камолот”, 1999.
Ҳ. Каримов. Наср баҳшиси. – Т.: Янги аср авлоди, 2003.
И. Мирзаев. Насримиз бадиий олами. – Т.: “Faфур Fулом” нашриёти, 1991.
У. Норматов. Умидбахш тамоийлар. – Т.: Маънавият, 2000

Роман “замондан озиқланади, замон эса ундан ўз қиёфасини қидиради, унинг воситасида ўзини янада яхшироқ англашга ҳаракат қиласди”¹. Бу айни ҳақиқатдир. Чунки романда замон ва давр қиёфаси ўз ифодасини топади. Бу ерда замоннинг замирида инсонлар ётгани, тадқиқотчи шуни назарда тутгани аниқ. Тогай Муроднинг романларини ўқиган киши бунга ишонч ҳосил қиласди. Унинг “Отамдан қолган даалалар” романнida муҳим бир ҳаётий ва фалсафий ҳақиқат ёрқин бадиий акс эттирилган.

Фарғонага руслар кириб келмасдан аввал романнинг бош қаҳрамони Дехконқулнинг бобоси Жамолиддин бирорвга қуллуқ, хизмат қилишіга ор қиласидиган имонли, чапдаст, жўмард киши бўлган. Битта у эмас, бошқалар ҳам шун-

¹ Зондиев А. Тропы времени. – М., 1984. Стр. 3 – 4.

дай табиатга эга бўлишган. Гайридинларни ҳеч қачон эл бўлмаслигини қадимдан билишган, шундан улардан ўзларини олиб қочишган. Имони бут бўлгани сабабли ҳаром-ҳаришдан ўзларини олиб қочишган. Жамолиддин кетмон даласида гайриддин жуда шармандали алфозда ётганлиги учун у ерни ҳаром санаб, шунча меҳнати зое кетишига қарамай, уни тарқ этади.

Жамолиддин кетмоннинг бу тутган ишида катта рамзийлик ва умумлашма фикр бор. Ер ва сувни пок тутишлиқ, инсон жисмини пок тутишлиқ демакдир. Пок тандаги рух хам пок бўлади. Шундан қадимда ер ва сувни қадрлашган, у катта қадрият ҳисобланган. Жамолиддин кетмоннин тутган иши, яъни макрух қилинган ерни тарқ этиши, сувни булганишига эътирози соғ мусулмон кишининг тутган ишидир. Чунки “Куръон”нинг “Ол-и Имрон” сурасида: “Эй, мўминлар, ўзларингни қўйиб, мунофиқларни сирдош дўст тутманлар! Улар сизларга зарар етказиша кучларини аямайдилар ва ёмон ҳолга тушишингизни орзу киладилар. Уларнинг сизларни ёмон кўришлари оғизларидан ошкор бўлади. Дилларидаги адоватлари эса янада каттароқдир” (118-оят). “Куфрга қарши курашда сустлашмангиз! Агар иймон эгалари бўлсангизлар, сизлар устун бўлгувчи дирсизлар” (135-оят).

Бу фалсафий ва ҳаётий ҳақиқатга аждодларимиз ҳамда отабоболаримиз амал қилишган. Шундан туркий қавмдагилар дўст-биродар бўлишган, бир-бирини қўллаб қувватлашган. Бу ҳол, айниқса, оддий меҳнаткаш ҳалқ орасида кучли бўлган. Чунки улар Куръон, ҳадислар рукнига амал қилишган. Жамолиддин кетмон ўз даласини ташлаб, бошқа экин битадиган ер қидирганда, тополмайди. Бари ер кетмон кўрмаган бўлади. “Шунда, Курбон қорақирғиз ўз даласини беради. – Ана, ол, ўзбек”, – дейди. Қорақирғиз қирларда мол боқади. Ўзбек даштдалада экин экади.

Бобомиз Курбон қорақирғизни қуруқ қўймайнин Дея, қўйин кавлайди.

Курбон қорақирғиз бобомиз билагидан ушлайди.

– Тек ўтири, ўзбек, тек ўтири, – дейди. Ўзбек қўйнида бўлди нима, қирғиз қўйнида бўлди нима¹. Бу ҳол бугунги кунда, вазиятда кишини ўйлашга, ундан маълум бир хулоса чиқаришга

¹ Тоғай Мурод. Отамдан колган далалар. – Т.: Шарқ, 1999. 20-бет (буидан кейинги мисоллар хам шу нашрдан олинниди ва факат беги кўрсатилади).

даъват этади. Инсоннинг жўмардлиги, Ватанга садоқати гапсўзи билан эмас, бажарган аъмоли ва фаолияти билан белгиланади. Романда ҳаётий ҳақиқат ўзининг бадий инъикосини топган. Биринчи бобда биз оқподшоларнинг юртимиз, халқимиз бошига солган кирдикорларини қўриб халқимизнинг фожиавий тарихининг бир саҳифасини варақласак, иккинчи бобда эса қизилларнинг халқ устидан мутлақ ҳукмронлиги ва сиёsatнинг туб моҳиятини англаймиз. Бу ҳолни биз Ақраб аъмоли ва фаолиятидан огоҳ бўламиз.

Ақраб шўроларнинг кимлигини англағач, биринчи кундан бошлаб кўлига курол олиб, Ватанининг мустақиллиги учун курашади. Лекин виждонига куя тушган Нормурод фаолларнинг “хизмати” туфайли қўлга тушади. Йўлда қизилларнинг бошлиғи Чанишев билан шундай сұҳбат бўлади: “Чанишев! – дейди. – Ўзи мени қаёққа олиб кетяпсан? – Юрчига. – Ундан кейинчи? – Тошкентга. – Тошкентдан кейин-чи? – Ўрусиyaга”.

Бу савол-жавобдан кейин Ақраб Чанишевдан ўзини шу ерда отишини илтимос қиласди ва унга қарата шундай дейди: “... Чанишев! Сен мени Ўрусиyaга олиб борасан-да, пақиллатиб отиб ташлайсан. Қайси бир ўрага кафансиз кўмиб ташлайсан. Ватан гадоси – кафан гадоси бўлиб ўламан. Кафансиз ким эл-юртимга олиб келиб кўмади? Кафансиз ўлигим ит ўлиқдайин Ўрусиядаги қолиб кетади! Ана ундей кейин, бола-бакрам қаерларга бориб отамлаб йиглайди? Бола-бакрам қайси мозорим бошига бориб йиглайди? Бола-бакрам улуғ айём кунларда қайси мозоримга чироқ қўяди? Шундай экан, отарман бўлсанг, мана кўкрак – от! Лекин ўз эл-юртимда от! Шаҳид бўлсанг, ўз юртимда шаҳид бўлайин! Шаҳидимни ўз эл-юртим кўмсин!” (45-бет). Ақрабнинг бу жўмардлиги ва Ватан тупроғини муқаддас билишига полковник Чанишев ҳам тан беради. У шундай дейди: “... Мен сени бир йўлтўсар деб эшишиб эдим. Бир каллакесар деб эшишиб эдим. Бир ваҳший деб эшишиб эдим. Сени энди билдим. Ақраб қўрбоши, сен асл жигит экансан, асл жигит!” (48-бет).

Инсоний фожиа турли асосларда вужудга келади. Буларнинг ичida энг даҳшатлиси, имонсизлик, ўз манфаати йўлида қилинган саъй-харакат, инсонга беписандлик билан қараш оқибатида қалбнинг, ўзгаларнинг озор топишидир. Мактаб директори образида мазкур ҳақиқат ўз ифодасини топган. Унга исм ҳам берилмаган. Ёзувчи буни атайлиб қилган. Бу билан

аксар директорлар шу тоифадаги шахслар деган ғояни илгари сурган. Бу ғоя ҳақиқатдир.

Тоталитар тузумда, одатда, бешинчи синфдан бошлаб пахта фронтига сафарбар этиларди. Ўнинчи синф болаларининг ўқиши нима бўлади, деб берган саволига “Пахтазор дафтариңг бўлади, гўзалар хуснихатинг бўлади”, – деган жавоб олади. Давр мафкураси ва сиёсати ҳаётга қанчалик сингиб кетганлиги шу одамнинг гап-сўзи, хатти-ҳаракати орқали англатилади.

Болаларни пахтага машинада олиб кетаётгандан, кабинадан машина пиллапоясига чиқиб: “Ўртоқлар, ўлан-лапарлар айтманглар! Партия-совст кўшиқларидан айтинглар”, – дейди. У қандай гап гапирса, ўз тилидан эмас, албатта, марказ-бюородан, район, партия комитети биринчи секретари Мавлонов тилидан гапиради.

Директор ҳеч бир ўкувчининг қисматини ўйламайди, улар учун қайғурмайди. Буни сезган пахтакорлар ёрдамчиларга ўлигини ташлаб олишади. Далада нима юмуш бўлса, бригадир директор олдига келади. “Пахта ортишга учта бола беринг. Пахта туширишга иккита бола беринг. Дори сепишга битта бола беринг”, – дейди. Директор бундай ишларга оз терувчиларни жўнатади. Самолётга йўл кўрсатувчиликка одам сўраганда, унга бешинчи синф ўкувчиси Дехқонбой Жамолиддиновни беради. Директор билан ўқитувчилар ўртасида шундай гап кетади: “Ўртоқ директор, энди болани дори сепилувчи далага юбориб бўлмайди. Онасини биласиз – кимсан Болхин теримчи. – Болхин бўлса нима бўпти? – дейди директоримиз.

– Болхин теримчи обрў-эътиборли аёл. Болага бир нима бўлиб қолса, онасидан балога қоласиз” (66-бет).

Улар болаларга бир нима бўлишини, яъни оқибати фожия эканлигини билишади. Билишган ҳолда норасидаларни шу юмушга раво қўришади. Айниқса, Дехқонқулнинг ўрнига қайси болани юборишни маслаҳат қилишган ўрнини ўқиб, киши титраб кетади. “– Чўлибоев Зиёд? – Бир қари онаси бор. Директоримиз шаҳодат бармогини нишлади. – Ана шу бўлади! – деди” (66 – 67-бетлар). Бу ҳол қабоҳатликдан бошқа нарса эмас.

Зиёд дори сепилган пахтазорда ҳушидан кетиб, ётиб қолади ва бир кун ётиб, оламдан ўтади. Бунга унинг ўзини айбдорга, яъни дори сепилган майдонда ухлаб қолганга чиқаришади.

Зиёднинг опасини у ётиб қолган пахтазордан бирон-бир нима топаманми деган илинжда майдонга термулиши, тикилиши ва “Зиёд-у-у-у, Зиёд-у-у-у” деб чақиришида ҳам катта маъно бор. Бу чақириш адолатсизликдан зардобга тўлган қалбнинг нидосидир.

Инсон ўзи билган, тажрибадан ўтказган, ҳақлигига юз фоиз ишонган нарсасини асослаш ўрнига унинг тамом тескариси айтилса, ўшани бажариш, катта иқтисодий зарар келтиришни билган ҳолда ижро этишга каришиш катта фожиадир. Чунки бунда инсон жисми эмас, руҳи, қалби ҳам лат ейди. Маълумки, одам жисмини даволаса бўлади, рух, қалбнинг иши қийиндир. Бу ҳол тоталитар жамиятнинг ёрқин қўришишидир.

Инсоннинг ҳаётдаги ўрни, уни инсон деб тан олишига имкон берадиган туйғулардан бири ва асосийси ғурурдир. Бу фазилатнинг йўқлиги эса инсоний иллатларнинг урчишига шароит ва муҳит ролини ўтайди. Ғурури йўқ мисоли темир одамга ўхшайди. Ўзи қилиши лозим бўлган ишни, буюрилган юмушни қойилмақом қилиб бажаради. Эвазига ҳеч нарса сўрамайди. Темир одам учун заряд кифоя қилгандек, ғурури йўқ одам учун эса тирикчилиги ўтса бўлди. Учинчи авлод – Дехқонкул – шундай одам. Ғурури йўқ одамда инсоний шаън ҳам бўлмайди. Колхоз раиси тўй келган кун Дехқонкулни ўғлидан сўратади. У даладан келгач, раис уйига чиқади. Ўзаро шундай гап-сўз кечади: “Ҳа-а-а, чақирган экансиз, Раис бова?

– Ҷақирибман? Қачон? Э, ҳа-а, бугун Дехқонобдаги қуда бўлмишлар иккита фотиҳа қўй ташлаб кетиб эди. Шу қўйнииг бирорини сўйиб, район карталарини чақирайин дедим.

– Ўзимга айтинг эди, даладан вақтлироқ келиб, сўйиб берар эдим,

– Бўлди-бўлди, Клара Ходжаеванинг шопирига сўйидирдим. Ўзимиз сўйиб, ўзимиз еб ётибмиз... Бўпти, Дехқонкул ака, – деди раисимиз” (118-бет).

Раис уни на ичкарига, на чойга таклиф қиласди. Хонадондагиларга ош-нон қўйишни буормайди. Дехқонкул бўлса буни кўнглига олмайди.

Бир куни раис яна Дехқонкулнинг қўлига гўшт тутқазади ва уйидагилар меҳмонбоп овқат қилишини, ўзи кетиб қолмасдан қарашини айтади. Дехқонкул ярим кечадатуз тотмасдан оч ҳолда уйига келади. Шунда ҳам ўзини қадр-кимматини ўйламайди, инсоний шаъни топталганидан виждони қийналмайди.

Ўуринсиз жойда эса ўзининг “ғурурини” кўрсатади. Аёлининг гапи билан Дехқонқул шляпа олгани район марказидаги универмагга келади. Сотувчи қизлар унга ҳайрон бўлиб қарашади. Қизлардан шляпани кўрсатишни сўраганди, улар қайси размердан дейишади. Билмагач, бир нечтасини олдига қўяди. Нархининг беш сўмлигини эшишиб, Дехқонқул бир чўчиб тушади. Олмай қайтмоқчи бўлади. Яна бир сўмлик пулларини қайта-қайта санаб сотувчи қизга тутади. Бахмалга кўзи тушгач, унинг нархини сўрайди. “Олмасангиз нима қиласиз... Беш сўмлик шляпани кўриб юрагингиз ёрилиб кетай деди-ю... Сўзана қиммат, эллик сўм”, деганига хотини ун олиб келишига берган пулига сўзанани олади ва магазиннинг бир бурчагига ўтириб, ўртасидан иккига бўлади-да, оёғига пайтава қилиб ўраб, этигини кияди. Қилган ишидан ғуурланади. Мазкур роман ҳақида тақриз ёзган адабиётшунослар Дехқонқулда инсоний ғуур сўнмаган. Бу мана шу ўринда яққол ўз исботини топган, деб унинг мазкур ишини оқлашади. Лекин бу тўғри эмас. Чунки оила иқтисодига, бюджетига, болалари ризқига зарар келтирадиган ҳар қандай фаолият ижобий саналмайди. Оилани қақшатиш эвазига, унинг рихси ҳисобига бойваччалик қилиш, ўзининг иқтисодий қудратини кўрсатиб қўйишилик орқали ғуурланиш бу ғуурланиш эмас, юмшоқ қилиб айтганда, ахмоклик, тўғрироғи, тентаклиқдир.

Кишининг касб-кори, лавозими, бажарган юмуши, у истайдими, йўқми, табиатида ўз тамгасини қолдиради. Маълумки, кечаги тузумда пахта инсондан ҳам устун қўйилган. Дехқонқулнинг вазифаси эса пахтакор. Вазифаси табиатига шу қадар синганки, у ўз оиласи, фарзандларидан ҳам пахтани устун қўяди. Болаларига кўрсатмаган меҳрни пахтага кўрсатади, болаларига қилмаган парваришни пахтага қиласди. У ҳатто хотини ўзига ўт қўйиб, ўлим билан олишиб ётганда ҳам, пахтасини ўйлади. Бош шифокорнинг “Куйганлар учун алоҳида касалхоналар бор, Москвада бор, яқин десанг, Душанбедаям бор. Касалингни олиб кет, биз бошқа сақлаб туролмаймиз”, – деганига. “Эб-е, у нима деганингиз? Қаёққа олиб кетаман? Қандай олиб кетаман?.. Буёғи ура-ура пахта бўлса. Пахта нима бўлади?” – деб жавоб беради.

Тоғай Муроднинг маҳорати шундаки, инсоннинг инсонча яшамаган ҳолатларини, яъни катта инсоний фожиани шунчаки баён-хикоя қилмайди, тасвирда кўрсатади, деталларда асос-

лайди ва моҳият касб этади. Бир куни Дехқонқулнинг кўзи хотинининг ўнг кўлтиги остига тушади. Кўйлаги қизил бўлса-да, кўлтигининг таги олачалиқ оқ эди. У кўлтигининг остига оқ ямоқ солғанмикан деб ўйлади. Тикилиб қараса, чанг аралаш, кир аралаш тер экан. Чунки бошқа кийими йўғидан далада ҳам бир кўйлақда, уйида ҳам шу кўйлакда юради, тунда ҳам шу кўйлакда ётади. Яна бир куни бошини билагига олганда, аёлининг сочидан бутифос ҳиди келади. У ҳайрон. Ҳали далага бутифос сепилмаган бўлса, ҳид қаердан? Ўйлай-ўйлай топади: “Аёлим Жаариқдан молга ўт олиб келади. Ўтни бошида кўтариб келади. Бу ҳид ўтган йили сепилиб, ҳалиям ўтларда ётмиш бутифос ҳиди бўлди”. Кўйлак, тер, бутифос деталлари ҳолат, вазиятни кучайтиради, фожиаликнинг асл сабабига аниқлик киритади. Ёзувчи бу билан чекланиб қолмайди. Бешикдаги битиклар орқали янада ойдинлаштиради. Адид бејизга “Бешикдаги битиклар” демайди. Бешик рамзий маънога эга. У – ҳаёт рамзи, инсон умри рамзи, у яшаган, истиқомат қилган муҳитнинг рамзи. Мана битикларда нима дейилган. “Дунёга келиб нима кўрдим? – Бешик кўрдим... – Дунё кўриб нени кўрдим? – Ўзга кўрдим, пахта кўрдим. Кун кўрдим – ўзга кўрдим. Тун кўрдим – бешик кўрдим. Бешик мозорим бўлди, дала мозористоним бўлди”. Бу изтироб туфайли зардобга тўлган қалб нидоси – бутун ҳаётининг кундалигидир.

Ёлғончилик асосига қурилган жамиятнинг бутун фаолиятида – яхшилик йўлидагига ҳам, ёмонлик йўлидагига ҳам ёлғон аралашади. Адид бу ҳақиқатни жуда усталик билан акс эттиради. Дехқонқулга машъал бригадир сифатида кинога олиш учун киночилар келиши хабарини беришади. Дехқонқул меҳмонларнинг иззатини жойига қўйиш учун бозорга тушади. Мева-чева олади. Уйга келганда, болалари анор беринг, помидор беринг (хурмони помидор дейишади), деб атрофини ўраб олишади. Дехқонқул барчасини урушиб, туртиб, олиб келган майда пистасидан бериб даф қиласи-ю, олиб келган нарсаларини ошхонага қўйиб, кулфлаб қўяди. Лекин ўғли Нодир ойнадан тушиб, иккита хурмони олиб кочади. Дехқонқул қувиб етиб олиб, хурмони тортиб олади ва уриб оғзи-бурнини кон қиласи. Бу воқеани ўқиган кишининг бадани титраб кетади ва Дехқонқулнинг одамийлик шаънига лаънат ўқийди, бу билан тўғри қиласи. Лекин ёзувчининг нияти факат бу билан чекланмайди. Чунки бадиий асар воқелиги ҳаётдаги шунчаки жўн

воқелик эмас. Маълум мақсадга бўйсундирилган, замирида маълум ғоя ётган воқеадир. Буни турмуш оғирлигидан деб билиш нотўгридир.

Асарларда фақат одамларнинг турмушининг оғирлигини тасвирлаш орқали жамиятни қоралаш йўлидан бормасдан, шундай эканлигининг асл моҳиятини очиб бериш борасида тузумнинг асл қиёфаси инкишоф қилинса, ижтимоий салмоғи ошиб, бугунги кун учун ҳам аҳамиятга эга бўларди. Шулардан биттаси ёлғонга орқа қилиш орқали жамиятнинг афзаллигини кўрсатишдир. Юқорида айтганимиздек, ёлғон соҳта фаровонликни кўрсатишда қанчалик унумли хизмат қиласа, йўқ жиноятни юзага келтиришда шунчалик хизмат қиласи.

Дехқонқулни кино қилишганда, “унинг ҳовлисига Норбой чавандоз отини олиб келиб боғлаб кетиб, Чори магазин мудири “Волга” машинасини қўйиб кетиб, бадавлат хонадонга айлантиришган бўлса, орадан кўп ўтмай худди шундай ёлғон туфайли, бригадирликни пора эвазига сотиб олган ва пахта сотиб бойиган жиноятчи сифатида саккиз йилга кесилади”. Бу борадаги кўп воқеалар, сўроқ қилиш муносабати билан айтилган ҳодисалар, инсон жисмига азоб бериш, хўрлаш, шаънини булғаш ўринлари ҳақиқий инсоний фожиадир.

Романда ҳамма эътибор бермайдиган, ҳамма англаб ололмайдиган жуда катта фалсафий ҳақиқат ифодаланган. Бу ҳам бўлса, замон, мухит ўзгарган сайин, одамлардаги гуур, жўмардлик хусусиятларини пасайиб, ҳамиятсизликни кучайиши, бўйсунувчанликнинг ортиши. Дехқонқулнинг бобоси Жамолиддин, отаси Ахраблар – тамом бошқа одамлар. Улар ёт одамларга бўйин эгмай, бўйсунмай фоний дунёни тарк этишиди. Дехқонқул ҳамма нарсага бўйсунди, яъни ижтимойлашди. Бу катта инсоний фожиадир. Ундан кўра, онаси Болхин теримчи ўз қиёфасини йўқотмаган. Чунки у – иккинчи давр одами. Дехқонқул селни кўкраги билан тўсиб қолмоқчи бўлиб, ўзи бир ўлимдан қолган-да, ўгли икки дунёда ҳам айта олмайдиган гапни айтади: “Ҳа, пахталарингга қиёмат келсин-а, пахталарингга қиёматгина келсин-а! Мен пахта деб нима бўлдим? Бир беланги бўлдим! Ўлапам ўттиз сўм пенсия!” (92-бет). Бу кечаги пахтакорнинг ботиний нидосидир.

“Бу дунёда ўлиб бўлмайди” романнда мустақиллик арафасидаги парокандалик, эътиқодсизлик, сурбетлик ўз ифодасини топади. Ёзувчи мазкур романнода ҳам ўз услугига содик қолиб,

воқеаларни ҳикоя қилмайди, уни бор кўриниши билан тасвирлайди. Ўзидан ҳеч нарса қўшмайди, унга муносабат билдирмайди. Барча қаҳрамонлари зиммасига юклайди. Уларнинг хатти-ҳаракати, ўйлаш тарзи, атроф-муҳит ва одамларга муносабати – ҳамма-ҳаммаси соф ўзбекона. Вазиятни кучайтириш, уни драматик ҳолга олиб келиш, қаҳрамонларининг ўзига хослигини кўрсатиш учун қўлланилган деталлар ҳам соф, миллий. Шундан қаҳрамонлари киши кўз ўнгида нақшланиб қолади ва ҳаётнинг фожиавий моҳияти ойдинлашади.

Романнинг бош қаҳрамони – Ботир фирмә. Асар шу одамнинг фаолиятидан бошланади. У тумандан келиб, колхоз идораси томига чиқиб, қоравулга одамларни йигишини айтади. Одамлар нарвон пойига йигилишгач, томдан тушиб, виқор билан уларга: “Бир сўз билан айтсан, мен шу кундан бошлаб Ботир фирмә бўлдим! Айни вақтда, қишлоқ шўросини раисида бўлдим! – Кимда-ким мени Ботир фирмә демас экан, ўзидан кўрсин!”¹ – дейди. Кейинчалик у ҳатто фирмә демаганларни моддий жазолайди. Ботирнинг тутган иши битта ўзига хос бўлмаганлиги учун ўша давр манзараси яққол номаён қиласи. Тўгрироги, адаб Ботир фирмә фаолиятида, унинг нигоҳи орқали социализм деб аталмиш бутун жамиятнинг тадрижини чизиб беради.

30-йиллардаги очарчилик ҳақида кўп эшитганимиз ва ўқиганмиз. Лекин романдаги оч боласининг нобуд бўлмаслиги учун кимнингдир қўлга топшириш ниятида йўлга чиқсан онанинг кўринган кимсага “Мана шу қизалоқни олиб кетинг”, – деб қилган илтижосига ҳеч ким қулоқ осмаслиги, боланинг “нон” деб қилган хархашасига иложини қилолмаган онанинг нима қилишини билмай, беихтиёр: “Ўчир, бозори касод! Сидирға ўтири, бозори касод, сидирға ўтири”, – деб койишларини ўқиб, киши “дод” деб юборгиси келади. Чунки бу ҳолатда нафақат очарчилик, балки жамиядаги адолатсизлик ҳам ўз ифодасини топган. Бу зорқақшаган аёл Мирзахўжабойнинг беваси Зайнаб эди. Бу манзара совет ҳукумати пайтида ўз ақл идроки, тадбиркорлиги, ишчанлиги туфайли бойиган, ўзига тўқ бўлган одамлар бошига тушган савдонинг ҳосиласидир.

¹ Тогай Мурод. Бу дунёда ўлиб бўлмайди. – Т.: Шарқ, 2001 й. 6 – 7-бетлар.

Очарчилик туфайли оммавий ўлим бошланди. Ботир фирмә бу ҳолнинг чорасини топиш учун юқорига мурожаат қилди. Улар ёрдам беришга ваъда беришди. Ҳақиқатан ҳам, учта НҚВД ходими полуторки миниб ёрдамга келди. Улар фаолларга қаратади: “Сизлар қанчалик кўп ёрдам берсангиз, биз очарчиликни шунчалик тез тутгатамиз. Биз бу борада етарли тажрибага эгамиз, биз жуда қисқа муддат ичидан Украинада очарчиликка нукта қўйиб келдик!” – дейди. Бу гапдан сўнг кишининг кўнгли сал ёришгандай бўлади. Лекин салдан кейин уларнинг тутган ишларини кўриб, ё, алҳазар, деб ёқа ушлайсиз. Бу ходимлар ўр-жар, сой-қирларни кезиб, қишлоқ чеккасидаги ҳовузни танлашди ва ўз полуторкасида кўчадаги, уйлардаги ўликларни, ҳатто очликдан сулайиб қолганларни олиб келиб ҳовузга ташлай бошлашди. Уларнинг шундай қилаётганини Ботир фирмә навбатдаги “ўликни” таниб қолганлигидан кейин билди. У Мирзахўжабойнинг беваси Зайнаб эди. Ҳовузга тушшиб қараса, у тириқ, боласи ҳам ўлмаган эди. НҚВД ходимлари билан шундай гап кечади: “Аммо-лекин... тириқ-да, тириқ! Ана бағридаги боласи-да тириқ!... Шўро ҳукуматига ишчи кучи керак, ўртоқ командир, улар ҳали иш беради.

– Тушунаман, ўртоқ раис, тушунаман. Аммо улар барibir... ўлади-да, ўлади!” (19-бет).

Уларнинг Украинада тутган ишлари бундан-да багтар. Мазкур ходимларнинг назарида, бу ўлганлар – гуноҳкорлар. Чунки “Улар... совет ҳукуматига қарши очдан ўлганлар!” Бу гапни ўқиб кулишингни ҳам, йиғлашингни ҳам билмайсиз. Лекин ҳақиқатдан кўз юмолмаймиз. Чунки ахлоқсизлар илгари сурган сиёsat шундай эди. Романда бу нарса ойдинлашади. Ботир фирмә “ўликлар”ни ҳовузга саржиңдек таҳлашига қарши. “Ахир, улар – одам”, – деб сал норозилик билдириган эди, командирининг: “Ўртоқ раис, бу ҳақида буйруқ бор, буйруқ!.. Совет ҳукуматининг буйруғи! Совет ҳукуматининг хоҳиш-иродаси! Ёки совет ҳукуматидан норозимисиз”, – деб овозини кўтарган эди, раис сесканиб кетади. Шоша-пиша “Ундай деманг, ундай деманг... – дея каловланди. – Ахир, мен... фирмаман, фирмә!

– Фирмә бўлсангиз, нега иккиланасиз? Ботир фирмә қаддини ростлаб, бошини тик тутиб... “Яшасин шўро ҳукумати! Шўро ҳукуматига шон-шарафлар бўлсин!” – деди тантаналик билан”. Бу ҳол раҳбар одамларимизнинг ҳақиқий қиёфаси кўзгуда акс

этганидир. Ҳа, у даврда шундай қилинмаса кун кўриш қийин эди. Романинг шу ўринлари ўқилар экан, мустақилликнинг кадри намоён бўлади.

Инсонни ўзини тутолмайдиган ҳолатга олиб келадиган нарса унинг туйғуларининг топталиши ва адолатсизлик қилинишидир. Социализм дунёсида бу одатдаги ҳол эди. Романда бу ҳақиқат ниҳоятда ҳаётий ёритилган. Област газетаси ходими, истеъододли журналист, шоир Мардиев редакция топшириғи билан командировкага бориб, об-ҳаво ёмонлашгани туфайли самолёт учмай, вақтида келолмайди. Редакциядагиларнинг барчаси пахтада эканлигидан, ўзининг ушланиб қолганлиги хусусида обком секретарини энг катта бошлиқ сабаб, унга телеграмма жўнатади. Шу нарсани катта гуноҳ деб ҳисоблашиб, жамоат судида бу масала кўрилади-ю, у ҳар қанча кечирим сўраса ҳам, қулоқ солишмай “Ишдан ҳайдалсин!” – деб қарор қилишади. Бу борада ёзувчи ёзади: “Энди, Мардиев суд аҳлига қаради. Бежо-беко қаради. Энди, чапарасталаб, чапарасталаб сўқди: – Унда, сен чиновниклар-ни!.. Чиновниклар тўнка! Чиновниклар баран! Чиновниклар чўчқа! Тфу, чиновниклар, тфу” (42-бет). Бу гапни жамоат суди обком секретари Ражабовга етказгани учун шахсан унинг буйруги билан руҳийасаб касалхонасига ётқазилади.

Маълумки, ҳаётда ҳар бир нарсанинг ҳисоб-китоби бор. “Қилмиш-қидирмиш”, – деб бекорга айтилмайди. Ражабов арзимас нарса билан, яъни бир оддий мухбир ўзига тенг кўриб мурожаат қилгани ҳамиятига тегиб, уни жиннига чиқарган бўлса, кейинчалик унинг ўзи росмана жинни бўлди ва Мардиев ётган жойга борди. Ёзувчи бу воқеа муносабати билан кўплаб туйғулари алданган инсонлар қисматини ёритиб бера-ди.

Эътиқодли одамлар ўз қиёфасига эга бўлади. Ботир фирмада Ражабов ана шундай ўз қиёфасига эга одамлар. Улар коммунистик партияга жуда катта эътиқод кўйишган. Чунки истаймизми, йўқми, партия улар ҳаётида, шунингдек, одамлар турмушида ўзгаришлар ясаган. Тараққиётнинг ҳар жиҳатдан туб асоси саналган. Шундан эътиқодига садоқатини, инсонийлигини белгиловчи омил сифатида кўллаб-кувватлаш лозим. Бироқ коммунистик партиянинг юргизган асл сиёсатининг туб моҳиятини англаб етмасликлари уларнинг фожиасидир. Ёзувчи мазкур образлар орқали худди шу нарсани инкишоф

қилиши билан бугунги авлоднинг эътиқодсизлигига қарама-қарши қўяди. Бундай бўлишининг туб асослари бор. Ёшлар коммунистик партия сиёсати, у қабул қилган қарорлар ҳақиқий ҳаёт билан уйғунлиги йўқлигини, аъмоли ҳаётий мантиққа зидлигини, амалда кўллаш тескари натижа беришини англаб етишган. Шундан уларнинг мазкур партия эътиқодлари суст ва заифdir.

Адиб романнинг номига ҳам ўзининг фалсафий гоясини сингдирган. Асарнинг бир ўрнида Ботир фирмә шундай дейди: "...Ор-номуссизга эл-юрт тақдирини топшириб бўладими? Юз-гуурсиз одамга эл-юрт ихтиёрини бериб бўладими?" (129-бет).

Мустақиллик арафасида ҳаёт ўз меҳваридан чиқиб, барча нарса аралаш-қуралаш бўлиб кетди. Энг фожиали томони инсоний меҳр-оқибат, қадр-қиммат сусайди, инсон қадрсизланди. Социализм даврида инсоннинг ўзи эмас, меҳнати қадрланган бўлса, энди унинг даромадига қараб кимлиги белгиланди. Энг ачинарлиси, ҳалол меҳнат қилганлар, кечаги жамият тараққиётига муҳим ҳисса қўшганлар, ўз эътиқодига событ инсонлар ҳеч ким бўлмай қолди. Тириклигига шундай қадрсиз бўлган инсоннинг ўлигига бўладиган муносабатдан чўчиш туйғуси ҳам бу дунёда ўлмасликка даъватdir. Бу унинг иккинчи маъносидир. Унинг яна учинчи маъноси ҳам бор. Истиқлолдан сўнг юрганинг жамоли ўзгарди, кўп йиллардан бери маънавий ва руҳий эзилган халқнинг қадди тикланди. Унинг келажаги порлоқ. Демак, шундай дунёга мұяссар бўлганда ўлиб бўладими?

Роман жуда катта фалсафий умумлашма ва рамзийлик билан ниҳоя топади. Бир куни ҳокимиятдан кўнғирок қилишли. Ҳокимият олдидан Буюк ипак йўли ўтишини, шундан унинг олдидаги чинорларни олиб ташлаш учун оқсоқолларнинг оқ фотиҳаси зарурлигини айтишади. Ботир фирмә орденларини тақиб боради. Бу борада ёзувчи ёзади: "Ботир фирмәнинг жони ачиди. Ботир фирмәнинг тани куйди. Ботир фирмәнинг танижони... шодланди.

– Ўртоқ Рашидов... дея энтиқди. – Шароф Рашидович биз эккан чинорлар... Буюк ипак йўли бўлди. Буюк ипак йўли!... биз яратган боғлар... Буюк ипак йўли бўлди. Буюк ипак йўли!" Бу ўринда жуда катта ҳақиқат очиб бериляпти. Бу ҳам бўлса, ҳар қандай янгилик, ҳар қандай тараққиёт ўз-ўзидан пайдо

бўлмай, у эскининг заминида юзага келади. Шундан ўтмишга ҳадеб тош отабериш, у қадар мантиқли эмас. Шунингдек, бизда янгилик кўпинча ҳаётда ўз қадрини йўқотмаган, яшашга ҳақли бўлган нарсаларни бузиш эвазига бўладики, бу нарсани ҳам оқлаб бўлмайди. Чинорларнинг ийқитилиши шунга ишорадир. Шунингдек, ҳалоллик, тўғрилик, диёнатли йўл улуғ йўлдир. Барча эзгу ишларга шу йўл олиб боради. Чунки бу йўлдан юрувчилар имонли шахслардир. Ботир фирмә шундай шахедир. Лекин асарнинг сўнгти бобларида ўта интеллектуаллашиб ўзини оқламаган. Қаҳрамон мантиғига мос эмас. Маълумки, Ботир фирмә ўзи чаласавод. Бор-йўғи партия курслари ни битирган. Шундай одамии “XVI аср бошларида Москвада буюк княз Василий III Псков оқсоқоли Филофейдан бир катор мурожаатномалар олди” ҳақидаги маълумотлар, ундан кейинги фикрлар, Иван Грозний хусусидаги ҳақиқатлар, айниқса, унча-мунча тиббиёт олими билмайдиган “суицид” ҳақидаги мулоҳазалари кишини ишонтирмайди. Бу ўринларда қаҳрамон ёзувчи ғоясини, фикрини ташувчи, ифодаловчи рупорга – жарчига айланиб қолган.

Шукур Холмирзаевнинг “Олабўжи” романи эзгулик ва фосиқлик дунёсининг инкишофи асосига қурилган. Эзгулик оламини Ултон, Ашим (Қорабой), Хуррам, Турсунтош (Турсуной), Абдуқаюм, Дунё, Қобиллар ташкил қилса, муҳатлик дунёси Тўхлибой Қўчқаров, Баҳор, Бўтабой Сўпиеv, Таракнов, Маҳфират Эгамқуловалар фаолиятида ўз ифодасини топади.

Роман полифония хусусиятига эга. Унда тоталитар жамият тузумидаги барча негатив ҳолат ва иллатлар инкишоф қилингган. Бу ҳолат асарнинг биринчи саҳифасидан бошлаб то ниҳоясигача давом қилади.

Роман асли архиолог, лекин табиатшунос журналист сифатида элга танилган, кейинги йилларда ўз қишлоғига келиб, мактабда табиатдан дарс берётган, овчилик билан машхур, устунлар устига қурилган гайритабиий ҳужрада якка яшаётган Ултонни райкомнинг биринчи секретари Тўқлибой Қўчқоров таклиф қилишидан бошланади. Шу тариқа китобхон романнинг бош қаҳрамони билан танишади. Унинг қандай шахс эканлиги баъзи бир асарлардаги каби ёзувчининг берган таърифи билан англашилмайди, балки воқеалар оламида қадамақадам бўй кўрсатади. Яъни унинг фаолияти билан боғлиқ бўлган ҳар бир воқеада бир инсоний фазилати ва ўзига хос-

лиги очилади. Воқеалар замирида эса ижтимоий-сиёсий масалалар ётади. Ултон ҳар хил хаёлга бориб, махсус юборилган совхоз директори Бўғабой Сўпиевнинг “Газиги”да райкомга келганда, ўзининг собиқ ўқитувчisi, ҳозирда райком секретари Тўқлибой кучоқ очиб кутиб олади. Ҳазил-мутойиба гаплардан сўнг, мактаб ҳақида гап очди. Мактаб директори Зоқир Ўруновнинг мактабнинг авария ҳолати хусусида ёзмаган жойи қолмаганига қарамай, бу борада бир одам унинг додига қулоқ осмасди. Бугун эса райкомнинг котиби мактаб билан қизиқиши уни ниҳоятда хурсанд қилди. Бунинг устига, котибининг: “Гап шу, сени чақиришдан ҳам мурод шуки, хўш, сенга ишонаман”, – деди. – Шу мактабингни бизнинг номимиздан... райкомнинг вакили сифатида текшириб, бор кам-кўстини ёзиб келсанг... Хўш, қолган мана шу ўн-ўн беш кунда нималар қилиб улгуриш мумкин, ана шу томонлариниym ўйлаб ёзасан”. Бизга маълумки, мактаб масаласи ҳар доим долзарб масала бўлиб келган, бугунги кунда ҳам шундай. Унга юқори лавозимли раҳбарнинг эътибор бериши у одамнинг яхши инсонлигидан далолат беради. Демак, Тўқлибой ҳам бизга шундай инсон сифатида таассурот қолдиради. Ултон котибининг мазкур тутган ишидан мамнун бўлиб, эшикка йўналган эди, бурчакдаги кимсани кўриб, ҳайрон қолди. “У оппок, итёқа кўйлак ва йўл-йўл бекасам юбка кийган, бир қарич қолдириб кесилган тим-қора сочи елкасига тушган, чарос кўзлари қандайдир чақноқ қиз... Оқсуздаги амбулаториянинг бош дўхтири эди”. Ёзувчи романдаги иккинчи фаол қаҳрамон – Баҳор билан шу тариқа таништиради. Зоҳирий жиҳатдан ҳар қандай эркакни ўзига жалб қила оладиган бу хилқатни Ултон биларди, унга нисбатан ички бир интилиш ҳам бор эди. Бунга сабаб ўтган йили Ултон ов қилиб юрганда юзидан сочма ўқ еганди. Кимнидир овга отган ўқи унинг юзига текканди. У шошилинч амбулаторияга келганда, унга тез ёрдам кўрсатиб, юзидаги сочмаларни ситиб ташлаб, “Тез ёрдам” орқали район касалхонасига жўнатган эди. Ўшанда Ултонни унинг ўқтамлиги, қандайдир кишини сехрлайдиган жозибаси лол қолдирган эди. Айниқса, главрачини сўтак дейиши, уни тамом таажжуубга солган эди. Ўшандан бери Ултонда унга нисбатан қизиқиш пайдо бўлган. Лекин Баҳор у учун жуда баландда ўсган гул, узуб олишга ўзининг бўйи етмаслигига икрор бўлиб юарди. Бугун эса ўзига яқин бўлган Бўтабой Сўпиевнинг шофёри

Наби “Баҳор унга қизиқаётгани, уни ёқтириб қолганлигини” айтди. Буларнинг бари қўшилиб райком хонасидаги учрашув, бунинг устига, Баҳорнинг унга нисбатан ўзини яқин олишидан, орзуларининг амалга ошишига йўл очилгандек ҳис қилди, ўзини. Бу учрашув котибнинг: “... Мана, Кенжабоева ҳам сен билан боради... Хўш, Баҳор, сиз мактабнинг гигиена-санитария талабларига қанчалик жавоб бериш-бермаслик масаласини аниқлайсиз. Вазифа – шу. Кейин заключенияни битта қилиб опкеласиз. Тушунарлими”, – деган гапи билан ўз ниҳоясини топади.

Адид ҳеч бир воқеани шунчаки тасвирламайди, барчасини мақсад сари йўналтиради. Мазкур воқеа ҳам уч мақсадга хизмат қилади. Яъни фаол қаҳрамонларнинг кимлигини очиб беришга, мактаб масаласида мутасадди шахсларнинг дикқатини жалб қилишга ва Ултон билан Баҳорни яқинлаштиришга.

Тўклибой Кўчқоровнинг хатти-ҳаракати дастлаб кишида ҳайриҳоҳлик уйғотади: у ҳаракатчан, қувноқ, шеъриятга мойил, ўзи ҳам ижод қилади. Ҳар гапида Машраб ғазалларидан мисол келтириб, ақлли фикрларни айтади. Муҳими одамлардан ўзини айри тутмайди, барчага бирдай муомала қилади. Сиртдан караганда, ибратли раҳбар.

Ултоннинг: “Яхшимисиз, домла? – деганига, Кўчқоров: “Ким сенга мени “ёмон” дейди? Зокир Ўриновми?.. Биламан, – Тўклибой Кўчқоров қих-қиҳлаб кулиб, ёнидаги стулнинг қошига қоқди.

– Ўтири... Райком секретарини ким яхши дейиши мумкин? Ким? – у ўз саволидан роҳатланиб, бурилиб кетди. – Ҳеч ким! Ҳеч ким... Ўқи айланадиган креслосига етгач, қоматини тек тутиб:

– Олим илмига мағрур, жоҳиллар исёнга гарқ,

Кас не билсун рўзи маҳшар кимнинг тоши кам келур?” – Хўш, қалай? – деди”. Романда Т. Кўчқоровнинг кишига хуш келадиган томонларини кўрсагадиган жиҳатлар анчагина. Шундан асарнинг сўнгги саҳифаларигача Т. Кўчқоров яхши инсон, у жамиятдаги рўй бераётган адолатсизликларни англайди, унга қарши боришга эркинесизлик йўл бермаганидан ноилож, деб унинг “фожиаси”дан киши ўқинади.

Баҳор ҳақида ҳам киши ижобий фикрда бўлади. У ҳам ўзининг фосиқлик дунёсини усталик билан никоблайди. У гўзал бўлиши билан бирга ўқтам. Қайси даврада, у ерда ким-

лар бўлишига қарамай, ўша даврда кўпчилик журъат этолмайдиган ҳақиқатни гапиришдан чўчимайди. Мана шу томонлари Ултонни ўзига жалб қиласди. Чунки унинг ўзи ҳам шунга мойил, жамиятда рўй берәётган ҳолатлардан кўнгли шикаста эди. Баҳор Ултон билан мактабга келганда, аҳволни кўриб, шундай хитоб қиласди. “Воо, домла-а-а, – деди. – Қайси асрда яшаяпмиз?

– Бизми? Инқилобдан бурунги асрда яшётирмиз десам, Унда мадрасаларимиз бор эди, – табассум қилиб жавоб берди Зокир Ўрунов. – Ҳарҳолда. – Вой, уйига ўт тушсин бу системанинг!.. Шу ерда ўқишса... Ерга қаранг, зах”.

Адид тоталитар жамият қиёфаси, унинг олиб борган сиёсати ва мағкураси таъсирида азалий қадриятларнинг топталишини, иймонли шахсларнинг қадрсизланиши воқеалар тасвирида ва ёрдамчи образлар фаолияти орқали кўрсатади.

Ултон Баҳорнинг таклифи билан кечаси унинг амбулаториясига борганининг эртасига тўй тараддуди бошланади. Ултон эртаси куни мактаб хусусидаги хулоса билан райком котиби Тўқлибой Кўчкоров олдига келганда, у ерда бир аҳволда Баҳор ўтиради. Кўчкоров гапни дўқдан бошлайди, ҳатто қаергадир сим қоқадигандек телефон ускуналари турган столча ёнига келади. Шунда Баҳорнинг: “Айб ўзимдаям бор...” – дейиши билан бўшашиб: “Бу масаланинг ҳал бўлишининг йўли битта. Уям бўлса тўй”, – деди. Шу билан Ултон тақдири ҳал бўлади. Тўйга Кўчкоровнинг ўзи бош кўшади. Мазкур тўй фонида жамият иллатлари очила бошлади. Район идеология бўлимининг бошлиги Маҳфират Эгамқулова: “Мени падавадит қилманглар”, яъни “никоҳ ўқитманглар”, – дейди. Район газетасининг ходими “Мунди яна реакция авж олганини, келган “Секретний письмо”да газетада чопонли, дўппили кишилар расми берилмаслиги, берилса, миллий кийимнинг пропагандаси бўлиб қолиши хусусида гапиради”.

Тўй кечасининг аzonида Баҳор тогда сайр қилишни истаётганини айтади. Ёзувчи мазкур воқеадан икки мақсадни кўзлаган, яъни кишини табиат гўзаллиги орқали қалбини иллатлардан холис қилиб, унга эзгулик уругини қадаш ва гўзалликка нисбатан ёзувчиларча муносабатда бўлаётган юрт “эгалари”нинг қиёфасини кўрсатишни. Маълумки, гўзаллик бор жойда қабоҳат бўлмайди. Ёзувчи, табиийки, тогнинг ҳар бир майсасини, ҳар бир дараҳтини, дара ва камарларини, пар-

ранда ва даррандаларни, зилол сувларини табиатшунос рассом каби тасвиirlайдики, ундан завқланмаслик, маҳоратига қойил қолмасликнинг иложи йўқ.

Ултонлар тоғнинг энг сўлим масканига қўтарилишганида, у ерда бир тўда ҳарбийларни кўришади. Уларнинг қўлида қурол, ҳаммаси маст, ёзда ов қилиш ман этилганига қарамай, ов қилишган, ўт ёкишган эди. Ултон уларга қаратা нима қиляпсизлар, деганига “Приехали отдохать”, – деб жавоб беришади. Ултон бу ердаги ҳолатни кўриб:

– Это называется “отдых?”, это называется охота! Это называется убийства”, – деганига, офицер ёнидан тўппончасини чиқариб, осмонга ўқ узади. Бир аскар Ултоннинг олдига келиб: “Марш отсюда, черна”, – дейди. Бундан қони қайнаган Ултон буталарга тираб қўйилган милтиқларнинг бирини олганда, ўт ёқаётган икки аскар келиб, милтиқнинг қўндоги билан бошига солади. Ултон ўзига келганда, улар ҳарбий машиналарга ўтириб аллақачон жўнаб қолишган эди. Ҳа, улар юртимизнинг тўла эгасига айланишган эди.

Тўйнинг иккинчи куни мактаб ўқувчилари ва ўқитувчилари икки кунга пичан ўримиға жалб қилинади. Ултон виждонли бўлгани ва тили қисиқ бўлиб қолмаслиги учун у ҳам отланди. Ўша ерда ётиб қолишини айтди. Бу воқеа муносабати билан китобхон бугунги кун ёшларининг дунёқараши ва ички олами илиа танишади. Уларни аввалги ёшлардан хукмрон миллатнинг маҳаллий ҳалққа бўлган муносабатини тўгри англашлари, миллий қадрият моҳиятини тўғри тушунишлари, шундан ўзлигини билишга интилишлари билан устун эканлигини ҳис қиласиди. Бундай хулосага келишга ўқувчиларнинг хатти-ҳаракати ва ўй-фикрлари имкон беради.

Тиркашнинг кечаси машинада қайтиши ва эрталаб келишини билган Ултон хотинининг ёлгизлигини ўйлаб, у билан кетди. Лекин келганда: дивандан оёғини осилтириб бақрайганча қараб турган йўғон, семиз Тўқлибой Кўчқоровни, сўнг диван бошида кип-яланғоч қалтираб турган хотинини кўрди. Бу икки кунлик келин Баҳор эди. Ҳа, Тўқлибой Кўчқоров ўзича ҳар қанча Машраб шеърлари орқасига олмасин, ҳақиқий қиёфасини яшира олмайди. Баҳор ҳам зоҳирий кўринишга ҳар қанча зеб бермасин, сўзи орқали ҳақиқатгўй бўлишга интилмасин, ўзининг ҳақиқий қиёфасини пинҳон тутолмайди. Чунки улар фосиқлик дунёсига ғарқ бўлишган. Чунки Ултоннинг

райкомга таклиф қилиниши, Баҳорнинг уйига чорланиши, тўй – ҳамма-ҳаммаси Тўқлибой Кўчқоров билан Баҳорнинг олдиндан тузган режаси эди.

Юқоридаги манзарадан Ултон ўзини йўқотиб қўйди. Ёзувчи бу ҳақида шундай ёзади: “Ултон юрмоқчи-интилоқчи бўлди-ю, бир сирли куч ҳаво тўлқини каби кўкрагидан итарди. Ва оромкурсига ўтириб кулди-ю, кафтлари билан юз-кўзини ёпди. Шунда боши гир-гир айланадиганин сезди. Сўнг кўнгли айниб, суюнчиққа ястанди. Ва...” у ўзига келганда жиннихонада ётарди. Унинг “жинни” лигини асословчи маълумотномани эса Баҳор ёзган эди. Ёзганда ҳам, жуда профессионал ёзилган. Жиннихонанинг врачи Бердиқул диёнатини ютмаган, бу ерда ётган “жинни” ларни тўғри тушунадиган, уларнинг қисматидан ич-ичидан эзилиб юрган одам эди. Шундан Ултон фожиасини ҳам тўғри англади, унга жинни деб қарамади. Шундан Бердиқул Ултоннинг бу маскандаи қочиш имконини яратиб беради. Ултон фосиқлик оламининг бош “дирижёри”ни йўқ қилишга ҳаракат қилди. Қирқма милтиқни қўйнига яшириб, район биносига келди. У ердан чикиб келган Тўқлибой Кўчқоровга икки марта ўқ узди. Лекин унга ҳеч нарса қилмади. Чунки милтиқнинг стволи кесилгани учун сочма сочилиб кетган эди. Ултон мақсадига эриша олмади. Чунки социалистик тузумда фосиқлик дунёсининг қўли узун, кучли эди. Роман шундай якун топади: “Ултон мадрасага (жиннихона биноси олдин мадраса бўлгани учун одамлар уни шундай аташади) жўнатилгандан кейин, Ашим бир-икки марта ҳабар олди. Бир гал қалин кийимлар обориб берганида, Берди дўхтири: “Энди келиб юрманг”, – деган экан. Лекин бу нарса кишиларни ҳайрон қолдиради: Етимчўққида одамсимон айик пайдо бўлган. Юришиям айни айиқники: энгашиб, бўкириб-ғўлдираб юармиш. Ва ўқтин-ўқтин шаҳарга яқин келиб бир гор устида ўтиармиш... ёш болалар шўхлик қилса, оналар энди битта сўз билан кўрқитишиади: “Олабўжи келяпти!”.

Бу тугалланма икки маънога эга. Яъни, биринчиси, фосиқлик дунёси жамият ҳалол, тўғрисўз, табиий бир инсонни “Олабўжи”га айлантириди. Иккинчиси, жамиятнинг ўзи фосиқлик асосига қурилгани учун ҳақиқатдан “Олабўжи”дан кўрқандай кўрқади. Чунки ҳақиқат кучли, барибир у енгади. Асар воқеалари замиридан келиб чиқадиган гоя шундан иборат.

“Динозавр” романи марказида инсон ва давр муаммоси ётади. Асар 1996 йил “Ёшлик” журналининг 2 – 4-сонларида босилган. Тўғрисини эътироф этганда, бозор иқтисодига ўтиш давридаги қийинчилик ва камчиликлар, муаммоалар кўпчиликни гангитиб қўйди. Кимлардир унинг моҳиятини тўғри англаб, Ватан тақдери, юрт келажаги ҳақида куйиб-пишаётган бир вақтда, бошқалар фақат ўз манфаати, яъни “қорин дарди”га берилди. Шукур Холмирзаев бу масалада бефарқ бўлмади. У ўзининг ушбу романидаги мазкур масалага киши диққатини тортади.

Ҳаёт ҳақиқатидан маълумки, виждони уйғоқ, қалби пок, диёнатли шахсларнинг фоний дунёда яшаси қийин кечади. Чунки улар ҳар бир адолатсизликка, одамларнинг инсонийликка зид хатти-ҳаракатларига бефарқ қарай олмайди. Уларга нисбатан ўз эътирозини билдиради. Бундай шахсларнинг аксарияти ижодкор бўлади. Шундай ҳақиқий ижодкор халқнинг виждони саналади. Мазкур романнинг бош қаҳрамони – ижодкор Маҳкам. Тоталитар тузумнинг абадийлиги-ю, мустақилликнинг бир рӯё эканлигига ишонган минглаб одамлар сингари Маҳкам ҳам бу ҳақида ўйлаб кўрмаган эди. Энди у шундай бир ҳолатдаки, ақли-шуури идрок этади, фаҳмлайди, боши ва қўли ҳаракатда, аммо оёғи гўё бир ботқоққа ботиб қолган. У фикран ундан чиқиб олишга интилади. Ёзувчи мана шу тариқа Маҳкамнинг ботиний ўй-хаёллари, руҳий изтироблари орқали замон зиддиятларини ёритиб боради.

Маҳкам баъзан оғир тушкунликка тушиб кетар, гўё бу ҳолатдан чиқишини билмагани ҳолда, унинг чек-чегарисини ҳам билмайди. Шундай оғир вазиятда ўзини “кучсизлар” қаторига қўшади. Бу борада ёзувчи ёзади: “...Мустақиллик даври бошланди-ю, дунёқарашиб ҳам, фикрлар ҳам ўзгарди... Маҳкам у ҳаёт тарзига мослаша олмай ва бунинг туб сабабларини билмай, тушунишга ақли етмай изтироб чекарди.

Шу боис ўзини “кучсиз одамлар” тоифасига-да қўшар, бу ҳол унга тасалли берар эди”.

Лекин ҳаётга мослашиш ҳам ҳар хил бўлади, бир хиллар кўр-кўронга ёндашади. Иккинчи бир шахслар ақл-заковат, улдабуронлик билан замон қийинчиликларини енгишга интилади, ундан устун келади. Булар гайратли, шижаотли шахслардир. Жамолиддин шундай инсонлар сирасига киради. У эртанги кунга умид кўзи билан қарайди. Бу ҳақида у шундай

дейди: "...Шундай кунлар келади. Менинг уч-тўрт операциям бор. Кейин келишиб битта иш қиласиз... Бизнинг буюк боболаримиз бор. Миллий бизнесменлар етишвотти. Ўзбекистонни 4 – 5 йилдан кейин кўрасиз. Ўрта Шарқда машъал бўлиб кетади. О, биздаги бойлик, халқимизнинг меҳнаткашлиги..." Ёзувчи Жамолиддинни ёш бизнесмен деб атайди. Аслида, у ижодкор-бизнесмен. Чунки у – шоир, шеърлар тўплами ҳам чиқсан. Жамолиддин – ёзувчи идеали-даги образлардан бири. Унинг қандай инсонлиги келажакка умиди, орзузи Маҳкамга айтган гапларида ўз ифодасини топади: "...Ҳали бизнесменларнинг ҳам кўзи тўяди. Ҳа-ҳа, ҳозирча кўпининг кўзи оч.... ҳали тўяди, тўйинади улар... Кейин биласизми... Кейин ўқишгаям, хўш, маънавиятга ҳам қизиқа бошлайдилар. Чунки бизнесмен – маданиятли одамлар. Ахир, улар жамиятнинг булбуллари, гуллари ҳисобланадиган ёзувчилар, ижодкорлар билан алоқа қилмаса, бирга турмаса... қанақасига маданиятли одам бўлади... Ўзимизнинг Тошкентда қанақа бойлар ўтмаган! Мактаблар очишиган, ўzlари дарслерлар ёзишган. Масалан, Мунаввар қори, Убайдулла хўжа ... Э-хе!" Бу фикрда бугунги кун манзараси яққол ўз ифодасини топиш билан бирга, маънавиятга даъват ҳам борки, бу, ўз навбатида, ёзувчнинг мақсадини ҳам ифодалайди. Жамолиддиннинг фикри тиник, маънавияти юксак бўлгани учун киши кайфиятини ҳам тез илғайди. У Маҳкамнинг кайфияти моҳиятини англаб етади. У ўзининг некбин фикр ва мулоҳазалари билан Маҳкамни ҳам ижод қилиш кайфиятига қайтаради, руҳини тетиклаштиради.

Ёзувчи давр зиддиятини янги авлод руҳиятига ўтказган таъсирини кўрсатиш борасида инсон камолотида муҳитнинг роли катталигига киши диққатини тортади. Бу ҳол Маҳкамнинг ўғли Собит образи орқали инкишоф қилинади. Оилада Собит кўпроқ онаси таъсирида бўлса-да, отасининг имонли, виждонли эканлигини ёш бўлишига қарамай қалбан ҳис қилади ва отасига эргашади. Оиладаги келишмовчилик, соатлаб чўзиладиган даҳанаки жанг, онасининг ҳақоратомуз сўзлари, отасининг изтиробга тушишларининг сабаби унга ойдинлаша бошлайди. У шундай хуносага келади, яъни бунинг илдизи рўзгордаги етишмовчиликда. Чунки илгари ҳамма нарса етиб турганда, уйда ҳам осойишталик хукм сурарди. Ота-онаси ҳам бунчалик асабий эмас эди. Отаси-

нинг гапларидан, унинг Абзал ака, Тоиров, Жамолиддин, Қуюнлар билан қилган сұхбатларидан ҳақиқатни англай бошлайды. Яъни отасининг руҳий изтироблари фақат оила ташвиши, моддий қийинчиликларда әмас, балки онасининг, шунингдек, атрофдаги одамларнинг маънавий қашшоқлашиб кетаётганида эканини. Собит образининг ибратли томони ҳам ана шунда.

Маънавий баркамол инсонгина турмушнинг икир-чи-кирларидан устун келиши, турмуш қийинчиликларини енгиши мүмкін. Агар унинг акси бўлса, замон уммони оқимиға кўмилиб, ўзини ва яқинларини ҳам барбод қилиши муқарардир. Романда бу ҳаётий ҳақиқат Шаҳло, Абзал ака, Тоировлар образи орқали киши онгига сингдирлади.

Шаҳлони жамият маънавий иклимида қандай ўзгаришлар рўй берадигани әмас, балки бозорда қандай ўзгаришлар бўлаётгани, нарх-навоннинг қай даражада эканлиги кўпроқ қизиқтиради. Шаҳлонинг бунчалик тез ўзгаргани Маҳкамни хайрон қолдиради. У Шаҳлодан аввалги фазилатларни қидирар, ундан ниҳоятда оз қолганидан афсусланади. Лекин бир ҳақиқатни англаб етади. Бу ҳам бўлса, Шаҳлодаги аввалги инсоний фазилатнинг илдизи ботиний әмас, зоҳирий эканлигини.

Абзал ака – асли, шоир. Кўпроқ болаларга атаб шеърлар ёзган. Аммо бугунга келиб бутун ўтмишини қоралаб, тақвадор инсонга айланади. Мустақилликка эришиш туфайли етмиш йиллик тузумнинг емирилиши Абзал акани гангитиб қўйди. Чунки унинг маънавияти, эътиқоди ва дунёқараши заиф эди. Шундан Абзал ака шамол қай томонга эssa, у ўша ёққа оғади, ўзгалар фикри билан иш юритади. У на дунёвий илмни, на диний илмни чукур ўзлаштиргани учун аросатда қолган.

Даврга қараб ўз қиёфасини намоён қиласиган образдан яна бири Тоировдир. У – тоталитар тузумга, унинг партиясига анча-мунча хизмат қилган шахс. Компартия гуллаб-яшнаган йилларда раҳбарлик курсларида ўтирган бу шахс, партия инқирозига учрагач, хеч иккиланмай, уялмай янги ҳаётга мослашиб олади. Бир пайт ўз йўли қолиб, ўзга қадамини санаб юрган халқнинг асл фарзандлари нохақ ўлдирилганда лоқайд томошабин бўлган бу шахс

ўз қадрдон дўсти, яъни Маҳкамнинг отасини ҳам сотган. Бу ҳақида ёзувчи ёзади: "...Четдан кузатган одам шундай ўйлаши мумкин эди: "Бу қария комил мусулмон экан. Шундай оврўпача либосда бўла туриб, тилидан калимаи шаҳодат тушмас, улуғлиги шунда".

Қайсики жамият ҳалқнинг маънавияти юксак, ўша жамиятнинг пойдевори ҳам мустаҳкам бўлади. Бундай фазилатга эга давлатни ҳеч қандай ташқи ва ички кучлар енга олмайди, маънавият инсионийликнинг ойдин йўли, жаҳолатга қарши тикланган Искандар деворидир. Роман қаҳрамонлари фаолиятида ана шундай гоя ётади. Романинг аҳамияти сюжет замирида ётган ана шу фалсафий ҳақиқатдир.

Текшириши учун саволлар:

1. Туркий қавмдагиларни дўст-биродар бўлишларини сабаби нимада?
2. Шафқатсизлик асоси нимага бориб тақалади?
3. Фожийлик моҳияти қайси романда қандай ёритилган?
4. Жамиятдаги адолатсизлик қандай талқин қилинган?
5. Ботир фирмә қандай шахс?
6. Туйғулари паймол қилинганлар қандай қисматга дучор бўладилар?
7. Эътиқод масаласи қандай бадиий талқин қилинган?
8. Инсон ва давр муаммоси қандай ёритилган?

Таянч тушунчалар

Рух – такомиллаштирувчи соф бир қудратдир. У парчаланмайди, аъзоларга бўлакланмайди, уни қисм қилиб ажратиш мумкин эмас (Шайх Азизиддин Насафий. Зубат ул-ҳаққоийқ. “Тафаккур” журнали, 1997 йил 5-сон)

Рұҳият–бировни саодатга етказиш учун ўзини фидо қилмоқлик. Комиллик–бировни саодатда кўриб, ўзини саодатли этмоқлик. Хатти-ҳаракат – назария билан амалиётнинг мужассами (Аристотель).

5. 2. Тарих ва тарихий шахсларниң бадиий ифодаси

Режа:

1. Тарих ва тарихий шахсларга нисбатан янгича қараш
2. Амир Темур образи ва миллый қадриятлар ўз ифодаси-нинг топиши
3. Гавҳаршодбегим тимсолида зукколик моҳияти
4. Абдулатиф, Халил Султон, Алоуддавудлар тийнати ва табиати
5. Оналик ва фарзандлик меҳрининг бадиий ифодаси.
6. Нафрат ва изтироблар талқини.
7. Амир Темурнинг инсонийлиги.
8. Жаҳонгир Мирзо мұхаббати ва фожеаси.
9. Умаршайх табиати ва шижааткорлиги.
1. Ҳукмдор қисматининг бадиий ифодаси.

Адабиёт:

- У. Норматов. Умидбахш тамойиллар. – Т., 2000
- У. Норматов Тафаккур ёғдуси. – Т., 2005
- У. Норматов, У. Ҳамдамов. Дунёни янгича кўриш эҳтиёжи “Жаҳон адабиёти”. 2000 йил, 10-сон
3. Пардаева. Ўзбек романлари поэтикаси. – Т., 2003 йил.
- А. Расулов. Тарих, фалсафа роман. “Жаҳон адабиёти” журнали. – Т., 2000.
- Муҳаммад Али. Улуг салтанат. Биринчи китоб. – Т., 2003
- Муҳаммад Али. Улуғ салтанат. Иккинчи китоб – Т., 2006
- П. Қодиров. Она лочин нидоси. – Т., 2001.
- М. Қориев. Файнавийлар. – Т.: “Шарқ” нашриёти, 2006
- Ҳ. Каримов. Истиқлол даври насли. – Т.: Зарқалам, 2007.

Истиқлол даври воқеаларини тўғри англаш ва тўғри ёритиш, тарихий шахсларни эса давр сиёсати, мағкураси нуқтаи назаридан эмас, ҳаётий ҳақиқат ҳамда тарихий жиҳатдан ҳаққоний инкишоф қилиш имконини беради. Маълумки, эзгулик, халқ манфаатлари йўлида қилинган ишнинг юзига ҳар қанча қора чизик тортилмасин, йўқ қилиш йўлида ҳар қанча уринишлар бўйлесин, у йўқолмайди. Ҳақиқат уммони юзига пўйқак каби қалқиб чиқаберади. Бу фикрнинг тўғрилигига кейинги пайтда юзага келган тарихий романлар яққол мисол бўлади.

Қайсики, бадиий асарда инсоний кечинмалар жараёни, изтироблари моҳияти, ўзининг фалсафий талқинини топса, ўша асар ҳар қандай жамият ўзгаришларида ҳам умрини тугатмай яшаб қолади. Пиримқул Қодировнинг “Она лочин видоси” (— Т.: Шарқ, 2001) номли романни ана шундай фазилатга эгалиги билан китобхон қалбини забт этади ва маънавий оламини бойитиш орқали ўз ҳаёт йўлини тўғри белгилашга имкон тұғдиради. Бу нарса эса, ўз навбатида, жамиятнинг инсонийлашувига демократиянинг янада кучайишига асос бўлади. Чунки ҳалқи комил бўлган жамиятдагина адолат ва инсон манфаатларига йўналтирилган қонун хукм суради. Демак, роман камолотта хизмат қиласди.

Маълумки, темурийзодаларнинг кўпи жўмард шахслар бўлиб етишган. Бунда Бибихонимнинг хизмати катталиги тарихдан маълум. Лекин бундай хизматни Сарой Мулк Хонимдан сўнг Гавҳаршод бегим зиммасига тушганлигини жамоатчилик билмасди. Қайтага бу борада нохуш фикрлар юради. Бадиий асарлардаги талқинларни ўқиган китобхон, наҳотки, Шоҳруҳ Мирзодек шахснинг завжаси, Улуғбекдек алломанинг онаси шундай бўлса, деб ҳайрон бўларди. Пиримқул Қодиров мазкур асари билан олдиндаги шубҳаларни тарқатиб юборади. Ёзувчи ёзади: “Рахматлик Бибихоним “Она лочин” деб улуғлар эдилар. “Авлодларимни лочиндай парвоз этадиган қилиб тарбияланг!” – дердилар.

– Аммо сиз ҳам Бибихонимнинг салафларидансиз, бегим. Бугунги темурийлар хонадонида сиз кайвони она бўлиб қолдингиз. Полопон лочинларимизни энди сиз учирма қилмогингиз керак. Уларни амалпараст беку аъёнларнинг кутқуларидан омон сақлай олмасак, кейин пушаймон бўлурмиз!

– Сиз ҳақсиз, ҳазратим! – деб Гавҳаршод бегим ўрнидан туриб Шоҳруҳга таъзим қилди.

Шу кундан этиборан умидлик шаҳзодалар Гавҳаршод бегим тарбиясига берилди”.

Зукколикнинг белгиси билимдон, зехни ўткирлик билан-гина белгиланмайди, балки фикр нури билан инсон зийнати орқали унинг ниятини ўқиб олиш, юз бериши мумкин бўлган воқеани олдиндан англаб олиш ила намоён бўлади. Бу хусусият Бибихонимда борлиги маълум эди, мазкур асар орқали Гавҳаршод бегим ҳам шундай хусусиятга эга аёл бўлганлиги аён бўлади. Гавҳаршод бегим ўғиллари Улуғбек ва Бойсунқур

Мирзо фарзандлари: Абдулатиф ҳамда Алоуддавлани тарбиясига олади. Алоуддавла кейинчалик момосининг тарбияси ва ҳаракати туфайли Шохруҳ Мирзо саройда девонбоши – вазир даражасига кўтарилади.

Бу ҳолат атрофдаги қора булутларни тарқата олмай, қалбида баҳиллик, мансабпарамастлик уруғининг унишига имкон туғдирган Абдулатифнинг ниятини ошкора намоён этишига олиб келди. Қиличбозлик машқини ўзини тия олмай ростакам жангга айлантирди. Оқибатда Алоуддавланинг бармоғини қилич кесиб кетади. Бу қилмиши учун Гавҳаршод бегимнинг берган дашномидан аразлаган Абдулатиф Жунайд Бўта каби сирдош беги билан Самарқандга кетиб қолади. Бу воқеадан сўнг Гавҳаршод бегим Шохруҳ Мирзога шундай дейди: “Фарзанд меҳри ёшга қарамас экан, ҳазратим. Мен тўнгич ўғлимиз Улугбекни жуда согиниб юрибмен. Аммо неварамиз Абдулатифнинг феъли ёмон. Ҳалитдан тожу тахтга ихлосманд.

– Мен ҳам буни сезиб юрибмен. Баъзи Самарқанд беклари Улугбекни мадрасада мударрислик қилиб, илми нужумга берилиб кетганидан норози. Улар Абдулатифни отасидан кўра подшоликка муносиброқ деб билар эмишлар. Махфий ахборотлардан шуни билганим учун Улугбек Мирзонинг тинчини ўйлаб, Абдулатифни Ҳиротдан кетказмай юрган эдим.

– Рост, Абдулатиф Улугбек учун ҳам хатарли. Рухсат беринг, мен бориб уни қайтариб келай! – деди Гавҳаршод бегим”.

Бундан кўринадики, Абдулатифнинг тийнатида тахтпарамастлик балоси ёшлигидан ёпишган, буни Шохруҳ Мирзолар закий шахслар бўлгани учун илгашибган, унинг олдини олишга интилишган. Бу романнинг “Абдулатифнинг илк исёни” бобида foят таъсирчан бир тарзда тасвирланган.

Қишининг чилласида олтмишдан ошган Гавҳаршод бегим Абдулатифни Ҳиротга қайтариш учун отланади. Бундан мақсад, биринчи навбатда, ўгли Улугбекнинг тинчини кўзлаш бўлса, иккинчидан, келажакда юз бериши мумкин бўлган катта хавфнинг олдини олиш эди. Бу бобда Улугбек шоҳ сифатида эмас, онага ўта меҳри фарзанд, кувваи ҳофизаси кенг олим сифатида бўй кўрсатади. У онасининг келаётганини эшишиб, барча ишларини ташлаб, Самарқанддан Амударё бўйига шошилди. Дарёдан қишида отлиқ ўтиб бўлмас, сувнинг саёз жойлари музлаган, аҳён музлар кўчиб, бир-бирига зарб билан ури-

ларди. Кемада ўтиш ҳам хатарли, катта музлар кемани агдариб юбориши мумкин эди. Шундай бўлса-да, Улуғбек ўтиб кела-ди. Онасини олиб ўнг қирғоққа қайтганда, у ерда гилам паён-дозлар ташланган эди.

Абдулатиф сўзсиз Ҳиротга қайтишни истамайди. Онаси Ҳусн Нигор бегим ҳам ёлгиз фарзандини ўзидан узоқлаштиришни ҳоҳламайди. Шунда Гавҳаршод бегим ўз фикрини очиқча изхор этиш билан ўзининг қандай шахс экан-лигини, яъни инсон қалбининг ботиний варажларини ўқиш қобилятини намоён этади. У Улуғбекка шундай дейди: “Шоҳ ўғлим, Абдулатифни мен ёшлигидан биламен. Унинг табиа-тида ёмон барқарорлик бор. Кўзларида бургитнинг кўзларини эслатадиган қаттиқлик сезамен. Сизда улуғ истеъодларда бўладиган некбинлик, майинлик устун эди. Аммо ўғлингиз бошқача...” Ўғлидаги бу хусусиятни Улуғбек ҳам сезарди. У онасининг гапига жавобан: “Мен ҳам ўғлимиз Абдулатифда ҳовлиқмалиқ, довдирликка ўхшаҳ хислат борлигини сезамен. Илоҳим Ҳалил Султон фожиасидан Худо бизни асрасин”, – деди. Надоматлар бўлсинки, Аллоҳ асрамади. Бунга сўзсиз инсоннинг ўзи айбдор.

Романин ўқир эканмиз, кишини изтиробга соладиган воқеаларнинг, яъни ота билан боланинг, бобо билан невара-нинг бир-бирига душман айлаб, ўзаро уруш чиқишига сабаб-кор бўлган ҳолатларнинг моҳиятини, бундан халқнинг жабр тортишининг, унинг салбий оқибатларининг илдизини англаб етамиз ва ундан тегишли хулоса чиқарамиз. Бунинг туб сабаби тахтпарамаслик ва хушомадгўй, ўз манфаатининг кўзловчилар кутғусига ўтишиликдир.

Амир Темур ўғил ва невараларига насиҳат қилганда “Ку-рашда адоват эмас, адолат енгади”, – деб насиҳат қиласади. Улуғбек худди шу фикрга амал этарди. Шундан унга халқ, уламо-ю алломалар меҳр қўйган эди. Бу ҳол асарда амалда ис-ботланади.

Улуғбекдан кўп яхшиликлар кўрган Бароқ ўғлон Шоҳруҳ Мирзо суюқасд туфайли ётиб қолганда Улуғбекка қарши бош кўтаради. Бу ҳодиса Наврӯз кунларига тўғри келади. Ишон-ган беклари “Эртага байрам!” деб роса ичишиб, маст бўлишиб ухлаб қолишади. “Улуғбекнинг ўзи эса ўша кечака баҳорги тенг кунлик бошланганидан фойдаланиб, “Зижи Кўрагоний”га за-тур аниқликлар киритиш билан банд бўлган эди, оқибатда

тўсатдан бўлган хужумдан икки минг одам ҳалок бўлади. Бундан аччиқланган Шоҳруҳ Мирзо Улуғбекни тахтдан четлаштиришга қарор қиласди. Буни эшиитган Қозизода Румий, Фиёсииддин Коший, Али Қушчи каби алломалар Шоҳруҳ Мирзога мактуб ёзишиб, расадхонага таклиф этишади. У ердаги кашфиётни намойиш қилиб, Улуғбекнинг ўз ўрнида олиб қолишади.

Райда исён кўтарган невараси Муҳаммад Султонга қарши отланган Шоҳруҳ Мирзо исённи жангсиз бартараф қилди. Аммо қиши бўйи йўл юриб толиқсан Шоҳруҳ Мирзо меъда касалидан вафот этди. Ўлим олдидан қўшинга Абдулатиф бош бўлсин деди. Бироқ қўшиндаги Хуросондан, Балхдан келган бегу навкарлар самарқандликларнинг итоатида бўлишни истамай ажраб кетиши. Бунинг устига, Абдулатиф ҳаддан ташқари қаттиқ қўллик қила бошлади. Оқибатда Абдулатифга қарши исён кўтарилиши хавфи туғилди. Бу исёнга момоси Гавҳаршодбегим ҳам аралашгандай гумон қилиб, уни хибсга олди. Ўзини боқиб катта қилган, бунинг устига, азадор бўлган момосига нисбатан бундай йўл тутишлик гумроҳликдир. Тасаввур қилиб кўрайлиқ, шоҳ ўғил тирик бўлса-да, унинг ўғли тамонидан бобоси Шоҳруҳнинг тобути билан зах, сассиқ омборхонага қамаб қўйилса! Лекин бу ҳолат ўз ўрнига тушди. Алоуддавла момосини кутқариб, Абдулатифни Ихтиёриддин қалъасига қамади, нотўгри ташланган қадам қариндош-уруғ ўртасида адоват уруғини сочди, она билан болани руҳий истиробга солди. Улуғбек шоҳдан кўра, биринчи навбатда, ота эди. Унинг инсонийлиги ҳам ана шунда. У адоват оловини ўчириб, адолатни тиклашга интилди. Тинч йўл билан Абдулатифни ҳибсдан кутқаришга муаффақ бўлди, бироқ адоват олови ўчгани билан бутунлай сўнмаган эди, у тутаб турарди. Сал шамол турса, аланга олиши муқаррар эди.

Абдулатиф ҳибсдан озод бўлгач, ўзини овга қўйилган бургутдай ҳис қилди. Иккинчи томондан, Алоуддавланинг хатти-ҳаракати ҳам инсонийликдан эмасди. Пировардида оға-инилар ўртасида ростмана уруш бошланди. Бу урушда Абдулатиф бутунлай тизгиндан чиқиб, отаси Улуғбекнинг буйруқларига бўйсунмай, ўлка олишни, одамларни қиришни бошлаб юборди Мазкур ҳол салтанатнинг таназзулидан далолат эди. Чунки фарзанднинг ота-она юзига оёқ қўйиши унинг руҳидаги яхшилик фаринштасининг устидан шайтоннинг ғалабасидир.

Шайтон ўз ишини қилади. Абдулатиф нихоятда махфий, яъни отасини қатл этиш хусусидаги буйруқка фатво беради. Мазкур ижро эса “Улуғбек ҳаж йўлида тўсатдан қазо қилди”, – деб элга эълон қилинди. Бу сирни билганлар йўқ қилинган бўлсада, ҳақиқат ошкор бўла бошлайди. Эл орасида “Падаркуш Худонинг қаҳрига учрасин”, деган сўзлар оралайди. Ҳатто бундай сўзни Хусн Ниғор хоним Амир Темур мақбарасига зиёратга боргандга, нуроний бир аёл оғзидан ҳам эшигади. У бу ҳақида Абдулатифга оғиз очганда, ҳақиқат ойдинлашади. Бу қабоҳатдан воқиф бўлган онанинг “Ё, алҳазар!..” – деб тортган изтироблари, Абдулатифнинг восвослик, жунийлик ҳаракатларини ўқиган китобхон қабиҳликкка лаънат ўқиб, ёмонлик йўлига этак силтаб, имон келтириши шубҳасизdir. Айниқса, адолат тантана қилиб, Абдулатиф муносиб жазосини олиши, инсоният учун катта сабоқdir.

Абдулатиф ўлдирилгач, Абдулла Мирзо тахтга ўтиради. Ўглининг таъзиясига ҳам келолмаган Гавҳаршод бегим Самарқандга келади. Бу ҳақида ёзувчи шундай ёзади: “Самарқандга, Амир Темур мақбарасига етиб боргандарида, Гавҳаршод бегим Улуғбек қабрини худди бешик каби кучоқлаб, елкалари силкина-силкина узоқ йиғлади. Улуғбек гўдаклик пайтида бегим кечалари унинг бешигига бағрини бериб, бола эмизганлари ёдига тушди. Шундан кейинги эллик беш йиллик ҳаёт кўз олдидан яшин тезлигига ўтди. Лекин ҳаёли ўзига келганда гўдакнинг илиқ нафаси келадиган бешикни эмас, қирралари кўкрагига ботиб турган совук қабр тошини кучоқлаб йиғлаётганини кўрди”...

Бундай ҳолатга чидаш бўёқда турсин, ҳатто тасаввур қилиш қийин. Чунки тахтпарамастлик қуткуси натижасида икки қабрда калласи танасидан жудо қилинган жигаргўшаларнинг ётиши гоят изтироблидир. Лекин Гавҳаршод бегим ҳаётнинг бу азобуқубат, хийла-найранглари уммонлари қарида кўмилиб кетмайди. Бу уммонлардан қиргокқа чиқишга куч-кудрат топади. Чунки Шоҳруҳ Мирзо, Улуғбеклардан сўнг Амир Темурнинг “Куч – адолатда” деган шиорини ҳар бир темурийзодага англатиб туришни ўзининг бурчи деб билади. Буни амалга оширишнинг биринчи, асосий йўли илм-марифат эканлигини билган Гавҳаршод бегим шу нарсага катта эътибор қаратади. Мазкур йўлни қабул қилган Абулқосим Бобур Хурросон тахтига келгач, Шоҳруҳ Мирзо хукмронлик қилган даврдаги осой-

ишталик юзага келиб, илм-фан, маърифий-маданий ишлар авж ола бошлайди. Алишер ва Ҳусайн Бойқаро каби келажакнинг буюк кишилари буюк алломалардан эзгулик сабогини олишга имкон яратилади. Буларнинг барчаси Гавҳаршод бегим раҳнамолигида рўй беради. Романда бундай йўл тутишнинг самарасини кўрсатиш борасида мухим фалсафий ҳақиқат очиб берилади.

Маърифатсиз Абусайид ҳокимиятни қўлга киритгач, биринчи иши таҳтга эгалик ҳақи бор барча темурийзодаларни ўлдиришдан бошлади, иккинчи иши Улугбек яқинлари ва у даврда нуфузга эга бўлган кишиларнинг бойлиги ҳамда уйжойларини тортиб олиш бўлди. Булар сафига илм-маърифатли одамлар ҳам кирди. Осонлик билан топилган бойликка қўшин ёллашни кучайтирди. Оқибатда Ҳурисонни ҳам эгаллади. Маълумки, Ҳурисон халқи маърифатли шоҳларнинг – Шоҳруҳ Мирзо, Абулқосим Бобур бошқарувига ўрганиб қолган эди. Бундан ташқари, бу илм-маърифат ҳомийси, қайноатси Амир Темурнинг “Куч –adolatdadir”, “Ростини айтсанг, ножот топгайсен” деган эътиқодига бир умр амал қилган, уни темурийзодалар онгига ҳам сингдиришга интилган Гавҳаршод бегимнинг нуфузи катта эди. Айёр Абусайид Гавҳаршод бегимни ўзига нисбатан хайриҳоҳ қилиш ва бу билан ундан халқнинг ихлосини қайтаришга интилади. Ва Ҳирот шайхулисломи Хўжа Тафтазаний билан Гавҳаршод бегим хузурига келади, ундан илму маърифат аҳлига тушунтиришни, улар Абусайидни қўллаб-куватлишларини ва жума намозида номини хутбага кўшиб ўқитишга оқ фотиҳа беришини сўрайди. Зукко Гавҳаршод бегим унинг ниятини англайди. Ёзувчи унинг ботиний нидоси хусусида шундай ёзади: “Агар у ўғлига хиёнат қилған одамга хушомадлар қилиб обрў орттироқчи бўлса, бу билан эл-юрганинг назаридан қолмайдими? Бегим одамларнинг ихлоси қайтгандан кейин, Абусайид ҳам уни кераксиз бир нарсадай бир четга суриб ташламайдими”. Гавҳаршод бегим бўлиши муқаррар бўлган воқеа-ҳолатни ички таҳлилдан ўтказгач, шундай жавоб беради: “Тақсир, уят ўлимдан ёмон дейдилар! Мени эл-юрг олдида уятга кўймай!” Бу билан кечагина темурийлардан, хусусан, Гавҳаршод бегимдан кўп яхшиликлар кўрган, бугунда Абусайидга хушомадгўйлик қилаётган эркакларнинг қадини букиб, аёл боши билан жўмардлик кўрсатади. Абусайид сўзини қайтариш ўзининг кафанини бичиши билан ба-

робар эди. Шу кундан бошлаб Абусайд Гавҳаршод бегимни йўқ қилиш йўлини қидиради ва топади. Ўзига қарши фитнага бошлилик қилган деб, ўйлаб топилган найранг асоси туфайли Гавҳаршод бегим гуноҳкор сифатида шоҳ саройига олиниб келинади. У эса тап тортмасдан ҳақиқатни юзига айтади. Бу ҳақиқатдан ўзини йўқотиб қўйган Абусайд фариштадек ок кийинган, рўза оғизли Гавҳаршод бегимни жаллод қўлига топширади.

Маърифат ҳомийси, эзгулик тарғиботчиси, жаҳон ма-ликасига қарши боришилик Абусайднинг тубан кетиши ва инқирозидан далолатдир. Бу ҳақида муарриҳ Абдураззок Самарқандий “Матлаъйн садаъйн” китобида: “Шундай олийҳиммат, покиза, иффатли, улуг мақсадли,adolatli, художўй момони қатл эттирган Абусайднинг қилмишига Парвардигор ўзи жазо берар”, – деб ёзган экан. Ҳақиқатан, шундай бўлди. У юртни, таҳтни хийла-найранг, лафздан қайтиш билан кўлга киритган эди, ўзи ҳам Амир Ҳасанбекнинг худди шундай қопқонига тушди ва қатл қилинди.

Романдаги кўп тарихий воқеалар, таҳтпараслик оқибатида одамлар бошига тушган сонсиз кулфат ва фожиалар шундай хулоса чиқаришга имкон беради. Яъни руҳида шайтон ҳукмрон бўлган одам давлат тепасига келсаadolat, эзгулик ўрнини разолат эгаллади. Бундай давлат ҳалқи изтиробга маҳкум бўлади. Ҳалқи изтироб чеккан давлатнинг эса умри қисқадир. Асарнинг бадиий қиммати, инсоният маънавий олами ва ҳаётда тутган ўрни худди ана шундадир.

Маълумки, бадиий асарда, албатта, воқеаларни ҳаёлий яратиш, қўшиш, олиш ҳодисаси бўлади. Мухаммад Алининг “Улуг салтанат” романи ҳам бундан мустасно эмас.

Улар ёзувчи гоясини ифодалашдан ташқари, тарих руҳини бериш билан воқеаларни аниқ манзарасини нақшлаган, замон ва маконини белгилаган, шунингдек, қаҳрамонлари қиёфасини ёрқинлигини, жонлилигини юзага келтирган. Чунки романда воқеалар тасвирида тарихийликдан чекинилмаган. Бу ҳусусият барча, яъни етакчи образлар қаторида эпизодик персонажлар тасвирида ўз ифодасини топган.

Бу воқеалар тарихдан бир он ҳам узилмайди, доимо давр руҳи “куршовида” берилади. Маълумки, инсонийликнинг муҳим белгиларидан бирни дўстликка садоқат, ўрни келганда, улардан кўмагини аямаслиқдир. Бундай фазилатга эга

бўлган шахсга ишонади, унга садоқат кўрсатадилар. Бундай инсон, албатта, ўз мақсадига эришади, чунки у ўзига тарафдорлар ва кўмакчилар ортиради. Ҳаётда эса инсон ҳамиша бир-бирига муҳтож. Бу борада Фаробий шундай дейди: “Кишилар қандайдир ҳамжамият бўлишга муҳтожки, ҳар бири алоҳида тарзда унга муҳтожлик сезади...”¹. Амир Темур бу фалсафий ҳақиқатга амал қиласи. Ўзи бу борада шундай дейди: “яна тажрибамдан билдимки, содик ва вафодор дўст улким, ўз дўстидан ранжимайди, дўстининг душманини ўз ёви деб билади”². Амир Ҳусайн Темурбек йигитларига атай кўн миқдорда товон солади. Унинг яқин дўстлари – Амир Жоку барлос, Амир Сайфиддин некўз, Аббос Баҳодир ва Давлатшоҳ баҳшилар бод-будларини йиғиштириб берганда ҳам, товонни қоплай олмайди. Шунда Темурбек кўмак беради. Бу хусусида ёзувчи ёзади: “Дўстларини музтарликда қолдирмаслик учун кешлик амир олтину кумушдан иборат катта маблағ саришталади, ҳатто чорасиз қолиб, завжаси Улжой Туркон оғанинг қимматбаҳо билак узук ва сиргасини ҳам кўшиб юборишга мажбур бўлди. Амир Ҳусайн уларни таниди, чунки синглисига ўзи ҳадя қилганди. Аммо очкўзлик ва ҳирс кучлилигидан қайтариб беришга кўзи қиймади. Яна уч минг динор зарур эди.

Темурбек ўйлаб кўйган сўнгги чорасини қўллади: сара аргумоқларидан ўттизтасини ажратиб, товонга элтишиларини буюради”³. Бироқ Темурбек товондан буткул қутулдим деб, ўғли Жаҳонгир Мирзо билан хотиржам ўтирганда Амир Ҳусайндан чопар келади ва шундай дейди: “Мовароунинаҳр хукмдори сиз юборган тулпорларни ўз унорингиздан эканлигини билиб, қабул этмай рад қилдилар... Олампаноҳ шундай дедилар: “Менга нақтини лозим... Хорамшоҳ Ҳусайн софи қошига дурра якто қизи Хонзода хонимни сўраб совчи юбормакчимен. Катта арзигулик сармоя зарур” (7-бет). Хонзада исмини эшитган Жаҳонгир Мирзо бир хил бўлади. Ҳаяжондан юзлари қизаради. Бундан Жаҳонгир Мирзони маликада кўнгли борлигини сезамиз. Шу тариқа романга севги сюжети кириб келади. Бу ҳол, сўзсиз, романга жозиба багишлигаган. Чунки бу

¹ С. Н. Григорян. Срудисковой фласофия народов Ближнего и среднего Востока, 156-бет.

² Темур тузиклари. – Т., 1996, йил, 113 бет.

³ Мухаммад Али. Улуг салтанат. Биринчи китоб. – Т.: Шарқ нашриёти. 2002 йил, 7-бет. Бундан кейинги мисоллар ҳам шу нашрдан олинади ва факаг бети кўрсатилиади.

шу сюжет чизиги орқали салтанатдаги аёллар дунёсига кириб борамиз. Уларнинг маънавиятидан, яъни киборлар жамиятиннинг одоб-ахлоқидан кўнглимиз кўтарилади, ўзбекнинг ўзлигининг илдизи қаерда эканлигидан огоҳ бўламиз. Бундан кўринадики, воқеадан воқеа тугилади, бир-бирига bogланади, оқибат воқеаларнинг изчиллик тизимини ташкил қиласди. Бу ёзувчи маҳоратини белгилайдиган ва таъкидлашга арзидиган ҳолатдир. Ушбу воқеалар замираиди ҳар бир қаҳрамон қиёфаси бўй кўрсатади, ўзига хослиги очила боради. Уларнинг ҳаётга, воқеликка ва одамларга бўлган муносабатларидан, хатти-харакатларидан, гап-сўзидан инсон сабоқ олади, тарихимизни, яъни ҳар жиҳатдан кудратли давлатга эга бўлганимизни кўз олдига келтиради. Бундай давлатни Амир Темур юзага келтирганига имон келтиради.

Амир Темур ҳар ишни кенгашсиз қиласди. Унинг кетма-кет фалаба қозониши шундан. Унинг одамни синаш йўли ҳам ўзига хос. У шубҳа қилган одамга кенг эркинлик, ҳатто амал ҳам беради. Лекин назоратдан қочирмайди. Синовдан ўтганларга аввалгидек самимий бўлиб қолади. Ўтмаганларни дарров жазоламайди, кечиради. Бу инсонийликдан далолатдир. Бу хусусиятлар романда ўз мужассамини топган.

Ўн тўрт яшар Жаҳонгир Мирзони жанг майдонида жонбозлиги, вазиятни синчковлик билан англаши, ақл билан иш тутиб, хавфни бартараф қилиши, дайди ўқ келиб оёғига санчилганда ҳам, ғинг демай чидаши каби воқеалар ёш авлодга кўп нарса бериши шубҳасиздир.

Мазкур романгача яратилган бадиий асарларда Амир Темур образига кўпроқ зоҳирий, ижтимоий фаолиятига, яъни жангу жадалдаги қаҳрамонликлари, марказлашган йирик давлат куришдаги саъй-харакатига эътибор берилиб, унинг майшой-оилавий, шахсий ҳаёти, руҳий дунёси айтарли ёритилмаганди. Муҳаммад Али шу камчиликни бартараф этиб, жуда тўғри иш қилган. Ахир, кишининг номи ҳар доим ҳам унинг табиатини белгиламайди-ку?! Амир Темур ҳам исми Темур бўлгани билан қалби темир эмас. У ўзи ва пирларидан яхшигина диний сабоқ олган. Диний таълим эса кишини шафқатсизликка эмас, раҳмдилликка ва кечиримлиликка ундейди.

Инсон ахлоқини белгилайдиган асосий туйгулардан бири андишадир. Бундай туйгуга эга бўлган одам ўзини кўп ножӯя ҳаракатлардан тияди, чунки бу туйгу инсонийликни

белгилаш, ҳар бир нарсага адолат билан ёндаштириш хусусиятига эга, Амир Темур шундай хусусиятга эга. У ҳақида ёзилган тарихий ва ўз кўли билан ёзилган асарларда бу нарса қайд қилинган. Махаммад Али эса буни бадиий ҳақиқатга айлантирган. Мазкур хусусият Амир Ҳусайн ҳарамидаги аёллар назардан ўтказиш воқеасида жуда ёрқин ўз ифодасини топган. Ҳарамнинг мадҳи улёси чингизийлардан бўлган Тормишённинг қизи Севинч Кутлуғ оқа эди. Шундан у Темурбек ўзини танлашига ишонган эди. Бу борада ёзувчи ёзади: “Темурбекда чиройли аёлни кўрган эркакда бўладиган ёқимли қизиқишдай бир туйғу уйгона бошлади... Севинч Кутлуғ оқа, ҳарамнинг мадҳи улёси, хон қизи мартабалари ҳаво бериб Темурбекка бир нигоҳ ташлади... Кулфи дили энди очилиб келаётган Темурбек сесканиб кетди, маликанинг кўзи қаттиқ эди. Шу ҳамма нарсани ҳал қилди. “Яхшиликнинг ибтидоси шармдур” – хаёлидан кечирди Темурбек” (113-бет). Сўнг, “Севинч Кутлуғ оқа соҳибқирон ҳарамига безак бўлади, деб шубҳа қилмаган амирларни” ҳайрон қолдириб, ўзига эмас, балки Ҳиндувон муҳорабасида жон олиб, жон берган, Тошкентдан етиб келган дўсти Баҳром Жалойирга муносиб кўради. Инсонни меҳнатига яраша қадрлашни мана шундай ноёб йўлларини қўллаганидан амирлар Темурбекка жуда садоқат билан хизмат қилишади. Бунинг самарааси эса ғалаба.

Қайсики давлат бошлиги адолат билан иш юритса, ўз ҳалқига жой бўлса, ўша юрт тараққий топади. Амир Темур шундай йўл тутган. Чунки ўз пирларининг ўғитларига кулоқ солган. Амир Ҳусайн устидан галаба қилгач, Моварауннаҳр ҳукмдорига айланди. Унинг таҳтга миниш муносабати билан пири қуидагича насиҳат қиласи: “Фитна, фисқу фасод тиконларининг ўсишига эрк бермагай. Қудратини ўз фуқароларини ҳимоя этишга қаратгай. Бандалар ичida мартабага эришгани бечораларга ғамхўрлик қилиш учун берилғонини тушунгай. Салтанат шавкатини ҳолдан кетиб йиқилғонларга қўл чўзишда, деб билғай... Жумла мўминларни, эл-улисни баҳтли этмакнинг ягона йўли эканини англағай!.. Оллоҳ бергон куч-қудратни адолатни юзага чиқаришга сарф этгай, куч адолат эркони асло унумтагай...” (126-бет). Бу фикр ўз даврида Амир Темурга қаратилгани билан ниҳоятда пурхикматлигидан бутун башарият ҳукмдорларига қаратса айтилган деб англамоқ даркор. Бу фикрни ҳақиқат эканлиги орадан етти юз йилга яқин вақт ўтгани билан ҳамон долзарблиги ва аҳамиятлигидадир.

Амир Темур деярли барча фаолиятида Қуръон ўгитларига амал қиласи. Қуръонда шундай дейилади: “Афв қилмоғингиз, кўнгилни кенг тутмоғингиз ва кечирмоғингиз яхшидир. Албатта, Оллоҳ кечирувчи ва раҳмидилдир” (“Тагобун” сураси, 14-оят). Амир Темур Шибирғон ҳокими Зиндачашм, Хутталон ҳокими Амир Кайхусрав, Қарши вилояти ҳокими Амир Мусоларнинг хиёнатларини кетма-кет кечиради, лекин улар (Кайхусрав, Зиндачашм) бу илтифотдан тегишли хулоса чиқармагач, жазолайдики, бу эндиadolatdir.

Амир Темурнинг ўз яқинларига, фарзандларига, айниқса, опаси Қутлуғ Туркон оқага бўлган муруввати, жияилари, келлинларига муносабатида ҳақиқий ўзбекнинг менталитетини белгилайди. Чунки бу ўзга миллатлар ҳавас қиласиган ўзига хосликдир.

Романда Жаҳонгир Мирзо ва Ҳонзода бегим ҳаёти билан боғлиқ бўлган тасвиirlар киши қалбини яшнатиб юборади. Бир-бирига мос, бир-бирига интиқ ёшларни қовушиши кишини қанчалик хурсанд қилса, йигирма яшар шаҳзоданинг касалдан кундан-кунга сўлиб бориши ва фарзандини қўлға олишга мадори етмай, бурнидан қон отилиб, жон тислим қилиши ўринлари Ҳонзода бегим багрини қанчалик кўйдирса, киши қалбини шунчалик вайрон қиласи. Лекин Жаҳонгир Мирзонинг жангдаги жонбозлиги, мардлиги Ҳонзодабегим дугоналарининг нақлий билим юзасидан савол-жавоблари киши қалбida нақшланиб қолади. Бу уларнингadolat, эзгулик йўлидаги аъмоллари, маънавияти гўзаллигидадир. Демак, эзгу аъммолар, маънавият, гўзаллик ўлмайди, бу яхши аъмоллар каби уларнинг соҳиблари ҳам тириқдир. Уларнинг қисмати шундай фалсафий ҳақиқатни англатади.

Романнинг иккинчи китоби “Умаршайх Мирзо” деб атади. Асар Олтин Ўрда хони Ўрусхоннинг машварати, унга сўз қайтарган Тўхтамишнинг отаси Тўйхўжанинг ясоққа ётқизилиши воқеалари билан бошланади. Шу воқеа муносабати билан чингизийлар авлоди, хусусан, Ўзбекхон, Ўрусхонлар ҳақида анча кенг тушунчага эга бўламиз. Ва кўп тарихий воқеаларни очиб бериш, у билан шахсларнинг, жумладан, Амир Темурнинг табиатини, шахсиятини инкишоф қилишга, шунингдек, сюжет кўламини кенгайишига имкон берадиган Тўхтамишхон характеристи кириб келади.

Инсоннинг инсонийлиги факат у қилган яхши аъмollарида-
гина белгиланмайди, балки инсоний туйгулар билан ҳам бел-
гиланади. Яъни одамлар фожиасидан, баҳтсизлигидан чиндан
куйиниши, изтиробга тушиши кишини эзгу қалблигидан ни-
шонадир. Чунки ҳар ким бундай ҳолга тушмайди. Лекин Амир
Темур тушади. Жаҳонгир Мирзонинг ўлими, ўн етти ёшида
гўзал келини Хонзода бегимнинг бева қолиши унинг қалбини
бехад эзади. Бу ҳолатлар романда таъсиричан ва ҳаққоний бе-
рилгани учун Соҳибқирон шахсига нисбатан меҳр уйғотиш,
унга нисбатан аввалги қарашларни тўзғитиб юбориш билан
бирга, инсон қалбини бир қадар поклайди. Буни ёзувчи шун-
дай ифодалайди: “Жудоликнинг аччиқ шарбатидан тотган, мот-
там либосига ўралган Амир Темурнинг фигони чексиз эди.

Оғир мусибат тап торгмас, унинг қудратли қаддини букиш-
га орзуманд эканлигини яширмасди.

Соҳибқироннинг, менга энди ҳеч нарса керак эмас, дунё-
си ҳам, салтанати ҳам, бас, дунёдан илик уздум, дея Боги Чи-
норга бориб, додгоҳга ёнига ҳеч кимни йўлатмасликларини
қаттиқ тайинлади.

Учинчи куни кечаси бирдан Амир Темурнинг ўпкаси тўлиб
кетди. Жаҳонгир Мирзо қайтиб келмайди! Бу аччиқ ҳақиқатни
гўёки энди англаб етгандай, Соҳибқирон аламу оташ ичи-
да кўз ёшини тиёлмасди. Оёқ томонида тиз чўкканча мудраб
ўлтирган Сарой Мулк хоним сезиб қолмаслиги учун юзини
ёстиққа қаттиқ босиб олди. Бахмал ёстиқ унинг ичидан отилиб
чиқаётган ингроқ сасларини ўз ичига ютар, кўз ёшларидан
ёқасини хўл қиласди”.

Бу ҳол аста-секин ижтимоий тус олади. Салтанатга кўз тик-
канлар кўп эди. Одилшоҳ Қамариддин ҳавф солиши етмаган-
дай, Хоразмшоҳ ҳам салтанатга кўшин тортишга тайёргарлик
кўраётган эди. Агар салтанат таянчиннинг мазкур аҳволи узоқ
давом этса, бундан ҳам баттар қора кунларга дуч келиш мум-
кин. Шундан яқинлари ташвишга тушиб қолади: бу ўриндаги
тасвирлар уч мақсадга хизмат қиласди. Биринчи, яқинларининг
фожиа моҳиятини чукур ҳис қилиш ва англаш, уни уюшган
ҳолда чорасини топишга интилишдир. Учинчиси, инсоннинг
шахсий фожиасидан фойдаланиб қолишга уринган кимсалар-
нинг ҳақиқий қиёфасини очишга хизмат қиласди. Бу воқеалар
жамланганда инсон туйгулари тарбияланиши билан бирга,
хаётни, одамларни англаш шуурига шуур ҳам қўшилади.

Бу борада, айниқса, аёллар – Сароймулкхоним ва Амир Темурнинг эгачиси Қутлуғ Туркон ўз сабй-ҳаракати билан ёрқин таассурот қолдиради. Улар Соҳибқироннинг пири Сайид Баракани унинг олдига киритиб, бу ғамгузорликдан, дунёдан этак силташдан халос этишади.

Романинг сахифаларидан сахифаларига ўтган сари, Соҳибқирон ўзини тутган, бажарган ишлари билан бир қадар оддийлашиб, инсонийлашиб, киши қалбидан жой олади, меҳр қозонади.

Мангқишлоқ ҳокими Тўйхўжанинг ўғли Тўхтамиш отаси қатл қилингач, Ўрусхондан ўч олиш йўлида қилинган уриниш барбод бўлгач, паноҳ истаб Амир Темур қошига келганда яхши кутиб олади. Бундай бўлиши Жаҳонгир Мирzonинг йўқотиш жароҳати битмаганлиги ҳам сабаб бўлди. Негаки “Тўхтамиш ўғлоннинг Жаҳонгир Мирзоникидек залворли эмас, ингичкароқ, бироз ёқимсизроқ овозини демаса, Тўхтамиш ўғлон қуйиб кўйгандай... Жаҳонгир Мирzonинг нак ўзи эди! Бўйи ҳам, келбати ҳам... Мазкур кўринишидан таъсириланган Темур беихтиёр: “Хуш келибсиз, ўғлим! Хуш келибсиз”, – деб юборади (87-бет).

Катта зиёфат берилгач, сонсиз совгалар тақдим этилади. Улар ичida Соҳибқироннинг энг севикли учкур оти Хонўғли ҳам бор эди. Кейинчалик Хонўғлон бадний образ даражасига кўтарилади. Чунки у ўзида фалсафий ва ижтимоий маъно ташиш билан бирга, Тўхтамиш туфайли бошига тушган ва тортган азоб-уқубатлари одамий сабй-ҳаракатлар билан уйғунлашиб, инсонийлашади.

Амир Темур Хонўғлонга ҳеч қамчи урмасди, чопишини тезлатиш учун узангини ииқтаб кўйишнинг ўзи етарли эди. Тўхтамиш мингач, бўлар-бўлмасга сагрига қамчи тушадиган бўлди. Ҳар қамчи тушганда бадани сесканиб, устидаги одамни отиб юборишга чоғланади-ю, лекин омон сақлаи қонқонига сингиб кетганидан бундан тийларди. Соҳибқирон икки бора катта қўшин билан таъминлаб, мақсадга етишиш имконини берди. Лекин иккаласида ҳам бутун қўшинни барбод бериб, Амир Темур қошига қочиб келди. Албатта, жонининг омон қолиши Хонўғлон туфайли бўлди. Қозончи баҳодир таъқибидан қандай омон сақлагани хусусида ёзувчи ўнгдай ёзади: “Қозончи баҳодир энди елдай учиб бораётган Тўхтамиш ўғлон изидан от қўйди. Унинг бу сафар алмаштириб олган

пойгачи тулпори чакки эмасди, жайдари отларнинг икки-уч қадамини бир қилиб босарди. Баҳодир дулдулга қамчи солди, кеча ёғиб ўтган ёмғирдан юмшаган ер чопишга халал берса ҳам, жонивор Хонўғлонни мўлжал қилиб ўқдай елиб кетди.

...Ортдаги душман нафасини сезган Хонўғлон кўркувни писанд қилмай, чақиндай шувиллаб Довдирсойга сакради!... Қозончи баҳодир қирғоққа етиб келганда, Хонўғлон лойқа сув гирдобида етмиш қадамлар нарида сузиг борарди” (139-бет).

Тўхтамиш тўртинчи марта қўшини пароканда бўлиб, валинеъмати олдига қочиб келади. Бу сафар тезда қабул қилмайди. Мушоҳада қилиб кўриб, ҳатто воз кечиш қарорига ҳам келади. Лекин бир хурсандчилик (Шоҳруҳ Мирзонинг туғилиши)дан Темурнинг фууруга берилиб кетиши яна марҳаматига сазовор бўлишга имкон берди. Бундан кўриняптики, ёзувчи ҳар бир воқеанинг туғилишини, келиб чиқиши, Амир Темурнинг ҳар бир хатти-харакатини мантиқий асосланган.

Душман томондан қочиб келган Ўрунг Темурнинг “Салтанат ишлари ўлда-жўлда... Юрту эл ундан батамом умидини узиб кўйган. Жўжи улусида Тўхтамиш ўғлон ундан юз чандон яхшироқ, Тўхтамиш ўғлон келсун, дерлар, Тўхтамиш ўғлонни тиларлар...” деган гапидан сўнг, Соҳибқирон Темур Маликхондан толе юз ўгурганини ички бир туйғу билан идрок этди. Шундан “Хумоюн ўрдудан зудлик билан черик йигилсан, Тўхтамиш ўғлон иззату икромларга сазовор этилсун, Амир Довуд, дуяглот бошлиқ Амир Ўрунг Темур, Муҳаммад ибн Мусо, Фиёсиддин тархон, Муҳаммад Мираклар кўп лашкар билан Сигноққа юборилсун, Тўхтамиш ўғлонни тахтга ўтқазиб қайтсунлар” (170-бет) деган олий фармон беради.

Тўхтамиш Сигноқ тахтини эгаллагач, хон номини олди. Лекин шу кундан бошлаб феъли айниди, яъни валинеъматининг яхшилигини унутиб, бутун Мовароуннаҳр тахтига кўз тика бошлади. Ажаб, буни биринчи одамлар эмас, Хонўғлон сезади. Унинг кўрнамаклигига ўзига хос исён кўтаради. Аввалгидек Тўхтамишхоннинг ҳар ишорасига сўзсиз бўйсунмайди, қадам босиши ҳам ўзгаради, олдинги гўшаси Самарқандни, соҳибини соғина бошлайди. Бу туйғу кучая борган сари, ҳозирги эгасини асраш инстикти сусая боради. Бу борада ёзувчи шундай ёзади: “Жутак ташлаб иргиб бораётган Хонўғлон сағрисига қамчи тушиб турса ҳам, негадир жон-жаҳди билан чопмас эди. У дунёни кезиб чиқди. Ҳожи Тархон, Сарой Бер-

ка, Московия, Кафа ва Табриз кўчаларидан ғолибон ўтди. Лекин ҳеч бир жой, ҳаттоқи Сарой Беркадаги узун баланд отхона ҳам Кўксарой ёнидаги сайисхонага ўҳшамасди” (282-бет).

Хонўглон ҳар сафар Самарқанд йўлига тушганда шиддат билан еларди. Бундай қилишга биринчи сабаб ўз гўшасини соғинч туйгуси бўлса, иккинчиси, устидаги соҳибини яхши ният билан кетмаётганлигини ҳис қилишидан эди. Донишмандлар: “Отда фақат забон йўқ, лекин ақл, фаҳм-фаросат, сезгирилик, зийраклик, орият кучли”, – деганларидек, Хонўглон наздида, бу сафар “Тўхтамишхон Самарқанд томонга қочиб кетаётган йўқ... Чунки аввалгидек қочиб кетса, ортидан кимдир қувиши керак... Ҳеч ким қуваётгани йўқ... балки одатдаги дек катта қўшин савашига отланган... Демак, жанг қилиш учун бостириб боришмоқда... (280-бет). Тўхтамиш кўрнамаклик қилиб, ҳақиқатан ҳам, шундай йўл тутган эди. Хонўглоннинг шаҳди пастлиги шундан эди. Бундан жаҳли чиққан Тўхтамиш отни қамчилай бошлади. Зугум жонидан ўтган Хонўглон ўқдек елишга мажбур бўлди. Ҳар сафаргидек Довдирсойга келиб сакраш ўрнига, шартта чапга бурилиб кетди, хоннинг эгардан учиб кетишга оз қолди. У лашкарни ўзи бошлаб бериб, сойдан олиб ўтмоқчи эди” ...Қахрини жиловлай олмаган хоқон тулпорнинг бош-кўзи аралаш аччиқ қамчи согланини билмай қолди! Қамчининг уни чён чаққандай Хонўглоннинг чап кўзига тегди ва ўт чақнатиб юборди! Оғриқ жонидан ўтиб кетган жонивор қаттиқ кишинаганча юқорига сапчиди! Буни кутмаган, эгарда бамайлихотир ўлтирган Тўхтамишхон отдан кулаб тушди! Ҳамма ўша томонга югуриб, хокон ҳазратлари атрофида гирдикапалак бўлиб қолди. Тулпор билан ҳеч кимнинг иши йўқ эди. Хонўглон енгил тортгандай бир кишинаб осмонга сакради-да, сой бўйлаб Самарқанд томонга елдан ҳам тез учиб кетди ва бир пастда кўздан гойиб бўлди” (287-бет).

Хонўглон кўп вақтдан кейин ўзи яхшилик кўрган соҳибиға садоқат кўрсатиб, абгор ҳолда, яъни қовургалари туртиб чиққан, чап биқинида аллақандай йиртқичнинг чукур тиш излари, ўнг оёғи тиззасида катта яра, чап кўзи йўқ алфозда ўз гўшасига етиб келади. Амир Сайфиддин некўз охиста ер тепинаётган Хонўглоннинг омон қолган ўнг кўзидан ёш оқаётганини кўради, чунки у йиғлаётганди. Бу Амир Темурнинг очиқ кўнгиллигидан кўп муњҳатлар фойдаланганлигидан, шунинг орқасидан ўзининг ҳам жафо тортганлигидан ўкинч

ёши эди. Икки кундан кейин Хонўғлон жон таслим қилади. Хонўғлон қисмати кишига кўп нарса беради. У табиат рамзидир. Табиат эса жамиятдан кўра ҳамиша соф ва иллатлардан ҳолидир.

Инсоният ҳамиша бир-бирига таъсир омилидир. У ҳатто оламдан кетган жараёнида ҳам ўз функциясини бажаради, яъни одамларни бир қадар кўзини очиб кетади, айниқса, яқинларини. Умаршайх Мирзо оғаси Жаҳонгир Мирзо вафотидан кейин энди кўп нарсага ўзи масъул, отасидан сўнг ўзи жавобгарлигини ҳис қилади. Шундан отасини Тўхтамишга қилган мурувватидан ранжийди. Бу романда, шундай ёзилади: “Юз бераётган воқеаларнинг нимасидир. Умаршайх Мирзога ёқмас, шундан кўнгли хира эди. Унга гўё душманни кўра-била туриб, дўстлардай қарши олингандай туюлар, бундан ичи кимдандир койинарди” (96-бет). У Тўхтамишининг ниятини қалбан ҳис қилган эди. У ўзининг ниятини ички монологда шундай изҳор қилади: “Тўхтамиш ўғлон ҳеч қачон кимларнингдир кўлида кўғирчоқ бўлмайди, балки ҳаммасини кўғирчоқ ўйнатадур. Ҳали шиндай ўйнатсанки!.. Фақат қўлига таҳт жилови тегсин!” (99-бет). У айтганини қилди. Амир Темур кўмагида таҳтга ўтирган кундан бошлаб, кучларни бўлиш ниятида турли ҳийалалар ишлатди. Лекин ўйлаган ишининг бирортаси ҳам амалга ошмади. Амир Темурнинг мушкулини қандайдир кўринмайдиган куч осон қилди. Бу албатта, адолагли аъмолига Яратганинг марҳамати эди.

Ҳийлагар, қабоҳатдан нафралланган киши у билан тўқнашганда, бир кучига ўн куч кўшилади. Умаршайх Мирзода шундай ҳол рўй беради. Тўхтамиш қочиб, ўз кишиси орқали Доронинг қўшинини қай ҳолга солган бўлса, шундай кўйга солиш ниятида қилинган саъй-ҳаракатдан кейин ва, ниҳоят, Соҳибқирон қўшинига рўпара бўлади. Умаршайх Мирзо ўз лашкари билан душман устига нафрат билан ташланади. Унинг жанг қилишини кўрганлар: “Рустам ҳам бундай ишларни қила олмайди!” – деб олқишлиди. У жанг қилар экан, “Энг катта оғирликни ўз зиммасига олганидан” мамнунлик ҳиссини туйиши билан бирга, ғалаба ишқида юраги жўшарди. Бу саъй-ҳаракат ўз самарасини берди. Тўхтамиш жанг майдонини ташлаб кочади. Лекин бу сафар ҳам айланма, эгри йўл Умаршайх Мирзога пайд берди, у эса қочиб қутилди. Бу ерда эгри, айланма йўл рамзий маънога эга. У – Тўхтамишхоннинг қисматига

ишора. Чунки айланма, эгри йўлнинг охири берк бўлади. Бундай йўлнинг масофаси қисқадир.

Лекин романда реал тарихда бўлмаган, хаётий мантиқ инкор киладиган ўринлар ҳам мавжудки, соф тарихий асарда бундай ҳолнинг бўлмаслиги дурустдир. Амир Темурни “тит-питиси чиқиб кетган қулоҳ, эгнида уриниброқ қолган жанда кийиб” дарвеш ҳолда бозору маҳалла-гузарларни айланиб чиқиши шахсни бўрттиришдан бошқа нарса эмас. Тўғри, ҳалқ эртакларида, ҳикояларида, достонлар, ҳатто ёзма адабиётда ҳам бундай ҳол учрайди. Бу энди ҳалқнинг, ижодкорнинг идеалидир. Буни Темурдек реал шахсга кўчириш жоиз эмас. Айниқса, ўша кийимда ариқ бўйида ўтирган қизнинг исмени сўраши ўша давр, тарих нуқтаи назаридан қараганда, ҳаётий мантиққа зиддир. Буни ёзувчи ўзича шундай изоҳламоқчи бўлади: “Одатда, дарвишу қаландарлардан қўрқиб чўчимасдилар, уларга Худонинг беозор бандалари деб қараларди” (176-бет). Бу гап умуман ўша тоифадаги одамларга тегишли. Лекин аёллар рўпара келишга чўчишган. Айниқса, роман тасвиридаги кўринишга эга дарвешнинг: “Исмингиз нима экан, ойим қиз?” – деб сўрашини тасаввур қилиш қийин. Чунки уларнинг номаҳрамга гап отиши асло мумкин эмас. Сабаби шариат ва тариқат қоидалари буни инкор этади. Шунингдек, дарвеш ахлоқига ҳам зиддир.

Текшириш учун саволлар:

1. Истиқлолдан кейин тарих ва тарихий шахсларга қандай муносабатда бўлиняпти?
2. Гавҳаршод бегим тимсолида зукколик моҳияти қандай берилган?
3. “Она лочин видоси” романида оналик ва фарзандлик меҳри қандай акс этган?
4. “Улуғ салтанат” романида Амир Темурнинг инсонийлиги қай даражада ўз ифодасини топган?
5. Тарихий романларда нафрат ва изтироблар, муҳаббат ҳамда инсон фожиаси қандай акс этган?

Таянч тушунчалар

Бадий тафаккур – ижодкорнинг ҳаёт, жамият, кундалик турмуш, инсон хусусидаги индивидуал ўй-фикрлари, мулоҳазаларини бадий асар воқеалари, қаҳрамоннинг ҳаракати, фаолияти орқали ифодаланиши.

Эпизод – нисбий мустақилликка эга бўлган асар воқеаси, бадиий асарнинг бўлинмайдиган энг кичик қисми; асар сюжетининг узвий ҳалқаси, асосий таркибий қисми; бадиий асардаги ёрдамчи сложет чизигида учрайдиган характерларнинг айрим қирраларини ёритишга хизмат қиласидиган қисм.

5. 3. Янги йўналишдаги романлар ва образлар

Режа:

1. Янги йўналишдаги романларнинг ўзига хослиги.
2. Роман сюжетининг гайритабиийлиги
3. Сирож муаллимнинг сирли олами
4. Вали ва Бадалбек образлари замирида ёзувчи ғояси
5. Жамиятдаги ахлоқсизлик ва хамиятсизликнинг туб асоси.
6. Модерн адабиётининг хусусиятлари.
7. “Тепалиқдаги хароба” романнда руҳий олам инкишофи.
8. Модерн йўналишидаги асар қаҳрамонининг хусусияти.

Адабиёт:

- Ҳ. Каримов. Истиқлол даври шеърияти. – Т.: Зарқалам нашриёти, 2005.
З. Пардаева. Ўзбек романлари поэтикаси. – Т.: Мерос, 2003.
У. Норматов. Умидбахш тамоийллар. – Т.: Маънавият, 2000.
У. Норматов. Тафаккур ёгдуси. – Т., 2005.
У. Ҳамдамов. Бадиий тафаккур тадрижи. – Т.: Янги аср авлади, 2002.
Омон Мухтор. Минг бир қиёфа. – Т.: Шарқ, 1994.
Тўхтамурод Рустам. Капалаклар ўйини. – Т.: Шарқ, 2000.
Ҳ. Каримов. Истиқлол даври насли. – Т.: Зарқалам, 2007.

Сиртдан қараганда, ҳозирги давр адабиёти экспериментал адабиётдек таассурот қолдиради. Ҳақиқатан ҳам,, кейинги йиллар ичida шундай асарлар (“Кўзгу олдидаги одам”, “Тепалиқдаги хароба”, “Фу”, “Капалаклар ўйини” ва бошқалар) вужудга келдики, улар замирида ётган адиллар ниятини маҳсус тайёргарликсиз англаш қийин. Чунки улар анъанавий услугда эмас, Фарбнинг модернистик адабиёт деб аталмиш

йўналишида ёзилган. Маълумки, бу тарздаги адабиётда объектив олам, воқелик, инсон, унинг хатти-ҳаракати, у яшаган ёки яшаётган жамият муҳити, мафкураси ёзувчининг тасвир обьекти бўлмай, балки инсоннинг уларга муносабати, тўғрироғи, унинг тафаккур йўналиши асосий обьект саналади. Китобхон бевосита қаҳрамон билан эмас, унинг тафаккури билан муносабатга киришади, қаҳрамон эса ёзувчи томонидан яратилган инсон эмас, савқитабий ҳаракати, шуури ила гўё ўзини-ўзи яратган (албатта, шартли равишда) ёзувчини ўз онг оқими йўналишига соладиган интеллектуал шахсдир. Лекин адабиётшунослик илмидан маълумки, инсонни бир ҳолатдан иккичи ҳолатга соладиган, эзгуликка ундейдиган, комил инсонга айлантирадиган нарса шакл, катта фалсафий тафаккур эмас, шу тафаккурнинг асос-замирида ётган моҳиятидир. Агар биз ҳозирги романларга шу моҳият нуқтаи назари билан ёндашсак, улар шаклан янги бўлгани билан, мазмунан асл ўзбек адабиёти анъаналарини эслатади.

Омон Мухторнинг “Кўзгу олдидағи одам” романи шу типдаги асардир. Романнинг бош қаҳрамони Вали асар сюжетини ташкил қилган Сирож муаллим ва учувчи Бадалбек каби образлар ўлими сабабини аниқлашга қанчалик интилса, китобхон ҳам шунчалик билишга ҳаракат қиласи. Оқибатда асар қаҳрамони билан китобхон ўртасида фарқ йўқолади. Бунинг сабаби роман сюжети чизигини воқелик эмас, қаҳрамон онги йўналиши ташкил қилганлигидир. Бу онг оқими, ўз навбатида, китобхон онг оқими билан омухталашиб кетади. Оқибатда иккаласи, яъни қаҳрамон Вали билан китобхон масала моҳиятини билишга интилган якка шахсга айланади. Уларнинг тафаккурлари битта масала томон йўналади.

Романда Сирож муаллим ва учувчи Бадалбек шахси хақида бош қаҳрамон Вали нуқтан назаридан шундай ахборот берилади: “Сирож муаллим одамларга кам қўшилиб, жанжаллашиб юрса ҳамки, гўзал олижаноб эди! Бадалбек ўз ишини тўғри бажаришга уринган, ўз касбининг устаси эканига қарамай, ёвуз киши эди! Мен худди шундай дердим” (16-бет). Бу фикрдан сўнг Сирож муаллимга нисбатан қандайдир меҳр, Бадалбекка нисбатан киши қалбида қаҳр юзага келади. Лекин улар нимагадир, “Осмон негадир ўз-ўзидан дарз кетиб, қоқ тўрт бўлакка ажралган” кун бир кунда ҳалок бўлишади. Орадан икки йил ўтгач, яна “Бир куни ёмгир ёғиб, бу гал кунпапа-кундузда пичоқ

билингеси кесилган сариёқка ўхшаб, осмон ўз-ўзидан тўрт бўлакка ажралган” куни Ширинкўлдан олисларга қулоч отган катта йўл бўйида жойлашган чойхонада Вали Сирож муаллимни кўриб қолади. Киши тафаккури воқеа юз берган ҳолат томон йўналади. Нима учун осмон тўртга бўлингандан иккала ҳодиса юз берди? Нега Ширинбулоқда аччиқ қисмат рўй берди?! Мияда тафаккур ўз вазифасига киришган сари, ёзувчи нияти аниқлаша боради-ю, тафаккур йўналиши бир тўхтамга келгач, мазкур нарсалар рамзий маънога эгалиги ва унинг заминидаги ҳақиқат аён бўлади.

Осмоннинг тўрт бўлиниши – бу тўрт қитъя. Унинг катта, ҳам Европа ҳам Осиё жойлашган қисмидаги бутун дунёга адолатли, энг инсоний мамлакат деб жар солинганди сабиқ СССР жойлашган. Ширинкўл эса шу худуддаги шаҳардир. Воқеа эса худди шу ерда содир бўлади. Демак, роман сабиқ социалистик жамият воқелиги ва шу жамият одамлари фаолияти ҳамда қиёфасини акс эттириш асосига қурилган.

Роман қаҳрамони Вали фаолиятини кузатар эканмиз, бир нарсани англаб етамиш. Яъни бугунги кунда ўз номи билан аталаётган тоталитар тузумнинг олиб борган иш йўсими, сиёсати ва унинг оқибатида юзага келган, шаклланган шахсларнинг асл қиёфаси тасвирланганлигини. Асарнинг мураккаблиги шундаки, бу нарса очиқ айтилмайди. Бош қаҳрамони Вали кўзига кўринган ғайритабиий воқелик заминида инкишоф қилинади. Бу ғайритабиий воқелик ҳақиқат билан йўғрилгани учун унинг рамзийлиги кўпда сезилмайди. Қайтага реал ҳаётда ўз хатти-харакатлари билан киши қалбига ўтиришмайдиган шахслар қилмишларининг туб асослари ойдинлашади.

Вали муаллим уйига унинг, ҳақиқатан, ўлган ёки ўлмаганлигини билиш учун боргандага “оила аъзолари” алланечук баҳтиёрлигидан таажжуబга тушади. Бунинг устига, муаллимнинг қизи Мамлакатхон унга беҳаёларча кўз сузади. Кейинчалик эрига хиёнат ҳам қилади. Ҳар пайшанба эса бутун оила аъзолари аллақаёққа овга кетишади. Ертўлада Сирож муаллимнинг айнаи ўзи – қандайдир маҳлуқ яшайди. Сирож муаллим фаолияти билан яқиндаи танишган сари, масала моҳияти аниқлаша боради.

Бир куни Мамлакатхоннинг эри Аҳмаджон Валини учратиб: “Мен ҳаммасини биламан. Боланиям. Бошқасиниям!” – дейди. Бундай ҳамиятсизликдан ҳайрон бўласиз. Лекин агрофга

қарасангиз, бундайлар сизнинг юртингизда қўплигига ишонч ҳосил қиласиз. Тарихингизга назар соласиз. Ўтмишда ўз аёлигагина эмас, балки юртининг аёллариға тик қараган эркакнинг ёқасидан олган жўмард йигитларни кўз олдингизга келтириб, қани улар деган ички нидо тилингизга келади. Сабабини билишга интиласиз. Мушоҳада қиласиз. Оқибатда онгингиз йўналиши бир нуқтага келиб тўхтайди ва тилингизга бундай ахлоқсизлик ва ҳамиятсизликнинг сабаби инсон қалбидағи иймон ва эътиқоднинг сусайиб кетганида, деган фикр келади. Нега бундай бўлди деган савол яна сизни тинч кўймайди. Унинг илдизини топишга интиласиз. Бу интилиш Валисиз амалга ошмайди. Жумбоқнинг қалити унинг хатти-ҳаракати орқали очилишини ҳис қилгач, у билан боғлиқ воқеаларни онг элагида таҳлилдан ўтказасиз.

Вали Бадалбек қизи Ҳанифага боғланиб қолади. Дастрлаб, Ҳанифа Бадалбекнинг қизи бўлгани учун ўзини тортиб юради. Лекин кўнгил ҳам узолмайди. Сабаби Ҳанифанинг вужудида қандайдир бир нур бор эди. Бу нур Вали вужудига ҳам кириб, унда янги инсоний одатларни юзага келтиради.

У кўп йиллардан бери ота-онаси қабрини зиёрат қилмасди. Энди бориб рухларига тиловат тушурадиган бўлди. Чунки бу Ҳанифа учун одатдаги ҳол эди. Ҳанифадаги босиқлик ва бардошлилик уни лол қолдирди. У билан тақдирини боғлади. Лекин у бир нарсага ҳайрон. Ўзи меҳр кўйган Сирож муаллимнинг фарзандларида Ҳанифадаги фазилатлар йўқ. Ёзувчи бу билан миллий қадриятларнинг асоси бўлган Қуръон ва ҳадисларда илгари сурилган фикрлар тўғрилигини асослайди. Яъни поклик билан бино бўлган ва шундай асосда тарбия топган фарзандлар қалби инсонийлик билан йўғрилган бўлади.

Ҳанифа отаси хусусида қуидаги фикрни билдиради: "... лекин қарғиши текканидан омад юз ўғирди... Дадам тақдир айланиб, Ширинкўлда оддий аэропланда учётганидан, қилаётган ишидан норозиланиб, баъзан эзиларди..."

– Биласизми, дадам эркин, магрур киши эди. Ҳаётда бировга бўйин эгмасди. Ҳар кимнинг гапига киравермасди... лекин унинг учун буйруқ муҳим, у аскар эди! Шундай тарбия олганди. Унга буюрилса, бас, ўтга, сувга ташланарди! Қулга айланарди... Мен дадамни оқламайман. Шу билан бирга, айб фақат дадамда эмас. Тушунинг!"

"Тушунинг!" сўзидағи хитоб фақат Валига қаратилган эмас. Кенг оммага, яъни китобхонларга қаратилганди. Де-

мак, Бадалбек, аслида, яхши одам бўлган. Лекин ўз эрки ўзидан кетгач, буюорилган нарсани тўғри, қонуний деб бажарип, инсоният ва табиат оламига кўп зарар етказган. Манқуртлик қилган. Инсонийликка ва вижданига зид йўл тутган. Бу нарса ўз мевасини берган. Тўнгич қизлари беўхшов, бўйинлари йўқ, калласи шундайгина елкасига кўндириб қўйилгандек туғилган. Лекин Бадалбек ёши ўтган сари ўз хатти-харакатининг салбий оқибатларини англай бошлади. Ҳаётда ўзи ва унга ўхшаганларнинг тутган иши туфайли содир бўлаётган воқеадан вижданни уйгона бошлайди. Бироқ номложликдан қийналади. Ҳанифа ана шу уйгонаётган вижданнинг маҳсулидир. Бадалбекдаги виждан уйгонишининг сабаби бор. Чунки у бажараётган вазифасини ўз ихтиёри билан эмас, балки мажбурият орқали амалга оширади.

Сирож муаллим ундан эмас. Ўзи яшаб турган жамиятнинг тутган ишига мамнуният билан хайриҳоҳлик билдиради. Ҳатто хўжайинларига ёқиш учун баъзи нарсаларга ташаббускорлик ҳам қилиб туради. Шундан ўзи яшаб турган жамият каби икки – зоҳирий ва ботиний қиёфага эга. У зоҳирий кўринишида ўзини маданиятли, зиёли, хокисор, аёлларни қадрлайдига кимсадек тутади. Ботиний, яъни асли қиёфада эса ўта қабиҳ инсондир. У инсонларнигина эмас, узи яшаб турган юргини ҳам эркин, озод бўлишини истамайди. Мустакил йўл тутишига ишонмайди. Унинг назарида, ўз ҳалқи, юрги бунга қодир эмас. Юқоридан айтилган буйрукларни бажарип турса бўлди. Бу фикр ўзи яшаб турган жамиятнинг юргизган сиёсатига жуда мосдир.

Ҳаёт ҳақиқатидан маълумки, кишини ўзидан яхши биладиган одам йўқдир. Шундан Сирож муаллим кўзгуга ўзини солади. У кўзгуда ҳам ўз зоҳирий кўриниш ифодасини истайди. Лекин кўзгуни алдаб бўлмайди. У – маҳак тошдек гап. Кишининг асл борлигини кўрсатади. Сирож муаллим кўзгуда ҳар сафар ўзининг асл қиёфасини кўрганидан, аламидан уни синдиради.

Сирож муаллимнинг фаолияти оиласида ҳам ўз ифодасини топган. Биринчи хотини Махлуқодан қандайдир маҳлук туғилган (қилмиш қидирмиш), ксийнги оиласидагилар эса сиртдан йилтироқ, аслида, ахлоқсиз ва ҳамиятсиздир. Уларнинг оиласи билан ҳеч ким қўшничилик ҳам, алоқа ҳам килмайди. Ёзувчи учун бу оила – бир тимсол. Унинг заминида

ва Сирож муаллим образида мухим ҳақиқатни очади. Яъни тоталитар жамиятнинг асл қиёфаси ва турли найрангларини кўрсатади.

Романда қаҳрамон хаёлоти маҳсули бўлган воқелик билан реал ҳаётий тасвир омухталалиш кетган. Бу эса рамзийликни янада кучайтирган. Романинг охирги “Ҳақиқат” деб номланган саҳифасида Вали тиланчи билан қайиқка ўтириб, бир оролга боради. Орол чакалакзордан ва боғлар, гулзорлардан иборат. У ерда турли ҳайвонлар ва қушларни кўради. Лекин уларнинг биронтаси ўз кўринишига эга эмас. “Атрофда тўп-тўп пода судралиб юрибди. Қарасанг ростмана қўй, аммо ҳаммасининг боши, башараси чўчқа... Бироқ бу ерда антиқа қушлар, антиқа ҳайвонлар: дуругайми?.. Насл-зотига тушуниш мушкул...” Бу тасвир ўзимиз 70 йил яшаган мамлакатни ёдга солмайдими? Бизнингча, айнан ўзи. Чунки номимиз ўзбек бўлгани билан, кийинишимиз, турқ-авторимиз ўзбекка ўхшамасди. Мусулмон бўла туриб, ҳатти-ҳаракатимиз унга яқин ҳам келмасди. Демак, бу тасвирда биз собиқ жамият қиёфасини кўрамиз. Чунки унинг тутган иши асло социалистик жамият номига мос келмасди.

Вали мазкур оролда икки қаватли ёғочдан тикланган бинони кўради. Бу бинода “липиллаб ёнаётган шамдек манаман деган одамни ҳам диндан чиқарадиган эртаклардаги сингари гўзал, соҳир ва хаёлий бир санам рақсга тушмоқда эди”. Бу рақсга маҳлиё бўлган қаҳрамон бошига тушган зарбадан ҳушидан кетади. Ўзига келганда, ўзини “қандайдир занжир билан боғланган” ҳолда кўради. Ҳушини йигиб атрофни кузатганда, қуйидаги манзарани кўради: “Хонада чироқ йўқ. Лекин деворларда ойна тортилган қатор туйнук-төкчалар; уларнинг ҳар бирида биттадан чироқ ёнар эди”. Бу тасвир ўз мустақиллиги, инсоний қадр хусусида сўз юритганлар Сирож муаллим кабиларнинг чакуви остида олиб бориладиган идоранинг кўриниши, у ерда ишлайдиганларнинг яшаш тарзи ва кишига қилинадиган муомаланинг аниқ ифодасидир.

Омон Мухторнинг “Тепалиқдаги хароба” романни ҳам композицияси, қаҳрамоннинг ҳатти-ҳаракати, сюжетига асос бўлган воқеалар ўзи кўнинма ҳосил қилган асарларга ўхшамайди. Негаки у билган, ўқиган романларда бир қатор қаҳрамонлар бўларди, улар ўзаро конфликтга киришади, диалогда бир-бирига давр ва унинг сиёсати хусусида доно гаплар

айтишиб, устунилкка эришишга интиларди. Мазкур роман эса ундаи эмас. Асосан, битта қаҳрамон фаолият кўрсатади, у бир ўринда, яъни роман бошида раҳбари Мардонкул ака билан диалогда бўлади. Хўш, гап нимада? Гап, юқорида айтгани миздек, асарнинг янги усулда, модерн адабиёти йўлида ёзилганида. Маълумки, модернистик адабиётда юқорида кўриб ўтганимиздек, жамиятда рўй берган, содир бўлаётган воқеа-ҳодисалар, инсонларнинг хатти-ҳаракатлари, улар яшаган мақон, муҳит реал ҳолда бадиий тўқималарга айлантирилмайди, балки улар инсон тасаввурода инъикос этилади. Китобхон тўғридан-тўғри қаҳрамон билан мулоқотда бўлмайди, унинг тафакури билан тўқнашади. Иккинчи хил қилиб айтсан, ақл-идрокнинг фаолияти орқали кўз билан кўриб, кўл билан ушлаб бўлмас дунё – инсоннинг ботиний олами билан бақамти бўлади. Маълумки, инсон тафаккурининг имкониятлари чексиз. Демак, роман воқеалари ҳудудининг чегараси йўқ. Бош қаҳрамон Мирзо Голиб тафаккури бир дарё бўлса, у уммонга қараб оқади. Уммон эса олам каби кенгdir. Лекин бу абстракт эмас, романда ўз аксини топган воқеликка диққат қилинган сари у реаллашиб боради. Чунки у кўнгил мулки бўлиб қолмай, тил – ички монолог орқали макондаги нарса юзага чиқади, мақсад аниқлашади. Фақат буни англаш учун китобхон онг фаолдиятиниң барча нуқталари жунбушга келиши, фаоллаши лозим. Ташқи оламни идрок қилиш борасида ботиний оламни англаш иқтидорига эга бўлмоги даркор. Маълумки, ҳар ким бундай иқтидорга эга эмас. Роман инсондан шундай оламга ва инсоният дунёсига онгли муносабатда бўлишни талаб этади. Шундай ёндашилганда, романда илгари сурилган ёзувчи концепцияси англашилади. Демак, асар китобхондан тафаккур фаолиятини, онг йўналишини талаб қиласи. Бу инсоният учун заруриятдир.

Романда тафаккур йўналиши руҳий олам инкишофиға қаратилган. Яъни руҳий поклик, руҳий мардонаворликнинг ташқи оламга ўтказган таъсир кучининг моҳиятини очишга. Бу кучнинг оламни поклашдаги роли, руҳий покларнинг саъи-ҳаракати, қисмати, фожиаси хусусидаги ҳақиқат руҳи ботир шахслар ботиний олами тасвирида очиб берилади. Бундай бўлиши бежиз эмас. Чунки қадимги диний-фалсафий асарларда “Ҳаётдаги энг-катта жасорат руҳий ботирликдир”, дейилади. Адид ана шундай руҳий ботирлар онг йўналиши инкишо-

фида одам ва оламнинг покланиш заминини кўрсатади. Албатта, янгича йўналишда.

Инсонда нафсга нисбатан мойиллик кучайса, унда ҳайвонлик хусусиятлари ортади. Рух илоҳий неъмат бўлиб, барча яхшилик у туфайли юзага келади. Романинг туб асосида ҳам шу фоя ётади.

Тўхтамурод Рустамнинг “Капалаклар ўйини” янги тамойил-даги асар сифатида тилга тушди. У ҳақда турли фикрлар билдирилди. Ҳатто абсурд адабиётининг яхши намунаси деб талқин қилишди. Роман поэтикасидан илмий иш ёзган З. Пардаева: “Т. Рустамнинг “Капалаклар ўйини” романини таҳлил қилар эканмиз, абсурд романининг талқин манбаи абсурд ҳаёт эканини англаймиз. Ҳаёт ҳақидаги фалсафий мушоҳадаларни кўп овозлилик, психологик таҳлил меъёрига етказди. Романинг ғоявий, бадиий мазмуни қаҳрамон мансуб абсурд ҳаёт инъикоси сифатида намоён бўлганини, бадал армон эса абсурд қаҳрамон сифатида шаклланганини, абсурд ҳар қандай даврда, ҳар қандай ҳолатда маънисизлик эканини очиб беришга хизмат қиласди” (З. Пардаева. Ўзбек романлари поэтикаси. – Т., 2003 йил, 40-бет).

Лекин романни ўқиган одам ҳеч ҳам бундай эмаслигини англайди. Биринчидан, абсурдлик асар воқеилигига эмас, ёзувчининг концепсиясида кўринади. Чунки ёзувчи ҳаётдаги, инсонлар табиатидаги иллатлар, улардаги номукаммалликни Насим, Ибод, Шоший, Тош оға, Эшим иш, Фойиб, Гулноз, Ҳулкар образларида акс эттиришга интилган. Бироқ уларнинг хатти-ҳаракати, фаолияти тасвирда эмас, шунчаки, системага солинмаган баёнда берилган. Шундан бирорта образ киши ёдида қолмайди. Асаннинг аннотациясида: “Теран руҳий таҳлил, юксак мажозийликка асосланган асар”, дейилади. Бироқ амалда бу нарса кўринмайди. Юқорида санаб ўтилган қаҳрамонларнинг бошидан ўтгани, уларнинг табиати қайтариқлар билан ҳикоя қилинади. Тўғри булар мисолида ҳам кишиларнинг онгига, руҳига таъсир қилса бўлади. Бунинг учун қаҳрамонларнинг фаолияти билан боғлиқ бўлган воқейлик замирауда катта фалсафий ҳақиқатни, ижтимоий муаммони сингдирса, шунингдек, қаҳрамонлари ҳаётда кечаетган ноҳақликларни, адолатсизликларни англаб изтиробга тушса, ҳаётда инсонларнинг инсонча яшамаслиги, бунга жамиятда имконият йўқлигининг сирини англашга интилса, бу бо-

радаги фикрларни баён қилса, асарлар воқеалари мана шундай масалага йўналтирса янги тамойилдаги роман сифатида ўзини оқларди. Сўзсиз, ёзувчи ўз олдига шундай мақсадни қўйган. Афсуски, унга эриша олмаган. Модерн йўналишидаги асар абстракт расмларига ўхшаб, қандай тушунсанг – шундай англа деб, дуч келган воқеани боши-кети йўқ тарзида ҳикоя қилиш эмас, балки улар маълум бир концепсияга эга бўлиб, маълум мақсад сари йўналтирилади. Бу қаҳрамон орқали амалга оширилади. Модерн йўналишдаги асар қаҳрамонлари эса, ўз ўйхаёллари, онг оқими мисол мияда йўналган фикрларида ўзи яшаётган ҳаётни теран бадиий талқин ва таҳлил қилиб, олам муаммосини англашимизга ёрдам беради. Шунингдек, ўзи яша-ётган жамият иллатларини гўё микроскобда кўргандай кўра олади ҳамда уни шафқатсиз фош қиласи, унинг илдизларини топишга интилади ёки бу тузумда, бу жамиятда ўз мақсад ва ниятларини амалга оширишнинг иложи йўқлигини англа-гач, тушкунлик кайфиятига тушади, эртанги кунга ишончсизлик оқибатида қаҳрамон ёлғизланиб қолади, у гўё ўз қобигига ўралиб олади, муаммонинг ечимини топа олмаган, иложсиз қолган шахс қалбида ижтимоий тенгсизлик хукм сурган ва инсон инсонча яшаш имкониятига эга бўлмаган жамиятдан бегоналашиш туйғуси юзага келади. Буларнинг барчаси теран руҳий таҳлилда, изтироб ва фожийликнинг асосли инкишо-фидда очиб берилмоғи даркор. Бизга модерн йўналишдаги асар деб тақдим қилинаётган роман қаҳрамонларининг бирортаси на фикрлайди, на атрофдаги юз бераётган воқеаларга муносаб билдиради, мулоҳаза юритади, на руҳий изтиробни бошдан кечиради. Унинг барча дўстлар орасида кечадиган, улар ўртасида бўладиган воқеалар ҳикоя қилинади. Ҳатто йигитлар ўзаро сир тутадиган (Эшим ишнинг оғили билан боғлиқ воқеалар) ишлар ҳақида ҳам тортинимайди. Тўгри бу воқеалар ичида жамият ва инсоний иллатлар фош қилинган ҳолатлар ҳам учрайди. Лекин эсда қоларли аниқ ҳолатда, тасвирда эмас, тумтарақай баёнда берилгани учун камдан-кам киши уни англааб олади.

Аннотацияда айтилган мажозийлик икки ўринда кўринади. Бу – роман воқеалари кечган Бақаҳовуз маконида ва асар номи, яъни “Капалаклар ўйинида”. Бақаҳовуз рамзида ташқи катта дунёдан ажратилган, фақат муҳит эмас, фикрлаш тарзи ҳам чекланган кечаги тоталитар тузумни англаш мумкин. Маъ-

лумки, мазкур тузум 70 йилдан ортиқ даврда битта ғояни, яъни социализм ғоясини, унинг бутун дунёда афзал тузум эканлиги тарғиб қилинди. Бутун маънавий олам – матбуот, санъат, театр, адабиёт унга хизмат қилди. Айтилган фикрлар яхши эди, лекин амалда эса унинг акси эди. Кишилар айтилган фикрларга монанд ҳаракат қилса, таъқиб қилинарди. Дунёда энг адолатли, барча баҳтли яшайди деган тузумда эса инсон инсонларча ҳаёт кечиришмасди. Бу борада рус ёзувчиси Светлана Алексеевич шундай дейди: “Инсон ноинсоний шароитда уч кунда хайвонга айланади” (“Аргументы и факты”, 2006 йил, июль, 28-сон, 5-бет). Айтилганга, матбуот орқали ёзилганга, эълон қилинганга амал қилмаслик гирт бемаънийлик – абсурдdir. Ёзувчи асарида шуларни акс эттироқчи бўлгани аниқ. Лекин кўриб ўтганимиздек, бунга эриша олмаган.

Романнинг аталиши асар қаҳрамонлари хатти-ҳаракатига мос тушади. Маълумки, капалаклар жуда қисқа умр кўради. Шундан, бизнингча, ҳаётини ўйин-кулгиди, гул ва чамзорлар қўйнида ўтказади, гўё ҳаёт жаннатдай. Роман қаҳрамонлари ҳам фикрламайди, мулоҳаза юритмайди, фақат ҳаракат қилишади, жўн яшайди, умуман, ҳаётга нисбатан лоқайд. Балки ёзувчи тоталитар тузумда жамиятга нисбатан фикр билдирганлар тақиб қилингани учун одамлар фикрлашдан қўрқишлиди, шундан улар лоқайд демоқчидир. Бу тўғри ва ижтимоий характерга згадир. Афсуски, бу тўғрида фикр романда ёрқин ифодаланмаган.

Зўрлик асосида қурилган ҳар қандай жамиятнинг умри қисқадир. Унинг умрини қўрқув ва алдовлар асосида муттасил чўзиб бўлмайди. Романга шу ғоя сингдирилганда, у капалаксимон ҳаракатда бўлган қаҳрамонларининг хатти-ҳаракати, тутган ишининг бидий таҳлилида очиб берилганда, асар ўқишли ва таъсири бўларди. Салмоқли фикр, мантиқ кучига эга роман қаҳрамонлари фаолиятга эга эмасликлари ёзувчининг модерн йўналишдаги асар моҳиятини тўла ўзлаштирганидандир. Романи ҳозирги ҳолида модерн йўналишдаги муваффақиятсиз бир уриниш деб баҳоламоқ кепак.

Текшириш учун саволлар:

1. Янги йўналишдаги романлар қандай хусусиятга эга?
2. Модерн йўналишдаги романлар сюжетининг ғайритабиийлиги нимада кўринади?
3. Сирож муаллим қандай сирли оламга эга?
4. Вали ва Бадалбек образларида ёзувчи қандай ғояни илгари сурди?
5. Жамиятдаги ахлоқсизлик ва ҳамиятсизликнинг туб асоси нимада?
6. “Тепаликдаги хароба” романидаги руҳий олам қандай инкишоф қилинган?
7. Модерн йўналишдаги асарлар қаҳрамонлари қандай хусусиятга эга?

Таянч тушунчалар

Абсурд одам – ҳаётнинг бемаънилигини инсон билан дунёнинг туташган жойида деб биладиган шахс. Яъни инсон истаклари ва уни ўраб турган дунёни бир-бирига мос келмаслигини бемаънилик деб билишилик.

Мистицизм – ягона илохий қудрат – Ҳақнинг акси, оламнинг моҳияти ҳақда яширинидир деган фикрни илгари сурувчи таълимот.

Руҳдаги ўлим – нафсга курбон вужудда руҳнинг чекиниши.

5. 4. Истиқлол даври муаммоларининг инсон табиати, маънавияти, руҳия гидаги бадиий ифодаси

Режа:

1. “Бозор” романининг образлар системаси ва ёзувчи ғояси ифодаси.
2. Бозор сўзининг рамзий маъноси.
3. “Мувозанат” романидаги мустақиллик арафасидаги реал воқеалик ифодаси.
4. Юсуф образининг моҳияти.
5. Амир образидан ёзувчининг тутган нияти.
6. Исён ва итоатнинг моҳияти.
7. Турсунбой жонталаш ва Лариса хола қисматида ёзувчи ғояси ифодаси.
8. “Жазирамадаги одамлар” романининг ўзига хослиги.
9. Романдаги ҳар бир қаҳрамон ўз дунёси, ўз қиёфасига эгалиги.

Адабиётлар:

Бадиият жилолари. – Т., 2006.

З. Пардаева. Ўзбек романлари поетикаси. – Т., 2002.

У. Норматов. Умидбахш тамойиллар. – Т., 2000.

У. Норматов. Тафаккур ёғудуси. – Т., 2005.

У. Ҳамдамов. Бадиий тафаккур тадрижи. – Т., 2002.

Ҳозирги адабий жараён: таҳлил ва талқин. – Т., 2005.

Хуршид Дўстмуҳаммад. Бозор. – Т., 2000.

Улуғбек Ҳамдамов. Мувозанат. – Т., 2004.

Улуғбек Ҳамдамов. Исён ва Итоат. – Т., 2003.

Луқмон Бўрихон. Жазирамадаги одамлар. – Т., 2005.

Истиқлол даври адабиётининг муҳим хусусиятларидан бири имон ва эътиқод, шунингдек, маънавиятга катта эътибор берилишидир. Бу давр адабиётининг қаҳрамонлари – ўта маънавиятли ва ўта мулоҳазакор шахслар. Олам ва одам ҳақида кенг фикр юритади, ҳаёт, жамият иллатларидан, янги том маънодаги маърифатсизликдан, адолатсизликдан, ноҳақликдан, ёлғончиликдан, энг муҳими, имон ва эътиқодсизликдан қайгуришади, изтиробга тушишади. Яна шуниси муҳимки, улар бу иллатларни жамият муҳитга боғлашмайди, бунга шулар айбдор деб билишмайди, балки барчасига инсоннинг ўзи сабабчи деб қарашади. Яъни имон ва эътиқоднинг сусайиши деб билади. Хуршид Дўстмуҳаммаднинг “Бозор” романининг асосида худди шу нарса ётади. Бозор сўзи – рамзий маънога эга. У икки маъно англатади. Биринчи маъно ҳаёт, жамият, бугунги кунни ифодалайди. Ҳаёт ва жамиятнинг таназзули одамларнинг унга муносабатида табиий, диалектик қонун асосида бўлмасдан, волонтаристик сиёсат асосида бўлгани учун бўлса, бозорнинг ичидан емирилиши у ердаги қаллоблик, одамлар ҳақига ҳиёнат қилишлиқ, яъни тарозидан уришлиқ, алдамчилик, риёкорлиқдир. Бу бугунги кун ҳаётига, унинг манзараларига ишорадир. Бу эса инсоннинг қалбида инсоний туйгулардан кўра нафс туйгусининг етакчилик қилишиданdir. Қуръони Каримнинг “Қасас” сурасининг 50-оятида шундай дейилади: “Агар сенинг чақириғиннгга жавоб бермасалар, билки, улар ҳавои нафслариға эргашмоқдалар. Аллоҳнинг ҳидоятини қўйиб, ҳавои нафсига эргашган кишидан ҳам адашганроқ одам борми”. Албатта, Аллоҳ золим кишиларни ҳидоятга бошламайди. Романда эса куйидагича ёзилади:

“Бозор – ўз номи билан бозор, лекин у ютоққан, нафс билан топишса борми, одамларнинг шўри қуриди деявер!.. Тўгри, нафс бўлмаса, бозорга ҳам ҳожат қолмас эди, бу дунёда, иллобилло, қандай жин урса-урсин, бозорни изга солиш учун, аввал нафсга битта қўриқчи қўйишни уддалаш керак!”¹

Иккинчи маъноси инсоннинг инсонийлигини, табиатини, маънавиятини, комиллигини белгилайдиган макон, махак тоши. Ҳақиқатан ҳам, бозордаги хатти-ҳаракат, одамларга бўлган муносабатда унинг кимлиги билинади. Бу борада ёзувчи шундай дейди: “Бозор – одамларнинг асл башарасини кундай равшан кўриш мумкин бўлган энг кулай жой” (10-бет).

Адиб бу ҳақиқатни образлар системаси орқали очиб беради. Биз уларнинг қисмати, айримларининг фожиасидан бу дунёдаги жоҳилликни, адолатсизликни сезиб, надомат чекамиз. Бу ҳол Найнов образида яққол намоён бўлади, яъни унинг фожиасида.

Романда Ходивой, Сабриддин каби образлар ҳам фаолият юритади. Иккиласи ҳам бозор ходимлари бўлишига қарамай, ўз саъй-ҳаракатлари билан кескин фарқ қиласди. Ходивой – паттачи. У – ўта қаллоб, лаганбардор, ўз мағфаатидан бошқа ташвиши йўқ, бу йўлда ҳар қандай пасткашликдан қайтмайдиган одам. У – найрангбозлиги туфайли ҳар қандай вазиятдан зиён-захматсиз “омон” чиқадиган киши. Романда бозор хақида шундай фикр бор: “Ҳа, бозор айниди... Айниши ҳам ҳолва, чўқаяпти!.. Ери чўкиб кетяпти... Бузиш-кўчириш билан буни эпақага келтириб бўлмайди. Бозор ўзича эмас, одамларнинг айниганини, одамларнинг чўкиб кетаётганини кўрсатиш учун айниятти, чўқаяпти” (102-бет). Бу ўринда бозор – дунё маъносида. У ерда юз бераётган талотўмлар дунёни емириб боряпти. Бу нарса Ходивой сингари одам тақдири, келажак учун кайғурмайдиган кимсаларнинг саъй-ҳаракати туфайлидир.

Сабриддин ҳалоллиги, сабр-тоқатлилиги, нафсига эрк бермаслиги билан Ходивойдан кескин фарқ қиласди. У – ширинпазлар раастасининг бошлиги. У ерда кўп йилдан бери ишлайди, бошка амалга, гарчи бозор бошлигига яқин бўлсада, интилмайди. Ишида тартиб ўрнатган, ўзи доимо назорат

¹ Хуршид Дўстмуҳаммад. Бозор. – Т.: Шарқ, 2000, 90-бет. Бундан кейинги мисоллар ҳам шу нашрдан олинади ва факат бети кўрсатилади.

қиласи. Бу ҳақида романда шундай дейилади: "...муомаласи, босиқлиги, сермулоҳазалиги билан бошқа растабошлар орасида Сабриддин ака ажралиб турар, бунинг боиси, эҳтимол отаси айтмоқчи, "Сабриддиннинг бозор одами эмаслигига". Демак, у – диёнатли, маърифатли одам. Дунёнинг яшаб туриши шулар туфайлидир. Ёзувчи шунга ургу беради.

Қосимбек бозорбоши образи ҳам катта умумлашмага эга. У қирқ йилдан бери бозорга бошчилик қиласи. Шу йиллар давомида бозорни яхшилашга, унинг "айнимаслиги"га ҳаракат қилди. Лекин унинг чорасини топа олмади. Бир томонини яхшиласа, иккинчи томони ўпирилди. Ва, ниҳоят, шундай хulosага келади: "Бозор қунпаякун бўлиб кетмаслиги учун ҳам ўзи инсофийларни топишга, кўпайтиришга... уларга қулоқ солишга мажбур бўлади. Бургадек урчиётган иллатларга қарши инсофийлар бозор посонгисини саклайди" (156-бет). Бу фикрнинг катта ҳақиқатга эгалиги шубҳасизdir.

Маълумки, ҳаётни моддий ёки техника эмас, маърифат, маънавият изга солади. Қосимбек бозорбоши тилидан ёзувчи тўғри фикрни илгари суради. Қосимбек яна шундай фикр билдиради. Бозорнинг таназзули қироатхона қаровсизлигининг касофатидир, ҳойнаҳой. Демак, Қосимбекнинг фикрича, инсонийликнинг асоси билим-маърифатдир. Бу тўғри фалсафий ҳақиқат. Умуман олганда, романнинг асосида шу фикр ётади.

Романда ёзилиши бўйича, бозор тимида шундай махлук, яъни "Бўйи бир қарич ҳам чиқмайдиган, на олмахонга, на да тулкига ўхшайдиган турқи совуқдан-совуқ бир махлук қопчиқдан тинмай пимадир олиб, тамшана-тамшана чайнар ва ирkit оғзидан тошиб чиқаётган сўлагини қайрағоч остида тўпланишиб турган ажаб зотларнинг бошига оқизар..."

Бу еб тўймас юҳони ҳеч ким ҳеч нарса қила олмайди. У нафс бўлиб, уни фақат имон, яратганга чуқур эътиқод бартараф қилиш мумкин. Бу борада Қуръони Каримда шундай ёзилади: "Албатта, кўп одамлар илмсизлиги учун ҳавои нафсга берилиб, йўлдан адашадилар". "Золимлар илмни қўйиб, ҳавои нафсга эргашадилар". Чунки илмли одамгина Оллоҳ ва ҳаётнинг моҳиятини англайди.

Романнинг етакчи қаҳрамонлари: Фозилбек ва Қадрия. Фозилбек – Қосимбек бозорбошининг кенжа ўғли. У туғилганда, онаси ўлган. Шундан у ҳаётда эмин-эркинмас қисилиб-қимтиниб ўсган. Лекин Диёрбекдан ўз нафсини

жиловлай олиши, бозор ишлари билан кўпда қизиқмаслиги, мулоҳазакорлиги, кўпроқ эзгу ишларга майиллиги билан ажраб туради. Ёши бир жойга бориб қолганига қарамай, уйланмаган. Чунки у ўзининг диди, табиатига мосини учратмаган. Уйлантириш харакатлари орқали биз ҳаётнинг кўп пучмоқларига кириб чиқамиз, одамларни учратамиз. Буларнинг барчаси Фозил иштирокида кечади. Унинг ўз яқинларига ва дўстларига муносабатида, яхши аъмолларидан унинг ҳақиқий фозиллиги бўй кўрсатади. Ва, ниҳоят, ўз идеалидаги қизни учратади. Бу кутубхонада ишловчи Қадрия эди. Бу борада ёзувчи шундай дейди: "...Қадриядек чехрасидан оппоқ нур, сутга чайилгандек тозалик, сирли маҳзунлик уфуриб турган қизни учратмаган". Ҳа, у масъум, маҳзун қиз рамзий маънога эга. Яъни миллий қадриятларининг моҳиятини англовчи, қадрловчи, асрорчи маъноси сингдирилган. Қосимбек бозор боши умрининг охирида уларнинг тўйига оқ фотиҳа беради. Демак, бозорни – ҳаётни ишончли одамлар кўлига топширади.

Улуғбек Ҳамдамнинг "Мувозанат" романни жуда вақтида ёзилган асадир. Ҳақиқатан ҳам, мустақилликнинг дастлабки арафасида одамлар ҳам зоҳирий, ҳам ботиний мувозанатини йўқотиб, анча афгор ҳолга тушиб қолишганди, роман худди шунинг моҳиятини очиб беради.

Романнинг бош образи – Юсуф. Асарнинг барча воқеалари унга боғлиқ равишда юзага келади. Тўгри, у ҳамма воқеаларда бевосита, иштирок этмайди, лекин уларнинг юзага келиши унинг саъй-харакатисиз бўлмайди. Бундан кўринадики, Юсуф асарнинг ўқ илдизи ва гўё кўзгусини ташкил қиласди. Чунки биз у орқали ҳаётнинг ҳамма пучмоқларидаги ҳолат ва вазиятларидан, шунингдек, одамларнинг изтироб ҳамда фожиаларидан хабардор бўламиз.

Юсуф образи орқали ҳам шаҳар, ҳам қишлоқдаги мустақиллик арафасидаги ўзгаришлар, у туфайли ўз қалб мувозанатини, яъни таянч нуқтасини бой берган кишилар қисматидан огоҳ бўламиз. Юсуф зиёли, университетда тарихдан дарс беради. У ўз ҳалқи ва давлатчилик тарихини, маданиятини, ахлоқини яхши билади, ундан фахрланади. Шундан у ҳаётга ҳамиша некбинлик билан боқади, бу нарсалар ўткинчи эканлигини, келажакнинг яхши бўлишига ишончни йўқотмайди. Шундан ботиний туйғу, идрок зоҳирий ҳаётга уйғун бўлмаса-да, қалб мувозанатини саклайди. Бу катта ахлоқийлик ва инсонийликдир.

Юсуф ўз оиласидаги ва қишлоқдаги хонадонидаги етишмовчиликка жамият айбор деб билмайди, ундан нолимайди, унинг сабабини зоҳирӣ оламдан қидирмайди. Балки ботиний оламдан, яъни ўзидан топишга интилади. Бунинг бирдан бир чораси маънавий эҳтиёжни қондириш, деб билади ва тӯғри қилади. Маълумки, инсоннинг маънавий эҳтиёжи қонмас экан, у ҳеч қачон ўз ҳаётидан мамнунлик туйғусини түя олмайди, шунингдек, ўз нафсини ва ноинсоний ҳаракатлардан тийишга қурдати етмайди. Бу ҳақиқат Юсуф образида ҳаққоний ўз ифодасини топган. Юсуф маънавий бойликка эга бўлгани учун жуда қалтис вазиятда ҳам ўзини ноинсоний ҳаракатдан тўхтата олади.

Юсуф француздар Тошкентда очган кийим-кечак магазиннинг пойабзал бўлимида ишлайбошлагач, моддий жиҳатдан ўзини тиклайди. Ана ўша пайтда дўсти Мираизимга ҳиёнат қилади, яъни хотини Захро билан яқинлик қила бошлайди. Бундан кўринадики, моддий бойлик кишини тӯғри йўлдан оздиради. Бироқ қалбидаги нур ҳаёт тақозоси илиа хира тортгани билан сўнмаган эди. Ўша нур маънавий эҳтиёж сари уннади. Оқибатда моддий таъминот ҳаётини яхшиланишига қанчалик имкон бермасин, ундан воз кечиб, ўқитувчилик касбига қайтади, яъни маънавий эҳтиёж сари қадам ташлайди. Шундан кейин виждан азобидан кутилишга интилиб, Захро билан алоқасини узишга қатъий қарор қилади, унинг уддасидан ҳам чиқади.

Инсон бошига тушган кулфат, фожиадан кутилиш учун ташки оламдан эмас, ботинидан мадад тиласа, қалбидаги мувозанатни сақлаб қолади. Юсуф шундай қилолди. Физикаматематика фанлари номзоди Эргаш эса бундай йўл тута олмади, шундай бўлганига куйинди. Унга малҳамни эса ботинидан эмас, ташки оламдан, яъни ичимлиқдан қидирди. Оқибатда қалб мувозанатини йўқотиб, бутунлай таназзулга юз тутди. Бу ҳақиқат жуда катта тарбиявий кучга эгалиги исбот талаб қилмайди.

Мираизиз ва Сайдларнинг турмушида моддий фаровонлик бўлса-да, қалб мувозанатибузилган, посонгиситўғриэмас, яъни нафс посонгисининг тоши оғир. Шундан бу оила таназзулга маҳкум. Захронинг босган қадами хонадон пойdevorinинг емирилишидан далолатdir. Сайд оиласида эса ўпирилиш юз бериб бўлди. Ўзини эса Эргаш холига тушиши муқаррардир.

Амир қисмати, фожиаси ниҳоятда таъсирли ва муҳим умумлашмага эга.

Унинг хатти-ҳаракати, тутган ишидан битта ўзи озор топмайди, балки уч боласи, касалванд хотини, кекса ота-онаси, умуман олганда, бутун қариндош-уруғи изтироб чекади. Амир учун бу дунё ёлғон дунё, ҳақиқий чин дунё нариги дунё. У ўзини нариги дунё саодатига мұяссар бўлишга тайёрлади. Лекин киши бу дунё саодатига эришса, нариги дунё саодат эшиги очилишини англашга ақли ноқислик қилади. Маълумки, бунга киши яхши аъмоллар орқали мұяссар бўлади. Амирнинг миясига гоҳ-гоҳ шундай фикр келиб қолади. Унга амал қилишга интилади. Лекин унинг туб моҳиятини англамагани учун бу йўлда қилган иши гуноҳи азим бўлади. У ҳаром деб даладан йигиб босиб қўйилган сомонни қайта далага олиб бориб тўқади. Уни эрталабгача битта қўймай одамлар ташиб кетади. Мұхтожларга ёрдам бериш керак, деб уйнинг, болаларнинг эҳтиёжи учун сотилган сигирнинг пулини олиб, бозордаги девонага усти-бош олиб кийинтиради, яхши овқат олиб бериб, қолганини кўлига беради. Ваҳоланки, оила, болаларнинг ризқини қийиш гуноҳи азимдир. Куръон Каримда шундай дейилган: “Ота-онага, қариндошларга, етимларга, қариндош-қўшниларга, оддий қўшниларга, оила азоларингизга яхшилик қилинглар” (“Нисо” сураси, 36 – 37-оятлар). Амирнинг фожиаси ижтимоий мазмунга эга.

Романдаги ўлим тасвирини баъзи бир адабиётшунослар кўпайиб кетган деб эътиroz билдиришди. Лекин сиртдан қараганда, шундай туюлади. Аслида эса, ҳар бири мақсадга қаратилган бўлиб, ўз функциясига эга. Масалан, Юсуфнинг ўғли Абдуллажон ўлимида Гиппократ қасамини ичган бугунги оқ ҳалат кийган тибиёт ходимларининг ҳақиқий қиёфаси очиб берилади. Гулшода ўлимида эса мустақиллик арафасидаги қийинчиликлар ўзининг реалистик ифодасини топиши билан бирга, менинг йўқ бўлишим болаларимга енгиллик олиб келади, деб тор ўйлашлик, шунингдек, сабр қилмай, Оллоҳнинг иродасига қарши боришликтининг оқибати кўрсатиласди. Чунки Гулшода ўзини осиш фикридан қайтган эди, аммо тасодифан ўлим топади. Чўпоннинг икки фарзандининг сел тагида қолиб кетиши, чолнинг қилмишига кўра Оллоҳнинг жазосидир.

Адибнинг “Исёнва итоат” романи ҳам муаммоли бўлиб, унда итоат ва исённинг моҳиятини бадиият орқали очиб беришга

уринади яъни қаҳрамонлари қисматида, ўй-фикр, мулоҳазада, саъй-ҳаракатида кўрсатишга интилади. Узининг қарашларини табиб орқали илгари суради. У шундай дейди: “Мен, ниҳоят, исён азобидан фориг бўлиб, озодликка чиққандим. Озодликнинг исми эса Итоат эди... Шунда қаршимда ҳаётнинг мазмани, туғилиш ва ўлишнинг маъноси ярқ этиб намоён бўлгандай эди: у Итоатда, инсонлик қисматига кўникишда эди. Йўқ, бу шунчаки кўр-кўёна эмасди, балки англаш ва тушунишдан келадиган буюк Итоат – Яратганга тобелик эди. Чунки мендаги Исён Итоатнинг ичига, унинг бир бўлагига айланиб ўзга маъно касб этганди”¹.

Бу ўринда, итоатни тор маънода, яъни тобелик, барча нарсага сўзсиз бўйсимиш, унга қарши бормаслик деб тушуниш керак эмас. Итоат Оллоҳдан кўрқиб, ноинсоний хатти-харакатдан ўзини тийиш, доимо эзгу аъмолларни бажариш, иродасини унга бўйсундириш демакдир. Бу ҳақида ислом дини билимдони Муҳаммад Содик Муҳаммад Юсуф шундай дейди: “Оlam ҳозирги кунда ахлоқсизлик, разолат ва жиноятнинг кенг тарқалганидан аянчли аҳволда қолди. Бунинг сабаби инсон Аллоҳни эсдан чиқариши, унинг улуғлигини унтишдир. Аллоҳдан кўрқишлик доимо инсонни яхшилик чўққиларига олиб чиқкан.

...Кишининг ўз парвардигоридан кўрқишининг чегараси бўлиб, у ноумидликка етиб бормаслиги керак. Фақат кўрқитиши асосида қилинган тарбия, ислом назарида, нотўғри тарбия ҳисобланади. Чунки бундай тарбия қалблардаги нурни сўндиради ва яхшилик аломатларини беркитади” (Муҳаммад Содик Муҳаммад Юсуф, Имон. – Т.: Камалак, 1991, 87-бет). Демак, киши яхши аъмолларни шунчаки кўркувдан эмас, балки унинг моҳиятини англаб, ўз ҳоҳиши, қалб даъвати билан бажариш лозим. Бу борада Куръони Каримда шундай дейилади: “Ва (Оллоҳнинг дини билан) ўнглаб қўйилганидан кейин, Ерда (куфр йўлини тутиб) бузғунчилик қилманг! У зотга (азобидан) кўрқиб, (раҳматидан) умидвор бўлган ҳолингизда ибодат қилингиз! Зоро, Оллоҳнинг раҳмати чиройли амал қилувчиidarга яқиндир” (“Аъроф” сураси, 56-оят).

Албатта, Улуғбек Ҳамдам итоатнинг моҳиятини шундай англайди, бироқ бадиий талқинга келганда, унинг кўлами то-

¹ Улуғбек Ҳамдам. Исён ва итоат. – Т.: Янги аср авлоди, 2003 й. 98-бет. Бундан кейинги мисоллар ҳам шу нашрдан олинида ва фақат бети кўрсатилади.

райиб қолган, яъни Оллоҳга итоат этишнинг моҳияти, унинг самараси аниқ тасвирида эпик кўламида ўз ифодасини топмаган. Бу нарса табиб образидагина кўринади, лекин унинг эзгу ишлари фақат даволашгина, фалсафий қараашлари эса ҳаётий тартиб қоидаларга сўзсиз бўйсуниш тарғибидан иборат бўлиб қолган. Мазкур ҳол аниқ тасвирда бўлмай, баёнда бўлгани учун киши шуурига унча етиб бормайди.

Исён масаласининг ҳам моҳияти кенг очилмаган. Маълумки, инсон комилликка эришиш учун бир умр табиий истакларни чеклаш, онгнинг руҳий эҳтиёжини қондириш йўлида ботинида кураш кетади. Табиий истак ҳавои нафсдир. Агар у устун келса, ҳаётий мувозанат бузилади. Куръонда ҳавои нафс “бузгунчи” деб сифатланади: “Агар Ҳақиқат – Куръон уларнинг ҳавои нафсларинга эргашса эди, албатта осмонлар, Ер ва улардаги бор жонзот бузилиб, ҳалок бўлар эди” (“Мўминлар” сураси, 71-оят). Нафсни енгган инсон бу билан чекланиб қолмайди. У энди ташки иллатларни бартараф қилиш, дунёнинг кажрафторлигининг моҳиятини англаш, гоғил гумроҳларнинг кўзини очиш йўлида ҳаракат қиласи, шу йўлда курашади.

Демак, сулукатли инсон – ҳамиша ҳам зоҳирий, ҳам ботиний курашда, исёндадир. Бу исёнга Оллоҳ қарши эмас, чунки у ҳақиқий ишқ, яъни ўзига етишиш йўлида қилинган ҳаракатdir. Устози романнинг бош қаҳрамони Акбарга шундай дейди: “Сенинг ичинг тўла ғалаён, исён... Йўлга чиқмоғинг керак!” – деди у. Бироқ қандай йўл? Саёҳатми, турмуш тарзини ўзгартиришми ва ёки машаққатли мушоҳада йўлими? – буни билмайди, Акбар” (8-бет).

Акбар билмагандай китобхон ҳам англамайди. Қачонки Акбар ўз ўқувчисини уриб, қамоққа тушгач, китобхон тахмин қила бошлайди. Демак, у ҳаётдаги саъи-ҳаракати, ўй-фикрлари орқали, шунингдек, бу йўлда қанчалик изтироб чекмасин, ноҳақликка дуч келмасин, ўзлигини йўқотмай эзгуликдан сабок беради, деб ўйлади. Ва бу йўлда қилган исёнидан оламни ва инсонийлик моҳиятини англаб, шууримизга шуур қўшилади деб умид қиласи. Афсус ундан бўлмайди. Тўғри, қамоқдаги ҳаётдан киши бир сабок олади. Бу ҳам бўлса, киши ҳар қандай қийинчиликка тайёр туриши керак, ўзини чиниқтириш лозим. Шундагина иңсон сифатида маҳф бўлмайди деган. Бу яхши ғоя, албатта. Бироқ кейинги воеалар бундай кучга эга эмас.

Акбар қамоқдан қайтгач, бизнес билан шуғулланмоқчи бўлади. Россияга ортган қовунидан учдан бири ҳам етиб келмайди. Ўртада жанжал чиқади. Қамоқда муштлашишни ҳаддини олганидан шофёрни уради. Ҳайдовчи Челябинсклик бўлиб, у Акбарни шу ернинг мафиясига сотади. Улар ҳайдовчининг ҳаққини беришиб, қолган қовуннинг ҳаммасини тортиб олади. Акбарни уй қамогига солиб кўйишиб, уйига қўнгироқ қилишини, яна шунча қовун жўнатишни талаб қилишади. Акаси Нурмат келишилган юкни йўлда сотиб, қайтиб кетади. Юк келмагач, Акбарни ўласи қилиб уришади, ҳатто ўлдирмоқчи бўлишади. Акбар тақдирини уларнинг қўлига топшириб, ўлимига тик боқади, оқибати шу бўлади-ки, “Босс”, “эркак битта сенми дунёда?” – деб устига бир даста кўкидан ташлаб, ғойиб бўлади. Албатта, киши бунга ишонмайди. Чунки уни ҳаётий мантиқ инкор қилади. Сабаби мафия ҳеч қачон бундай қилмайди, уларнинг ҳиммати – нари борса, тирик қолдириш. Унинг узоқ йўлга чиқишидан олган сабогимиз шу билан ниҳоясига етади. Шунга қарамай, осон келган пулни эзгу ишларга сарф қилар деб умид қиласиз. Лекин ундан бўлмайди. У шаҳарга келади, кийинади. Уч хона уй сотиб олади ва подъездидаги яшайдиган Диана исемли фохиша кизни яхши кўриб қолади. Бу борада романда шундай ёзилади: “Кўпқаватли уйнинг Акбар бораётган бурчагида нотаниш йигит ва қиз бир-бирининг пинжига кириб шивирлашаётган эди. Якироқ борганида, қиз Акбарнинг кўзига Диана бўлиб кўринди. Бағрида бир зумлик лоҳасликни ҳис қилди: тилидан беихтиёр “Диана!” деган хитоб чиқди... “Қайданам ёпишди менга бу дард?” – зинадан аста кўтарилиб бораркан, Акбар ўзига-ўзи шундай саволлар берарди” (74-бет). Бу ишк эмас, ҳиссиётнинг жунбушга келишидир. Чунки икки кокилдай фарзанд, гулдай ўқимишли, район газетасининг бош муҳарриридек хотини бўлган, таги ўқитувчи одам ҳаётда бундай қилмайди. У Дианага уйланади. Гавай оролларида, Австралия тогларида дам олишади. Бунинг ҳаммаси мафия берган пул ҳисобига бўлади. Тўгри, унинг таҳририятга ишга киргани айтилади. Лекин ундан олган маоши билан бундай имкониятга эришиб бўлмаслиги барчага аён. Мафия берган пулни ҳеч тугамаслиги ҳам ажабнарли ҳол.

Хуллас, Акбар 20 йилдан кейин кишлогига, ўз оиласи кучоғига қайтади. Сабаб у шунча йил исёнда юриб, энди ито-

ат сари юз бурибди. Унинг исёни ҳаётнинг тартиб-қоидалари, унинг ахлоқ нормаларига риоя қилмай ҳаёт кечиргани экан. Тўғри, Акбарнинг босиб ўтган йўлида шу ҳол кузатилади, бироқ у кўп ўринда баёнда кечгани учун катта таъсир кучига эмас. Лекин сабъ-харакати исён эмас, гуноҳга ботиш, инсонийликдан чекинишдан бошқа нарса эмас. Маълумки, гуноҳга қўл урган одам, агар кечикмай тавба қилмаса, Оллоҳ томонидан унга жазо ва ажрим бордир. Бу ҳақида Куръони каримда шундай дейилади: “На гуноҳ ишларни мудом қилиб юриб, қачонки бировларга ўлим келганида “энди тавба қилдим”, дейдиган ва кофир ҳолда ўлиб кетадиган кимсаларнинг тавбалари қабул қилинmas. Улар учун аламли азобни тайёрлаб қўйганмиз” (“Нисо” сураси, 18-оят).

Исён ва итоатнинг бошқа образлар талқинида ҳам шундай кўлами торғоя илгари сурилган. Романда Турсунбой жонталаш образи бор. Унинг ҳаёти ва хонадони мисолида мустақиллик арафасидаги қишлоқ аҳолисининг турмуш тарзи, у ердаги муҳит яхши очиб берилган. Лекин унинг қисматидан ёзувчининг келтириб чиқарган хуносасига қўшилиш қийин. У даладан келиб, уйида ишлайди, ярим тунда ётиб, аzonда далаға отланади. Ейшининг тайини йўқ: “Юз-қўлини ювиб ичкарига кирганида, ҳамма ухлаган, уй тип-тинч эди. Ошхонага ўтиб, қозоннинг қопқоғини кўтарди. Суюқ овқат. Чўмични айлантириб кўрди – 3 – 4 та картошка ва тухум бўлаклари: демак, тухум шўрва. Бироқ иситишга эринганидан токчада усти сочиқ билан ёпилган – эрталаб ўзидан қолган қовунини тик турган куйи тилимлаб ея бошлади” (34-бет). Бу ҳол деярли ҳар куни такрорланади. У иш деб акасининг тўйига ҳам бормайди. Хуллас, қизилўнгачидан саратон касалига чалиниб, оламдан ўтади. Бундай жазога маҳкум бўлиши Яратганга итоат қилмай, исён қилганидан, деб хулоса чиқаради адаб. Унинг исёни – эл-юрт, одамгарчиликдан чиқиб, акасининг тўйига бормагани. Бундай жазони ислом рад этади. Чунки Турсунбой жонталаш кеч бўлса ҳам, узр сўраб, акасининг тўйига боради. Акаси эса сендей укам йўқ, деб уйидан ҳайдайди. Бундан кўринадики, гуноҳкор ука эмас, акадир. Чунки кечикмаган узрни, афвни Оллоҳ қабул қиласи. Мана бу ҳақида Куръони Каримда нима ёзилади: “Афв қилмоғингиз, кўнгилни кенг тутмогингиз ва кечирмоғингиз яхшидур. Албатта, Оллоҳ кечиравчи ва раҳмдилдир” (“Тағобун” сураси, 14-оят).

Лариса хола қисмати ва ундан чиқарилган хулосага ҳам кўшилиш қийин. У ёшлигиде яхши яшайди, тарарабедод қилиб юради. Оила, фарзанд ҳақида ўйламайди, қариндошлари бола кўриш ҳақида гапирганда, уларга қаратга шундай дейди: "Фу, бола туғиши менга тўғри келмайди... Дунёда ҳамманинг ўз иши бор. Менга ўхшаб дунё кезишни, катта-катта ишларни эплай олмаганлар уйида ўтириб бола туғади. Энди менам шундай мавқеимнинг қадрига етмай, сизларга ўхшаб туғиб ётайми?.. (100-бет).

Лекин қариганда, ёлғизланиб қолганда бундай қилиб хато қилганини англайди ва пушаймон қиласди. Бу – табиий ҳол. У ибрат ва тарбиявий кучга эга. Бироқ ёзувчи ундан бошқача хулоса чиқаради. Яъни қариндошлари гапига кирмагани – унинг исёни, ўқинишлари эса вақтида қилмай, кечикканидир.

Бир куни Лариса хола эски танишини учратади. У қирқ йил бирга ишлаган Дмитрий бўлиб, жуда афгор ҳолда эди. Бу ҳақида романда шундай ёзилади: "Дмитрий амаки кафтлари ниманидир тутганини ҳис қилгани ҳамон унга қараб энгашди. Лариса хола "ўпмоқчи" деб ўлади, бир пасда кўзларига ёш қалқди. Бироқ бармоқларидан бирини Диманинг оғзида сезгани ҳамон сергак тортди. Чамаси, Дима амаки уни бирон егулик деб билди ва зўр бериб тиҳсиз милклари билан тишламоқчи бўларди... Хола қўлини тортиб олди-да чўчиб орқасига тисланди" (118-бет). Мазкур ҳолдан сўнг ўзини ҳам шу аҳволга тушиб қолиш эҳтимоли борлигини сезиб, деразадан ўзини ерга отиб, ҳалок бўлади. Маълумки, ўз жонига қасд килишини барча дин қоралайди. Негаки берилган умрни ўз кўли билан қисқартириш – бу Оллоҳнинг иродасига қарши бориш, яъни шайтоннинг қуткусига берилишdir. Бундан ва юқорида айтилган фикрлардан кўриниятики, адаб исён ва итоатнинг ҳақиқий моҳиятини очиб беролмаган, чалкашликка йўл кўйган. Демак, "Мувозанат" романидек олдига кўйган мақсадга эриша олмаган, маҳорат ҳам кўрсата олмаган.

Бугунги адабиёт кечаги адабиётдан бир қанчалик хусусияти билан кескин фарқ қиласди. Яъни одамнинг қалб изтиробла-ри, қувончларининг бетакрор таҳлили ва рухиятининг турфа кўринишлари инкишофи билан, шунингдек, воқеа-ҳодисалар тасвирининг батафсиллиги ҳамда уларнинг ҳар бири максад сари йўналтирилгани, қаҳрамонларнинг ўта миллий ва индивидуаллашгани ила. Бир сўз билан айтсан, воқеа-ҳодисадан

кўра, инсоннинг, унинг қалби таҳлили биринчи ўринга чиқкан. Бу хусусият Лукмон Бўрихоннинг “Жазирамадаги одамлар” романида тўла ўз ифодасини топган. Асарда овлоқ чўл қўйнидаги чулқуварларнинг ҳаётий кечинмалари, яшаш тарзи, ҳаётдаги ўрни ўз ифодасини топади. Романдаги қишлоқ ҳаётининг ва одамлари табиати тасвирининг қуюқлиги, теранлиги, батафсиллиги бир совхоз эмас, гўёки катта оламда яшаётган одамларнинг ҳаёти акс эттирилгандай таассурот уйготади. Биз воқеа ва ҳодисалар тасвирининг батафсиллигида одамлар руҳияти теран очиб берилганлигини Л. Толстой, Достоевский асарларида кўрган эдик, ўзбек адабиётида ҳам шундай хусусият бошланганлиги кишини хурсанд қиласди, албатта.

Романдаги ҳар бир қаҳрамон ўз қиёфаси, ўз дунёсига эга. Уларнинг фаолияти, албатта, эзгуликка давват этади ёки ёмон ҳаракатлардан қайтаради. Бу нарса ақлли гаплар ёки фалсафий фикрга эга бўлган нутқ идрок этиш билан амалга оширилмайди, балки хатти-ҳаракатнинг жонли тасвири, гап-сўзларнинг ҳаётийлиги, индивидуаллиги билан мақсадга эришилади. Чунки уларда киши ўзини кўзгуда кўргандай кўради, оқибатда ундан хulosча чиқаради, бунга қобил бўлмаса, ийманади. Бундай хусусиятга эришиш маҳорат туфайлигина бўлади.

Роман қаҳрамонлари: ёзувчи қайд қилгандек, жазирадаги, яъни чўлдаги одамлар, бир мактабда ўқишган Сафармурод, Эргаш, Чинор, уларнинг хотинлари: Майсара, Тошибилилар; Улаш агроном, унинг хотини Зумрад; Файзулла бухгалтер, унинг хотини Ҳосият хола; Ўроқ, Ашур, Самад, Лолаҳон-лардир.

Ёзувчи ҳар бир ножӯя хатти-ҳаракатнинг ўз ҳисоб-китоби борлигини Сафармурод, Улаш агроном қилмишларида жуда усталик билан кишига англаради. Умуман олганда, романнинг барча воқеа-ҳодисалари асосида инсоний фазилатлар ва иллатлар моҳиятини очиши, уларнинг самараси ҳамда оқибатининг инкишофи ётади. Инсонийлик замираida маънавият ётиши, маънавиятнинг негизи илмга бориб тақалишини тўғри кўрсатади.

. Совхоз директори – ана шундай илмли одам. Шундан у вазиятини олдиндан белгилай билади ва фалсафий мушоҳада қиласди, келажакни ўйлайди. У дўсти Эргашга қаратса шундай дейди: “Эргаш, – деди Чинор aka ҳам ўйдан, ҳам ички-

ликдан пешоналари тиришиб, – Шўрлаб кетяпмиз... чўл қаршилик кўрсатяпти... тағин, уч-тўрт йилдан сўнг ҳосил олиш нари турсин, уруғ ҳам унмай қолади...

– Кўявер... Келгуси планни бажармасанг, кўп бўлса директорликдан олишар... Очингдан ўлмассан...

– Йўқ... йўқ... – дея Чинор ака гапни бўлишга уринди. – Болалар-чи, болалар...” (19-бет). Бу ерда шўрлаш икки маънога эга. Биринчи маъноси, одамлар ичкиликка берилиб, локайдлашса, ер каби шўрлаб, ўзини ўзи тамом қиласди. Иккинчи маънода, табиатнинг кудрати ўз ифодасини топган. Агар инсон ақл-заковати ва жисмони илиа унга қарши бормаса, ҳамма нарсадан жудо бўлади, инсон номини оқлай олмайди. Чинор ака одамларга қаратса шундай дейди: “Йў-ў-ўқ, жигитлар, ўзимиз айнидик, ёнбошлабгина еб ётамиз, деган хомхёлга бордик” (27-бет). Бу фикр ҳам сиёсий, ҳам ҳаётый мазмунга эга. Ётиб еганга тоғ чидамайди. Кечаги социализм жамиятида одамлар шу кайфиятга келиб қолган эди. Бунинг оқибати барчага маълум. Айниқса, истиқлол даврида унинг моҳияти янада ойдинлашди. Демак, Чинор Мейлиев – ҳам дунёвий, ҳам замонавий шахс. Унинг замири, асоси эса билим ва уни ҳаётга тўғри йўналтиришда. Бундай руҳдаги одамлар чинор каби гуркирайди ва одамлар улар бағрида яшайди. Романдаги Абдулла бадқовоқ ва Эргаш акалар образида ҳам шу фикр ётади. Чунки улар ҳар бир ишга ақл билан ёндашгандарни учун турмушлари тинч ва фаровон.

Лолаҳон фожиасининг илдизи чукур. У ҳам сиёсий, ҳам инсонийлик хусусиятига эга. Сиёсий томони социализм ғоясини зўрлик билан бошқа юртга сингдириш асосида юзага келган. Афғон урушига бориб тақалади. Зўравонликнинг ниҳояси ҳамиша фожиадир. Инсонийлик жиҳати эса Дурбекнинг калта ўй ва пасткашлиги, Ашурдаги руҳий мувозанатнинг бузилишига бориб тақалади. Лекин кўпчилик Ашурнинг ор-номусни ҳимоя қилишда ўзбек миллатининг менталитетига боғлаб оқлаши мумкин. Бироқ асоссиз, исботсиз қилинган ҳар қандай ҳаракат тен-таклиқдир. Чунки Куръони Каримда шундай дейилган: “Эй, мўминлар, агар сизларга бир фосиқ кимса бирон хабар келтирса, сизлар (ҳақиқий аҳволни) билмаган ҳолингизда бирон қавмга мусибат етказиб кўйиб, қилган ишларингиз-

га афсус-надомат чекиб қолмасликларингиз учун (у фосиқ кимса олиб келган хабарни) аниқлаб-текшириб кўринглар” (“Хужурот” сураси, 6 – оят).

Ёзувчи роман охирида Лолаҳон қисмати ҳақида эшитгандарини, яъни “у қасалхонага етмай жон таслим қилгани, яна бир муждага кўра уни қариндошлари шаҳарга олиб кетганлиги, зўр-зўр дўхтилар қараётганлигини, ҳозир анча тузалиб қолганлигини” ёзади. Бундай мавхумликда катта фалсафа ётади. Бу билан адид гўзаллик, эзгулик, садоқат ўлмайди. Инсоният бор экан, у яшайди демоқчи. Бу жуда тўғри хулосадир. Бу романнинг барча қаҳрамонларига тегишилдири, чунки ўзлик ҳеч қаҷон ўлмайди.

Романдаги ёшлар образида бугунги кунда бир қадар андишасизланиб, айёрлашиб, соғлиги йўқолиб бораётганлигини жуда ишонарли очиб берилган. Айникса, бу борада Шабнам образи, Майсара, Тошибиларга қиёс қилинганда бугунги кун ёшлар ахлоқи яққол намоён бўлади.

Текшириш учун саволлар:

1. “Бозор” романида образлар системасида ёзувчи ғояси қандай ифодаланган?
2. Бозор сўзининг рамзий маъноси нимани англатади?
3. “Мувозанат” романида реал воқелик қандай ифодаланган?
4. Юсуф ва Амир образлари қандай аҳамиятга эга?
5. Исён ва итоатнинг моҳиятини ёзувчи қандай очган?
6. Турсунбой жонталаш ва Лариса хола қисматида ёзувчи қандай ғояни илтари сурган?
7. “Жазирамадаги одамлар” романининг ўзига хослиги нимада кўринади?

Таянч тушунчалар

Метод – юононча методос – изма-из бориш; йўриқни изчил давом эттириш, тадқиқотнинг ўзгармас йўсини; муайян соҳани илмий ўзлаштириш, тадқиқ этиш жараёнида пайдо бўлган қонун-қоидалар, усууллар мажмуи.

Методология – методнинг назарий асослари; билишнинг илмий методлари ҳақидағи таълимот.

Полифония – кўпқирралиқ, кўптимсолли, кўповозлилик; кўпмаънодошлиқ; инсонни бадиий қашф этиш; инсон муаммолари ва инсонпарварлик ғояларини улуглаш.

VI БОБ. ИСТИҚЛОЛ ДАВРИ ДРАМАТУРГИЯСИ

6.1. Истиқлол даври драмаларида тарихий воқелик ва бадиий тўқима

Режа:

1. Тарихий драмада бадиий тўқиманинг роли.
2. Амир Темур табиатининг деталларда ифодаси.
3. Амир Темур сиймоси тарихий манбаларда ва шеърий драмадаги талқини.
4. Тарихий ҳақиқатнинг шеърий драмада бадиий ҳақиқатга айланиши.
5. “Авлодларга васият” тарихий драмасида Соҳибқирон сиймосининг бадиий талқини.
6. “Авлодларга васият” драмасида воқеаларниң сирли баён қилиниши.
7. “Авлодларга васият” драмасида тарихий воқеаларга муносабат ва уларнинг тасвирланиши.
8. Тарихий драмаларда аёллар образи ва уларнинг руҳияти ифодаси.
9. Драмаларда тарихий ва тўқима воқеаларга фалсафий тус берилиши.

Адабиётлар

- А. Орипов. Танланган асарлар. 2-жилд. – Т.: “Фафур Ғулом” нашриёти, 2001.
- Оид Ёкубов. Қайдасан, Марико. – Т.: Шарқ, 2002.
- Ҳафиз Абдусаматов. Тарих ва бадиий талқин. – Т.: “Фафур Ғулом” нашриёти, 1995.
- Ҳафиз Абдусаматов. Драма назарияси. – Т.: “Фафур Ғулом” нашриёти, 2000.
- Тоҳир Исломов. Тарих ва сахна. – Т.: “Фафур Ғулом” нашриёти, 1998.
- Мустақиллик даври адабиёти. – Т.: “Фафур Ғулом” нашриёти, 2006.
- Бадиият жилолари. – Т., 2006.

Анъана ва замонавийлик. А. Навоий номидаги Ўзбекистон
Миллий кутубхонаси нашриёти. – Т., 2007.

Ҳар қандай тарихий асарда бадиий тўқима бўлиши муқаррардир. Чунки усиз ёзувчи олдига қўйган мақсадни, ғоясини, концепциясини илгари суриши душвордир. Сабаби худди шу нарсаларни амалга оширишга бадиий тўқима жуда қўл келади. Буни Абдулла Ориповнинг “Соҳибқирон” номли шеърий драмасида кўришимиз мумкин. Драмада жуда кўп тарихий шахслар фаолият кўрсатади. Лекин уларнинг етакчиси, албатта, Амир Темурдир. Ҳаёт ҳақиқатидан маълумки, тарихий шахслар билан боғлиқ бўлган воқеаларнинг барчаси ҳам унинг маънавиятини, ахлоқини, табиатини, руҳиятини, инсонийлигини ифодаламайди. Буни яхши англаган шоир бадиий тўқимадан унумли фойдаланган. Ҷрама Темурнинг соч олдириш эпизоди билан бошланади. Маълумки, биронта тарихий манбада драмадаги ҳолат айнан қайд қилинмаган. Лекин ҳаётда бундай жараён бир маротаба эмас, кўплаб содир бўлганлиги аниқ. Шоир шуларнинг биттасидан мақсад йўлида фойдаланади. Яъни Темурнинг оддий одамлардан ўзини айри тутмаслигини, уларга ишонишини, щунингдек, мард ва магрурлигини кўрсатишга, садоқатли одамни ажратса олиш хусусиятига эгалигини англатишга. Сартарошнинг “Хатто ҳазил-хузулни ҳам илтифот айлаб, Кулингиздан аямайсиз”, –деганига “Кул кўп, сен – ёлғиз”, – деб жавоб беради. Демак, унинг садоқатини кўп синовдан ўтказган. Сартарошнинг:

Соҳибқирон, бошингизни сал қуи эгинг,
Устарамнинг тифи ўткир, дами кўп тезкор, –

деганига Темур:

Сартарошга бош эгар, ха, жаҳонгирлар ҳам,
Бошқаларга эгилишдан асрасни Худо! –

дейди.

Ҳақиқатан, Темур умр бўйи бирорга бўйин эгмай, ўзининг уста саркардалигидан мағлуб бўлмай, йирик марказлашган давлат қурғанилиги барчага аён. Бунинг устига, стратег ва тактикага эга эканлиги невараларининг заковатини синов-

дан ўтказиш воќеасида жуда яхши очиб берилган. Темурнинг ҳарбий тактикаси, шўро давлатининг ҳарбий академияларида ўрганилган. Бу ҳақида зобит Мухаммад Қодир шундай ҳикоя қиласди: “Бундан ўн бир йил муқаддам Россия билан Финляндия чегарасидаги Виборг шаҳрида оғцерлар тайёрлаш курсида ўқирдик. Бир кун тактика ва стратегия ҳақида баҳс бошланди-ю, зобитларнинг унинг келиб чиқиши ҳақида гапиришни хушламаётганликлари сезилиб қолди. Биргина Ибрағимов деган янги келган зобитгина мийигида кулиб кўйди. У қалмоқ бўлиб, “оға”лар билан кўпам “қони қўшилавермас” эди. Тактика ва стратегия ҳақидаги саволларимиз жавобсиз қолаёзди. Аммо ўша қалмоқ зобит пайт пойлаб туриб, ўзбек ва тожикдан иборат бўлганимиз – бор-йўғи уч туркистонликни холи қилди-да, деди:

– Биласизларми, тактика ва стратегияни ким яратган? Соҳибқирон Амир Темур яратган. Ҳарбий билим юртларида, академияларда бу маҳсус ўқитилади...

– Шуни очиқ айтиб қўя қолишса бўлмасмиди? – сўрагандик ўша қалмоқ зобитдан. У ҳам шундан ҳайронлигини билдириди¹.

Шўролар даврида чоп этилган ҳам илмий, ҳам бадиий асарларда Амир Темурнинг золим, баджаҳл, табассум, шодлик унга тамом бегона тарзда ёзишган. Ҳатто унинг бу хусусиятлари гўё унинг зоҳирий кўринишларида ҳам ўз ифодасини топганлигини исботлаш борасида бош чаноғи асосида антрополог Герасимов гўё ҳақиқий қиёфасини, яъни ички дунёси ташки қиёфасида ўз ифодасини топгандек портретини қоп-қора, баджаҳл сифатида яратган. Ваҳоланки, уни ўз кўзи билан кўрган Ибн Арабшоҳ ёзиши бўйича тамом бошқача кўринишга эгадир. У ўзининг “Ажойиб ул-мақдур фи ахбори Таймур” номли асарида шундай тасвирлайди: “Темур гавдаси келишган, узун бўйли одам эди. Пешонаси очиқ, калласи катта, овози жарангдор бўлиб, куч-жасурлигидан қолишмас эди. Оқиши юзини, оч қизил ранг жилолантириб турарди. Елкалари кенг, бармоқлари, қовургалари узун, мускуллари кучли эди”.

Худди шундай фикрни замондоши Барбара Брэй ҳам “Ибн Халдун” номли мақоласида ҳам билдирган².

Одам юзининг жилоланиши ботинидаги эзгулиқдан, маънавиятдан далолатдир. Бундай фазилатга эга одамнинг

¹ Халқ сўзи, 1996 йил, 17 феврал.

² Карап: Турғун Файзиев. Темурнийлар шажараси. – Т.: Ёзувчи, 1995 йил. 37 – 38-бетлар.

чехраси равшан ва киши руҳиятини тез англовчи хусусиятга эга бўлади. Тарихий манбаларнинг гувоҳлик беришича Темур шундай шахс бўлган. А. Орипов достонида унинг бу хусусиятини тўғри қайд қилади:

Гап юрармиш, гўё Темур табассум қилмас,
Гўё унга хурсандчилик, шодлик бегона
...Одамларнинг баднафс
...Одамзодни бир дақиқа бежилов қўйсанг
Фажиб ташлар, еб битирап бир-бирларини.

Бу мисралар Темурнинг шўролар даврида билдирилган фикрларни инкор қилиши билан бирга, салтанатининг кўламини кенгайтириб ва марказлашган давлат қуришга муясар бўлиш сабабларини, шунингдек, унинг осойишталигини саклашга эришиш асосларини кўрсатади.

Саҳнадаги воқеалар, диалог ва монологлар шундай асосга курилганки, уларнинг бирида Темурнинг инсонийлик фазилати очилса, иккинчисида саркардалик маҳорати, учинчисида ҳукмдорлик фазилати, тўртгинчисида катта сиёsatдан, вазиятни олдиндан кўра билувчи билимдан аллома сифатида бўй кўрсатади. Шунингдек, тарихийлик ўз ифодасини топади.

Шу, яъни биринчи саҳнада Амир Ҳусайннинг кирдикорлари, сарбадорлар қисмати ва Темурнинг уларга бўлган муносабатидаги тарихий ҳақиқат очиб берилиб, шу воқеа билан нохуш фикрларга ойдинлик киритилади. Бу ҳақида Турғун Файзиев ёзади: “1366 йил баҳорда Амир Темур ва Амир Ҳусайн яна биргалашиб Самарқанд шаҳрининг Коничил мавзесига келиб тушадилар ва у ерда сарбадорларнинг қўлга киритган ғалабаларини табриклаб, уларнинг раҳнамоларини ўз лашкаргоҳларига таклиф қиласидар. Сарбадорларнинг бошлиқлари амирларнинг “бегараз” таклифига ишониб, лашкаргоҳларга келадилар. Бироқ Амир Ҳусайн сарбадорларни тутдириб, қатлга буюради. Фақат Мавлонзодагина Амир Темурнинг қилган жонбозлиги натижасида қатлдан омон қолади. Шундан маълум бўладики, ҳарҳолда, сарбадорлар ҳақида Амир Темур билан Ҳусайннинг фикрлари бошқабошқа бўлган... лекин воқеадан сўнг Амир Темур билан Амир Ҳусайн ўртасида ўнгланмас низо вужудга келади”¹.

¹ Турғун Файзиев. Темурйлар шажараси. – Т.: Ёзувчи, 1995 йил, 21-бет.

Драмада бу тарихий воқелик Темур тилидан бадиий ҳақиқатга айлантирилар экан, ўз навбатида, Соҳибқироннинг жўмардлигини ҳам ифодалайди. Темур шундай дейди:

Сарбадор, ҳа, сарбадорлар!
Мардонавор кўриқлади улар шахарни,
Улоқтириб ташладилар мўғул қўшинин.
Сен билан мен тайёр ошга баковул бўлиб
Салтанатни тортиб олдик сарбадорлардан.

Хақиқатни тан олишлик чўнг жўмардликдир. Темурнинг инсонийлиги эса Амир Ҳусайн тилидан берилади:

Мен билардим, мойил эдинг сарбадорларга,
Дордан олиб қолган эдинг улардан бирин,
Исми унинг Мавлонзода.

Темур билан Амир Ҳусайн ўргасида узоқ давом этган низова Ҳусайннинг субутсиз, ўз манфаати йўлида ҳар нарсадан кешиб юборадиган шахс эканлиги эса Улжой Туркон воситасида очилган:

Афсуски, мен хабардорман бунинг баридан,
Неча йилдир оранғизда қора хусумат.
Ака, Сизнинг жонингизни Улуг Амирдан
Қанча марта сўраб олдим йиғлаб, ёлвориб.

Лекин бу сафар у авф этилмайди, амир, бекларни, хусусан, хутталонлик Кайхусравга азалий қасосини олиши учун унинг қўлига топширилади.

Шарафуддин Али Яздийнинг ҳикоя қилишича, 1403 йили Амир Темур Боилкон шаҳрида олимлар кенгашини чақириб, ўзи нутқида шундай деган: “Фан ва диннинг машхур кишилари ўз маслаҳатлари билан подшоҳларга ёрдам бериб келганлар. Сизлар эса менга нисбатан бундай қилмаяпсизлар. Менинг мақсадим – мамлакатдаadolat ўрнатиш, тартиб ва тинчликни мустаҳкамлаш, фуқаронинг турмушини яхшилаш, юргимиизда курилишни кенгайтириш, салтанатимизни ривожлантиришdir. Бу ишларни амалга оширишда

сизлар ўз маслаҳатларингиз билан менга кўмаклашмоғингиз лозим”. Бундан кўриняптики, Темур ҳар ишни бамаслаҳат билан қилган. Бу ҳукмдор учун катта фазилатдир. Қонун асосида бошқарилган давлатдагина адолат тантана қиласди. Темур давлатни шундай қонун асосида бошқарган. Унинг қонунни “Тузук” деб атаган. Шеърий драмада бу тарихий ҳақиқат Темур образи орқали очилган. У шундай дейди:

Бирор мушкул муаммони ҳал этар бўлсак,
Кенгаш қилдик аҳли дину вазирлар билан.
Кенгаш қилдик баҳодирлар, амирлар билан.
... Бироқ фармон ягонадир,
Салтанат битта.
Ҳар қандай давлатни ҳам бошқармоқ учун,
Энг аввало, йўриқ керак,
Қоида даркор.
Чингиз буни Ясо деган,
Биз Тузук дедик.

Маълумки, ҳар қандай қонун, йўриқнома ва қарорнинг асоси заковат ҳамда билимдир. Агар кишида шу нарса бўлмаса, ҳеч қандай қонун ҳам, йўриқнома ҳам юзага келмайди, қарор ҳам қабул қилинмайди. Темур сўзсиз заковатли ва билимдон, яъни кўп билимлардан боҳабар шахс бўлган. Бу борада кўп тарихий манбаларга суюниб, Турғун Файзиев шундай ёzáди: “... Амир Темур тиббиёт, математика, астрономия, тарих, адабиёт ва тилшунослик илми намояндалари, шунингдек, илоҳиёт ва дин соҳасидаги машҳур кишилар билан шахсий сұхбатлар ўтказарди. Бу сұхбатларда ҳаётнинг муҳим масалалари тўғрисида, Мовароуннаҳр ва Хоразмдан ташқари, Олтин Ўрда, Оқ Ўрда, Хурросон, Ҳиндистон, Эрон, Ироқ, Туркия, шунингдек, бутун Магрибни ўз ичига олган салтанатга оид ишлар ҳақида гап борарди”¹.

Бу тарихий воқелик ҳам достонда ўз ифодасини топган, яъни Темур образида бадиий ҳақиқаттага айлантирилган. Темур шундай дейди:

Давлат асло таваккалнинг меваси эмас,
У раийят,

¹ Турғун файзиев. Темурийлар шажараси. – Т.: Ёзувчи, 1995. 38-бет.

Яъни халқнинг ғуж иродаси.
Унинг асос таянчидир Ушбу уч жаҳон,
Ягона шоҳ,
Мўл Хазина,
Енгилмас лашкар.

Бу пурхикмат сўзни Темур айта олишига киши ишонади, ўз навбатида, унинг дунёкараши ва концепциясидир. Бу концепция ўз даври концепциясини белгилаш билан биргаликда, бугунги кунга ҳам асқотади. Яъни давлат ва унинг таракқиёт моҳиятини англаш ҳамда англатишга қўл келади. Айниқса, мана бу гапда қайсиdir маънода Президентимиз илгари сураётган фикрларга, қилаётган ишларига ҳам оҳанглик бор:

Пешволарга ҳурмат кўргазинг,
Дараҳт экинг,
Гул ўтказинг,
Иморат кулинг!
... Ҳар қандайин салтанатнинг обрўси эса
тайин бўлгай илм билан,
маърифат бирлан.
... Она юртим Кеш шаҳрида бир Сарой қурдим.
У – Оқсарой!
Ниятимиз каби покиза.
Агар кимки шубҳа қилса шавкатимизга,
Оқсаройни бориб кўрсин!

Шахснинг буюклиги фақат жангу жадалларда қўлга киритган ғалабалар ва мардонаворлик билан белгиланмайди, балки эзгу аъмоллар унинг улуғлигини белгилайди. Амир Темур иккала фикрга тегишли шахсадир. Унинг жанглари босқинчилик йўлида урушлар эмас, балки яхшилик, яъни халқни ва келажакни ўйлаб қилинган ҳаракатдир. Мана бу борада академик Бўривой Аҳмедов ўзининг “Амир Темур” роман-хроникасида нима дейди: “... бутун дунёга, ҳеч бўлмаса, унинг ярмига хукмрон бўлиш эмас, балки жумла жаҳонни ҳар тоифадаги адолатсиз подшоҳ ва муфсидлардан (фасодчи, бузгунчи) ҳимоя қилиш, бозоргон ва зиёратчиларни йўлтўсар босқинчиларнинг зулмидан кутқариш, феодал тарқоқлигига барҳам бериб, мар-

казлашган давлат барпо этиш орқали ўзаро низоларни йўқ қилишни ният қилган”.

Шеърий драмада шу нарсага катта эътибор берилган ва бадиий ҳақиқат, яъни қаҳрамоннинг фаолиятида очилган. Темур амирларга қарата шундай дейди:

Урушларни даф этишнинг йўли эса бу:
Қонунларга ҳар ким сўзсиз риоя қилгай.
Ҳамма учун баб-баробар бўлсин адолат!
Менинг улуғ ва бепоён мамлакатимда
Қароқчию йўлтўсарнинг дасти қирқилган.
Гар ўғрилик содир бўлса бирор ўлкада,
Биз дедикки, жавоб берсин юртнинг ҳокими
Ё тўласин ўз ҳамёнидин.

Бу фикрнинг умумбашарлиги шундаки, у ҳар бир даврда ҳам долзарбидир. Чунки унга амал қилган ҳар жамият ҳақиқий демократик давлатга эга бўлади. Ўз навбатида, Темурнинг қандай инсон бўлганлигини кўрсатади.

Кишининг ички маданияти, юксак ахлоқлилиги аёлларга бўлган муносабатда яққол кўринади. Темур шундай шахс эди. Бу ҳақида Муҳаммад ибн Арабшоҳ ўзининг “Ажойиб ул-макдур фи ахбори Таймур” китобида шундай дейди: “У ёлғон-яшиқнинг душмани бўлиб, ҳазилни ёқтирасди. Ўзининг олдида қотиллик, аёллар номусига тажовуз қилганлик, мазлум ва мазлумаларни зўрлаш, талон қилиш ҳақида гапиришга йўл кўймасди”. Драмада унинг бу хусусияти ҳам ўз ифодасини топган. Мироншоҳ хотини Хонзодабегимни сарҳушлигига урганлиги, у қайнотасига бундан шикоят қилганда, ўғлини қирқ кун зинданда ётишга маҳкум қилиши катта инсонийлигидан далолатdir. Темурнинг қуидаги гаплари теран тарбиявий аҳамиятга эга бўлиши билан бирга, аёлларга бўлган чуқур меҳрини ҳам ифодалайди, шунингдек, аёлларнинг ҳаётдаги ўрнини белгилайди:

Аёл кишига
Қўл кўтариш нималигини билурмисан?
Айт!
Сен-ку одам боласисан,

Қайси бир ҳайвон
Эмәётиб, узиб олар онасин кўксин,
Шоҳларни-ку қўя турай,
... Набилар ҳам туғилған-ку аёл зотидан.
... Аёл зоти хонадоннинг шамчироғидир,
Ўша чироқ ўчмасин, деб жанг қиласиз-ку?

Аслида, Мироншоҳга берилган жазо ҳам, Ҳонзодабегим-нинг шикояти ҳам ўзгача бўлган. Мироншоҳ Шимолий Эрон, Ироқ, Закавказиядек улкан мамлакатни идора қилган. Пойтахтини Озарбайжоннинг Султония шаҳрига ўрнатган. Кейинги йилларда майхўрликка, майшатга ружу қўйиб, давлат ишларига қарамай қўяди. Шаръий ва ношаръий хотинлар олишни кўпайтиради. Давлат ҳазинасини совуради. Ҳарамидаги хотинларига ҳам ҳар хил тухмат ва бўхтонлар қилиб, жабрзулмни ҳаддан оширади. Ҳонзодабегим ақлли бўлгани учун бунинг оқибати аянчли бўлишини англаб, 1399 йилда эридан яширинча Самарқандга қайнотаси Темур хузурига келиб, Мироншоҳнинг кирдикорларидан шикоят қиласиди. Турғун Файзиевнинг ёзиши бўйича, севикли келинидан бу аҳволни эшитиб, қаттиқ изтиробга тушади, бир ҳафта йиглаб, ҳеч кимга қўриниш бермайди. Сўнг етти йиллик юришга бел боғлаб, йўлйўлакай қўққисдан Озарбайжонга бостириб киради. Султонияга киргач, дарҳол Мироншоҳ ва унинг ҳамтовоқлари – аркони давлатини тутдириб, зинданга ташлатади. Сўнг Мироншоҳ ва унинг аркони давлатига ўлим жазосини эълон қиласиди. Темурнинг диний раҳнамоси, пири Барака ва айрим амалдорлар бу ҳукмга қарши турадилар. Уларнинг: “Ислом қиличига фарзандкушлиқ исноди дод бўлиб тушмоги муқаррардур”, дейишганига қарши Темур: “Мен аҳкоми шариатда эмас, ўз салтанатимда тартиб ўрнатмогим лозим!” – дейди. Сайд Барака бошлиқ барча амир ва беклар ҳамда шахзодалар ўртага тушиб, Мироншоҳнинг гуноҳидан ўтишни Темурдан илтижо қилиб, ёлворишгач, шахзода ўлимдан ОМОН қолгани билан, жазосиз қолмайди. Мироншоҳ ҳокимиятдан четлатилиб, унинг ўрнига иккинчи ўғли Умар шайх Мирзо тайинланади. Катта ўғли Абубакр Мирзо отаси Мироншоҳнинг бундан буёқ ўзи билан бирга қолишини бобосидан илтимос қиласиди. Абубакр Мирзонинг илтимоси қондирилгач, у отасини ўз ҳукмида бўлган Бағдоддага

олиб кетади¹. Агар драмада шу ҳолатлар бадий акс эттирилганда асарнинг жозибаси ошиши билан бирга, Темур образининг улуғлиги ортар ва буюк шахслиги янада ойдинлашарди.

Бибихонимнинг Темурнинг шахсий ва сиёсий ҳаётида ўйнаган роли ва давлатда маънавий ҳамда маърифий ишларга раҳнамолиги, шунингдек, шаҳзодаларнинг буюк шахслар бўлиб етишдаги хиссаси тарихдан маълум. Драмада мазкур ҳолат ҳам ўзининг бадий ифодасини топган. Бу ҳол икки нарсага хизмат қилади. Биринчиси, аёлларнинг ижтимоий ҳаётдаги роли қадимдан катта бўлганлигини, уларнинг ақлзаковати эркаклардан ҳеч кам эмаслигини кўрсатса, иккинчиси, Амир Темурнинг хур фикрли шахс эканлигини кўрсатишга. Чунки ўз даврида мутаассиб диндорлар аёллар иқтидорини камситиб, уларнинг ижтимоий ҳаётдаги ўрнини чеклаганда, ҳукмдорнинг улар қарашларига қарши бориб, аёлларга ҳурмат билан қарashi ва уларнинг заковатига ишонч билдириши шундан далолат беради.

“Темур тузуклари”нинг француз тилига таржимони (асар 1787 йилда таржима қилинган) Л. Лянглэ таржима муқаддимасида Темур томонидан Боязиднинг асир олиниши ва Соҳибқироннинг унга кўрсатган илтифоти хусусида шундай ёзади: “Темур кун бўйи бўлган жанглардан чарчаб, тўшакда ётганида, унинг чодирига қўл-оёқлари боғланган Боязидни олиб келишади. Кутимагандан Боязидни кўриб ҳаяжонга тушган ғолиб Темур ўзини кўз ёшидан тутиб қололмайди: Боязиднинг олдига пешвоз чиқиб, уни кишандан бўшатишларини буюради ва қабулхонасига олиб киради.

Шунда, Темур ўз маҳбусини ёнига ўтиргизиб, унга дейди: “Боязид! Бахтсизлигингиз учун ўзингизни айбланг: бу ўзингиз эккан дараҳтнинг тиконлари. Мен сизнинг олдингизга енгилгина шарт қўйган эдим. Сизнинг рад жавобингиз мени сизга қарши ўзим ҳеч ҳам ҳоҳламаган ҳаракатни қилишга мажбур этди. Мен сизга зарар келтиришни истамагандимгина эмас, балки сизнинг душманларингизга қарши урушишингизга ёрдам беришни ҳам ният қилган эдим. Ўжарлигингиз ҳамма ишни йўққа чиқарди. Аттанг! Агар ютуқ сиз томонда бўлганда эди, менга ва қўшинимга қандай муомала қилишингизни биламан. Шундай бўлса ҳам, хотиржам бўлиб, кўнглингиздаги даҳшатни чиқариб ташланг; мен ҳаётингизни сақлаб қолиш би-

¹ Қаранг: Темурийлар шажараси. 165 – 169-бетлар.

лан ўз галабам учун фалакка таҳсин-ташаккур айтмоқчиман”¹.

Бу Амир Темурнинг инсонийлигини кўрсатадиган ҳақиқатдир. Драмада мазкур воқелик бадиий ҳақиқатга айлантирилган. Темур шундай дейди:

Ўз бошингга ўзинг етдинг.
Икрор бўл, Султон
Такаббурлик ва манманлик хунаринг бўлди
... Бильакс, сени муҳофаза қилурман, Султон.
Турк элининг ноҳияллик тарихига Сен
Тирик тимсол сифатида яшаб юргайсен.
Хурматинг ҳам шу қадрли бўлади, қўрқма,
Илтимосу тилагингни сен айтсанг – дуруст кун.

А. Ориповнинг ютуғи шундаки, тарихий воқеалар замирига бугунги кун масалаларини ҳам сингдириб юборади. Мазкур ҳол Темурнинг ушбу гапида яққол ўз ифодасини топган:

Туркийларнинг икки шохин гижгижлаб қўйиб
Уриштириш кимга зарур бўлганин ўйла.
Оврўпонинг найрангига лакқа учдинг-у,
Соҳибқирон Темурингдан юзни ўтиридинг.

Ушбу фикр асрлар давомида қардошлиқ иплари боғланиб келган Марказий Осиё ҳалқлари ўртасида ҳозирда қандайдир совуқликни ҳукм суришини туб асосларини англатади, бизнингча. Темурнинг ҳаёли Яссавий руҳи билан мулоқотида, уларнинг диалогларида дунёни барқарор қиласидиган нарса жангу жадаллар, моддий қудрат эмас, эзгулик, маънавият эканлиги таъкидланадики, бу бутун башарият эътиборини қаратадиган ғоядир.

Умуман олганда, драма деярли тарихий воқеликка суюниб ёзилган. Кўриб ўтганимиздек, образлар бадиий ҳақиқатга айлантирилган. Лекин шунга қарамай, баъзи бир эътиrozли ўринлар ҳам бор. Драмада кўпроқ монолог етакчилик қиласиди. Бу асар жозибасини, томошибинларнинг диққатини жалб қилишни сусайтирган. Маълумки, драма бу ҳаракат жанридир. Зоро, шундай бўлгач, қаҳрамонларни, хусусан, Темурнинг ха-

¹ Қаранг: И. Мўминов. Таъланган асрлар. Биринчи том. – Т.: Фан, 1969. 456 – 457-бетлар.

рактери, табиати диалогда, ташкни олам ва одамларга бўлган муносабатда, воқеалар оламида очиб берилганда, биринчидан, асарнинг жозибаси ортарди, иккинчидан, қаҳрамоннинг қандай шахс бўлганлиги янада ёрқинроқ бўй кўрсатарди. Шунингдек, ички туйғуларга эътибор қаратилмаганлиги ҳамда драматик даврда драматик ҳолатларнинг деярли кўзга ташланмаслиги ҳам кечиравли ҳол эмас.

Бундан ташқари, тарихий фактларни бузиш ҳолатлари кўзга ташланади. Масалан, драмада Амир Хусайннинг синглиси, Амир Темурнинг хотини Улжой Туркон бу сафар акасининг кечириб бўлмас гуноҳлари ўз исботини топгач, унинг жонини сўраб олишга кўзи етмагач, акасининг “Бу Темур учун” деб ёзилган камон ўқини Темурдан “У даҳшатли бир тарихдан хотира бўлгай”, деб сўраб олгач, ўз хонасига кириб, ўша ўқ билан ўзини ҳалок қиласди (У ўзини ҳалок этмиш, манов ўқ билан). Ваҳоланки, тарихчиларнинг гувоҳ беришича, Улжой (асли исми Камолой) Туркон 1366 йилда касалликдан вафот этган. Амир Хусайн эса 1370 йилда асир олиниади ва қатл этилади. Яна драмада Темур Амир Хусайнга қаратса “Кайхисравнинг отасини ўлдиргандинг”, – дейди. Кайхисрав ҳам: “Урушларда қон тўкилгай, мен ҳам англамай, Падаримни ўлдирган-ку шу номард, аммо”, – дейди.

Шарафуддин Али Яздийнинг ёзиши бўйича, 1360 йилда амир Хусайн хутталонлик Кайхисравнинг акаси Кайкубодни қатл қилдирган. Бу борада Турғун Файзиев шундай ёзади: “Амир Хусайн асирга олингач, Амир Темурнинг ижозати билан акаси Кайкубоднинг қасосини олишга муваффақ бўлади. Амир Хусайн Кайхисрав қўлида катл этилади”¹. Тўғри, тарихий асарларда ҳам мақсадга йўлантириш, яъни адаб ниятини амалга ошириш йўлида тўқимага, фактларга қатъий амал қилмасликка йўл қўйилади. Лекин буни аниқ тарихий шахсларга нисбатан қўллаш жоиз эмас. Шунингдек, Мухаммад Қовчиннинг аниқ далилларсиз,

Аълоҳазрат, қассобларда инсоф қолмаган,
Мижозларни алдайдилар, Худодан кўрқмас.
Менинг ўзим гувоҳдирман, кўрдим барчасин, –

деган фикрига Темурнинг:

¹ Турғун Файзиев. Темурийлар шажараси. – Т.: Ёзувчи. 1995 йил, 22-бет.

Хар даҳада бир нафардан иоинсоф қассоб
Ўзи қурган канорага осиб қўйилсин! –

деган қарори, юқоридаги Темур ҳақида айтилган, яъни ҳар бир нарсага олим ва уламолар билан кенгашиб, бамаслаҳат, ҳар томонлама ўйлаб, фикрлаб қўл уради деган фикрларга зиддир.

Одил Ёқубовнинг “Авлодларга васият” тарихий драмаси ҳам Соҳибқироннинг умрининг сўнгги кунлари билан боғлиқ воқеалар қаламга олинган. Лекин шунга қарамай, киши Амир Темурнинг шахсияти, унинг табиати ва қандай қалбга эга бўлган инсонийлиги ҳақида кенг маълумотга эга бўлади. Чунки Соҳибқирон аввалги асарларда тасвирангандек фақат моҳир саркарда, қаттиқкўл таҳт эгаси бўлиб эмас, гўзалликка мойил, адолатли, барча нарсанинг тош-тарозисини тўғри қўя биладиган, ҳаётни, вазиятни теран англайдиган ва тўғри хулоса чиқарадиган, ўз халки ҳамда давлатининг келажаги учун қайгурадиган, шунингдек, тинчликни барқарор тутадиган, фарзандлари, беклари, ўргасида бузувчи эмас, қурувчи инсон сифатида гавдаланади. Ёзувчи воқеалар олами тасвирида бунга эришган.

Драма икки парда, тўрт кўринишдан иборат. Ҳар кўринишда Соҳибқироннинг турли инсоний қирралари очила боради. Асар воқеаси киши диққатини тортадиган, яъни қалби изтиробга тўла, хаста Темурнинг ҳолати тасвиридан бошланади. Соҳибқирон ички монологда ўзига-ўзи хитоб қиласди: “Бибим, биби жоним. Излай-излай кексайганда топган дуру гавҳарим. “Нечук мени кутмадинг? Мени кутмай азиз жонингга қасд қиласдинг?” Бу ҳолат сабаби сир тутилади, у тобора фожий тус ола бошлайди. Соҳибқирон кўзига кўринган малак томон интилар экан, малак (Сулувкўз) унга хитоб қиласди: “Йўқ-йўқ, мен кетган макон томон талпинманг. Ҳали бул маконда киладурғон савоб ишларингиз кўп! Худойим сизни шул инятларингизга етказгай. Мен томон шошилманг, сира шошилманг”. Бу маҳзун ҳол киши, яъни томошабин қалбига ҳам кўчиши шубҳасиздир. У, ўз павбатида, кишини босиб ўтган йўллари хусусида мушоҳада қилишга ундейди. Мушоҳада қилиш эса эзгулик сари ташланган қадамдир.

Биринчи парда, биринчи кўринишда Соҳибқирон важоҳатидан одам олдига борадиган шахс эмас, балки ҳамма қатори туйғуларга берилатурган инсон сифатида гавдаланади.

Бу уни эшик оғаси, күриқчиси, канизакларга бўлган муносабатларида ва уларнинг ҳам ҳеч тортинимай ҳаракат қилишларида кўринади. Мазкур ҳол Амир Темур самимий инсонлигидан далолат беради. Шунингдек, бу эпизод, ҳар қандай музaffer юриш замирида фожеа ётишини, у кўпчиликнинг умр шамини ўчириши мукаррар эканлигига ишора қилади.

“Парда очилиши билан чап томондаги эшикдан қўлларида ноз-неъматлар тўла баркашлар, Сулувқўзнинг канизлари опасингил Сарагул ва Ақчагул кирадилар. Шу заҳоти ташқарида ноғоралар гумбури, карнайлар садоси янграйди, отлар кишнайди”. Бу Йилдирим Боязидга қарши музaffer юриш-нинг ифодасидир. Драматург манна шундай қисқа тасвирда бутун бир тарихни кўз олдингизда гавдалантиради. Биз бу пардада Сулувқўз билан яқиндан танишамиз ва Боязидга қарши юришнинг сабабларини англаймиз. Соҳибқирон туш кўради. Одил Ёқубов уни шундай ёзади: “Тушимда гойибдан сас келмиш. Қулоқ солсам... Жаннатмакон пири муршидим Сайд Барака эрмиш. Ул зоти шариф айтадиларки, Эй, Соҳибқирон! Бирламчи, Оллоҳнинг Мағриб давлатинг хатар остида дермиш. Худудсиз юртингмиш. Ул Шер сарҳадингга ҳамла қилиб, қудратли давлатингни ер ила яксон қилмоқ режасини тузмиш, деди пирим”.

Тарихда, ҳақиқатан ҳам, Боязид Йилдирим туркман Қора Юсуф иғвоси билан Амир Темур устига лашкар тортишга қарор қилади. У Миср ва Шом аскарларини ҳам ёрдамга чақиради.

Бундан кўринадики, Боязид катта кучга эга эди. Шундан драмада Соҳибқироннинг яратганга илтижо қилиши мантиқлидир. Драматург буни тўғри англаған ва тўғри қайд қилган. Бу ҳолни кўйидагича беради: “Эй, парвардигори олам! Қирқ йил бу осий бандангдин иноятингни дариг тутмадинг, умид қиласман, бундан кейин ҳам меҳру шафқатингни дариг тутмассан. Шу элни деб, юртим сарҳади бехатар бўлсун деб, мана, бул мушкул сафарга отландим, аммо ундан тирик қайтаманму, киндиқ қоним тўқилган бул замин, не машаққатлар ила бунёд этғон бул дорулсалтанатни қайта кўрмоқ насиб этарму, йўқми – ўзим ҳам билмайман!” Мазкур эпизодда Соҳибқирон Яратганга ҳамиша тавалло қилувчи чин мусулмон ва ўз эли, юртингни тинчлиги учун жон фидо қилувчи шахс бўлиб гавдаланади. Бу талотўмларга тўлиқ бугунги дунё учун катта аҳамиятга эга-

дир. Шунингдек, суюкли Сулувкўзнинг кўнглига ғулув, дилига шубҳа солган хатарли юришдан қайтаришга уриниши асосли эканлигига кишини ишонтиради.

Ҳар қандай аёл Оллоҳ қовуштирган жуфти ҳалолининг фақат ўзиники бўлишини истайди. Ақили, доно аёл эса буни сиртдан билдирамайди, лекин ич-ичидан шуни ҳоҳлади. Драмада бу ҳаётий ва руҳий ҳақиқат жуда нозик берилган. Музофар юришдан олдин битмаган жомеъ масжидини тугатишни Соҳибқирон Сулувкўзга топширади. Буни эшитган Биби Сардор (Бибихоним) ниҳоятда куйинади. “Қариган чоғимда бул не ҳақорат, не қисматларни раво кўрдинг. Мен баҳти қарога!” – деб нолиыйди. Бу ҳол икки ҳаётий мантиққа хизмат қиласди. Яъни бири ҳиссий туйгу одамнинг заковатига соя ташлашини асосласа, иккинчиси, масъулиятли, катта юмушни ниҳоясига етказиш ҳар кимнинг қўлидан келмаслигини кўрсатади.

Ҳақиқатан ҳам, Темурни ҳис туйғулари тўрига ўралашиб, Бибихонимдек аёлни ранжитиши ўзига қимматга тушдики, бу фоят ибратли ҳолдир.

Драманинг иккинчи кўриниши Сарагул чопар кийимида Сулувкўздан мужда олиб келиши, қўриқчи Босқонбекни Темурга отилган камон ўқига ўзини қалқон қилиши Боязид билан Соҳибқироннинг ўзаро сұхбати асосига қурилган. Бу қисқа эпизодлар катта мақсадларга йўналтирилгани учун фикрий кўламдорликка эга. Бу эса кишини воқеадан мантиқий хулоса чиқаришга ундейди. Сарагулнинг мактуби, Темурнинг йўқлиги саройда ифво, фисқу фужурнинг авж олиши унинг ҳарамидагина эмас, ҳаётда, салтанатда тутган ўрни қай даражада эканлигини белгиласа, Босқонбеклинг Темурга отилган ўққа ўзини қалқон қилиши Соҳибқирон доимо таҳликали ҳаётда яшашини кўрсатиш билан унга яқин одамларни садокатини ҳам англатади. Мълумки, яхши одамга ўз бурчидан ўтказиб садоқат кўрсатилади.

Боязид билан Темур мuloқотида тарихий ҳақиқат тўғри ифодаланганлиги билан бирга, хукмдорнинг инсонлиги намоён бўлади. Кўп манбаларга суюнган Турғун Файзиевнинг ёзиши бўйича, бу воқеа қуидагича кечган: “Қўли боғлиқ Боязидни хуфтон вақтида Амир Темурнинг хузурига олиб келишади. Шу аснода Амир Темурда шоҳона мурувват жўш уриб, Боязиднинг қўлларини ечиб, унга меҳрибонлик билан иззатикром кўрсатишларини буюради. Сўнгра Боязидни ўзининг ёнига ўтказиб, дўстона сұхбатлашади

...Бахтсизлигингиз учун ўзингизни айбланг: бу ўзингиз эккан дарахтнинг тиконлари. Мен сизнинг олдингизга енгилгина шарт кўйган эдим. Сизнинг рад жавобингиз мени сизга қарши ўзим ҳеч ҳам ҳоҳламаган ҳаракатни қилишга мажбур этди. Мен сизга зарар келтиришни истамагандимгина эмас, балки сизнинг душманларингизга қарши урушишингизга ёрдам беришни ҳам ният қилган эдим. Ўжарлигингиз ҳамма ишни йўққа чиқарди. Аттанг! Агар ютуқ сиз томонда бўлганда эди, менга ва қўшинимга қандай муомала қилишингизни биламан. Шундай бўлса ҳам, хотиржам бўлиб, кўнглингиздаги даҳшатни чиқариб ташланг; мен ҳаётингизни сақлаб қолиш билан ўз ғалабам учун фалакка таҳсин-ташаккур айтмоқчиман”, – дейди ҳамда ўз қароргоҳи ёнида Боязидга маҳсус чодир куриб беришларини ва унга шоҳона илтифот кўрсатишларига амр қиласди¹. Драмадаги сухбат ҳам шунга ҳамоҳанг. Лекин унга фалсафий тус берилган. Бу тўғри йўналишдир. Соҳибқирон асосли, тарихий тўғри фикрдан сўнг шундай дейди: “Камина сени кўзи кўр бир фақир десам, дилинг ҳам кўр экан, Боязид!” Бу сўзга қарши Боязид шундай дейди: “Бирдан-бир насиҳатим: Мен басир бу дунёга устун бўлурман, деб ўйлагон эрдим – бўлолмадим. Сен чўлоқ ҳам устун бўлолмайсан”. Мазкур сўз замирида катта ҳақиқат ётади, яъни бутун дунёни эгаллайман деб одамларнинг тинчини бузиш, ҳаётда талотўмларни юзага келтириш инсонийликдан эмас, Аллоҳнинг иродасига қарши боришдир. Шундан бу фикрни фақат Амир Темурга айтилган деб тушуниш керак эмас. У умумлашма характерга эга бўлиб, бутун хукмдорларга айтилгандир.

Иккинчи парда, учинчи кўринишда Сулувкўз фожиаси ётади. Маълумки, Амир Темур Боязид устига юришдан олдин чалиа қолган масжиди жомеъни тугалиланини Сулувкўзга тоиниради Шунда Биби Сардор ҳайратда: “Масжиди жомеъ курилишини оғзидан она сути кетмаган шул норасо гўдакка юкладингиз? Олампаноҳ!” – дейди. Биби Сардорнинг ҳайратга тушиши ва хавотир бўлганича бор эди. Чунки кенг фикрга ва ҳаётий тажрибага эга бўлмаган Сулувкўз катта хатога йўл кўяди. У фақат Амир Темурнинг буйруғини бажараман деб, салтанат, Соҳибқирон ва ўзининг шаънини унутади. Меъморнинг “...курилишини тугатмай масжиди жомеъ пештоқидан ўзимни ташлайман”, деган сўзига ишониб, юзидағи парда устидан

¹ Тұрғын Файзиев. Темурнайлар шажараси – Т.: Ёзувчи. 1995. 34 – 35-бетлар.

бўса беришга рози бўлади. Оқибатда ёноғида тамга қолади. Бу Аллоҳнинг жазосидир. Чунки ҳар қанақа эзгу йўлида бўлмасин, никоҳдаги аёлга бегона эркакнинг нафаси тегиши катта гуноҳдир. Куръони Каримда шундай дейилади: “Парвардигорингизнинг Ўзи бандаларининг гуноҳларидан етарли хабардор, огоҳдир” (“Ал-исро” сураси, 17-оят). Сулувкўз ёноғидаги доғ билан Соҳибқиронга рўпара келишдан чўчиб, дарчадан ўзини ташлаб ҳалок бўлади. Ўйламай қилинган иш салтанат аёллари ахлоқи ҳақида ёмон фикр тугдириши билан бирга, ўзини ёш умрига завол келтиради. Бу ҳолнинг замирида ҳам ҳаётий, ҳам фалсафий ҳақиқат ётадики, у ҳақида мушоҳада қилиш кишини ҳар ишда фикрлаб қадам ташлашга ва оила, инсоний шаън барча нарсадан устун туриши каби пурҳикмат фикр киши онгига сингдирилади. Бу ҳаётий ҳақиқатнинг, сўзсиз, тарбиявий аҳамияти каттадир.

Тарихий манбаларда Амир Темур хотинлари ичida Сулувкўз исмли аёл учрамайди. Баъзи бир ҳалқ ҳикоятларида меъмор Бибихонимни севиб қолиши, у тухум воситасида жуда чиройли жавоб берганлиги ёзилади. Бу ҳодиса ақл кучига эга бўлганлиги учун уни бир погона юқори кўтаради ва аёлларга катта ибрат мактаби бўлади.

Турғун Файзиевнинг ёзиши бўйича, Чўлпон Мулк Оғо деған хотини ниҳоят даражада гўзал бўлган. Ибн Арабшоҳнинг таъкидлашича, гўё Чўлпон Мулк Оғо Амир Темурга вафосизлик қилгани туфайли Соҳибқирон ўз қўли билан бўғиб ўлдирган¹. Одил Ёқубов Сулувкўз образида Чўлпон Мулк Оғо образини кўзда тутгани эҳтимолдан ҳоли эмас. Демак, бу воқеа тарихий илдизга эга.

Пъесанинг иккинчи парда, тўртинчи кўринишида Соҳибқироннинг ўлими ва асарнинг нима учун “Авлодларга васият” деб аталганига аниқлик киритилади. Адид бу ўринда тарихий ҳақиқатга жуда яқинлашган, яъни тарихий ҳақиқатни бадиий тўгри акс эттирган. Соҳибқироннинг фоний дунёдан бокий дунёга риҳлат қилишини шунчалик таъсирчан, ҳаётий ва ёрқин тасвирлагани, гўё киши шу ҳолатни тепасида тургандай хис қиласи. Ва Амир Темурнинг иродасига тан беради, унинг яқинларига айтган пурҳикмат сўзлари бутун келажак авлодга, бугунга қаратга айтилганини қалбан тужди. Мана, у нима деди:

¹ Турғун Файзиев. Темурийлар шажараси. – Т.: Ёзувчи. 1995. 81-бет.

“Биз қирқ йил бирга от сурдик. Оллоҳ берган туз-насибани бирга баҳам кўриб, Машриқдан Мағрибга чўзилган ҳудудсиз давлат қурдик. Аммо ёдларингда бўлғай. Давлат ҳар қанча қудратли бўлмасун, унинг томирига болта урадиган уч хатар бор: бирламчи ўзаро ноаҳиллик, иккиламчи жаҳолат, учинчиси тарафкашилик. Шул уч хатардин эҳтиёт бўлсангизлар, факир тиклаган бу давлат тоғдай абадул-абад турадур”. Надоматлар бўлсинким, Соҳибқирондан сўнг унинг неваралари ва чеваралари бу насиҳатга амал қилмади. Оқибати эса барчага аён. Драма мана шундай ҳаётий воқеалардан сабоқ бериши ва Соҳибқироннинг бошқа асарларда очилмаган инсоний фазилатлари инкишоф қилинганлиги билан адабиёт ва инсон маънавий оламида муҳим ўрин тутади.

Текшириши учун саволлар:

1. Тарихий драмада бадиий тўқима қандай роль ўйнайди?
2. Амир Темур табиати деталларда қандай ифодаланган?
3. Амир Темур сиймоси тарихий манбаларда ва шеърий драмада қандай ифодаланган?
4. Тарихий ҳақиқат шеърий драмада бадиий ҳақиқатга қандай айлантирилган?
5. “Авлодларга васият” тарихий драмасида Соҳибқирон сиймоси қандай талқин қилинган?
6. “Авлодларга васият” драмасида воқеалар қандай мақсадда сирли баён қилинган?
7. “Авлодларга васият” драмасида тарихий воқеаларга қандай муносабатда бўлинган?
8. Тарихий драмаларда аёллар образи ва уларнинг рухияти қандай берилган?
9. Драмаларда тарихий ва тўқима воқеаларга қандай фалсафиј тус берилган?

Таянич тушунчалар

Вазият – 1) кишининг кайфиятини, руҳий ҳолатини ифодаловчи қиёфа, кўриниш, авзо; 2) ташқи шароит, ахвол, ҳолат.

Бадиий тўқима – ҳаётий фактларни ўз мақсадига мувофиқ саралаш ва уни ижодий ҳаёл туфайли яхлит ҳолга келтириши.

Ёрдамчи образлар – бадиий асар асосий образларини тўлдирувчи, уларнинг харакгеридаги бирор ҳусусиятини ёрқинроқ очиб берини учун хизмат қиласидиган иккинчи даражали образлар.

6. 2. Ижодкор тарихий шахслар тимсолида инсоний-ликнинг бадиий ифодаси

Режа:

1. Тарихий шахсларнинг ҳаётини ижодий фаолиятини ёритишдаги қийинчилик.
2. “Огаҳий” мусиқали драмасида тарихий шахсларга муносабат.
3. “Огаҳий” драмасида ҳаётини ҳақиқатнинг бадиий ҳақиқатга айланиши.
4. Образларнинг фикр ва мулоҳазаларида уларни қандай шахслар эканлиги кўриниши.
5. Огаҳийга бўлган адовартнинг туб илдизи.
6. Санамжоннинг севги туйгуси ақлдан устун келиши.
7. Огаҳий маънавияти ва некбинлигининг бадиий ифодаси.
8. “Огаҳий” драмасининг камчилиги.
9. “Аҳмад ал-Фарғоний” шеърий драмасида Фарғонийнинг олимлиги ва инсонийлиги ифодаси.
10. Сафина образида драматург ғояси ифодаси.
11. “Пири коинот” драмасида драматург концепцияси.
12. Фарғонийнинг воқеалар давомида ҳам олим, ҳам инсон сифатида юксалиб бориши.

Адабиётлар

Комил Аваз. Хива дилбанди. – Т.: Ёзувчи. 1997.

Жуманиёз Жабборов. Юлдузларда ҳаёлим. – Т.: А. Навоий номидаги Ўзбекистон Миллий кутубхонаси нашриёти, 2006.

Мустақиллик даври адабиёти. – Т.: “Faфур Fулом” нашриёти. 2006.

Бадиият жилолари. – Т., 2006.

Анъана ва замонавийлик. – Т., 2007.

Қ. Йўлдошев. Ёниқ сўз. – Т.: Яиги аср авлоди. 2006.

Тарихий шахсларнинг ҳаётини ижодий фаолиятини ёритиш икки жиҳатдан қийинчилик туғдиради ва икки жиҳатдан ижтимоий ҳамда маънавий ҳаёт учун фойдалидир. Қийинчилик туғдириши шундаки, киши фақат шахснинг ҳаёти ва ижодини ўрганиш билан мақсаддага эриша олмайди. У давр тарихини ва замоннинг ижтимоий ҳаётини чукур ўрганиши лозим. Шундагина шахснинг тўлақонли қиёфасини яратишга муюссар бўлади

ва оригиналликка эришади. Фойда келтириш эса шахс яшаган давр ва мухит хусусида чуқурроқ маълумотга эга қилиши ҳамда шахс камолоти таъсирида инсоннинг маънавий бойиши билан бирга, у ҳақида ҳаққоний тасаввурга эга бўлишдир. Чунки киши чин воқеа ва қиёфадан чуқурроқ таъсиранади ва ибрат олади. Шоир ва драматург Комил Авазнинг “Огаҳий” номли мусиқали тарихий драмаси худди шу йўлда ёзилган.

Маълумки, тоталитар тузумда юзага келган тадқиқот ишларида ва тарихий шахслар ҳақида ёзилган бадиий асарларда барча хон ва шоҳлар ёппасига қораланаар, бирор фаолиятда йилтиллаган нарса кўринмасди. Биринчи навбатда, ўта золим, маърифат, ижод ахлига қарши қилиб тасвирланарди. Барча ҳукмдорлар бундай бўлмаганлигини ҳаётнинг ўзи кўрсатди. Комил Аваз драмасида ҳаётий воқеликка тарихий нуқтаи назардан тўғри ёндашилган ва тўғри ёритилган. Яъни Оллоҳқулихон ва Муҳаммад Раҳимхон II – Феруз образига тўғри муносабатда бўлинган. Бу икки ҳукмдор Хоразм маданий ҳаётида катта рол ўйнагани эндилиқда маълум. Уларнинг яхши ишлари ҳақида шўро даврида ҳам қайд қилинган. Бу борада ўзбек қомусининг биринчи нашрида Оллоҳқулихон ҳақида шундай ёзилади: “Оллоҳқулихон ички ва ташқи савдони, айниқса, Россия билан савдо ва элчилик муносабатларини ривожлантириди (1840 – 1841). Унинг даврида Хивада карвонсарой, тим, тош ҳовли, мадраса, Оқмачит, Саитбой мачити ва бошқа иншоатлар қурилди” (8-том, 211-бет). Муҳаммад Раҳимхон II ҳақида эса қуйидагича фикрлар айтилади: “Унинг ташаббуси билан Хивада босмахона ташкил этилиб, Хоразм шоирлари асарларидан тузилган “Мажмуат уш-шуаро” тазкираси, Навоий асарлари ва кўлгина хоразмлик шоирларнинг девонлари нашр қилинган” (7-том, 478-бет). Драмада уларнинг маънавий қашшоқ эмас, балки маърифатли инсонлар бўлганлиги, давлат манфаати ва келажагини ўйлаб анча яхши ишлар қилганлигини, тўғрисўз одамлар фикрича, жумладан, Огаҳий, Комил қараашларига қулоқ солганлиги ишонарли ёритилган. Бу драманинг янги талқинига эгалигидан далолатдир. Буни китобга сўзбоши ёзган санъатшунослик доктори, профессор Муҳсин Қодиров ва санъатшунослик номзоди Нафиса Зоҳидовалар қайд қилишади: “Ўтмишга истиқлол нуқтаи назаридан қараб, тарихни ҳаққоний тиклашга кенг имкониятлар яратилиган экан, бу ишда ҳамма бурчлидир. Комил Авазнинг

“Огаҳий” драмаси ана шу ҳаққонийлик сари биринчи қадам, хайрли уринишdir. Драмада Огаҳий ҳаётининг эътибордан четда қолиб келаётган муҳим қирралари ҳам алоҳида ургу билан тасвирланган. Бу драма муаллиф ниятига жуда ҳам ҳамоҳангдир”¹.

Маълумки, ҳаётда барча бузғунчиликлар, ҳукмдорга қарши чиқишлиқ, маърифатли шахсга адоват уйғотиш, уни ерга уришлик фикри тор, жоҳил, мансабпаст, ҳудбин кимсаларнинг уюшиб фитна қилишларидан юзага келади. Бу ҳолат ҳар бир даврда бўлған ва ҳозирда йўқлигига ҳеч ким кафолат бера олмайди. Драма ҳудди шу ҳаётий ҳақиқатнинг бадий ифодасидан бошланади. Бу билан ўша даврни, яъни Огаҳий яшаган ижтимоий муҳит ҳақида ёрқин тасаввур уйғотиш билан бирга, кейинги кечадиган воқеаларнинг моҳиятини англатади ва шахслар хатти-ҳаракатининг ботиний йўналишини белгилайди. Биринчи кўришиши Сўвирбойнинг уйидаги йигинда биз Отамурод қушбеги, Ҳожиниёз муфти, Раҳмонберди маҳрамларнинг табиати ва ҳаётга қараши билан танишамиз. Драматург уларининг фикр мулоҳазаларида қандай шахслар эканлигини кўрсатади.

Маълумки, нозиктабъ, туйгулари жўшқин, маънавияти юқсак шахслар шеър, куй ва кўшиқлардан чуқур таъсиранадилар ва уларнинг соҳибларини кўнглига яқин олади, уларга интилади. Чунки улар санъат асарларининг моҳиятини теран англагандан оламни бошқача тасаввур қиласи, қалбида ўзи яшаётган оламдан ўзгача оламни яратади. Бу оламда уларнинг наздида санъат соҳиблари – шоир, бастакор ижрочи, хонандагина олиб киради. Улар яратган оламда яашни орзу қиласи. Бу орзу уларга интилтиради. Сўвирбойнинг қизи Санамжон ҳам шу туйгудаги қиз бўлганидан, Огаҳийнинг газаллари орқали унга мафтун бўлиб қолган. Бундай бўлишни умуман ҳаёлига ҳам сиғдира олмаган Сўвирбой, Ҳожиниёз, Отамуродлар ғазабда. Сўвирбой маънавий қашшоқликдан қизининг хатти-ҳаракатидан жаҳzl отига минган бўлса, қолганлар эса Огаҳийдан ўч олиш мақсадида фитна оловига ўтип қалашади. Бу борада драмада шундай ёзилади: “Ҳожиниёз. Мен сизни танияпман, Сўвирбой! Қиз сизникими, ахир?! Келиб-келиб, кимсан Сўвирбойнинг қизи бепарда ишқий газалларнинг жинниси бўлса, уларсиз яшаб билмаса! Сўвирбойнинг қизи-я!

¹ Комил Аваз. Хива дилбанди. – Т.: Ёзувчи. 1997. 7-бст. Бундан кейинги мисоллар ҳам шу нашрдан олинади ва факат бети кўрсагилади.

Кел Огаҳий оғушига урён бўлиб, эй, гулбадан,
То кўйлак осо титрабон бошдин оёгингни ўпай.

Урён бўлиб, ялонғоч бўлиб қўйнимга кир, дейди у беҳаё” (100-бет). Муфтининг гапидан кўриниб турибдики, у ғазалга тўғри изоҳ, яъни Сўвирбойнинг қизининг назарда тутмаганлигини, балки ўз туйғуларини ифодалаш билан гўзал хилқатнинг кўкларга кўтарғанлигини айтиш ўрнига кишининг қонини кўпиртириб, асабга тегадиган гап қиласди. Бу, сўзсиз, адоват ўтиши ёқмокликдир. Ҳожиниёз маҳрам Раҳмонбердининг “... бари айб Огаҳийда эмасдур. Айтувчи аҳмоқ бўлса, эшитувчи доно бўлиши керак эмасму?” деган мантиқли сўзига эътибор бермай, бошқаларни ҳам ўз қарашларига оғдиришга интилади. У Отамурод қушбегига қаратса шундай дейди: “Аlam қиласди! Ишни сиз қиласиз, номи – уничи! Азобини сиз тортасиз, роҳати – уничи! Охир-оқибатда хоннинг олдида кимнинг мавқеи баланд? Уничи – Огаҳийники!” (101-бет). Мазкур фикрлар, сиртдан қарагандা, маълум мантиққа эга бўлгани учун назарда тутилган кишига таъсир қиласди. Чунки қадр топиш, шуҳратга интилиш туйғуси инсоннинг энг таъсиричан туйғуси ҳисобланиб, бу масала ўртага қўйилганда ҳар қандай одам унинг ҳимоясига отланади. Ҳожиниёз буни яхши ҳис қилгани учун нуқтага уради. Оқибатда у мақсадга эришади. Отамурод ва Раҳмонберди ҳам унинг таъсирига берилади. Барчани ўзига ҳайриҳо қилиб олгач, асосий мақсадга ўтади: “Магарам, сиз лоқайдлик қилсангиз, биз дин аҳли уни йўқотиш чорасини кўурмиз. Мани маъзур тулинг, биз сизни хон бўлурсиз деган умидда эдик, ҳозир ҳам шу умиддамиз” (102-бет). Фитначилар бир қарорга келишади. Томошабинларда эса кейинги воқеаларга нисбатан қизиқиш ортади. Бу эса драманинг ўзига хос хусусиятини белгилайди.

Биз Огаҳийни 29 йил, яъни 1829 йилдан 1857 йилгacha мироблик қилганини биламиз, лекин унинг вазифаси, буни қандай бажаргани ҳақида тасаввурга эга эмас эдик. Драмада шу бўшлиқ тўлдирилган. Иккинчи кўринишда бу нарса акс этирилган. Яъни Жайҳун тошқини катта кулфат олиб келиши, унинг олдини олиш мироб зиммасида эканлигини, тадбиркорлик билан иш тутишгина вайронагарчиликнинг олдини олиб, асов дарёни ҳалқ хизматига бўйсундириш, у орқали қишлоқ хўжалигини ривожлантириш мумкинлигини қаҳрамонлар,

жумладан, Огаҳий образида очиб берилган. Огаҳий бу кўринишда ҳаёт ҳодисасининг билимдони ва бутун вужуди билан халқ манфаатининг ҳам амалий, ҳам маънан ҳимоячиси сифатида гавдаланади. Шунингдек, мироблик сирларидан огоҳ бўлинади. Жуманиёз одамларга тошқиннинг олдини олиш йўллари ҳақида топшириқ бериб турганда, Огаҳий келиб вазиятни суриштирас экан, сув ўлчагич Рассоққа “Дурваликдан олов кўринмайдими?” – деганига табиб Ҳозик “Оловни кузат”, дедингиз, тушунмадим, оловингиз нимаси?” – деб сўраганига “Мавлоно Ҳозик биздан аввал ҳам, буюк Беруний бобомиз мироблиғ замонида ҳам, кейин ҳам тошқинни олов ёқиши билан огоҳлантирганлар. Бизга бу – ота мерос!

Ҳозик. Қаранг-а, аждодлар тошқин огоҳини яхши топишган. Ҳеч бир дарё Жайхунчалик ўжар эмас.

Огаҳий. Шу боисдан йил 12 ой кечаю кундуз дарёнинг бевошлиги билан, ўжарлиги билан курашамиз. Гоҳ енгамиз, гоҳ у бизни енгади. Шу сабабдан тинчимиз йўқ. Тошса қани, қачуларни қайтадан қилдик. Юмуртовдан тош келтириб, дарё канорини мустаҳкамляпмиз. Айтганингиздай юмуш кўп, қайси бирини санаб чиқасиз. Деҳқоннинг меҳнати оғир” (105-бет).

Шу ўринда Огаҳийнинг сув радифли ғазали:

Неки бордур мақсадинг, бўлгуси ҳосил сув ила,
Неки этдинг ҳам ҳавас бўлғуси васил сув ила.
Ким юварлар то улуғ тутганча ернинг шўришин,
Ҳамул боғ ичра етилмуш самар хил-хил сув ила...
Гул этар, сунбул этар ерини мақдами,
Меҳнати ҳам кўп оғир нахри фоил сув ила.

илюва қилинадики, у узукка кўз қўйгандай муносаб тушган. Чунки ғазал мотивида сувнинг моҳияти теран берилганки, у бугунда сувни тежаш масаласи бутун жаҳонда кўрилаётган бир пайтда катта аҳамиятга эгадир.

Учинчи кўринишда Санамжоннинг Огаҳий ғазаллари орқали унга нисбатан туғилган севгининг алана олиши, шу туйғу туфайли онасидан дашном, отасидан ҳақорат, ўлим билан қўрқитув, дугоналарининг тўйига бориш ҳолатлари саҳнага файз бериш билан воқеа кўламини кенгайтирган, тўртинчи кўринишда эса шоир ўз эҳтиросини жиловлай олган комил

инсон сифатида гавдаланади. Санамжоннинг севги туйғуси ақлидан устун тургани туғайли учрашмоқ ниятида Огаҳийга хат ёзади. Огаҳий Яратганга: “Унинг эҳтирос домига тушмасликка қувват бер, имкон бер”, – деб айтилган жойга келади. Бу борада драмада шундай ёзилади:

“Санамжон. Худога минг қатла шукурким, сиз борсиз. Васлингизни кўришга мушарраф бўлдим. Биласизми, азизим, менинг ғамли кунларим фараҳбахш қиладиган бирдан-бир илинж – бу сиз!

Огаҳий. Санамжон... Мен сизга нима десам экан... биласизми, севмоқ сизнинг баҳтингиз. Мен сизни бу баҳтдан мосуво, бенасиб этгум йўқ. Ва лекин, аввал ҳам айтганман, ҳозир ҳам айтаман...

Санамжон. Йўқ, йўқ! Бу ҳақда оғиз оча кўрманг!

Огаҳий. Йўқ, айтмасам бўлмайди. Тушунинг, азизим, ахир сиз очилмаган гулсиз, дуркун нав-ниҳолсиз, билурдай тоза шалоласиз. Мени деб ўзингизни ўтга ташламанг. (Оғир жимлик). Ахир, мен соҳиби хонадонмен. Вафо расмини бузмоққа ҳаққим йўқ. Вал охир абад сизнинг менга бўлган сидқи вафоингизни, ашъоримга бўлган меҳру муҳаббатингизни умрим адогича кўксум маснадида сақлайман. Мен сизни баҳтли кўриб баҳтиёр ўлурман. Ёшлик гулшанига путур етказманг. Барча ҳавою ҳавасингиз ўткинчидур. Сиз ҳали кўп баҳтли онларнинг шоҳиди бўласиз” (118-бет).

Бундай ҳаётий кузатишлар ва ҳаёт воқеа-ҳодисалари моҳиятидан келиб чиқсан фалсафий пурҳикмат сўзлар бугуниги кунда ҳам катта аҳамият касб этиши шубҳасиздир.

Бу ўринда Сўвирбойнинг келиб қолиши, унинг жанжал кўтариши вазиятни кескинлаштиради, драма конфликтини кучайтиради. Сўвирбойнинг хатти-ҳаракатига Огаҳийнинг қуидаги ғазалининг берилиши ниҳоятда мос тушган ва унинг сабабини асослаган.

Кимники жаҳолат домига тортар,
Зеҳни сўқир бўлур, қалби ҳам аъмо.
Беўй кадамидан андуҳи ортар...
Барига шоҳидсан, тўзим бер, Худо!..

Драматургнинг ҳаётга ва тарихга янгича қараши, уни тўғри ёритилганлиги, шунингдек, ҳукмдорлар – Оллоқулихон ҳамда

Ферузнинг қандай шахслар бўлганлиги бешинчи, олтинчи кўринишда ўз ифодасини топган. Бу кўринишлар ижтимоий ва умумлаштириш характеристига эга. Яъни мустақил хонлик ва Россиянинг васаллига айлангач, давлатдаги ҳолат ва фитначиларнинг қисмати акс эттирилган. Драматург буни воқеалар оламида ва унга муносабатида очиб беради. Кўриниш “Дишон қальба” деворининг тарихи муҳокамасидан бошланади. Бу ҳолат астасекин ижтимоий муаммога айланади, яъни девор қурилиши муносабати билан одамларнинг уйлари бузилгани ила норозилик ҳолати содир бўлганлиги тилга олинади. Қора кучлар худди шу ўринда фойдаланиб қолишга интилиб, бунга Оғаҳийни айбор қилишга уринишади. Хусусан, Ҳожиниёз: “Хон ҳазрат, бадхулқ, ғаразли ғазаллари авом орасини бузмоқда, фуқарони салтанатга қарши қайрамоқда!” – деб Оғаҳийга ишора қиласди. Оғаҳийнинг: “Олий ҳазрат... Тўғри, мен бадхулқ амалдорлар ҳақида шеър битганман. Аларни баъзи бирор ўзларгия олган эканлар, на илож”, – деган сўзига Оллоқулихон хайриҳоҳлик билдиргандай бўлганда, улар авж олишади, ўтмишга тўхтаб, шоирга турли айблар қўя бошлаганда, Оллоқулихоннинг инсоний қиёфасини белгилайдиган ва халқнинг норозилигини асослайдиган воқеа берилади. Яъни эшик оғаси: “Бир қари кампир хонга арзим бор, деб хеч гапга қулоқ солмаяпти”, – деганига хон кирсин дейди. Кампир хондан тап тортмай ўз иддаосини айтади. Кампир гапининг замирида факат ўзининг бошига тушган фожиани ифодаламайди, у умумлашма кучга эга. Чунки кампирнинг қисмати кўпчиликнинг бошига тушган қисматдир. Бу ҳол драмада қуйидагича берилади:

Кампир. Сенми хон?

Оллоқулихон. Ҳа, мен.

Кампир. Сен хон бўладиган бўлсанг, нега фуқарони хўрлайсан, оёқ ости қиласан?

Оллоқулихон. Очиқ гапиринг, эна, кимни хўрладим, кими ни оёқ ости қилдим?

Кампир. Мени, мени хўрладинг, мени оёғости қилдинг (Жимлик). Ахир, сени деб, юртни деб, тахting учун, баҳтинг учун якаю ягона ўғлим шаҳид бўлди. Сени урушингда ҳалок бўлди, сени деб! Нега мени ҳолимдан ҳабар олиш ўрнига, мана бу (Раҳмонбердини кўрсатиб) маҳраминг, хоннинг буйруғи, деб уйимни бузмоқчи, қандайдир девор қураман дейди! (Хонга) Келиб-келиб кучинг мендек гарibu нотавонга, бенаво-

га етдими? (121-бет). Оллоқулихон бу кескин даъвога жуда босиқлик билан муносабатда бўлади, кампирга яхши гапириб, кузатгач, аркони давлатга мурожаат қиласи: “... Хўш, бу ҳолға аркони давлат не деюр! Токим одамлар бизнинг ишимиздан ризо бўлмаса, у ишдан хайр чиқмағай”. Мазкур вазиятда турли мулоҳазалардан сўнг, Огаҳийнинг “... бунёд этилмоқчи бу муқаддас девор тархи яна бир мукаммалроқ ишланиса” деган фикри ҳал қилувчи рол ўйнайди. Хоннинг бу масалада ўзининг эмас, халқнинг манфаатини (Дуруст, ва лекин фуқаронинг ҳам дили оғримасин) ўйлаши, унинг адолатли шахс эканлигини кўрсатади. Унинг бу хусусияти инглизлар элчисининг фикрини давлат аркони муҳокамасига қўйиши ва Сўвирабой қизини ўлдириб, бунга айбдор деб Огаҳийни билиши, уни жазога тортишини талаб қилиб арконга келганда, бойнинг даъвосини изчиллик билан Ҳожиниёз, Отамурод, Раҳмонбердилар қувватлашларига қарамай, масалага ақл кўзи билан қараши, оқибатда улар ўзларини ўзлари фош қилганда, фитначиларни тегишили жазога тортишида кўринади.

Эзгулик ҳамиша ғолибдур. Бу фалсафий ҳақиқат ҳаётда ўз исботини топган. Драмада Огаҳий ўтмишида бу нарса ўз тасдигини топади. Жуманиёз унга қаратада шундай дейди: “Сизга қасд қилганларнинг қайси бири обод бўлди? Ашъорини йўққа чиқармоқчи бўлганларми, ёмонлиғ қилганларми, отдан йиққанларми, қайси бири? (Жимлик) Кушбегини зинданда бўғиб ўлдиришди, муфти зинданда чириди, Сўвирабойни қатл қилишди, Назар маҳрам ит ўлимида ўлиб кетди. Азалдан авлиёга кесак отганнинг косаси оқармаган, устоз!” (128-бет).

“Тақдири азал”, – деган фикрга моддиончилар қарши чиқишиди. Лекин Аҳмад Яссавий бундан 600 йиллар муқаддам айтган фикрларини, яъни:

Минг икки юз саксон бир мунга эрур далил,
Найдо бўлгай эл, ислом қўлдан кетаро.
Кофири келиб қишлиғай, кўп мўминлар оч ўлғай,
Осон қилғай бу ишни яратгувчи саттаро.

Буни ўқиган киши мазкур фикрнинг нақадар ҳақиқат эканига имон келтирмасликка илож ўйқ. Драмада бунинг амалиёти ихчам лавҳада берилган, айниқса одамларнинг кайфияти орқали вазиятни англятишда ниҳоятда ўзини оқлаган. Маълум-

ки, Хоразмнинг руслар кўлига узил-кесил ўтиши Феруз даврида бўлди. Ферузнинг тушкунлик кайфиятини кўрган Огаҳий унга қарата гоят пурҳикмат фикр айтиб, рухини кўтаради: “Қаддингизни ростланг! Пароканда бўлган юртнинг хони қаддини букса, бошини эгса, юрт қаддини ростлай олмайдур. Хонлиқда бундан ҳам баттар даврлар бўлган, лекин қўёш ўз йўлида, замин ўз меҳварида муқимдур... Отангиз Сайид Маматхон юрт равнақи учун бор кучини сарф этди. Сиз шу улуғ сулоланинг мўътабар вориси, юртнинг хонисиз! Бугунги куннинг алғов-далговлари сизнинг ёш бошингизга тушмуш, буям Оллоҳнинг бир синовидур. Ўқинманг!” (133-бет).

Драманинг сўнггида уч ижодкорнинг – Феруз, Комил, Хоразмий, Огаҳийнинг бирлашишида катта фалсафий маъно ётади. Чунки маънавий ҳамжиҳат мамлакат, албатта, тараққиёт топади. Бу драманинг асосий леймотивини ташкил қиласди.

Лекин драмада миллат руҳиятига мос келмаган, ҳаётий мантиққа зид келадиган ўринлар ҳам мавжудки, унга кишини эътиroz билдириши табиий ҳолдир. Бу Санамжоннинг хатти-ҳаракатида кўринади. Қиз бола бўла туриб, учрашув ҳақида хат ёзиши, ўз туйғуларини очиқ Огаҳийга изҳор этиши ўзбек қизларига хос хусусият эмас. Бунинг устига, XIX асрни ёдга олсак, тасаввур қилиб бўлмайдиган ҳолатдир. Шунингдек, Санамжонга туйғулар ўткинчи нарса эканлигини тўғри қайд қилган, унга эрк бермасликка чақирган. Огаҳийнинг кейинчалик Санамжоннинг ишқида куйиб ёниши (Мана, неча йиллардурким Санамжоннинг фироқида куйиб-ёнасиз. Яккабош ўтаяпсиз. Аёлингиз вафотига ҳам йигирма йилдан ошиб кетди) ҳам образ мантиқига зиддир. Бироқ бу сакталика қарамай, воқеаларнинг тарихий ҳақиқатга яқинлиги ва асослилиги, образларнинг фалсафий кучга эга монолог ва диалоглари, масала моҳиятини очиб беришга мос ғазаллар, мусиқалар кишини маданий ва маърифий бойитишга хизмат қиласди. Драманинг инсон маънавиятида тутган ўрни шундадир.

Ҳаёт ҳақиқатидан маълумки, ҳар қандай эл, шаҳар, давлатнинг шуҳрати, тарихда сақланиб қолиши ўша халқнинг буюк одамларининг ижодий эзгу фаолияти, яъни яратган дурдонлари, ёзган асарлари туфайлидир. Аҳмад ал-Фарғоний, тўлиқ исми Абдул Аббос Аҳмад ибн Мұхаммад ибн Кассир ал-Фарғоний (797 – 865) ҳам шу каби шахсадир. Ўзбекистон халқ шоири Жуманиёз Жабборовнинг “Аҳмад Ал-Фарғоний” ном-

ли шеърий драмасида шу алломанинг ҳаётий фаолияти, ўй-фикри, туйгулари ёритилган. Асар бутунлай ҳаёлот маҳсули бўлишига қарамай, Фарғонийнинг шахсияти, яшаб ўтган даври, олимлари, хукмдорлари ҳақида яхшигина таассурот уйготади. Чунки тасвирлаган воқеалари тарихий илдизга эга. Шоир бир оғиз тарихий фактдан ҳаёлоти орқали катта тарихий воқелик яратса олган. Бу учун киши кўп тарихий манбалардан хабардор бўлмоғи керак. Драма сюжети йўналиши шоирнинг хабардорлигидан далолат беради.

Драма Аҳмад ал-Фарғонийнинг юртини соғиниб, олдига қўйған мақсадлари ҳам амалга ошмаганидан надомат чекиб, ўз Фарғонасига қайтишга аҳд қилган ондан бошланади. У ўйланиб, бир қарорга келгач, шундай дейди:

Бу ишда қўл келмас омаду барор,
Юртга кетажакман, шу қатъий қарор!

Бу сўзини эшитган донишмандлар унинг қарорини тўғри деб топишади ва тезда амалга оширишга ундашади. Бир донишманд:

Рости, йўлингдан қолмагил, йигит,
Ақлинг борида диёрингга ет, –

деса, бошқаси эса бўлажак олимнинг умидини бутунлай сўндиради:

Улоқтир дилдан илм эртагин.
Бошқа хунарнинг тутгил этагин, –

дейди. Бу сўзлардан сўнг Фарғонийнинг бутунлай умид учқунлари сўниб:

Қатъийдир қарор, йўқ бардош ортиқ,
Тавқи лаънати елкамга ортиб,
Хайрлашурман мен Бағдод билан,
Шармисор бўлиб, минг фарёд билан, –

деб турган пайт қекса нуроний бир зот кўринади. У Ал-Фарғоний кайфиятини зимдан кузатиб, унинг ҳолатини ўзига

изҳор этиб, ҳол-аҳвол сўрагач, бўлажак олим ўз дардини баён айлайди. Ўртага шундай гап кечади:

Устоз:

Қўй, беҳуда ўртанма ортиқ,
Ўз-ўзидан, бўлмагай тортиқ,
Билимларнинг ҳикмати сенга,
Бўйи сўнмас фармон-хукмингга.

Фарғоний:

Устод, нега чекмайин заҳмат,
Менда йўқdir бул жабҳада хад.

Устоз:

Сен ўзингни англама ожиз,
Билим йўли сўнгсиз ва олис.

Фарғоний:

...Йўл йўқотдим, устози олий,
Менга кулиб боқмади толе.
...Кетмоқ эрур фикрим эрта-кеч.

Устоз:

Йўқ, ўғлоним, бу хаёлдан кеч!
Енгиб ўтгил ўзинг, ўзингни,
Захматларга бургил юзингни¹, –

дейди. Бу Мухаммад ал-Хоразмий эди. Энди ҳақли савол туғилди. Нега бир қатор донишмандлар – олимлар Фарғонийни тушкун кайфиятдан қайтариб, тўғри йўлдан қайтариш ўрнига, унинг ниятига қўшилишди? Чунки улар фақат олим, комил инсон эмас. Комилликка эришмаган одамда ҳасад туйгуси жисмини тарқ этмаган бўлади. Бундайлар ўз сафларига ўзидан устунроқ одамнинг қўшилишни исташмайди. Фарғонийни тезроқ даф бўлишга ундашлари шундан.

Иккинчи кўринишда буюк аллома Мухаммад ал-Хоразмий кўмагида олимлар даврасига ва улуғ ҳалифа Ал-Маъмун эътиборига тушгани тасвирланади. Ийди Рамазон сайлида ҳалифани кутиб олиш пайтида Фарғоний устози Бағдоддаги машхур олимлар билан таништиради. Бу шунчаки кўриниш бўлмасдан, катта аҳамиятга молик лавҳадир. Бунда Хоразмий инсон табиатини уқиб олувчи руҳшунос олим ва истеъоддини

¹ Жуманиёз Жабборов. Юлдузларда ҳаёлим. -- Т.: 2006. Бундан кейиниги мисоллар ҳам шу нангардан олинади ва бети кўрсангилади.

қадрловчи жўмард шахс сифатида гавдаланади. Шунингдек, унда IX асрда Шарқда шухрат топган заминдош Марвазий, Абу Наср Жавҳарий, Аббос ибн Сайдлардан боҳабар бўлиб, кўнглимиз кўтарилади. Буларнинг фандаги ўрнини ғоят мамнунлик билан таъкидлар экан, Сурён бин Юсуф ҳақида шундай дейди:

Анов чапроқдаги чакмонли жаноб –
Суфён бин Юсуф, илми ҳам мубҳам.
Ўзин ҳар илмга бир уриб кўрди,
Мутаассиб эрур, ғаламироқ ҳам (349-бет).

Мазкур кўринишдаги савол-жавоблар инсон тафаккурини бойитиш билан бирга, Фарғонийнинг бой билимга эгалигини ҳам кўрсатди. У мураккаб саволларга мантиқли жавоб беради:

Савол:

Недур ул нарсаким, ичда тураг жой,
Ичдан сиртга чиқиб, касб этур чирой
Фарғоний:

Айттанингиз сўздир, ичда тураг жой
Ичдан сиртга чиқиб, касб этар чирой
Савол:

... Ҳар фанда мужассам, энг буюк маъно?

Фарғоний:

Бу ўз-ўзини енгиб ўтмоқлик фани

Савол:

... Ҳақиқий илмнинг недур маъноси?

Фарғоний:

Билмаганий билиш – бош таманноси

ва ҳоказо. Бу саволлардан халифа Маъмун мамнун бўлиб, ёш истеъоддога эътибор беришини тайинлайдики, унинг “Байт ул-ҳикма”да аъзо бўлишини асослайди. Мазкур кўринишдаги воқеалар давомида Фарғоний раққоса тарсо қизи Сафинага кўзи тушгани, унга кўнгил қўйгани, унда ҳам шундай ҳол рўй бергани тасвирланади. Бу лавҳалар тарихий илдизга эга. Тарих фанлари доктори А. Аҳмедов “Аҳмад ал-Фарғоний” номли мақоласида: “Яна бир маълумотга кўра, ал-Фарғоний Миср-

да насронийлар орасида яшаб, уларнинг динига ўтганлиги ва шунинг учун у қатл қилинганилиги қайд этилади”, – деб ёзади¹. Бундан кўринадики, олимнинг қайси жиҳатдандир тарсога яқинлиги бўлган. Шоир буни Сафина тимсолида бериши мантиқли. Шунингдек, бу образ орқали Фарғонийнинг муҳим хусусияти, яъни шахси жисмоний эҳтиёждан кўра, ижтимоий-маънавий эҳтиёжни афзал кўринишда ўз ифодасини топади.

Бу Сафина тилидан берилади. У шундай дейди:

Раҳмат санъатингга, буюк илмингга,
Менимча, сен энг тўғри йўлни танладинг.
Оддий бир севгини солмай дилингга,
Фанга шайдоликни тақдир айладинг (369-бет).

Учинчи кўринишда биз Фарғонийни осмон билан сирлашаётган ҳолатда кўрамиз. У кўкка қаратади

Сирларинг очгил, аё, осмон менга,
Айла олам ҳолатин эҳсон менга, –

дейди. Юлдузлар бирин-кетин ўз сирларини оча бошлайди. Буни улар эмас, Фарғонийнинг тафаккур кучи очади. Бу билан шоир ҳамма нарсанинг калити тафаккур деган ғояни илгари суради ва тўғри қиласди.

А. Аҳмедов юқорида тилга олган мақоласида яна шундай фикрни айтади: “Мавжуд маълумотларга кўра, у шу йили (861 йили) Қохира яқинидаги Равзо оролида нилометрни, яъни Нил дарёси суви сатхини белгиловчи ускунани ясаган ёки таъмирлаган. Бироқ ал-Фарғоний қандай қилиб ва қандай шароитда Мисрга бориб қолгани ҳақида ҳам аниқ маълумот йўқ”².

Тўртинчи кўринишда эса куйидаги воқеанинг гувоҳи бўламиз. Яъни Мисрдан келган элчи султондан хат олиб келади. Маъмун шу муносабат билан машварат чакириб, “Миср султонидан келган мактубининг мазмунин биз сўнгроқ этурмиз изҳор”, – деб “Дарёлар феълини теран билгувчи” Фарғонийга сўз беради. У Нил дарёси ҳақида ахборот беради. Унинг бу борадаги билимидан бошқа олимлар каторида, ҳалифа ҳам мамнун бўлади ва баҳор чоғида Нил тошқинида Миср халқи азият чекиши ҳақида гапирав экан шундай дейди:

¹ Матнавият юлдузлари. – Т.: 1999, 46-бет.

² Ўша асар 46-бет.

Бизда қувват ҳам кўп, Олимлар ҳам бор.
Худога шуқрким, биродарларни
Ҳалокат домига қўймасмиз ночор.
Тўғон курмок қерак. Бир неча тўғон.
Токи сув йўлини тўсмоқ лозимдир.
Миср дарди эрур бизнинг дардимиз
Бу ишни амалга оширмоқ учун
Нил дарёсин сатҳин ўлчамоқ қерак.
Унинг феъл-авторин қувватин, кучин,
Фарғоний ўрганиб, уддалар, бешак.
Устоз Фарғонийни шу муддаода
Мисрга – қардошлар томон йўллаймиз,
Қандоқ режа тузса, барин кўллаймиз (376-бет).

Бу Фарғонийнинг Мисрга қандай қилиб келиб қолганига аниқлик киритиш билан бирга, ҳалифа Маъмуннинг ўз даври илм-фанининг халқ ҳаётида тутган ўрни, шунингдек, унда бизнинг замондошларимизнинг ҳиссаси катталиги ифодаланадики, бунинг маърифий аҳамияти каттадир. Драмада Аҳмад Фарғоний ҳар доим ўз она юртига интилади, Бир он бўлса-да унутмайди, онаси соғинчидан ўртаниши, Жайҳун, Сайҳундан мадад тилаши ҳам аҳамиятга эга. Чунки ўз халқи, ўз замин фарзандига ҳамиша мададкордир. Шоир шунга ишора қилиб, тўгри ва фалсафий йўл тутган.

Ҳайитмат Расулнинг “Пири коинот” драмаси ҳам Фарғоний фаолиятига бағишлиланган. Мазкур драма фалсафий характерга эгалиги, воқеалар ва образлар кўлами кенглиги, улар бир-бири билан мантиқий боғланиб драматург гоясини яхлитлаштиргани ҳамда олимнинг жаҳонда машҳурлиги “Байт ул-ҳикма”да ката мавқеи ўз ифодасини топганлиги билан устуниликка эга. Драмада Фарғонийнинг фаолияти хусусида деярли тўла тасаввурга эга қиласи. Чунки драматург усталик билан уларни деталларда кўрсата олган.

Драмада олдиндан айтилган ой тутилиш ҳодисаси рўй берадими ё йўқлигини билишга йиғилганларнинг ҳолатини кўрсатишдан бошланади. Олим ва шогирдлари ҳаяжонда. Сабаби бундан кейин “Байт ул-ҳикма”да тадқиқот ишларини давом эттиришлари, умуман, олимлар ўртасидаги мавқеи айтиганининг рўй беришига bogliқ. Бунга ишонмаганларнинг эса

сони кўп, жумладан, олимларнинг. Уларнинг кўринишилари мағрур ва истехзоли. Вақт яқинлашган сари айтилган ҳодиса рўй бермаётганидан бу ҳолатларига хурсандчилик кайфияти ҳам кўшилади. Бундан Фарғоний эзилади, маъюс тортиб қолади. Унинг ҳаяжони, кайфияти томошабинга ҳам кўчиб, олимга нисбатан хайриҳоҳлик туйгуси уйгонади. Бу туйғу, ўз навбатида, ватандошлиқ, замондошлиқ туйгуси ҳамдир. Айтилган вақтдан бир дақиқа ўтганда олимни кўра олмайдиганлар майдонни тарк эта бошлайдилар. Бу мағлубиятдан Фарғоний бир аҳволга тушиб, боши эгик ҳолда ўтириб қоладики, бу ҳол томошабинларни бефарқ қолдирмайди. Шу пайт севимли шогирди Дилмурод: “Устоз, қаранг тутиляпти”, – дейди. Олим бирдан тетикланиб, руҳланиб тутилиш ҳолатларини асбоби ёрдамида караб, уни шогирдига жараён қай тарзда рўй бераётганини қайд қилишни айтиб туради. Бундан томошабинлар ҳам енгил тортади. Бу нарса драманинг жозиба кучидандир, ўз навбатида, драматургнинг маҳоратини ҳам намоён этади.

Фарғоний воқеалар давомида ҳам олим, ҳам инсон сифатида юксалиб боради. У ҳалифа Ал-Маъмунга Нил дарёси суви сатҳини белгиловчи ускунасини намоён қилгач, ҳалифа томонидан муносиб тақдирланиб, олтин тож кийдирилади. Мазкур ҳол ҳалифа Ал-Маъмуннинг маърифий-маънавий қиёфасини кўрсатиш билан бирга, “Байт ул-ҳикма”даги илм-фан ривожи ва тараққиётининг асосини ҳам белгилайди. Бу ҳолнинг буғунги кунда ҳам аҳамияти каттадир.

Аҳмад Фарғонийнинг муваффақиятидан уни кўролмайдиган илми заиф олимлар унга қарши фитнани авж олдирадилар. Уни кўчирмачиликда айблашади, яъни ёзган китоблари Афлотун, Аристотель, Мусо ал-Хоразмийдан кўчирилган дейишади. Бу вазиятда ҳам у тушкунликка тушмай, янги китоб, янги кашфиёт устида иш олиб бориши, эзгуликни кўра билмайдиганларга қарата айтган маптикли фикрлари олимнинг улуғ, мардонавор қиёфасини гавдалантириш билан бирга, киши қалбида некбинлик туйғусини уйғотадики, унинг тарбиявий аҳамияти каттадир.

Аҳмад Фарғонийни мисрлик шоира Фирдавсга бўлган қалб интилиши, иккала маънавий етук, лекин дини бошқа шахсларнинг бир-бирига кўнгил қўйиб, тақдирларни боғлашлари тасвири катта фалсафий маънога эга. Бу ҳол ўша давр учун ғайритабиий ҳодиса эди. Шундан бу ҳақида мутаассиб шайх

ул-исломга олимни жазолашини сўраб мурожаат қиласди. Унга ўлим жазосини тайинлаганлик фармонини олиб келганда бошқа бир даҳшатли воқеа устидан чиқади, яъни Аҳмад Фарғонийга қаратилган тифга унинг севимли шогирди Дилмурод рӯпара бўлганди. Бу лавҳада ҳам катта маъно ётади. Дилмурод устозининг душманлари уни кўчирмачиликда айблашганда, бу тухматни рост билиб, устозга оғир гап қилганди, бир муддат ундан узоқлашганди. Дилмуроднинг фожиасини қилган қилмишига Оллоҳ томонидан юборилган қисмат деб тушунмоқ керак.

Халифа Ал-Маъмун бу ҳодисадан ғоят ташвишга тушиб, буни ким қилганлигини суриштириб турганда, мугаассиб келиб фармон ҳақида айтади. Ўлим сўзини эшитган олимнинг севиклиси жон ҳолатда мендан воз кечинг деганда, у рад этади. Халифа шоира Фирдавсга: “Сиз динингиздан кечиб, мусулмон бўлинг”, – деганда “У ўзи динидан кечган, одам ўз эътиқодидан кечган, ўз қиёфасини йўқотган, халқига хиёнат қилган шахсга айланади. Мен ундан бўлмоқчи эмасмен”, – деб жавоб беради. Халифа бундан ғоят руҳланиб, ўлим жазосини юртдан бадарга қилиш билан алмаштиришни, буни шайх ул-исломга етказишини айтади. Шунда Аҳмад ал-Фарғоний охирги кашфиётини ҳалифага кўрсатади. У замин кўриниши, яъни Ер шари эди. Бу билан драматург “Ер юзида яшайдиган барча халқларнинг яшайдиган макони битта – курран замин. Шундан бир-бирига душман бўлиб эмас, дўст бўлиб яшамоқ керак. Яшаш макони шуни тақозо қиласди”, деган муҳим ғояни илгари суради. Шунингдек, драмада Фарғоний саъй-ҳаракати, гансўзи орқали киши онгига “Жоҳиллик мағлуб, эзгулик ҳамиша голиб”, деган фикрни сингдириши ҳам муҳимдир. Драма шу хусусияти билан санъат ва инсоният маънавий оламида ката ўрини тутади.

Текшириш учун саволлар:

1. Тарихий шахсларнинг ҳаётий ва ижодий фаолиятини бадиий жиҳатдан ёритиш қандай қийинчиликларга эга?
2. “Оғаҳий” мусиқали драмасида тарихий шахсларга қандай муносабатда бўлинган?
3. Образларнинг қандай шахс эканлиги нималарда кўринади?
4. Оғаҳийга бўлган адоваратнинг туб илдизи нимада?
5. Санамжоннинг севги туйғуси аклдан устун келиши қандай оқибатга олиб келди?

6. Огаҳийнинг маънавияти ва некбинлиги драмада қандай ифодаланган?
- “Огаҳий” драмасининг камчилиги нимада?
7. “Аҳмад ал-Фарғоний” шеърий драмасида Фарғонийнинг олимлиги ва инсонийлиги қандай ифодаланган?
8. Сафина образида драматург қандай ғояни ифодалаган?
9. “Пири коинот” драмасида драматург қандай концепцияни илгари сурган?
10. Фарғоний воқеалар давомида олим ва инсон сифатида қандай юксалиб боради?

Таянч тушунчалар

Абстракционизм – ҳаётий воқеликдан узоқлашиш; реал воқелик ва аниқ нарсаларни рад этиш; санъат борлиқни акс эттирмайди, балки санъаткорнинг ҳис-туйғусини ифодалайди деган фикрни илгари суриш.

Акт – драматик асарларининг мустақил ва тугал қисмлари.

Ички диалог – қаҳрамоннинг ҳаёлан бошқа бир қаҳрамон билан сўзлашуви.

Ички монолог – қаҳрамоннинг воқеликка ёки кишиларга нисбатан муносабатининг яширин шакли. Унда қаҳрамон ўзига ўзи ниманидир айтади, мурожаат қиласи, ҳаёл суради.

6. 3. Комедияда ҳаётний ва инсоний иллатларининг бадиий ифодаси

Режа:

1. Билим инсонни тўғри йўлга соладиган восита эканлиги.
2. “Ўғилтой” комедиясидаги образлар системасида драматург ғоясининг бадиий ифодаси.
3. “Жон қўшнилар” (“Нексия”) комедиясининг лейтмотиви.
4. “Ўжар” комедияси замиридаги масаланинг кўламдорлиги.
5. “Зиёфат” комедиясида ҳаётий ва қаҳрамон мантиқига зидлик.
6. Драматик асарларда ижтимоий детерминизм масаласи.
7. “Гўйдан олдин томоша” комедиясидаги сакталик.
8. Мустақилликдан кейин юзага келган комедияларнинг умумий ҳолати.

Адабиётлар:

- Хафиз Абдусаматов. Драма назарияси. – Т., 2000.
- Феруза Асқар. Мусиқа ва инсон маънавияти. – Т., 2000.
- Комил Аваз. Хива дилбанди. – Т., 1997.
- Жуманиёз Жабборов. Юлдузларда хаёлим. – Т., 2006..
- Мустақиллик даври адабиёти. – Т., 2006.
- Анъана ва замонавийлик. – Т., 2007.
- Санъат таълими. Йилнома. I жилд. – Т., 2006.

Рұхшуносларнинг гувоҳлик беришларича, “ҳар бир инсоннинг биомайдонида унинг бу заминга нега келганлигини билдирувчи маълумот яшириндир. Бу гүё инсон ердаги ҳәёти мобайнида амалга ошириши керак бўлган бир дастурдир. Аксариятимиз бу моддий дунёнинг талотўпидага ана шу дастуримизни унудиб қўямиз”¹. Унутмаслик учун эса киши катта маънодаги маънавиятга эга бўлмоги керак. Маънавиятнинг замини эса билим. Чунки инсон шахсиятини илмдан бошқа нарса тўғри йўлга сола ва тараққиётга эриштира олмайди. Буни киши онгига сингдириш санъат ва адабиётнинг азалий муҳим вазифаси ҳисобланиб келинган, ҳозирги кунда эса долзарб муаммога айланди. Сабаби ёшлар илмга юзаки муносабатда бўла бошлишди. Баъзи бир ота-оналар эса болалари билим эгаси эмас, диплом эгаси бўлишни афзал деб билишди. Бунинг оқибати эса аянчлидир. Чунки бу, биринчидан, жамиятни тараққиётдан қолдирса, иккинчидан, инсониятга катада фожиа келтириши мумкин. Комил Авазнинг Ҳайитмат Расул билан биргалиқда ёзган “Ўғилтой” мусиқали гротеск комедиясида худди шу масала бадиий акс эттирилган. У бир оила мисолида умумлаштирилган. Сиртдан қараганда, комедия воқеаларида ҳәётийлик ва ишонтириш кучи камдай туюлади. Умуман олганда эса, бу фикрда жон бор. Лекин асарга чукурроқ ёндашилса, ўзини оқлаш томонлари борлигини англаб олиш мумкин. Биринчиси, бу муаллифларнинг асарларини гротеск комедия деб атаганлари бирмунча ўзини оқлаган. Маълумки, муболаганинг замирида маълум ҳақиқат ва мазмун ётади. Буни ҳалқ эртакларида, достонларида кузатиш мумкин. “Ал-помиш” достонида қаҳрамон шундай тасвиirlанади: “...Ал-помишнинг қадди-қомати ҳазрат Алига ўхшар, симбати Юсуф пайғамбарга ўхшар, келбати ўттиз газ, сипоҳкорлик, найза-

¹ Заряна Некрасова. Нега индиго? Жаҳон адабиёти, 2005 йил, 5-сон. 158 – 159-бетлар.

дастлик, қалқонбозликинин машқ қилиб, баҳодирлиқда бир ўзи бекаму кўст баҳодир бўлди. Пир устозлардан таълим-тарбия олиб, баҳодирлиқда ҳеч ками бўлмади”. Кўриб турибмизки, бу ерда анча муболага бор. Бироқ у кишининг ҳавасини келтиради, ҳавас кишини руҳлантиради, руҳлантириш эса, интилтиради. Интилган одамда мақсад юзага келади. Достоннинг Яна бир ибратли томони – шунча куч-кудратга эга баҳодир ҳам пир устозлардан таълим-тарбия олгани. Қадимда устозлар ҳалол, пок, билимдон бўлишган. Улар манманлик қилишмаган. Комедияда ҳам узтозлар образи бор. Лекин уларнинг савияси, хатти-харакатини воқеаларда кўриб, ҳавас эмас, нафратингиз келади. Асарга мурожаат қилайлик.

Катта корхона раҳбари Корризо Хешбоевичнинг ўғли Ўғилтой ўрта мактабни олтин медалга битирали. Бундан эрхотин, яъни Корризо билан Заринахон ғоят шод. Корризо:

Ўғлим бўлар зўр одам,
Менман ундан хотиржам, –

деса, Заринахон:

Келажакда баҳтиёр
Қиласи бизни шўх эркам, –

деб куйлади. Бундай бўлиши табиий ҳол. Чунки ўғли олтин медалга битирган ҳар қандай ота-она суюнади, келажакда зўр одам бўлишни орзу қиласи. Ота ўқитамиз, катта одам бўласиз, – деганига ўғил “Кейин-чи?” – деб савол беради, унга жавобан онаси Заринахон “Кейин дадангизга ўҳшаган амалдор бўласиз”, – дейди. Ўғил бўлса амалдордан қассобни афзал кўради. Ота ўғлининг гапига қарши “Амалдор – бу амалдор, қассоб, бу – қассоб. Амалдор буоради, қассоблар бажаради. Қассоб югурдак бўлади”, – деганига Ўғилтой қотиб-қотиб кулиб, “Югурдакмиш! Мана, қассоб Али ака, икки қаватли данғиллама уйи бор, ўзиям 150 кило атрофида, ҳеч югурмайдиям, “Мерседес”да юради, айтгани-айтган, дегани-деган”, – деб ҳаётий гапини айтади. Шу тариқа комедиядаги оддий оиласи масала аста-секин ижтимоийлик тусини ола бошлайди. Чунки Ўғилтойнинг гапида жон бор.

Кейинги воқеаларда қаҳрамонларнинг тутган ишлари ўзларининг наздида жиддий туюлгани билан томошабинлар

унга сарказм билан қарайди. Негаки отанинг ва унинг атрофидаги одамларнинг тутган ишлари жамиятнинг ахлоқий меъёрларига зиддир.

Корризо Хешбоевич медицина институтида ишлайдиган Холисбоевни чақирди. Бу ўта кетган лаганбардор одам Хешбоевичнинг исмини ёдида сақлай олмай Корризо, Корризо деб атайди. Бу ҳолат шунчаки кулги туғдириш учун қўлланмаган, у икки мақсадга хизмат қиласди. Яъни Хешбоевичнинг шу атамаларга монанд шахс эканлигини ва Холисбоевнинг гирт илимсиз, ўз манфаатидан бошқа нарсани билмайдиган кимсалигини кўрсатишга. Комедияда уларнинг бу хусусиятлари кейинги воқеларда ўз ифодасини ёрқин топа боради.

Холисбоев келгач, Корризо Хешбоевич ўғлининг ўқиши хусусида гап очди. Улар ўртасида шундай гап кечади:

“К. Хешбоевич. Ҳа, шундай денг. Энди бир гап бор сизга.

Холисбоев. Қулогим ўzlарida.

К. Хешбоевич. Ўғилча ўқиши...

Холисбоев. Ўzlарининг ўғиллари-я? О, браво! Акахонимизнинг ўғиллари. Яъни қарчифайнингиз ўқишига бел боғлади-ю... Биз тайёрмиз! Сиз... сиз... ўғиллари учун хоҳлаган институт эшиклари очиқ!

К. Хешбоевич. Ҳалиги имти...

Холисбоев. Аввал қайси институтга киришларини билайлик, агар мед... бўлса.

К. Хешбоевич. Худди шундай... мед!

Холисбоев. Бажарамиз акахон, бажарамиз!”

Бу лавҳада ҳаётий ҳақиқат ўз ифодасини топган. Ҳақиқатан ҳам, юқори лавозимдаги айрим одамларнинг тутган иши шу тарикә эканлиги ҳеч сир эмас. Бундан кўринадики, комедияда ҳаётий ва инсоний иллатлар очиб ташланган. Маълумки, драматик асарда воқеликдан кўра, сўз ва ҳаракат, мимика устунлик қиласди, асосий ургу уларга берилади. Чунки мазкур компонентларда драматург мақсади ва қаҳрамонлар табиати ўз ифодасини топади. Тўғрироғи, бу компонентларда улар ўzlарининг қандай шахс эканликларини намоён этади. Мана бу кўриниш фикримизнинг ҳақиқат эканлигини исботлайди:

“Ўғилтой. (тўсатдан Холисбоевга) Сўйяпсизми?

Холисбоев. Лаббай?

Ўғилтой. Ҳалиям сўйяпсизми ўша хўқизларни, қассоб?

Холисбоев. Мен... мен... қассоб эмасмен, докторман!

Ўғилттой. Мен сизни ҳар кўрганда турқингизга қараб, қассоб деб ўйлардим.

Холисбоев. Сиз сал адашиб денг...

Ўғилтой. Йўқ, барибир қассобга ўхшаб кетасиз-ов!

Холисбоев. Нималар деяпсиз? Мен табобат олами соҳиблариданман! Ибн Сино, ҳалиги... Яна ким бор эди? Эсим курсин...

К. Хешбоевич. Шолохов!

Холисбоев. Йўқ, у боксчи-ку!".

Бу ўринда изоҳга ҳожат йўқ. Сабаби уларнинг қандай шахс эканликлари шундай ҳам аён. Кейинги воқеаларда Ўғилтой ўзи истамаса ҳам, отасининг амали кучи ва шу орқали унга фидойилик кўрсатаётган шахслар туфайли институтга киради. У ерда “Ўхшатмасдан учратмас” деганлардай, Холисбоевнинг қизи Саъвани учратади, икки текинтомоқ бир-бирига кўнгил қўйиб турмуш куришади. Комедиянинг иккинчи пардасида ўзлари яратган олий маълумотли врачдан ўзлари жабр кўради. Яъни Корризо Хешбоевич ўғли билан келинининг дипломли бўлганидан фоят қувонганидан хушидан кета бошлайди. Зарринахон: “Хушидан кетяпти! Отангизга укол қилсангизчи ўғлим! – деганига Ўғилтой шприцга бир неча дорини сўрдириб укол қиласди. Ота “кўксини чангллаганча эгилиб қолади, сўнгра атрофга лоқайд боққанча қиқир-қиқир кула бошлайди. Бу ҳолни кўриб, Зарринахон – она хушидан кетади. Келини Саъва укол қилишни эплай олмайди, кўрқади. Ўғилнинг уколидан у ҳам ота ҳолига тушади. Бу ишнинг тепасида бўлған Холисбоев ёрдамга профессорни чақиради. Профессор уларнинг атрофида анча парвона бўлади-да, “Иш чатоқ. Ҳеч иложи йўқ, энди улар кетадилар!” – дейди. Холисбоевнинг “Кетади? Қаёққа?” – деганига “Бувиларининг олдига!” – деб жавоб беради. Мададкоридан ажраб қолишидан кўрқан врач Холисбоев бирор нарса қилишга ақли етмаганидан талvasага тушади. Шунда ўз қиёфасини ўзгартирган доцент келиб, ҳамма нарсага нуқта қўяди. У масаланинг тагига етгач, тузатишнинг чораси бор деб, чўнтағидан дори чиқаради ва Ўғилтой билан Саъва дипломларидан воз кечса, беражагини айтади. Улар рози бўлишади. Битта-биттада таблетка ичган Корризо билан Зарринахон асли ҳолига қайтади. Доцентнинг Холисбоевга қаратади айнан айтган гапи комедияда қўйилган масалага аниқлик киритиш билан бирга, замон иллатини ҳам очади.

“Сиз қизингиз билан куёвингиз атрофида 6 йил парвона бўлдингиз. Табобат сирларини уларга ўргатиш ўрнига, ҳеч нарса ўргатмадингиз! Оқибатда улар шифокор эмас, дилозор, одамларнинг кушандасига айланди! Қани, айтинг-чи, медицина санъатидек чинакам, ҳақиқий санъат дунёсида тугма қобилиятсиз одамларнинг яшаши мумкинми? Ҳақиқий медицина ходими бўлиш учун истеъдод зарурлигини биласизми?” Бу фикр умумлашма характерга эга, чунки шундай йўл тутган шахсларга ва ўз мутахассислигини мукаммал эгаллай олмаган кимсаларга тегишилидир. Асадаги қўшиқ ва ўйинлар ҳамда қаҳрамонларнинг гап-сўzlари, хатти-ҳаракатлари кишида кулги уйғотади. Лекин, афсуски, уларнинг тоши енгил. Улар ижтимоий муаммо ва ҳаётий мантиқ билан тўйинтирилганда комедиянинг тарбиявий аҳамияти янада ортарди.

Куръони каримда шундай дейилади: “Дарҳақиқат (кофир) инсон ўзини бой-баҳожат кўргач, албатта, туғёнга тушар – ҳаддидан ошар” (“Алиқ” сураси 6 – 7-оят). Бундай ҳолат имони суст, яъни кофир одамларда бўлади. Чунки уларда бойлик туфайли ақл ва адолат чегараси унуттилади. Умуман олганда, бойлик – бу синаш воситаси. Негаки у ёмонликка ҳам, яхшиликка ҳам сабаб бўлиши мумкин. Бу ҳақиқат Жуманиёз Жабборовнинг “Жон қўшнилар” (“Нексия” номи билан ҳам саҳнага қўйилган) икки пардали комедиясининг лейтмотивини ташкил қиласиди. Бироқ асар бу билан чекланиб қолмаган. Унда аёллар руҳияти, табиати, кўп қаватли уйлардаги ҳолат, эркакларнинг ҳаётга муносабати, ёшлар туйгулари, муҳаббати каби масалалар ҳам комедиянинг умумий гоясига сингдириб юборилганки, булар унинг фалсафий фикрлаш кўламдорлигини оширган.

Комедиянинг биринчи пардасида шундай манзарага дуч келамиз: “Кўп қаватли уй олдидағи каттагина саҳн. Гуллар, дарахтлар, скамейкалар кўринади. Бир томонда кўрпачалар солинган кароват. Дам олиш куни. Турли сабаб, қатиқ-сүт харид қилиш ёки бошқа юмушлар билан пастга тушган қўшни аёллар кеча бўлиб ўтган тўйининг таассуротларини ўртоқлашмоқда”¹. Бу манзара мақсад сари йўналтирилган. Чунки бу манзара кўп қаватли уйлар учун ибрат намунаси бўлиб, буни бошқа кўп қаватли уйлар олди ҳам шундай бўлишига даъват деб тушунмоқ керак. Сабаби, кўп уйларнинг кўриниши бунинг тескарисидир.

¹ Жуманиёз Жабборов. Юлдузларда ҳаслим. – Т.: 2006. 174-бет. Бундан кейинги мисоллар ҳам шу ишни олиниди ва факат бети кўреатишади.

Саҳнага бирин-кетин қўшнилар: Хадича, Норбуви, Моҳира, Ойдин, Нилуфар чиқиб келар экан, уларнинг бир-бирига муносабатида ғоят иноқликлари намоён бўлиш билан бирга, гап-сўзларида бугунги ҳаёт манзараларининг ифодаси билан биргаликда, комедия қаҳрамонлари ва унинг умумий ҳолати аён бўлади. Аёлларнинг гаплари, бир-бирига қилган қочиримларида уларнинг руҳий дунёси ва табиати билан ошно бўламиз. Бу, ўз навбатида, аёллар дунёси ҳақидаги тасаввуримизни бойитади, шунингдек, эркакларга хос бўлган баззи иллатлар ҳам очилади.

Аёлларнинг сұхбати бир кун олдин бўлган тўй устида кетади. Моҳира шундай дейди: “Ё, тавба, аёл киши бўлсан ҳам, нуқул аёлларни томоша қилиб ўтиредим. Ана лиbos, мана либос.

Норбуви: Дунёда тўй бўлсин, азизларим. Қандай яхши нарса. Одам Янги туғилганда бўлади.

Нилуфар: Кўшнижонлар, кеча ўша тўйда ўтириб, сизларга қараб, шундай фаҳрланиб кетдимки... Ҳар бирингиз бир моҳлиқо. Ҳар бирингиз бир лочиндан. Назаримда, ҳамма ўтирганларнинг кўзи сизларда бўлди. Хўш, мўйлов ашулачи йигит ҳам нуқул сизларга қарагани-қараган. Алҳазар.

Моҳира: Ана хусну ана малоҳат. Хадичахонимга қарасам, Норбухоним қолиб кетадилар. Уларга қарасам, Ойдин билан Нилуфар қолиб кетади. Бамисоли бир гулдаста. Хурсанд бўлганимдан: “Бор экансизлар-ку!” – деб юборибман ичимда.

Нилуфар: Кўз тегмасин, бизлар қўни-кўшнилар эмас, туғишган опа-сингиллармиз. Қиёматлик опа-сингиллармиз. Оллоҳим шунга яратган бизларни”.

Бу лавҳа уч мақсадга хизмат қиласди. Яъни аёл қаҳрамон ҳақида тўла тасаввур беришга, уларнинг иноқлиги орқали миллатнинг менталитетини кўрсатишга, шунингдек, аҳолининг турмуш тарзини намоён қилишга. Чунки халқнинг кийиниши жамият қиёфасини ҳам белгилайди. Ҳақиқатан ҳам, мустақилликдан сўнг одамлар оммавий равишда тоза ва асл кийимлар кия бошлади. Комедияда шунга ишора бор. Демак, асар факат майший эмас, ижтимоий характерга ҳам эга.

Кейинги кўринишдаги турли касбга, дунёқарашга эга бўлган эркаклар ҳаёти ва табиати тасвирида инсон ахлоқи меъёрларига зид ҳолатлар беғараз кулгу воситасида кишининг ўзини ўзига рўпара қилдиради. Оқибатда киши ўзгадан эмас,

ўзидан ўзи хулоса чиқаради. Бунинг тарбиявий аҳамияти каттадир.

Университет домласи Ашур ака “Жиндаккина бош оғриб турибди-да, бир йўлини топмасак бўлмас”, – деб туман доктори. Авазжонга мурожаат қиласди. Аваз унга қарата “Топамиз, Ашур ака. Кеча бир-икки қадаҳи ортиқчароқ олдингиз-ов, чамамда. Икки кўзингиз раққосларда бўлди. “Бундан кейинги мулоқот шундай кечади: “Ашур: кечагини эсга солманг. Хотинга ҳисоб беравериб, бўларим бўлган. Ҳай майли, саломатлик бўлсин.

Аваз: Ўхшатмаса-учратмас, Ашур ака. Ўйлаб-ўйлаб айтаман: тақдир бизларни шу манзил-маконга тасодифан олиб кўндирамаган.

Ашур: Тўғри. Ҳар бир ҳодиса замирида қандайдир қонуният бор.

Аваз: Файласуфлигингизга борасиз-да, ака.

Ашур: (Давом этиб) Турли маҳалла, турли шаҳарлардан йигрилиб келиб, бир тану бир жон бўлиб яшашнинг ўзи бўладими? Худога шукур” (177-бет).

Бу ўринда барча эркакка хос бўлган, унча оқлаб бўлмайдиган табиий туйгулар ва Ғарб ҳалқларига кўз-кўз қилишга арзийдиган биродарлик муносабатлари ўз ифодасини топган.

Журналист Тўхтасин, автокорхона бошлиги Сафар, нафақахўр Бозорлар бир-бирига муомаласида, ҳазил-мутоибалар замирида ётган кунлик турмуш ва инсон ҳаётида учрайдиган иллатларни (ноиноқлик, пасткашлик, кўп қаватли уйлардаги нокулайликлар) очиб ташлашидан куласиз-у, лекин бирдан жиддий тортасиз. Негаки ундаги фикрларнинг кўпи ўзингизга тегишли бўлиб чиқади. Чуники бу билдирилган фикрлар, шунчаки, одамларнинг эмас, балки жамиятнинг илгор қатлами саналган маълум бир фалсафий қарашга эга бўлган зиёлиларницидир. Лекин чин маънодаги зиёлиларми? Бу – бошқа гап. Драматург комедиясида шу муҳим инсоний масалани гап-сўзда эмас, хатти-ҳаракатда очиб беради. Ўз гап-сўзлари, муносабатлари билан барчани ўзларига жалб қилиб турган бу кимсалар бир дақиқада бутунлай бошқа одамга айланадилар. Санъат хусусида тўғри фикрлар билдириб туришганда, маҳалла оқсоқоли келиб қолади. У шундай дейди:

“Сизлар яшаётган ушибу уйдаги барча хонадонлар – ибратли оиласлар эканлигини бутун шаҳар билади, десам, хатто эмас. Озо-

далик, орасталик бобида бутун туманга ўрнак бўлгансизлар. Шуларнинг барчасини инобатга олиб, шаҳар ҳокимияти томонидан сизларга, яъни намунали уй соҳибларига битта “Нексия” бериладиган бўлди... Қарор бўйича, Ушбу машина фақат бир кишига насиб этиши керак”, – деган гапидан сўнг бу кимсаларнинг қиёфаси бутунлай ўзгаради. Ҳар биттаси машинага эга бўламан деб бирининг устига бири мағзава тўка бошлиди, айбларини фош қиласди. Ҳатто фарзандлари (Дилшод, Ойжамол) бир-бирига кўнгил қўйганлари учун куда бўлишга ахдлашган Ашур билан Сафар бундан воз кечишади:

“Ашур: (Ўйланиб) Нокас одам билан (Сафарни кўрсатиб) куда бўлишни орзу қилиб, нечоғли ўйламай иш қилаётганимни сезиб, пушаймон бўлиб турибман

Сафар: Ким касу нокаслигини ҳаётнинг ўзи кўрсатиб туриди, мулла Ашур. Сизга берадиган, кўчада қолган қизимиз йўқ” (187-бет).

Нега бундай бўлди? Чунки улар чин маънодаги зиёлилар эмас. Ҳақиқий зиёлилик эса олий маълумотли диплом ёки маданиятли кийиниш, ҳатто олимлик билан ҳам белгиланмайди. У ички зиё билан белгиланади. Ички зиё бу ҳақиқат нурига эга бўлган маънавият – руҳиятдир. Уни доимо бойитиб, руҳлантириб туриш даркор. Бу нарса заифлашса фақат моддий рағбат кучаяди. Моддий рағбат “Эса қалбларга ёмонлик солади ва кишилар ўртасида дўстлик алоқаларини бузади”¹. Мазкур қўштириюқ ичидағи зиёлилар шу кабилардир, яъни руҳий рағбати заифлашганлардир. Уларнинг аёллари ҳам шу тариқадир. Буларнинг устидан маза қилиб куламиз. Чунки зоҳирий зиёлиларнинг хатти-ҳаракати ҳақиқий комедиядир.

Абдулла Қодирий “Ёзишгувчиларимизга” номли мақоласида кулги туғдирувчи ҳодисалар устидан тўхтаб ёзади: “... сизни нафратлантирган, истеҳзолантирган масала ёки шахс ўз ҳаётидан, ўз хусусиятидан олиб, кулги ҳолига қўйишингиз керак. Яъни сиз бу кулгуликни ясаган бўлиб кўринманг, балки ўзи ясалган бўлсин. Ўз ҳолини ўзи арз қилсин. Токи ўқувчингизгина эмас, ҳатто кулгига қолган рақибингизни ўзи ҳам можаросиз сиз билан биргалашиб кулишга мажбур бўлсин”².

¹ Мұхаммад Содик Мұхаммад Юсуф. Имон. – Т.: Камалак. 1991 йил, 121-бет.

² Абдулла Қодирий. Кичик асарлар. – Т.. F. Ғулом номидаги нашрист, 1969. 186 – 187-бетлар

Жуманиёз Жабборовнинг “Зиёфат” комедиясига назар солганимизда бу ҳолни кўрмаймиз. Бошланишидан кўп нарса кутилган, ҳаётий воқелик асосига курилган асар иккинчи парда-да воқеалар ўз мантиқ кучига эга эмаслиги, у ясалгани аниқ бўлиб қолади. Комедия сюжетига мурожаат қиласлийлик.

Озиқ-овқат таъминоти мудири Хонназар ва рафиқаси Ой-парча меҳмон кутишга тайёргарлик кўра бошлайди. Уларнинг гап-сўзидан севишиб турмуш куришганини, ҳатто Хонназар Ойпарчанинг институтни битиришини кутиб, беш йил зоруинтизор юрганини биламиз. Бундан кўринадики, улар – ҳаётга енгил қарайдиганлар эмас, балки сабр-тоқатли, ҳаётда ўз ўрнини биладиган шахслар. Уларнинг тутган ишлари шундай фикрга келишга изн беради. Бундай кишилар инсонга мос бўлмаган ишларга кўл урмайди. Чунки улар ўз иродасига эга шахслар саналади. Надоматлар бўлсинки, драматург ҳеч бир сабабсиз уларни залолат ишига қўл ургизади. Бу билан у қаҳрамон мантиқига зид боради. Бу ҳолат бошқа қаҳрамонлар хатти-ҳаракатида ҳам кузатилади.

Комедиядан шу нарса аниқ бўладики, улар меҳмонни шунчаки эмас, балки Хонназар юқори мансабга кўтарилиши учун амалдорларни чиқаришган экан. Хотини Ойпарча эса уларнинг хотинларига Юлдуз Усмонова ҳам келади, деб ваъда беради. Бунинг иложи йўқлигини нимагадир олий маълумотли бўла туриб ўйлаб кўрмайди. Тўғри, фақат учта йўл билаи олиб келиш иложи бор. Биринчиси, като пул эвазига, иккинчиси, като лавозимдаги амалдорлик билан, учинчиси, таникли мафия гурухларига яқинлиги бўлса. Ваҳоланки, мазкур оила учласига ҳам эга эмас.

Улар меҳмонларга тортиладиган овқатлар маслаҳатини килиб туришганда эшик тақиллаб қолади. Ойпарча чиқиб қараса, Хонназарнинг қишлоқдан келган жияни Шодивой экан. Бу ҳақида эрига айтганда, бир амаллаб кетказвор, дейди. Лекин Ойпарча “Айтишга осон. Ўзингиз жавобини беринг”, – дейди, Хонназар жиянининг қўлидаги тугунни кўриб, суюниб кетади. У тандир кабоб эди. Уйига таклиф қиласига хотинига “Дастурхонимизга энг олий неъмат-тандир кавоб ўз оёги билан кириб келди. Энди дастурхондан уяладиган жойимиз йўқ”, – дейди. Жиянига илтифот кўрсатар экан, у ҳақида одамларга қаратса шундай дейди: “Бўйинни қаранг. Кирига бармоқ ботади. Турқиям анча совуклашибди. Ёқаларидан чиқиб тур-

ган сарғиши узун туклар ўрмалаб кетаётган чувалчангларга ўхшайди” (205-бет). Бу беўхшов ўхшатиш жиянидан жирка-нишдир. Лекин бироздан сўнг унинг: “Юлдуз Усмоновани олиб келиш-осмондаги ойни узид олиш ё Американи очиши-дек мураккаб иш эмаски, йўли топилмаса”, – деган гапидан кейин унга нисбатан муомала ўзгаради. Ўзи ҳам найновдан ақлли, уддабурон шахсга айланади. Вазиятдан чиқиши, яъни янгасини ҳижолатдан чиқариш йўллари ҳақида бош қотиради ва, ниҳоят, тогасига қаратса шундай дейди:

“... Тўхтанг, тўхтанг. Шундай бир найранг ишлатсак, қандай бўларкин... Мени мўтабар меҳмонларга – давра ахлига фалон-фалон киши, деб пилигимни кўтариб, соқийлик вазифасини менга топширасиз. Ана ўёгини ўзим олиб кетаман... кўнглингиздагидай” (209-бет). Шодивойнинг ювениб чиққандан кейинги кўринишини Хонназар тилидан шундай таърифланади: “Ё пирай! Қойил! Мана бу – бошқа гап. Тамомила бошқа гап. Тамомила бошқа гап! Бошқача одам бўлиб кетибсан, жиян! Балли. Қани, янгаси, олиб чиқ атаганингни. Тоза костюмларимдан энг яхшисини жияннинг эгнига сол” (209-бет). Юқоридаги таъриф билан бу кўринишининг уйғун эмаслигини драматург ўйлаб ўтирумайди. Бўйиннинг кирига бармоқ ботадиган, гап-сўзидан дўлворлиги билиниб турган одам барчанинг дикқатини тортадиган гапдон шоир, кўп хорижий ўлкаларда бўлган ҳурматли шахсга айланади.

Зиёфатга келган туман ҳокими ўринбосари Искандар, ресторонлар трести раҳбари Ҳамдам, ўқитувчи, маҳалла оқсоқоли Собитхон, санъаткор Гуломлар тўй-маърака, урф-одатлар ҳақида сухбатлашар экан, энг тўғри фикрларни Шодивой айтади. Искандар ҳам анча мантиқли фикр юритади. Лекин шу даврага, ҳеч қанақа нуфузга эга бўлмаган одамнинг кичкина зиёфатига сабабсиз Юлдуз Усмоновани келмаслиги шундай аниқ бўлиб турганига қарамай, анча бамаъни фикрлар айғган Искандар тез-тез Юлдуз Усмонова қачон келади деб сўраб туради-ки, бу қаҳрамон мантиқига зид ҳолатдир.

Шодивой аввал даврани умумий тарзда олиб борар экан, ўзининг тарихини гапиргач, гўё ўзининг қийналганларига, оғир меҳнат қилишига мажбур бўлганига меҳмонлар айбдор-дек уларга ҳужум бошлиди, яъни ноҳақлиқда, қўша-қўша уйларга, машинага, хотинлари қимматбаҳо тақинчоқларга эгалиги, уларнинг ҳаммаси текинга келганликда айблайди.

Искандарнинг Хонназарга қарат: “Ким ўйлаб топди бу тутуриқсиз томоша-спектаклни? Ким уюштириди бу масхара-бозликни?” – деганига Хонназар титраб: “Ўлай, хабарим йўқ”, – дейди. Шодивой эса нутқ ирод этади: “Уюштирилган спектакл ҳам эмас, масхараbosлиқ ҳам эмас. Бу – қачондир айтилиши муқаррар бўлган ҳақиқат! Неча йиллар мобайнида мардикорлардан бири бўлиб ишладим ўшал қурилишингизда. Барча қурилишларингизда. Барча кошоналар кўз ўнгимда қад кўтарди. Кимларнинг маблаглари ҳисобига, текин тунукаси-ю гишту тахталари ҳисобига, қанча одамлар кучи ҳисобига барпо бўлди, бу бунёлар менга маълум, (Искандарга) сиз, (Ҳамдамга) сиз ҳар ўн кунда салобат билан бир келиб хабар олиб кетардингиз ялтиллаган “Нексия”лар-да! Мен мана шу кўзларим билан кўрдим, мана шу ақлу қалбим билан ҳис этдим бу “улугворлик”ни!.. Энди аёндир сизга кимнинг Ким эканлиги?! Бу учрашувга эса мен тамомила тасодифан келиб қолдим. Тогамизни бир зиёрат қиласай деб, зиёратнинг ўртасига тушиб қолдим. Узр” (229-бет).

Бу гапдан сўнг Хонназар: “Жўна, Шодивой! Қорангни кўрсатма”, – деб тургаңда, эшик қўнғироги жинглайди, очилганда икки милиция кириб келиб, Шодивойни кўрсатиб: “Бизга факат бу киши керак. Маълумотлар бизни шу манзилга – сизларнинг даврангизга бошлаб келди... Бир ишга оид саволларимиз бор”. Шодивойни олиб чиқиб кетади. Бундан кўринадики, гўё Шодивой уларнинг кирдикорларини фош қилишга анча олдин киришган. Лекин бу нарса на ишонтириш кучига, на асосга эга. Чунки буни комедия воқеаси ҳам, ҳаётий мантиқ ҳам инкор қиласи. Комедияда ёзилиши бўйича Хонназар Шодивойни бир йилдан бери кўрмаган (Бир йил кўрмаганимга бўйинг ҳам роса чўзилибди). Ўз-ўзидан маълумки, у зиёфат қачон бўлишини, у ерга кимлар келишини билиши мумкин эмас. Буни, яъни зиёратга тасодифман келиб қолганлигини Шодивойнинг ўзи жуда кўп таъкидлайди. Ундан кейин қурилишга турли қурилиш материали келиб туриши – табиий ҳол. Мардикор одам уни ўз пулигами ёки кимларнинг маблагларига келганлигини каердан билади?! Милицияларнинг кириб келиши ҳам ҳеч қандай асосга эга эмас.

Драматургнинг нияти бўйича зиёфат фош қилиш воситасини ўтаб, зиёфатдагиларнинг шармандаси чиқиб, кулгили ҳолига ҳамма кулиши, ундан хулоса чиқариш керак. Ният

яҳши, лекин ҳозирги ҳолида узини оқламаган. Бизнингча, зиёфатдагилар бирор масала юзасидан талашиб қолиб, ўзларини ўзлари фош қилишганда, бунга аёллар ҳам кўшилганда, Абдулла Қодирий айтгандек бўларди. Яъни қулгига қолган рақиблар ҳам мажорасиз биз билан кулишга мажбур бўларди. Маълумки, ҳамма нарса мантиқ ва ҳаётий асослашга боғлиқ. Шу икки нарса бўлмаган жойда ижодкор ҳеч қачон мақсадга эриша олмайди. Мазкур комедияда шундай бўлган.

“Ўжарлар” комедиясида қўйилган масаланинг кўламдорлиги, қаҳрамонлари хатти-ҳаракати, гап-сўзи ёши ва савиясига, воқеа тизими замонга мослиги билан диққатга сазовордир. Комедия қаҳрамонларининг деярли барчаси янги иморат қурилишида ишлаётган ёшлар, яъни Озода, Қаландар, Тоживой, Фахриддин, Кувондик, Келдиёрлар. Уларнинг барчаси соглом, билагида куч ёғилиб турган, ўз мақсадларига эга, энг муҳими, ўзи яшаётган жамиятнинг тараққиётига, яъни “Кўпларнинг баҳтига ўзликни жамлаб, шу улуг бинога бир гишт қўйсак, бас” (F. Fулом), – деб юрган келажак мевалари.

Улар дастлаб қурилишга келишганда катада гайрат, шижкат билан ишга киришган. Лекин қурилиш раҳбарларининг лоқайдлиги, керакли материал билан таъминламаслиқдан бекор туриб қолишлар кўп бўлгани, талаб қилиб югиришлар натижасиз кечгани учун гайрат ва ниятлари сўнган. Биз буни уларнинг гап-сўзидан англаб етамиз. Бу ҳол, ўз навбатида, уларнинг сажияси ва табиати билан ошно қиласиди. Уларнинг ҳазил-мутойбаларидан, бир-бирига муносабатидан ниҳоятда самимий, ҳалол, иқтидорли йигитлар эканлиги кўринади. Драматург буни ғоят ҳаётий, ашуулалар руҳиятига мос берганидан киши уларга меҳр қўйиб қолади. Чунки уларнинг ўйорзуларида, фосиқлик эмас, эзгулик ётади. Бунинг тарбиявий аҳамияти катади. Чунки уларнинг саъӣ-ҳаракатидан ёшлар тўғри хулоса ясади.

Буларнинг сафиға Озода кейин кўшилади. У, аслида, бригадир бўлиб келади. Лекин у буни сир тутади. Йигитларнинг самимийлигини, ҳар қандай ишнинг уддасидан чиқишлиарини хис қилиб хурсанд бўлади. Бироқ уларнинг ишга хафсаласизликларидан, яъни кеч туришлари, ишга кеч отланишлари, иш пайтида кўп ўтиршилари, шоҳмот ўйнашларидан ранжийди. Чунки унинг сабабини билмайди. Билгач, унга карши ўт очади. Қурилиш бошқармаси бошлиғига прораб Самандаров усти-

дан арз қиласиз деганда, йигитлар фойдаси йўқлигини айтиб, боришдан бош тортишади. Озоданинг қатъий туриб олганидан, аччиқ гапларидан сўнг боришади. Йигитлар айтганидек, борганлари натижасиз бўлади. Яъни бошқарма бошлигининг биринчи муовини Қодиржонов уларга: “Бу иш билан Самандаров шуғулланади. Биз Самандаров орқали сизлар билан гаплашамиз. Тартиб бузилмаслиги керак. Ўзбошимчалик иш бермайди. Самандаровга учрашинглар”, – дейди. Уларнинг тарвузлари қўлтиғидан тушиб, бошқарма биноси олдидағи скамейкада ўтиришганда, Самандаровнинг машинаси келаётганига кўзлари тушади. Озода ўша томонга қараганда, йигитлар билинтирмай бекиниб олишади. Тўхтаган машина олдига Озода келиб: “Салом, ўртоқ Самандаров... биз... сизни учратмоқчи бўлиб келувдик. Кўриб қолганимиз жуда яхши бўлди-да. Ҳеч ўйламовдик-а”, – дейди. Озода ҳам сир бой бермасдан хушомадларига монанд ҳаракат қиласи, жавоб беради. Бунга лаққа учган Самандаров кучкурун кафега таклиф қиласи.

Кейинги кўринишда Самандаров тузалган стол атрофида мамнун қиёфада соатига қараб хиргойи қилиб турган ҳолда кўринади. Шу маҳал қўлида гул билан Қувондиқ кириб келади-ю, у бекинаётган Самандаровни илгаб қолади. Ундан кейин қувноқ кайфиятда Фахриддин, сал ўтмай Тоживой, Келдиёр кириб келишади. Ҳаммасининг қўлида гул. Йигитлар бир-бирини кўргач, гап нимада эканлигини аинглашиади. Озода уларнинг ҳаммасини бир пайтга учрашувларга таклиф қилган бўлади. Бизни лақиллатибди деб ундан ранжишиади. Улар ўзларини устун панасига олмоқчи бўлиб, гўё тўсатдан Самандаровга тўқнаш келадилар. У: “Менми... менми чиқиб кетаётувдим... Йўлим тушиб қолувди...” – дейди чайналиб. У вазиятдан қуруқ чиқиш учун йигитларга қаратади: “Оббо, боласи тушмагурлар-еј, тумшугингдан илинибсан-да ҳамманг. Пулнингни чўнгагингта ур. Зиёфат мендан”, – деб шиша ва овқатлар тўла стол устидан пардани олади. “Қани, ичайлик”, – деб ичади. Мен кетишим керак деб отланганда кириб келаётган Озодани кўриб тошдай қотади ва унга қаратади: “Бу учрашувнинг сабаби нимада ўзи? Нега бир оғиз менга айтилмади?” – деган саволга Озода: “Раббим Рамазонович, шундай тасодиф бўладики... Мени кечирасиз... Жуда хижолат бўляпмай. Бир оз ўтирилмаса бўлмас дейман деганига Самандаров ўтиради ва даврани ўз қўлига олиб гапдонлик қила бошлайди. Мана бу комедияда қандай берилган:

“Самандаров. Ҳа-да. Қуруқ сўз қулоққа ёқмас, дейдилар. “Сендан угина, мендан бугина” – бу дунёнинг ишлари! Бита оғайним бор. Менга ола қараброқ юрарди. Ҳамма дарди тўрт кубометр ёғочда экан. Ол захрингга, деб жўнатиб юбордим, пинҳона қилиб... Энди ким яхши? Самандаров яхши. Соямга кўрпача солищдан ҳам қайтмайди” (293-бет). У Озодага туҳмат қиласиди: “Бу беъмани қизча менга турмушга чикмоқчи бўлди, ҳийла-найранг билан мендай бир оилали одамни тўғри йўлдан чалғитмоқчи бўлди. Мен буни синаш учунгина келган эдим бу ерга” (285-бет). Йигитлар ҳам ўзлари алдангани учун бу гапларга ишониб, дашном қилишади. Фахриддиннинг “Хўш, ойимча, бу бузуқликни ким ўргатди, сизга?” – деганига “Сизлардай латта феъллилар ўргатди. Мен бу учрашувни атайлаб уюштирасам-у, бирортанг буни тушунмасанг... Мана, Самандаров ўгирибдилар. Бу кишининг кимлигини ўзларига ойнадай кўрсатиш эди... Сиз, ланжлар, анқовлар бўлсангизлар”, – деб ийғлаб юборади.

Самандаров тўла маънида фош бўлади. Комедияда қўлланган усул мантиқ кучига эга ва тўла ўзини оқлаган. Қаҳрамонларнинг кимлигини ўзлари намоён қилиши характер кулгусини юзага келтирган. Бу комедия жанрининг талабидир.

Агар асар замирида инсон диққатини жалб қилишига ва ундан тўғри хулоса чиқариш оқибатида ҳам жамият, ҳам инсоният олами маълум иллатлардан холис бўлишга имкон берадиган масала, муаммо ётмаса, воқеалар ҳаётӣ, манзаралар тиниқ, қаҳрамонлар жонли ва кулгили вазиятга эга бўлишига қарамай, бундай асарни ўзини оқлаган деб бўлмайди. Бизнингча, “Тўйдан олдин томоша” комедиясида шу ҳол қўринади. Комедия кунлик ҳаётӣ воқеадан бошланади, яъни қиз кўришдан. Йигирма етти ёшга кирган, олим бўлишига бир қадам қолган илмий ходим Илҳом олтита қиз кўриб, ёқтиргмаган. Келинойиси Райхоннинг гапига қараганда, ҳаммаси – бинойидек қизлар. Бунинг сабаби еттинчи қизни кўришга борганда аён бўлади.

Асли исми Ойша бўлган, лекин Лаълихон бўлиб келган қиз билан учрашганда улар тамом ўзларини бошқача тутади. Яъни бир-бирини ёқтириш учун эмас, балки кўнглини қолдиришга монанд ҳаракат қилишади. Буни икки томондан келган аёллар қузатишар экан, уларнинг саъй-ҳаракатларида, гап-сўзларида, бир-бирига муносабатида ўзбек аёлларига хос сажия ва табиати очилади. Бу бегараз ҳолатлардан, ҳаракатлардан маза қилиб

куласиз, ўз навбатида, уларни яхши кўриб қоласиз. Чунки уларнинг нияти яхшиликка, яъни бир-бирига муносаб оила юзага келишига қаратилган. Бу нарса асарга комиклик бағишилаб, анча томошабоп қилган. Лекин икки ёшларнинг тутган ишларидан кўнгил тўлмайди. Сабаби Илҳомнинг ўз севгани бўлгани ҳолда олтита қизни кўргани келишига сабаб – онасининг юраги чатоқлиги. Щундан айтганини бажарган. Ваҳоланки, комедијада тасвирланишига кўра, Иқбол ая, яъни Илҳомнинг онаси соғлом ҳолда кўринади. Шунингдек, жуда ҳам қолоқ, уйда ўтириб қолган аёл ҳам эмас. Жамоат ишида ишлаган, ҳатто артелга раислик қилган. Шуниси ажабки, аммаси Норжон буви: "...Айлантирма, аммаси тасаддуқ, ё бирорта кўз тагига олиб қўйганинг борми, уялма, айтавер", – деганига севгани борлиги ҳақида лом-лим демайди. У: "Не учун ёнимда йўқсан, эй, гўзал", – деб куйлаганда, онаси: "Қани ўша гўзалинг! Бўлса, айт, бўлмаса айтганимизга кўн", – деганида ҳам жим туради. Бундан кўринадики, севганини олиб бермасликка айтарли асос йўқ. Бунинг устига, келинойиси билан акаси севишиб турмуш қуришган, иккаласи ҳам олий маълумотли.

Ойшанинг тутган иши мантиқа эга эмас. Унинг ўз севгани бор. Унинг исми – Эргаш. Ирригация институтини битирган. Севгилари, аҳду-паймонлари қатъий. Уларнинг севгисига Ойшанинг онаси ҳам қарши эмас. Отаси узоққа узатмайман, дегани учун учрашувга чиқади. Шу ўринда ўринли савол туғилади. Башарти, бошқага тегмаслиги аниқ бўлса, учрашувга чиқиш шартми?! Совчиларни силлиқлик билан қайтарса бўлади-ку? Ҳа, бўлади. Лекин драматургга мантиқ эмас, тўқима воқелик керак. Бўлмаса, максадга эриша олмайди. Учрашувга чиқсан иккала ёшлар гўё бир-бирини ёқтиради. Бундан мамнун бўлган иккала томон аёллари тўй кунини белгилашади, бир-бирига сарпо-суруклар жўнатишади. Ойшанинг отаси Субҳонқул эса куёвни кўргани қизи билан келишган ҳолда уйига чақиртиради. Илҳом билан Эргаш бирга келишади. Эргаш ўзини сипо тутади. Илҳом эса анча сурбетлик қиласди. Оқибатда Эргаш ёқиб, Илҳом қувилади. Уйида эса тўй тараддуди кетаётган бўлади. Шу пайт уйга гўзал бир қиз кириб келади. У Илҳомнинг севгилиси, учувчи қиз Малика бўлади. Малика ўзини Илҳом билан бирга ишлаймиз деб танишириб, уй юмушига уриниб кетади. Илҳом келиб қолганда, улар ўртасида шундай гап кечади:

“Илҳом. Маликахон, кечирасиз, жиндай англашилмовчилик бўлиб турибди. Кампир қисталангига олиб қолди.

Малика. Хайрли иш. Омад тилайман. Хагингизни олган эдим.

Илҳом. Нималар деяпсиз, Маликахон, қанақа тўй?

Малика. Мана бу гаплар... Қўшақаринглар...

Илҳом. Маликахон, мен сизни деганман. Тушунинг, сизни! Сиз-чи?

Малика. Мен ҳам.

Илҳом. Маликам! (333-бет)”. Шу пайт қуда томондан аёллар келиб: “Ол, юборган латта-путтангни”, – деб тугунларни иргитади. Иқбол ая: “Нима гап, айланайлар?” – деганига “Айланмай ўлиб кет, ўғлингни эплай олмасанг, нима қиласан ўйлантириб”, – деб дагдаға қиласиди иккинчи аёл. Бир-бирининг оиласини ноҳаётий воқеалар мисолида ҳақорат қилишади. Бу пайт Ойша билан Эргаш кирадилар. Ойшани кўрган Тожи хола “Иқбол! Келинингга қарасанг-чи?” – деганда Ойша мен эмас, манна келинглар деб Маликани кўрсатади. Илҳом эса: “Танишинг, ая. Мен сизга айтган Малика”, – дейди. Малика эса “Наҳотки, мен сизга ёқмаётган бўлсан. Ҳозиргина яхши жойлардан ато этсин дедингиз-ку, ойижон”, – деганига Иқбол ая: “Вой, ойижон деган тилларингдан ўргилай, келингинам”, – дейди. Сўнг шўх мусиқа янграйди, қўшиқ ва рақс бир-бирига уланияди. Комедиянинг қисқача сюжети шундан иборат.

Энди юқорида билдирилган фикримизни асослашга киришайлик.

Маълумки, жўнатилган бўхча, шунчаки, жўн сабаб билан қайтарилимайди. У жуда катта асос туфайли шундай қилинади. Бу бўхчаси қайтган оила учун улкан иснод, ор-номус саналиб, бундай пайтда юраги касал одамнигина эмас, сог юракнинг ҳам оғир ахволга тушиб қолиши ҳам эҳтимолдан ҳоли эмас. Онасини авайлаган Илҳомнинг шундай вазият тугдириши мантиқдан эмас. Шунингдек, қариндошларига шунчалик оворагарчиликларни юзага келтириш, акаси Икромнинг тўй бўлмаслигини билган ҳолда қўчкор олиб келиши кабилар ҳам тушунарсиз ҳолдир. Яна тўй арафасида куёвни зиёфатга чақириш ҳам бизнинг урф-одатга ётдир. Маликанинг Илҳом уйига кириб келиши “Маҳаллада дув-дув гап” кино комедиясидаги, Ойша билан Илҳомнинг тутган ишлари эса ҳинд киноларидаги воқеаларни ёдга солади. Хўш! Бу комедия

орқали драматург нима демоқчи? Агар комедияда рўй берган воқеалар содир қилинмасин, демоқчи бўлган бўлса, қиз кўришдан бошқа воқеалар ҳаётда содир бўлмаган ва бўлмайди ҳам. Бундан кўринадики, ҳаётда юз бериши душвор воқеликни қайтармасликка даъват этиш унча жоиз эмас. Бизнингча, Илҳомга олтита қиз ёқмаганлигини асосласа, яъни уларнинг кийинишлари, ўзининг тутишлари, гап-сўзда Farb маданиятига эргашишлари, ҳижобда юришни ниҳоятда ошириб юбориш ҳолатлари куёв кўргани келган қизлар мисолида кўрсатилиб, ва ниҳоят, ҳар жиҳатдан ибратли қиз рўпара келганда, у билан тақдирини боғлаш комедиянинг асосий сюжетини ташкил қилганда, у ҳар жиҳатдан ютилган ҳамда тарбиявий аҳамиятга, шунингдек, ҳаётий мантиққа эга бўларди.

Умуман олганда, мустақилликдан сўнг кўплаб комедиялар ёзилди. Лекин уларнинг кўпи, кўриб чиққанимиздек, кўйилган масаланинг тоши енгиллигидан ўзини оқламайди. Шунингдек, ёш драматург, хусусан, Эркин Хушвақтов ўз комедияларини миллий урф-одатларни ниҳоятда бўрттириб кўрсатиш, улар устидан кулиш эвазига қурган. Бу ҳолни унинг “Чимилдиқ”, “Қаллик ўйини” комедияларида кўришимиз мумкин. Ваҳоланки, урф-одатлар ўз-ўзидан юзага келмайди. Унинг замирида ҳаётий фалсафа ва миллий қадриятлар ётади. Бу борада В. Белинский шундай дейди: “Урф-одатлар халқнинг қиёфасидир... Энг расво, бўғзигача гунохга ботган, ҳамма муқаддас нарсаларни ҳақоратлайдиган одам ҳам урф-одатлар устидан ичида кулса-да, уларга бўйсунади”¹. Э. Хушвақтов эса тўқима воқеалар асосида сиртдан кулади-ки, унга қўшилиб бўлмайди.

Кўп йиллардан бери драматургия назарияси ва амалиёти юзасидан қалам тебратиб, ўнлаб китоб ёзган кекса, таниқли адабиётшунос, филология фанлари доктори, профессор X. Абдусаматов Э. Хушвақтовнинг асарларини таҳлил қилас экан, ёзди: “Минг афсуски, Э. Хушвақтовнинг айрим асарларини кўриб, ҳайрон бўлиб, ранжиди киши. Нима учун? Энг аввало, шуни айтиш керакки, муаллиф фольклор-этнография ниқоби остида ҳаёт ҳақиқатидан, жамиятнинг долзарб муаммоларидан чекинган, шундай қилиб, мантикий бузган, бадиийликка шикаст етказган. Гўё бадиий фантазиясини ишга солгандай бўлиб, ўзи хоҳлаган дидига мос тушган нарсаларни асарларига

¹ В. Белинский. Адабий орзулар. – Т.: 1977 йил, 7-бет.

олиб кирган. “Чимилдиқ” ва “Қаллик ўйини” драмаларида акс этган воқеа ва ҳодисаларнинг деярли ҳаммаси тўқималардан иборат”¹. Биз бунга ва “Андишалик келинчак” ҳақидаги ушбу, яъни “Келинчак ўлгудай, ётиб қолғунча хизмат қилади. У – ақлли, эс-хушли, чевар аёл. У ҳамма юмушларни аъло дараҷада бажаради. Аммо қайнонаси унга ҳеч тинчлик бермайди. Қилдан қийик ахтаргани-ахтарган. Қайнона келинга шундай зулм ўтказадики, унга бардош бериш учун темирдан асаб керак. У келиннинг юкларини олиб чиқиб, ўйидан ҳайдаган кезларида ҳам, чурқ этмайди, нолимайди. Келин жонли инсон, у ўз қадрини билиш,adolatsiz, ўринсиз таъна-дашномларга чидамай ёрилиши мумкин-ку? Ҳаёт мантиғи шундай бўлишга даъват этади. Шу билан бирга, спектаклнинг ечими ҳам бизда шубҳа туғдиради. Асар охирида қайнона келиннинг ҳомиладор бўлганини эшишиб, бутунлай бошқача бўлиб қолади. Темирдай характерга эга бўлган қайнона бирдан ипакдай майнин ҳолга ўтади-қўяди. Демак, ечим воқеалар оқимидан, сюжет ривожидан, ҳаёт мантиғидан келиб чиқиб, ишонарли ҳал қилинмаган. Маълумки, драмада энг қийини ҳам, энг зарури ҳам ечимдир”², – деганига ҳам тўлиқ кўшиламиз. Чунки билдирилган фикр асослидир.

Текшириши учун саволлар:

1. Нима учун билим инсонни тўғри йўлга солиш воситаси дейилади?
2. “Ўғилтой” комедиясида драматург образлар системасида қандай гоясини ифодалаган?
3. “Жон кўшнилар” (“Нексия”) комедияси қандай лейтмотивга эга?
4. “Ўжар” комедияси замиридаги масаланинг кўламдорлиги нималарда кўринади?
5. “Зиёфат” комедиясида ҳаётий ва қаҳрамон мантиқига зидлик қайси ўринлада кўринади?
6. Ижтимоий детермизм нима?
7. “Тўйдан олдин томоша” комедияси қандай сакталикка эга?
8. Истиқлолдан кейин юзага келган комедияларнинг умумий ҳолати қандай?

¹ Ҳафиз Абдулсаматов. Истиқлол ва драматургия. Қаранг: Мустакиллик даври адабиёти. – Т.: 2006 йил, 118-бет.

² Ўша китоб. 120-бет.

Таянч тушунчалар

Детерминизм – барча ҳодисаларнинг умумий қонуниятларга алоқадорлиги, сабабли ўзаро боғлиқлиги, сабабиятнинг объектив характерини тасдиқланиши.

Комедия – юонон тилида – *comos* – хушчақчақ оломон, оиде – кўшиқ. Драматик турга мансуб жанрлардан бири бўлиб, бунда воқеалар, характер, коллизия кулги фонида тасвиранади. У юонистонда эр. ав. V – IV асрларда юзага келган.

6. 4. Ҳаётдаги талотўмлар, инсоний таназзул, давр фожиаси ва ахлоқий-психологик ҳолатларнинг бадиий ифодаси

Режа:

1. Ҳаётдаги талотўмлар ва инсоний таназзулнинг асоси.
2. Диљдора табиати ва қисмати
3. Гулноза ва Дарвешалининг муҳаббати ҳамда инсонийлиги, фожиаси.
4. Сарвар таназзулининг асоси.
5. Инсонийликни маънавий ва ижтимоий ҳаётда тутган ўрни.
6. Бўрсиқ образининг икки мақсаддага хизмат қилиши.
7. “Бир кошона сирлари” драмасининг номланиши полифоник хусусиятга эгалиги.
8. Шахслар қисматида давр фожиасининг ифодаси.
9. Шахслар маънавияти деталларда ифодаланиши ва деталларнинг рамзий маънога эгалиги.
10. Ойбек матонати ва Зарифа ҳолати.
11. “Янги одамлар” драмасининг концепцияси.
12. “Ойдин кеча асирилиги” драмаси катта фалсафий ва терен руҳият асосига қурилгани.

Адабиётлар

Одил Ёкубов. Қайдасан, Морико. – Т.: Шарқ, 2002.

Усмон Азим. Адибнинг умри. “Шарқ юлдузи” журнали, 2006 йил, 1-сон.

Иzzат Султон. Янги одамлар. “Ёшлиқ” журнали, 2003 йил, 2-сон.

Иzzат Султон. Ойдин кеча асирилиги. “Гулистон” журнали. 2000. 2 – 3-бетлар.

Қ. Йўлдошев. Ёник сўз. – Т.: Янги авлод асри, 2006.

Мустақиллик даври адабиёти. – Т.: F. Фулом, 2006.

Х. Абдусаматов. Драма назарияси. – Т.: F. Фулом, 2000.

Ҳаётдаги талотўмларни ва инсоний таназзулларнинг асосий чукур англаган Робиндронат Тагор ўз шогирдларига қарата шундай деган эди: “Илмий, ижтимоий ва иқтисодий ислоҳотлар табиатдаги нарсаларни яхшилаши, сайқалиши мумкин, лекин инсонни ҳеч нарса қила олмайди. У нарса кишига руҳий камолатга эришиш учун йўл кўрсатиб бера олмайди. Чунки, менимча, руҳий камолот моддий тараққиётга боғлиқ нарса бўлмай, бизнинг қалбларимиздан жой олган нарсадир. У моддий жиҳатдан қолоқ халқларда ҳам, тараққиётга эришган халқларда ҳам бир хил бўлади. Шундай экан, қўлимиздан келганча руҳий нарсаларни изламогимиз керак. Биздан аввал ҳам кўпчилик кишилар бу ҳақиқатга эришганлар, руҳий камолотда тимсол бўла олганлар. Агар уларда биздагичалик илм ва моддий тараққиёт бўлмаса ҳам, улар тарбия ва мулоҳаза йўли билан улкан руҳий тараққиётга эришдиларки, бу тараққиёт кейинчалик ўзининг буюк самараларини берди. Улар эришган нарса нима эди? Бу нарсалар яхшилик, муҳаббат, бирорвни ўзидан юқори қўймаслик, фидойилик каби фазилатлар эди.

Шу нарсаларга эришганимизда қалбимиз тинч бўлиши, кишилар ўртасида дўстлик, биродарлик хукм суриши мумкин ва ҳеч қандай қонун ёки тузумга муҳтоҷ бўлмас эдик. Энг ажаблинарлisisи шуки, ҳозирги кунда маданиятимиз тараққиётiga эришиш учун қонун ва тузумларни ислоҳ қлишга уринади, лекин руҳий қувватга суюнишга ҳаракат қилмайди. Менимча, болаларимизга электр токининг фойдаларига қўшиб, очик кўнгиллик ва раҳмдилликнинг манфаатларини ўқитмоқ даркор. Бопқача қилиб айтганда, улар ўқиётган илмларга абадий қоладиган руҳий сифатларни ҳам қўшиб юбормоқ даркор. Акс ҳолда, кўзланган мақсадга эриша олмаймиз”¹¹.

Бу пурҳикмат сўзга амал қилишга ҳар қачонгидан ҳам бунгига кунида эҳтиёж сезилади. Чунки мустақилликда барча нарса га эркинлик берилиши, шунингдек, ўтиш давридаги бўхрон туфайли аксари одам маънавиятдан узоқлашиб, моддий бойликка рагбат билдиришди. Окибатда имон ва эътиқодда сусайиш бошланди. Буни вақтида сезган хукуматимиз маънавиятга

¹¹ Каранг: Мухаммад Содик Мухаммад Юсуф. Имон. –Т.: Камалак, 1991 йил, 76-бет.

эътиборни кучайтириди. Сўзсиз, бу нарса адабиётда ҳам ўз ифодасини топди. Одил Ёкубовнинг “Бир кошона сирлари” драмаси шу жумладандир. Драма икки парда, тўрт кўринишга эга. У муқаддимадан бошланади. Унда шундай манзаранинг гувоҳи бўламиз, яъни табиат қўйнида – гўзал ўтлоқда тўрт-бешта йигит даврасида драма иштирокчиси Дилора кайф ҳолда турли нағмалар қилиб ўйнаётгани, йигитлардан бири бизга ҳам қаранг деганига қарата: “Диляхоннинг бир ишваси минг доллар туради. Кучингиз етадими, йигитча!” – деб ўйинни давом эттиришига жавобан йигит чўнтағидан бир даста пул олиб сочганига Дилорани енгил ўпишга мусассар бўлгани ва унинг ўз эри Сарварга: “Йифиштириб олинг, ҳаммаси юзталик экан доллари” – деган хитобига эри томонидан юзига шапалоқ урилиш воқеасининг гувоҳи бўламиз. Бу ҳолат асарнинг умумий йўналишини, конфликтини, воқеалар тизими ва кўламини белгилаган.

Биринчи парданинг биринчи кўринишида ҳамма нарсанинг асоси бойлик, у барча нарсани белгилайди, нимани истаса, шунга имкон беради, деган фикрда бўлган, шундан кўнгил кўчасига кенг эрк берган Сарвар, унинг онаси Мехринисо, Гулноза, Бўрсиқ каби образлар билан танишамиз. Уларнинг табиати тийнати ҳакида драматург тафсилот бермайди, уларни қандай инсон эканлигини хатти-харакатида кўрсатади.

Нихоятда ҳалим, серҳаракат Мехринисо ая аҳволини билгани чиққан қўшниси врач Гулноза унинг аҳволини сўраганда, у шундай жавоб беради: “Э-э... яхши уйқу қаёқда дейсан, дўхтир қизим. Ўғлим билаи келиним ўртасидан ола мушук ўтибдики, ҳаловат йўқ уйимизда. Болажоним фарзандларини жонидан яхши кўради, соғинади, келиним тушмагур уларни опқочгани-опқочган. Ўғлим ўз ёғида ўзи қовурилади. Онаизор, буни кўриб мен қовуриламан. Келин енгилтак бўлса, қийин экан”. Бу фикрдан ва муқаддимадаги хатти-харакатдан келини Дилорадан кишини кўнгли қолади ва Сарварнинг тутган ишини ичдан оқлайди. Айниқса, аянинг: “Болажоним ичмас эди, ичадиган бўлди”, – деган сўзидан кейин. Бу фикрни кеч турган Сарварга йигитларидан бири “Нонушта тайёр, кўнгиллари нима истайди, хўжайн?” деганига “Жигаркабоб. Шампан”, – дейиши тасдиқлайди, ҳатто кишида ачиниш уйғотади. Сарварнинг Бўрсиқка қарата: “Ишга олмасимдан туриб, йўлдан урдинг мени. Мен унақа пора-мора билан иш қиласидиган ипиринди-

сипиринди тадбиркор эмасман”, – дейиши унга нисбатан бир қадар ҳурмат уйготади. Лекин унинг қандай қилиб шундай кошона уйга, даромадга эга бўлганига қизиқиш ортади. Бу сирни очиш эса Бўрсиқ зиммасига юклатилади. У тобора фаоллашиб боради. Бўрсиқ шундай дейди: “Нима қиласиз шу хотин билан ажрашиб? Ахир, инсоф билан айтганда, сизниям, мениям одам қилган шу хотин-ку? Ким эдик бизлар? Мен ўзингиз айтган бир ипиринди паттачи эдим, бозорком қилди. Сиз тачка ҳайдаб юрган бир йигитча эдингиз. Рост жуда келишган, кетвортган йигит эдингиз. Шу хотин сабаб миллионер бўлдингиз. Лекин уям қанақа жувон эди? Бутун шаҳар унинг супермаркет дўконига мол олгани эмас, хусни-жамолини тамоша қилгани келарди. Ҳозир ҳам кўчада юрса, не-не эркаклар қайрилиб қарайди”.

Мана бундан кўриняптики, драмада жумбоқ устига жумбоқ туғилади. Бу драматик асар учун қонуний ҳолат. Сабаби бундай ҳолатда томошабиннинг диққати тортилади, фикрлашга уринади, бутун эътибор саҳнага қаратилади. Бунга ҳамма ҳам эришмайди. Лекин Одил Ёкубов эришган. Дилоранинг муқаддимадаги ҳолати, Бўрсиқнинг айтганларига, кўра у барча нарсага хусни орқали эришгандай таассурот қолдиради. Бироқ воқеалар давомида бундай қараш ўзгаради. Воқеалар йўналишидан маълум бўладики, Сарвар уни йигитлар даврасига ғаразли мақсадда, яъни ундан кутилиш учун олиб борган. Бу ҳақида ўзи шундай дейди: “Йўқ. Мен сени синамоқ учун эмас, рақибларимнинг кўзини ўйнатмоқ ниятида борган эдим”. Мантиқни қаранг?! Ўзининг қонуний аёlinи, болаларининг онасини, ўзини оёққа тургизган умр-йўлдошини ўзгаларга кўз-кўз қилишга олиб борган одамни қандай шахс деб аташ мумкин?! Юмшоқ қилиб айтганда, ўта пасткашлиkdir. Энди у ҳақидаги олдинги тасаввур ўзгара боради. Айниқса, Дилоранинг куйидаги илтижоси фикрга хулоса ясайди: “Уша кечада эркалик қилсан – қилгандирман. Лекин, тепамда Худо, бирор ит теккани йўқ жисмимга, жисмим ҳам пок, виждоним ҳам, Сарвар ака. Жоним, жонгинам. Кўзимни очиб кўрган жуфти ҳалолим. Агар гуноҳ қилган бўлсан, кечиринг мен баҳтиқарони. Кечиринг. Ҳоҳласангиз, тиз чўкиб оёқларингизни ўпаман”. Бундай илтижони ва ўз айбини юракдан тан олишини чин мусулмон, диёнатли одам кечирали. Аёлнинг битта айбини кечирмаслик мумкин, яъни хиёнат-

ни. Куръони каримда шундай дейилади: “Афв қилмоғингиз, кўнгилни кенг тутмоғингиз ва кечирмоғингиз яхшидур. Албатта Аллоҳ кечиравчи ва раҳмидилур” (“Тағобун” сураси, 14-оят). Яна “Ёмонликни яхшилик билан қайтарадилар” (“Раъд” сураси, 22-оят).

Сарвар эса кечириш ўрнига, соқчига “опангни опчиқиб, машинада олиб бориб қўй”, – деб буюради. Дилоранинг “Мабодо, фарзандларимизни мендан тортиб оладиган бўлсанг... учовимизнинг ҳам қулимизни оласан. Жисмимизни эмас, қулимизни дафт этасан” (200-бет) деганига “Буни даф қил, дедим сенга”, – деб қичқиради. Хотини Дилорани кетказгач, қўшниси жарроҳ Дарвешалининг жуфти ҳалоли Гулнозага муҳаббат изҳор қиласи: “Эрингиз улуғ жарроҳ. Аммо меннинг юрагимни ҳеч бир жарроҳ даволай олмайди. Юрагимни битта-ю, битта дўхтир даволай олади, у ҳам бўлса... Дилемдаги ғозимни айтиб қолай...” (201-бет). Бу гапдан сўнг кишини қалби теракнинг баргидай титраб, наҳотки, Гулноза ўзи шундоқ ҳам куйган аёлни яна ҳаёт оташига итарса, деган сўрок киши қалбидан кечади. Лекин Гулнозанинг “Қўйинг, биламан, ҳаммасини биламан.Faқат сиз ҳам шуни билиб қўйингки, сиз ўйлаган режа ҳеч қачон, ҳеч қачон рўёбга чиқмайди” (201-бет) – деган сўзидан сўнг кишининг кўнгли жойига тушади. Сарвар ва унинг хатти-ҳаракати хусусида фикрлайди ҳамда бунчалик диёнатсизлик, фосикликнинг замини қаердалигига жавоб тошишга уринади. Онг оқимини мақсад сари йўналтиргач, мияда ечим кўндаланг бўлади. Бу ҳам бўлса осон, меҳнатсиз, топилган бойлик ақлни хиралаштирганидан. Хиралашган ақлда эса киши ҳаддидан ошади. Бу ҳақида Куръони каримда шундай дейилади: “Дарҳақиқат, (кофир) инсон ўзини бой-бехожат кўргач, албатта, туғёнга тушар, ҳаддидан ошар” (“Алақ” сураси, 6-7-оятлар).

Иккинчи парда инсоний фожиа, бурч, инсонийлик масаласига бағишиланган. Бу нарса Дарвешали ва Гулноза образи орқали ёритилган. Сиртдан қараганда, ҳеч қандай фожиа аломати сезилмайди. Чунки иккаласи ҳам соғлом, иқтисодий жиҳатдан ҳам ҳеч камчилиги йўқ, баобрў, севишган онла. Сиртдан шундай кўрингани билан, аслида, ундай эмас. Буни драматург Дарвешалининг кўнгли безовталигидан, Гулнозанинг кўнгли синиқлигидан англаатади. Дарвешали Гулнозани мунтазам рашқ қиласи, унинг кетиб қолишидан ҳавотирда.

Бундай бўлишга катта асос бор. Биринчидан, уларнинг ёшлири орасида фарқ жуда катта, иккинчидан, ўртада фарзанд йўқ. Гулноза бўлса, ўзининг айтиши бўйича, Дарвешалига севиб турмушга чиқкан. Лекин мушоҳада қилинса, Гулноза Дарвешалининг ўзини эмас, унинг шуҳратини, обрўйини яхши кўргани аён бўлади. Шу обрў, шу шуҳрат қанотида ўзи ҳам унга муяссар бўладигандай ҳис қилган. Бунга муяссар бўлиб ҳамманинг ҳавасини келтиришни истаган (руҳшуносларнинг гувоҳлик беришича, аёллар руҳияти шундайки, ўз баҳосидан кўра ўзгаларнинг баҳосини, қараашларини афзал кўради. Ҳатто кийиниша ҳам ўз дидидан кўра, бошқаларнинг баҳоси ҳал қилувчи роль ўйнайди). Бундай истак унинг хиссий туйгуларини жунбушга келтирган. Бу ҳол хаёлидаги эҳтиёжини амалга ошириш истагини кучайтирган. Оқибати жисмоний бирликка олиб келган. Мана энди ҳиссиётлар туғёни, қоннинг кўпирини ўз жойига тушгандан сўнг хато қилганлигини англади. Гулнозанинг оиласи ҳаёти, завқи, яъни Дарвешалига бўлган интилиши аллақачон совуб бўлган. У фақат маънавий бой бўлгани учун инсоний меъёрларга амал қилиб, жамоатчилик нигоҳини ўйлаб яшаяпти. Бу эса қалб эркини бўғиш, табиий эҳтиёжларни амалга оширишнинг ихтиёрий йўлини тўсишдир. Бунда инсоннинг фақат қалби эмас, бутун вужуди изтироб чекади. Дарвешали илм одами бўлганидан буни ақлан сезади, бунга дош беришнинг чегараси борлигини ҳис қилади. Шундан кўнгли доим ҳавотирда. Мазкур ҳолатлар катта инсоний фожиадир.

Драмада инсонийликнинг маънавий ва ижтимоий ҳаётда тутган ўрни жуда яхши очиб берилган. Сарвар Дарвешалининг ўзига кўрсатилган инсонийлигидан қаттиқ таъсиранади ва таомом бошқа одамга айланади. Яъни қалбida инсонийликнинг биринчи мезони бўлган имон куртаги кўкариб гуллайди. Булар одамийлик мевасини – диёнат, инсоф, сахийлик, ахлоқийлик тугади. Оқибатда хайрли ишларга кўл уради: маҳалла масчинига бир миллион сўм пул ажратади. Дарвешалининг ўзига миллион, клиникасига беш миллион сўм ҳадя қилади. Диорадан кечирим сўраб уйига қайтаради. Ўзи ҳажга отланади. Дарвешалидан Гулнозанинг ҳам ўзи билан боришини илтимос қилганда, у тутақиб кетади. Сарварни ва Гулнозани ҳақорат қилади. Пировардида Сарварнинг хаста юраги хуруж қилади ва йиқилади. Гулноза эса уйидан кетади, яъни Дарвешали бир

умр кўркиб юрган нарса рўй беради. Дарвешали билан Гулно-за оиласининг қисматида катта фалсафий ҳақиқат ётади. Яъни ёш ўртасида катта фарқи бўлган оила ҳамиша кемтиқ бўлиши асосланади.

Драматург Бўрсиқ тимсолида имон-эътиқодсиз, диёнtsиз, ҳамиятсиз, ўз манфаатидан бошқа нарсани ўйламайдиган, шу йўлда ҳар қандай пасткашлиқдан қайтмайдиган шахс қиёфасини жуда ёрқин очиб берган. Бўрсиқ шундай сурбетки, турли мақомда Сарварга ўзининг садоқатини кўрсатиб юрган одам, унинг юраги операция бўлганда ич-ичидан севинади. Буни яшириб ўтирумайди. Унинг бойликларини эгаллаш йўлини қидиради. Бу учун Диорани йўлдан уришга уринади. Энг яхши йўли уни қўлга олиш дейди-да, унга муҳаббат изҳор қилади. Бу драмада шундай берилади:

“Бўрсиқ. Ахир, қанақа дўйконларингиз бор эди. Бутун шаҳар сизга келарди. Ҳусни-жамолингизни томоша қилгани келади кўплар. Биз садоқатли зоҳир қулингиз ҳам қараб тўймас Эдик шаҳло кўзларингизга. Битта шу найнов гўрсўхтани деб ҳаммасидан воз кечдингиз.

Дилора. (масхаромуз) Шунақами ҳали, Бўрсиқвой ҳам ошику бекарор эканлар-да опоқисига. Эримдан чиқиб, сенга тексаммикан, Бўрсиққинам.

Бўрсиқ. Майли, нима қиламан десангиз қилаверинг. Аммо бир нарсани билиб қўйинг. Мен сизни шундай севардимки, тўй қилган кечаларинг ҳовлидаги ёнғоққа ўзимни осиб қўйишимга сал қолган” (220 – 221-бетлар).

Бўрсиқ образи икки мақсадга хизмат қилади. Биринчиси, одамлар орасида шундай тоифали типлар бўлишидан огоҳ қилиб, уларга нисбатан кишида нафрат туйғусини уйғотса, иккинчидан, инсон ҳаётда энг мураккаб хилқат эканлигини англатади.

Драманинг номланиши ҳам полифоник хусусиятга эга. Яъни “Бир кошона сирлари” бу фақат Сарвар кошонаси ичида рўй берган воқеаларни англатмайди, кошона дунё маъносида бўлиб, у ерда фақат хурсандчилик, кўнгилхушлик ҳукм сурмайди, балки инсоний дард-алам, изтироблар, алдамчилигу хиёнат, топишдан кўра йўқотишлар кўп, шунингдек, Дарвешали, Гулноза, Диорага ўҳшаган ҳаёти фожиага тўла, Сарварга ўҳшаган адашганлар билан бирга, Бўрсиқ каби мунҳат ва фосиқлар ҳам истиқомат қилади. Демак, дунё мураккаб. Драма

мана шу нарсалардан инсонни огоҳ қилиши ва мустақиллик туғдирган масалалар кўтарилилган ҳамда бадиий акс эттирилгани билан аҳамиятлидир.

Ҳар қандай изтиробли воқеа, фожиа агар у инсон қисмати, фаолияти орқали ифодаланмаса, уни ёрқин тасаввур қилиш душвор ва онгга таъсири ҳам суст бўлади. Бу борада буюк немис шоири Хейни шундай дейди:

Ҳамма эснаб турди, қулоқ солмади,
Қайғумни гапириб берган вақтимда.
Мени алқамаган одам қолмади,
Қайғумни назмга терган вақтимда.

Ҳа, бу бани ҳақиқатдир. Биз 30- ва 50-йиллардаги қатагонликнинг зиёлилар бошига солган фожиасидан хабардормиз, тасаввурга эгамиз. Бу ҳақида кўп ёзилган, бадиий асарларда ёритилган. Лекин шунга қарамай, аниқ шахслар уни қандай кўтарганинги, қандай муносабатда бўлганлиги, қалблари қандай изтироб чекканлиги, туйгулари топталганлигини, қандай шахслар бўлганлиги, табиатлари ҳамда яқинларининг бошига тушган кўргуликларни хира тасаввур ва ҳис қиласардик. Ўзбекистон халқ шоири Усмон Азимнинг “Адиганинг умри” драмаси бу бўшлиқни тўлдиради. Драма ҳолатдан бошланади. Унда биз нафақат драма қатнашчилари, балки уларнинг табиати билан ҳам танишамиз, шунингдек, уларнинг улуғлиги нимада эканлигини ҳам ҳис қиласиз. Ҳолат шундай тасвирланади:

“Ойбекнинг боғи. Чўлпон, Сайдносир Миржалилов супада ўлтирибдилар. Улар қопдан китоб олиб бир-бир варақлаб кўярптилар. Ойбек самоварнинг атрофида – чой қайнатиш билан овора. Абдулла Қодирий гулзорнинг четидаги бир гул тепасида, унга тикилганча турибди. Китобдан бош кўтарган Чўлпоннинг “Сайдносир ака, уйингизга китоб сигмай қолдими, Ойбекнинг уйига қоплаб кўтариб келибсиз”, – деганига у “Бозордан харид қилдим. Ойбекнинг уйи тинч. Мен эса кеча қамоқдан келган одамман. Бир гап бўлса, китоблар ОМОН қолсин дейман”¹¹ – дейди. Бу сухбатда кўп нарса ўз ифодасини топган. Яъни Сайдносир (Зарифа опанинг отаси)

¹¹ Усмон Азим. Адиганинг умри. “Шарқ юлдузи” журнали, 2006 йил, 1-сон, 24-бет. Бундан кейинги мисоллар ҳам шу нашрдан олинали ва факат бети кўрсатилади.

нинг ҳолатидан ўша талотўмлар кўз олдимизга келса, ўзларини эмас, китобларнинг ОМОН қолиши ҳақида қайгуришлари уларни нақадар зиёли шахс эканлигини кўрсатади. Китобларни асрашга интилишларида ҳам катта маъно ётади. Чунки китоб маънавият манбай ва асосидир. Маънавиятсиз ҳаётнинг ҳеч бир жабҳасида олға қадам ташлаш душвор ва ҳеч бир жабҳа тараққий этмайди, инсон ҳам камолатга эришмайди. Уларнинг миллат ва унинг келажаги учун қайгуришлари юксак маънавиятга эгаликларидандир. Мазкур шахсларнинг барчаси – гул шайдоси. Демак, гўзаллик шайдоси. Гўзалликнинг замирида эса эзгулик ётади. Улар шундай эзгу ниятли шахслар эди. Қодирий гуллардан кўз узмай, Ойбекка қаратади: “Бу гулнинг ниҳолини мендан олмаганмисан, Муса?” – деганига қаратади “Ҳа! Сизнинг бөгингиздан! Икки йил бўлди! Абдулла ака, ажойиб гул-да! Биринчи бўлиб очилади. Мен ҳам сизга ўхшаб унга қараб тўймайман! Қарайвераман, қарайвераман!” Бу қарайвериш, фақат гулнинг чиройидан баҳра олиш эмас, юртнинг келажагини кўз олдига келтириб, армон чекишларидир. Чунки гулнинг умри қисқадир.

Драматург мана шу тариқа уларнинг маънавий дунёсини очиб берар экан, аста ижтимоий лавҳаларга ўтади. Усмон Азим ёзади:

“Қодирий, (Кўзини гулдан узмасдан) Абдулхамид Мусо ўзбекнинг кичиги бўлмай кими бўлсин?

Чўлпон: (Кўз китобда) Каттаси бўлсин...

Қодирий: Ўзбекнинг каттаси қолмаган. Абдулхамид!

Миржалилов: (Китобдан бош кўтариб). Абдулла, нималар деяпсан?

Қодирий: Мағлуб халқнинг, бўйинини қисиб яшайдиган халқнинг каттаси бўлмайди.

Чўлпон: Катталар қаерга кетаркин?..

Қодирий: Қаерга кетаётгапини билмайсанми?

Чўлпон: (Узоқ сукунатдан сўнг) Биламан” (27-бет).

Бу лавҳа даврнинг қиёфасини белгилаш билан бирга, буюк шахсларнинг қисматига ишорадир. Лекин улар – некбин шахслар. Уларнинг табиатдаги некбинлик Ойбекнинг “Наъматақ” шеъри орқали берилади. Драматург усталик билан вазиятни шунга, яъни шеъриятга буриб юборади. Қодирий Ойбекка қаратади: “Ҳалиги бир шеъринг бор-ку!... Тоғ коя?..” Чўлпон эса: “Домланг наъматақка қараб, “Наъматақ” деган шеъ-

рингни эсладилар”. Ойбек бу гапга жавобан раҳмат дер экан, Қодирий шеърни ўқишини илтимос қиласи. Бу энди драматург маҳоратидир.

Иккинчи кўринишда Ойбек ва унинг оиласи бошига тушган савдо акс этади. Ойбек ҳам, Зарифа опа ҳам ишдан ҳайдалган. Оиласа иқтисодий тақчиллик. Бироқ некбин табиятли шахслар тушкунликка тушмайди. Ўзлари тан аҳволда бўлишларига қарамай, ота-онасини ўйлашади. Зарифа опани ишдан ҳайдашгандан кейин, ҳисоб-китоб пулини икки рўзгорга бўлишади. Бундай қилишлари бани ҳақиқатдир. Шундан бу ҳолат катта инсонийликдан дарсдир.

Маълумки, кўп одамларнинг бошига тушган фалокатда, Чўлпон тили билан айтганда, ўзимиздан чиқсан олапарларнинг хизмати катта бўлган. Драмада бу ҳолат жуда ёрқин ёритилган.

Ойбекнинг боғида узоқдан шарпа кўзга ташланади. Яқинлашгач, унинг Отарўзи эканлиги билинади. Ёнида яна бирор бор эди. Отарўзи Ойбекка қаратса: “Боғингни аранг топиб келдик-э. жуда хилватда экан. Аммо лекин шийпонни боплабсан! Ҳа, таниш бу йигитча – Мирзафар... Олдинга бир иш билан келган эдик!.. Энди, ўзинг кўриб турибсан, халқ душманлари фош бўлди! Абдулла Қодирий Чўлпонларнинг куни қисқа! Мулойимхунук Фитрат ҳам онасини Учқўргондан кўради! Усмон Носир деган уларнинг бир абллаҳ думи бор. У ҳам, билишимча, яқинда олинади! Ҳа, ишон, хабарим бор! Аниқ биламан” (31-бет), – дейди. Ва уларни қоралаб ёзилган хатга қўл қўйишини айтади. Ойбек уни рад этгач, Отарўзи “туркистон мухторияти вазирининг қизига уйланганлигининг ўзи сени йўқ қилиб юборишга етади”, деб дўқ уради. Шунда Ойбек чўчиш ўрнига “Кет!.. Кет!.. Абллаҳ. ...Бу ердан чиқиб кет! ...Абллаҳ!.. Иблис!..” – деб ҳайдайди. Бу кўринишда икки типдаги, яъни ўзининг жонидан ўзганинг қисматини афзал биладиган шахсларнинг ҳамда даврнинг қиёфаси гавдаланади. Бу воқеаларнинг барчаси ҳаётий ҳақиқаттага эга бўлгани учун Драма қатнашчиларининг хатти-ҳаракатлари инсонийлик билан йўғрилганидан киши қалбига нур олиб киради. Мазкур нур инсон жисми пучмоқларини иллатлардан фориғ қилиб, инсонийлик йўлига йўллади, шахсларнинг ўзлари эса киши қалбига нақшланади. Чунки бу хатти-ҳаракат инсоний туйғулар билан омухта ҳолда берилган.

Отарўзи ўз мақсадига эриша олмаганидан кейин, ички ишлар халқ комисариати капитани Иванов келиб: “Сизни Республика халқ вазири қабулига олиб бориш менга топширилди”, – дейди. Ойбек бу пайтда ҳам ўзини матонатли тутади. Бу борада драмада шундай ёзилади: “Ойбек ташқарига шиддат билан йўналади. Аммо эшикда тўхтайди. Яна ўша шиддатда ортига қайтади.

Ойбек. Эсингдан чиқмасин, қўлёзмалар олачанинг тагида (у энганиб, Зарифанинг пешонасидан ўпади). Нега титрайсан?... Кўрқма!” у шиддат билан чиқиб кетади. Зарифа қотиб қолган. Машина кабинасининг эшиклари ёпилади. Мотор гуруллайди. Машина қўзголиб жўнайди. Мотор овози тобора олислаб бормоқда. Зарифа ҳануз қотиб турибди.

Зарифа. (Бирдан тўқилиб, йиглаб юборади). Ойбек!.. Ойбек!.. Мен қўрқаяпман! ... Ойбек! ... Ойбек! Кўрқаяпман!.. Қайтиб келинг?.. Эшитяпсизми? Қайтиб келинг! ... Ойбек... Қайтиб келдик!.. У елкалари титраб, хўрланиб, алам билан ийғлайди” (33-бет).

Бу ҳолат, бу туйгу, бу фожий инсон руҳига таъсир қилмаслиги мумкин эмас. Бунга мұяссар бўлиш драматургнинг тасвирилаш маҳоратига боғлик. Мазкур драмада шу нарса ўз ифодасини топган.

Ҳаёт ҳақиқатидан, руҳшуносларнинг тадқиқотидан маълумки, руҳи тушган, иродаси синдирилган одамда келажакка умиди ҳам сўнади. Умиди сўнган одам барча нарсага рози бўлади. Буни ички ишлар ташкилотида ишлаганлар жуда яхши билишган. Шунга эришиш учун турли усувлар қўллашган. Шулардан энг асоси йўллари инсоннинг шаънни хўрлаш, талвасада тутиш ва одамларнинг тақдирини ўзларига, яратганга эмас, уларга боғлигига ишонч ҳосил қилдиришдир. Драманинг учинчи кўринишида ички ишлар вазири Абдулов Ойбекка нисбатан худди шу усульнини қўллашди. Уни қабулхонада уч соату ўн икки дақиқа кутишга мажбур қиласди. Қабулга киргандан кейин дўй-пўписа қиласди, ўзининг қудратини кўрсатиб кўйишга интилади. У Иванов билан қилган суҳбатида шундай дейди: “Ҳибсга олсакми ё овора бўлмай, шу жойнинг ўзида отиб ташласакмикан? Нима қилсак экан? Қийин ахволга қолдик-ку...” (34-бет). Мана шу сўзда қатагон машинасининг винтлари учун буюк инсонлар қисмати сариқ чақачилик эмаслигини ифодалаганлиги билан бирга, давр фожиасининг даҳшатлиги очиб

берилиган. Бу ўринда яна бир ҳақиқат ойдинлашади, яъни Ойбекнинг вазир биносининг подвалига жўнатилмаганлиги – Фадаев туфайли эканлиги.

Адабиёт ва санъат аҳли Ойбекнинг жисмоний мажрух, яъни гапиролмай қолганлигидан хабардор. Лекин унинг моҳиятини ҳамма ҳам билади, деб бўлмайди. Драмада Минъчаков (аслида, Мильчаков) кабиларнинг йўлдан уришлари туфайли “Навоий” романининг қораланиши оқибатида адига мутасил ўтказилган тазийклар сабабли шу аҳволга тушганлиги ҳам ёрқин очиб берилиган. Бу Зоҳир образи орқали берилади. У – ёш тадқиқотчи. Ойбекнинг “Навоий” романи юзасидан илмий ишга қўл урган. Минъчаков ва Отарўзи кабиларнинг алдови ва қўрқитуви билан романнинг миллатчилик руҳидаги асар деб қоралаб чиқади. Кейинчалик виждан қийналади, виждан унга тинчлик бермайди. Ойбекнинг мажрух бўлишига ўзининг ҳиссаси борлигини билгани ҳолда адига олдига бош уриб келади. Чунки Ойбекнинг жўмардлигини, юксак онг эгаси бўлганидан унинг фожиасини тўғри англашини қалбан ҳис қиласди. Бу ҳаётий ҳақиқат ҳам жуда таъсиран берилигани учун катта ибрат мактабига эгадир.

“Зоҳир. Кечирим сўрагани келдим (Бирдан тиз чўкади) Ойбек aka!.. Кечиринг!.. Сизга қилган тухматим ўзимга урди! Итдан биттар ҳор бўлдим. Ҳамма мендан юз ўтирган!.. Ҳамма! Дунёда яшагим келмай қолди! Мени тепиб тепкиланг-да, лекин кечиринг! (У тиззалаб Ойбек томонга юради).

Зарифа. Вой, бу нима қилганингиз!..

Зоҳир. Зарифа опа! Ойбек aka!... Самимият тик туради! Садоқат тик туради! Мендай ёлгон, мендай хиёнаткор қандай тик турсин?! Мен адо бўлдим! На дўстим қолди, на сирдoshim!..

Ойбек ҳамон “турсин” дегандай ишора қилияпти. У Зоҳирнинг бу аҳволидан ҳижолатга тушгандай, уялгандай...

Ойбек. Бу Одам! ... Одам!...

Зарифа. Демак. Ҳали одам экансиз!..” (42 – 43-бетлар).

Драмада ҳаёт ҳақиқати деярли тўлиқ бадиий ҳақиқатга айланган. Ойбек фожиаси орқали давр фожиаси ёрқин ифодаланган. Драманинг истиқлол даври адабиётида ва инсоният маънавиятида тутган ўрни шундадир.

Иzzat Султоннинг “Янги одамлар” (“Ёшлик”, 2003 йил, 2-сон) драмасида янги одамлар деганда мустақилликнинг

маҳсули бўлган тадбиркорлар образини, яъни Азамат ва Сайджонларни назарда тутмаган. Балки ҳаётга, турмуш икир-чикирларига янгича қараш, қадимдан хукм суриб келган анъана нарла ёпишиб олмаслик, ўз тақдирини ўзи белгилашга мойиллик, янги тафаккур концепциясига эгаликни ҳам назарда тутган.

Драма қаҳрамонларининг деярли барчаси янги тафаккурга эга. Шундан уларнинг тутган ишлари аввалгиларникига ўхшамайди. Одамларга берган баҳоси ҳам ўзгача ва тўғри. Драманинг ҳар воқеасида давр ва замоннинг нафаси уфуриб туради. Азамат отасининг касби – ўқитувчи. Лекин устачиликдан ҳам хабари бор. Тирикчилик тақазоси билан ёзги таътилда шаҳарга ишлагани келади. Академик Йўлдош Комилов боги қаршисидаги хонадонда иморат қурганда, ниҳоятда гўзал ва одобли, тийрак қизни икки ой давомида кузатиб, ўғлига муносиб кўради. Сурхондарёга қайтгач, бу ҳақида ўғли Азаматга айтади. Унинг таърифини эшишиб Азаматда ҳам қизиқиш ортади, қалбida ўзи ҳам изоҳлашга ожиз қандайдир туйғу юзага келади. У академик Йўлдош Комиловнинг невараси Дилбар эди. Унинг совчиси ниҳоятда кўп эди. Онаси Озода эса қариндош-уругчиликдан андиша қилиб, жияни Акбар оғиз очганда унга мойиллик билдиради, лекин дил-дилдан эмас. Шундан қизини кўпда мажбур қилмайди. Бироқ қариндош-уругчилик ҳам арқони бутунлай узиб ташлашга изи бермайди. Шу туфайли оиланинг жуда яқин қадрдони собиқ вазир Музаффар отадан Дилбарни кўндиришни илтимос қиласди. У эса: “Бу сафар сенга кўмак беролмайман. Дилбарни ўзига кўйиб Бер. Ўз тақдирини ўзи ҳал қиласин”, -- деб доно фикр айтади. Чуники Музаффар ота Акбарнинг отасини яхши биларди. У ўта кетган лаганбардор, таъмагир, порахўр шахс эди. Акбарга эса отасининг бу хусусиятлари устига эътиқодсизлик ва пастанкашлиқ ҳам кўшилган. Шундан Музаффар ота Озода онанинг илтимосини икки асосга суянган ҳолда рад этади. Биринчи, Дилбардай гўзал ҳилқатни Акбардай мунҳат шахсга раво кўришни истамаганидан, иккинчи, кўнгилига буйруқ бериб бўлмаслигини яхши англаганидан.

Қалбаги туйғу Азаматга тинчлик бермасди. У Сурхондарёдан отаси айтган маконга Дилбарни қидириб келади. Аввало, уни қандай учратиш хусусида бош котиради, ҳар хил хаёлга боради. Ҳатто қайтиб кетмоқчи ҳам бўлади. Бироқ қалбидаги

билкувва қуч табиатидаги қатъийликни ишга туширади. Натижада ўзига-ўзи совчи бўлиб, Дилбар хонадонига киради. Озода опа Азаматнинг гапини тинглагач, ҳайрон бўлади. Уни довдир бир кимса деб билади. Узок ўлка – Сурхондарёдан келганлигини билгач, ўзи рад жавобини бермайди-да, қизига хавола қиласди. У Дилбарнинг ўхшатиб жавобини беришга ишончли комил бўлишига қарамай, ундаги қатъийлик, ўзига бўлған ишонч уни ўзига ром қилиб кўяди. “Киройи куёвинг бўлса, шундай бўлса”, – деган орзу қалбининг бир чеккасида нидо беради. Дилбар билан учрашгач, иккаласининг қалбида ўзгариш содир бўлади, яъни гўё бир-бири учун яратилган-дек ҳис қилишади. Дилбар туғилган кунига таклиф этади. У Азамат билан сұхбат қургач, Акбарнинг ниҳоятда майда одам эканлигини ҳис қиласди. Музаффар ота Озода опадан Азаматнинг тутган ишини эшиггач, миясига бир фикр келади. У кўпдан бери Дилбар ойисининг гапига кириб қўймаслигини, унинг тенги Сайджон деб ўйлаб юрарди. Сайджон уддабурон, тадбиркорлик ишини ўрнига қўйган, гайратли, ҳалол йигит эди. Музаффар отанинг қистови билан Сайджон ҳам Азаматнинг тутган йўлини тутиб келганда, Дилбарга эмас, унинг қариндоши Муаттарга дуч келади. Ўз тенгини топмаган икала қалбларнинг руҳлари бир-бирларига мос тушиб, кўнгиллар тошишади. Туғилган кунда Азаматнинг олиб келган гулдастаси кичик бўлса-да, энг чиройли, мантиқли тостни у айтади. Бу ҳол даврадагиларнинг диққатини ўзига жалб қиласди. У шу ерда Акбар билан кўришади. Улар бир-бирини талабалик пайтидан билишар экан. Бу даврда курсдошлар Азаматни чайқовчи деб ерга уришарди. Улар ёлғиз қолишганда, Акбар уни менсимай, ўша гапни ёдига солади. Дилбарнинг унга мойиллигини билгач, бу гапни Азаматни ерга уриб, унга ҳам айтади. Дилбар бу гапдан куйинса-да, Акбарнинг табиатини билгани учун ишонмайди. Дилбар ҳақиқатни Азаматнинг ўзидан билишга интилади. Азамат: “Галабалик йилларимда тинг юрмасдим, тирикчилик қиласдим. Шундан улар мени шундай аташарди”, – дегач, ундан юз ўгиради. Эртаси куни Музаффар ота хурсанд ҳолда келиб, Озода опага: “Кеча телевизор кўрдингми, тадбиркор ҳақидаги лавҳани?” – деб сўрайди. Йўқ жавобини олгач, “Бизда шундай қобилиятли одамлар борлигидан киши хурсанд бўлади. Сурхондарёлик фермер ҳақида кўрсатув берди. У шундай ишлар қилибдики, кўриб ақлинг шошиб қолади. Кам

таъминланган одамларга моддий ёрдам кўрсатишдан ташқари, қишлоғига янги типовой мактаб куриб берибди. Германия билан ҳамкорликда янги корхонанинг ишга туширишга шартнома тузибди. У ишга тушса, юзга яқин одам иш билан таъминланар экан. Биласанми, у ким? У сен довдир санаган Азамат”, – дейди. Озода опа у талабалик йилларида чайқовчи бўлган экан деганда, бу гапга Музаффар ота кулиб: “Бу гуноҳ эмас. Мен ҳам чайқовчилик қилганман талабалик йилларимда. Шундай қилиб, ўзимни ўзим таъминлаганман ва уйга ҳам ёрдам берганман”, – дейди. Бу гапни Дилбар ҳам эшитади. У шошиб иш тутганидан афсусда эди, мазкур сўзларни эшитгач, қаттиқ надомат чекади. Азамат зукко зеҳни орқали Дилбар ўзига иисбатан бефарқ эмаслигини, ўзини унинг қалбидан жой олганини ҳис қилганди. Шундан ва табиатидаги қатъийлик хусусиятига кўра ундан умидини узмаганди. Дилбарнинг “Уйингизга кетинг”, – дейишига қарамай, кетмаганди. Ўтган маълум муддат уларни синовдан ўтказди. Натижада бир-бирига интиқлигига ишонч ҳосил қиласди. Азаматга рўпара келган Дилбар унинг Сурхондарёга бирга кетиш таклифига рози бўлади. Демак, ўз тақдирини ўзи яратиш керак деган фалсафий ҳақиқатга амал қиласди. Кўриб ўтганимиздек, бу фикр бутуни драма воқеалари бўйлаб қизил ипдек ўтади. Қаҳрамонларнинг барчаси янгича караш, янгича тафаккурга эга. Айниқса, фермерлик, тадбиркорлик моҳияти очиб берилгани драманинг “Янги одамлар” номини оқлайди. Маълумки, Иzzат Султон катта адабиётшунос олим бўлганлиги учун унинг асарларида илмий тафаккур бадиийлиги билан омухталашиб кетган. Афсуски, мазкур драмада ундей бўлмаган. Яъни илмий тафаккур ўзининг бадиий асосини етарли топмаган. “Ойдин кеча асирилиги” (Гулистон, 2000 йил, 2 – 3-сонлар) ҳақида бундай дея олмаймиз. Чунки бунда олимлик билан ижодкорлик уйғунликка эга. Асар катта фалсафа ва теран руҳият асосига қурилган. Воқеалар мантиги қаҳрамонлар мантигини белгилаган.

Драма руҳий ҳолатдан бошланади. Саодат ойдин кечада ойга қараб: “Сенинг исканжангдан қутилганим чин бўлсин, худога шукур. Мени энди ўзингга ром қилма”, – деб шошиб уйга киради. Бунинг сабаби сир тутилади. Бу нарса кишини ўйлантиради, тафаккур қилишга ундейди. Маълумки, ойдин кеча севишганларнинг висол онларига имкон берадиган муҳит ҳисобланади. Бундан ташқари, “Гимсоллар тилсими” китоби-

да шундай дейилади: “Ривожланган асотирларда ой, одатда, аёл маъбуда қиёфасида шакллантирилади. Масалан, юнонлар Артемидаси, римликлар Дианаси содда овчилик маданиятларида ой эркак деб ҳисобланади ва аёллик шаҳвоний ҳётини белгилаб беради”¹. Бундан кўринадики, Саодатнинг ойга муружаат қилиши мантиққа эга. Чунки у ҳиссиётлар оламидан ўзини халос қилишга куч топа олади. Бу виждоннинг жунбушга келиши ва унинг даъватидир. Воқеалар давомида бунинг сирига етамиз.

Саодат уйидан чиқиб кетаётганини қайниси Обиджон кўриб қолади. У келиб ойиси Баҳринисога: “Келинингиз кетди, Яна севишганининг олдига”, – дейди. Баҳринисо бунга ишонмайди. У билан алоқасини узган. Бир марта қилган хатосига виждон азобида юрибди. Яна бориши мумкин эмас, деб ўғлининг гапини инкор қиласди. Обиджон дарвозани ичидан илмогини солиб қўяди. Тезда қайтиб келган Саодат уйга киролмай, мактаб шогирди Ҳабибанинг уйига бориб тунашга мажбур бўлади. У ўшандаги энди ўзини безовта қилмаслигини Собирга айтиб, алоқага бутунлай чек қўйишга отланган эди. Йўлда яна ҳиссиётлар туйғусига тутқун бўлиб қолишидан чўчиб ортга қайтган эди.

Воқеалар замон иллатларига, яъни 30 – 50-йиллардаги қатағонликка тенглашиб қолган 80-йиллар охиридаги “пахта ишига” уланиб кетади. Маълум бўлишича, Саодатнинг эри пахта заводининг инженери Ҳошимжон тухмат билан қамалиб кетган. Севишиб турмуш қурган Ҳошимжон кейинги йилларда иш билан бўлиб, Саодатга эътиборсизлик қилган. Бошига гашвии тушган пайтларида бу нарса янада авж олди. Ўз ёғига ўзи қовурилиб, суюнчикқа зор, меҳрга ташна пайтида Собир пайдо бўлади. Саодатга севги изҳор қилганда, унга мойиллик билдиради. Ҳошимжон эса қамоқдалик пайтида ўз хато ва кильмишларини бир-бир кўз олдига келтиради. Ва Саодатга нисбатан ноҳаклик қилганини англаб олади. Оташин эҳтиросга тўла хатлар ёза бошлайди. Биринчи хати келгандада ёқ, Саодат катия хатога йўл қўйганини англаб етиб, Собир билан алоқасини узади. Бироқ маҳалла-қўйдаги гап-сўзнинг оловини ўчира олмайди.

Мустақиллик шарофати билан Ҳошимжон қамоқдан озод қилинади. Бу хабарни эшитиб бутун маҳалла хурсанд бўлади.

¹ Дилрабо Мингбоева. Тимсоллар тилсими. –Т.: Янги аср авлоди. 2007. 29-бет.

Лекин бир масала уларнинг табиатини хира қилиб туради. Саодатнинг хиёнатини Ҳошимжон эшитиб қолса, ноҳақликдан вайрон бўлган кўнглини яна вайрон бўлишидан ва оила бузилиб, икки гўдакни отасиз қолишидан хавотирга тушишади. Шу ўринда маҳалла оқсоқоли ҳақиқий оқсоқоллик ролини ўтайди. У барчага бу ҳақида оғиз очмасликни тайнинлади. Қитмир тенгқури Ўринбой ота билан ўзи гаплашади. Оилада Баҳринисо ўғли Обиджоннинг келинойисини кечира олмаётганини билгани учун унга ўз оналик сўзини айтади. Бироқ Ўринбой чол барибир ҳам қитмирилигини қиласди. У Обиджоннинг Саодатга нисбатан муносабатини билгани учун уни уйдан ҳайдаса, ҳақиқий йигитлик, укалик ишини қилган бўлади, деб гиз-гизлайди. Оқибатда у Саодатни уйдан ҳайдайди. У ўзининг қилган ишидан вижданан қийналиб юрганда, бу нарса унга ортиқчалик қиласди. Бу шармандаликтан ўлимни афзал билиб, бунга қарор қилиб турганда, қизининг келиб қолиши жонининг омон қолиш имконини бсрари. Саодатнинг қилиб қўйган ишидан пушаймонлиги ва виждан азобида қийналишлари ишонарли ҳамда таъсирчан берилган. Шундан бу ҳолат катта аҳамият касб этади.

Иzzat Султон вазиятни олимона идрок этади ва фалсафий ечим топади. Яъни ёмонликка ёмонлик билан эмас, яхшилик билан ёндашиб ғоясини илгари суради. Бу асрлар давомида катта синовлардан ўтган ва жуда яхши самара берган Шарқ фалсафасининг асосий қарашларидан биридир. Баҳринисо образида маънавий етук, аёл қалбини теран тушунадиган ва англайдиган шахсни яратиб, кўп қайноналарга ибрат мактабини юзага келтирганки, унинг оила мустаҳкамлигига ҳамда инсоният оламида аҳамияти каттадир. Шунингдек, Абдураҳим образида маҳалла оқсоқолининг моҳиятини очиб берганлигини алоҳида таъкидлаш лозимдир. Драма мана шу хусусиятлари билан маънавият ва адабиёт оламида катта ўрин тутади.

Текшириш саволлари:

1. Ҳаётдаги талотўмлар ва инсоний таназзулнинг асоси нимада?
2. Диора қандай табиат ва қисматга эга?
3. Сарвар таназзулининг асоси нимада?
4. Инсонийликнинг маънавий ва ижтимоий ҳаётда тутган ўрни қандай?
5. Бўрсиқ образи неча ва қандай мақсадга хизмат киласди?

6. “Бир кошона сирлари” драмаси қандай хусусиятга эга?
7. Шахслар қисматида давр фожиаси қандай ифодаланган?
8. Шахслар маънавияти деталларда қандай ифодаланган ва улар қандай рамзларга эга?
9. “Янги одамлар” драмаси қандай концепцияга эга?
10. “Ойдин кеча асирилиги” драмаси нима асосига қурилган?

Таянч тушунчалар

Диалог – икки ва ундан ортиқ шахс орасидаги узлуксиз нутқ шакларидан бири. Драмада диалог драматик ҳолатни ривожлантирувчи асосий воситалардан бири ҳисобланади.

Инттрига – эпик ёки драматик воқеаларнинг мураккаб зиддиятлар асосига қурилиши.

Монолог – бадий асарда иштирок этувчи шахсларнинг ўз-ўзига ёки ўзгаларга қаратилган нутқи. Монолог диалогдан нутққа бошқа шахсларнинг аралашмаслиги билан фарқ қиласди.

МУНДАРИЖА

| | |
|------------|---|
| Кириш..... | 3 |
|------------|---|

I БОБ. ИСТИҚЛОЛ ДАВРИ ШЕЪРИЯТИ

| | |
|---|----|
| 1.1. Истиқлол моҳияти акс этган шеърият..... | 5 |
| 1.2. Миллий гоя ва миллий мафкура ифодаси..... | 16 |
| 1. 3. Ислом асотирлари ва ғояларининг бадий талқини.. | 34 |
| 1.4. Муҳаббат азалий ва абадий мавзу..... | 45 |
| 1.5. Модернизм ва модерн йўналишдаги шеърият..... | 62 |

II БОБ. БУГУНГИ ЎЗБЕК ДОСТОНЧИЛИГИДА ЖАНР ВА ШАКЛ ИЗЛАНИШЛАРИ ҲАМДА МУАММОЛАР ТАЛҚИНИ

| | |
|--|-----|
| 2.1. Лирик достоннинг хусусияти ва бош образи..... | 76 |
| 2. 2. Лиро-эпик достонлар..... | 87 |
| 2. 3. Лиро-драматик достонлар..... | 99 |
| 2. 4. Модерн тамойилидаги достонлар..... | 110 |

III БОБ. ҲОЗИРГИ ЎЗБЕК ҲИКОЯЧИЛИГИДА ЯНГИЛАНИШ ВА ЯНГИ ТАМОЙИЛЛАР

| | |
|---|-----|
| 3. 1. Иймон ва эътиқод масаласининг бадий ифодаси...128 | |
| 3.2. Ижтимоий, маънавий, ахлоқий масаланинг бадий талқини..... | 142 |

| | |
|--|-----|
| 3. 3. Миллийлик ифодаси ва миллий характер, фожийлик моҳияти..... | 152 |
| 3. 4. Модернизм руҳидаги ҳикояларда характер ва ғоя.... | 164 |

IV БОБ. ҲОЗИРГИ ЎЗБЕК ҚИССАЧИЛИГИНинг ҚИРРАЛАРИ

| | |
|---|-----|
| 4. 1. Ижтимоий-инсоний иллатлар ифодаси..... | 176 |
| 4. 2. Мутелик руҳиятининг туб асослари..... | 189 |
| 4. 3. Маънавий-ахлоқий ва фожийликнинг бадиий ифодаси..... | 201 |
| 4. 4. Детектив йўналишдаги қиссалар..... | 212 |

V БОБ. БУГУНГИ ЎЗБЕК РОМАНЛАРИДА ДАВР, ТАРИХ, ЗАМОН МАСАЛАСИ ВА ЯНГИ ТАМОЙИЛЛАР

| | |
|---|-----|
| 5.1. Давр. муҳит ва инсон фожиасининг бадиий ифодаси..... | 225 |
| 5. 2. Тарих ва тарихий шахсларининг бадиий ифодаси..... | 247 |
| 5. 3. Янги йўналишдаги романлар ва образлар..... | 265 |
| 5. 4. Истиқлол даври муаммоларининг инсон табиати, маънавияти, руҳиятидаги бадиий ифодаси..... | 275 |

VI БОБ. ИСТИҚЛОЛ ДАВРИ ДРАМАТУРГИЯСИ

| | |
|--|-----|
| 6.1. Истиқлол даври драмаларида тарихий воқелик ва бадиий тўқима..... | 290 |
|--|-----|

| | |
|--|-----|
| 6. 2. Ижодкор тарихий шахслар тимсолида инсонийликнинг бадиий ифодаси..... | 308 |
| 6. 3. Комедияда ҳаётний ва инсоний иллатларнинг бадиий ифодаси..... | 324 |
| 6. 4. Ҳаётдаги талотўмлар, инсоний таназзул, давр фожиаси ва ахлоқий-психологик ҳолатларнинг бадиий ифодаси..... | 343 |

Ҳакимжон КАРИМОВ

ИСТИҚЛОЛ ДАВРИ АДАБИЁТИ

Дарслик

Мұхаррир *Ж. Құнисhev*
Бадий мұхаррир *A. Aқилов*
Техник мұхаррир *T. Смирнова*
Сақиfalовчи *B. Усмонов*

Босишга 07. 10. 2010 йилда рухсат этилди. Бичими 60x84 _{1/16}.
Хажми 22,75 б. т. Адади 1000 нусха.
Буюртма № 45.

“YANGI NASHR” наşriёti

“MEDIANASHR” МЧЖ босмахонаси
Тошкент шаҳри, Чилонзор кӯчаси, 1-уй.